

Aṅguttaranikāyaṭṭhakathāya

Ekakanipātassa Atthavaṇṇanābhūtā

Bhadantasāriputtattherena katā

Sāratthamañjūsā nāma

Aṅguttaraṭīkā

(Paṭhamo bhāgo)



Romanized from Myanmar version published in 1961

© Buddhasāsana Society

Tīkā Series 18

First published in 2008 by Ministry of Religious Affairs
Yangon, Myanmar

THE PĀLI ALPHABET
IN BURMESE AND ROMAN CHARACTERS

VOWELS

အ a	အာ ā	အိ i	အို ī	အု u	အုု ū	ဧ e	ဧု o
-----	------	------	-------	------	-------	-----	------

CONSONANTS WITH VOWEL "A"

အ ka	ဧ kha	ဧ ga	အ gha	ဧ na			
ဧ ca	ဧ cha	ဧ ja	ဧ jha	ဧ ña			
ဧ ၑ ta	ဧ ၑ tha	ဧ ၑ da	ဧ ၑ dha	ဧ ၑ na			
ဧ ta	ဧ tha	ဧ da	ဧ dha	ဧ na			
ဧ pa	ဧ pha	ဧ ba	ဧ bha	ဧ ma			
အ ya	ဧ ra	အ la	ဧ va	အ sa	ဧ ha	ဧ လ a	မ m

VOWELS IN COMBINATION

။ အ = ā	။ အ = i	။ အ = ī	။ အ = u	။ အ = ū	ဧ = e	ဧ ။ ဧ = o
---------	---------	---------	---------	---------	-------	-----------

အ ka	အာ kā	ဧ ki	ဧ kī	ဧ ku	ဧ kū	ဧ ke	အား ko
ဧ kha	ဧ khā	ဧ khi	ဧ khī	ဧ khu	ဧ khū	ဧ khe	ဧ ခဲ့ kho ...

CONJUNCT-CONSONANTS

အိ kka	ဧိ ng̥ha	ဧိ ဏ̥tha	ဧ ဓhyā	ဧ ပla	ဧ လla
ဧ ကkha	ဧ ကca	ဧ ဏ̥da	ဧ ဓhva	ဧ ပba	ဧ လya
ဧ ကya	ဧ ကccha	ဧ ဏ̥na	ဧ ဓnta	ဧ ပbha	ဧ လlha
ဧ ကri	ဧ ဂjja	ဧ ဏ̥ha	ဧ ဓntva	ဧ ပbya	ဧ လvha
ဧ ကla	ဧ ဂjjha	ဧ tta	ဧ ဓntha	ဧ ပbra	ဧ လsta
ဧ ကva	ဧ ဉñña	ဧ ttha	ဧ ဓnda	ဧ ပmpa	ဧ လstra
ဧ ကhya	ဧ ဉñha	ဧ tva	ဧ ဓndra	ဧ ပmpha	ဧ လsna
ဧ ကhva	ဧ ဉñca	ဧ tya	ဧ ဓndha	ဧ ပmba	ဧ လsya
ဧ ကgga	ဧ ဉñcha	ဧ tra	ဧ ဓnna	ဧ ပmbha	ဧ လssa
ဧ ကgħa	ဧ ဉñja	ဧ dda	ဧ ဓnya	ဧ ပmma	ဧ လsma
ဧ ကgya	ဧ ဉñjha	ဧ ddha	ဧ ဓnha	ဧ ပmya	ဧ လsva
ဧ ကgra	ဧ ဉñta	ဧ dya	ဧ ဓppa	ဧ ပmha	ဧ လhma
ဧ ကnka	ဧ ဉñtha	ဧ dra	ဧ ဓppha	ဧ ပyya	ဧ လhva
ဧ ကnħha	ဧ ဉñd̥da	ဧ dva	ဧ ဓpya	ဧ ပyha	ဧ လlha
ဧ ငngā					

၁	၂	၃	၄	၅	၆	၇	၈	၉	၀
---	---	---	---	---	---	---	---	---	---

Nidānakathā

Sirimatā amhākamī Buddhena Bhagavatā Arahatā Sammāsambuddhena
sakalalokapatthaṭamahākaruṇāsinehasiniddhadayena sabbattha
appaṭihatasabbaññutānāvaraṇādiñāṇobhāsamujjalitena
sanarāmaralokagurunā sadevakassa lokassa atthāya hitāya sukhāya dhammo
ca vinayo ca desito paññatto, so pariyattipaṭipattipaṭivedhavasena vibhatusu
tīsu saddhammesu pariyattisaddhammo nāma, tadeva ca sāsanaṭhitiyā
pamāṇam, satiyeva hi tasmim itare uppajjanti, nāsatī, vuttañhetam
Aṅguttaraṭṭhakathāyam—(Am-Tṭha 1. 72 piṭṭhe)

“Suttantesu asantesu, pamuṭṭhe vinayamhi ca.
Tamo bhavissati loko, sūriye atthaṅgate yathā.

Suttante rakkhite sante, paṭipatti hoti rakkhitā.
Paṭipattiyam ṭhito dhīro, yogakkhemā na dhamṣatī”ti.

Teneva ca saddhammaciraṭṭhitikāmino theravarā Mahākassapādayo
pariyattisaddhammasaṅkhātam Tepiṭakam Buddhavacanam
saṅgītimāropetvā Buddhasāsanam samrakkhimsu, tamkālikā ca rājāno
saddhammābhivuddhikāmā tesam saṅgītikārānamanubalappadānenā
sahāyattamupāgamum.

Tathā hi catūhādhikatimāsaparinibbute Bhagavati
Mahākassapattherappamukhehi pañcahi arahantasatehi Rājagahe **paṭhamā**
dhammasaṅgīti katā rañño Māgadhassa Ajātasattuno visesānuggahamādāya.

Vassasataparinibbute ca Bhagavati Mahāyasattherappamukhehi sattahi
arahantasatehi Vesāliyam **dutiyā dhammasaṅgīti** katā, tadā ca Kālāsoko
mahīpati tesam sahāyattamupāgato.

Tathāgataparinibbānato pana dvinnam vassasatānamupari
pañcattimāsatime vasse Mahāmoggaliputtatissattherappamukhehi
arahantasahassehi Pāṭaliputte **tatiyā dhammasaṅgīti** katā
sakalalokapatthaṭayasassa Dhammāsokassa bhūpatino niratisayānuggaham
laddhāna.

Sammāsambuddhaparinibbutito pana catunnām vassasatānamupari paññāse vasse Laṅkādīpe Vaṭṭagāmaṇirājino kāle Mātulajanapade Ālokaleṇe **catutthī dhammasaṅgīti** katā pañcahi arahantasatehi Mahādhammarakkhitattherappamukhehi, yā loke “potthakāropanasaṅgīti”ti pākaṭā.

Buddhavasse pana catussatādhikadvisahassānamupari pannarasamasāñkhyām sampatte imasmimpi Marammaraṭhe **Mindonnāmassa** mahādhammarājino kāle Mandalay itipākate Ratanāpuñjanagare **pañcamī dhammasaṅgīti** katā catussatādhikadvisahassattherehi Dakkhiṇārāmavāsītipiṭakadharabhadantajāgarattherappamukhehi tasseva rañño anavasesānuggahamādāya, yā loke “selakkharāropanasaṅgīti”ti vuccati.

Itthām sudaṁ Buddhassa Bhagavato sāsanām iddhañceva hoti phītañca vitthārikām bāhujaññām puthubhūtam yāvajjatanā.

Cirakālato panetām Buddhavacanām lekhaparamparāya ceva muddaṇaparamparāya ca anekakkhattum parivattiyābhataṁ na sakkā dāni vattum “paṭhamadutiyatatiyādisaṅgītimāropitākāreneva sabbaso parisuddhan”ti, aññadatthu panādhunikapotthakesu saṁvijjamānehi kehici pamādalekhādisañjātakhalitādhikaparibhaṭṭhapāṭhehi malīnamevetām, tathā hi nānādesiyapotthakesu aññamaññām saṁsandiyamānesu anekā visadisapāṭhā dissanti.

Tatoyeva ca Buddhavacanassa suparisuddhabhāvākāmino mahātherā sasatthantarapiṭakattayakovidā dhammadvinayaṁ vācentāyeva te khalitādhikaparibhaṭṭhapāṭhe disvā evām samacintesum kathesum ca—

“Advayavādino suparisuddhavacanassa tassa Bhagavato pāvacanām advayām suparisuddham nimmalamevassa, imesu pana pāvacanapotthakesu aññamaññām visadisā ceva aparisuddhā ca pāṭhā dissanti, nissamsayām kho ayameva mūlapāṭho, yo nesām yuttisampanno, tadañño pana pamādalekhapāṭhoyeva, tādisā ca dissanti ādhunikapāvacanapotthakesu kismiñci kismiñci ṭhāne.

Kāmañcetedāni na tāva bahutarā, yāva yathābhūtam Pāliyā atthām paṭisedheyum, etarahi pana asodhiyamānā te gacchante gacchante

kāle bahutarā bahutarā jāyeyyūm, tamkālikā ca pacchimā janā te sodhetum asamatthā yathādhippetam Pāliyā attham na sammā jāneyyūm, evamete saddhammassa sammosāya antaradhānāya saṁvatteyyūm.

Vuttam hetam **Aṅguttaranikāye**— (Ām 1. 60 piṭhe)

‘Dveme bhikkhave dhammā saddhammassa sammosāya antaradhānāya saṁvattanti, katame dve, dunnikkittam ca padabyañjanam attho ca dunnīto, dunnikkittassa bhikkhave padabyañjanassa atthopi dunnayo hoti, ime kho bhikkhave dve dhammā saddhammassa sammosāya antaradhānāya saṁvattantī’ti.

Yamnūna mayam te sodhetvā nimmalam parisuddham Buddhavacanam sampatiṭṭhāpeyyāma, tadassa saddhammaciraṭṭhitiyā bahujanahitāya bahujanasukhāya ca, tam pana na sukaram sampādetum aññatra dhammadikarājūnamanuggahenā”ti.

Sā panāyam kathā patthaṭā sādhujanaparamparāya, sutā ca **U Nu** nāmadheyaggamahāmaccappamukhehi Marammaratṭhissarehi, sutvāna te evam samacintesuṁ sammantayiṁsu ca “na kho panetam amhākam patirūpaṁ, ye mayam pubbakehi dhammikehi dhammarājūhi samanuggahitassa Buddhasāsanassa parihānikāraṇam passamānāyeva ajjhupekkhitvā appossukkā vihareyyāma, yamnūna mayam sāsanopakārupāye sampādetvā visesato ca ādhunikapāvacanapotthakesu dissamāne saṁsayaṭṭhāniye pamādalekhapāṭhe saṁsodhetukāmānam mahātherānam ajjhāsayam paripūretvā Buddhasāsanam anuggaṇheyyāmā”ti, atha te sabbepi sāsanānuggahāya katasanniṭṭhānā ahesum.

Anuggahitukāmehipi ca tehi na sakkā āṇāya kātum vinā mahājanacchandasañjātopadesena, mahājanappatinidhibhūtā hi etarahi Marammikā rājāno, upadeso ca santhāgarasamitiyam mahājanappatinidhibhūtānam matisajīvānam chandeneva samuppajjati, tasmā Buddhasāsanānuggahāya santhāgarasamitiyam ekam dhammadupadesam paññāpetvā **Buddhasāsanasamiti** nāma mahāsamiti samuṭṭhāpitā. Tassā kho pana samitiyā sabhāpati hoti *Thadosirīsudhammopādhidhārī Sir U Thwinvhayo* mahāsetṭhi, upasabhāpati pana *Thadosirīsudhammopādhidhārīyeva U Thein Maungvhayo* padhānaḍḍavinicchayamandiramhi mahākkhadassādhipati, sabbakammavidhāyako pana

hitadharo *Thadomahāsaresīthūpādhiko U Chan Htunvhayo*
 upadesikādhipatipadhānanītivedimahāmantī. Bhaṇḍuppādako pana
 rāṭhissarānam patinidhibhūto *U Win nāmadheyyo*
 sāsanāṭhānikamahāmatto.

Atha te Buddhasāsanasamitikā “yāyeva kho panatthāya samuṭṭhāpitāyām samiti, tadatthamidāni visesato kāhāmā”ti Marammaraṭṭhebhipākaṭaguṇasamudayatasamudite tattha tattha padhānanāyakabhūte paropāṇīsamahāthere dīghadassino nimantiya evamārocesum “ayām bhante amhākām Buddhasāsanamahāsamiti Buddhasāsanānuggahatthāyeva rāṭhissarānam dhammupadesena samuṭṭhāpitā, saceḍāni bhante pubbe viya dhammasaṅgītim katvā sāsanām pagaṇhitum yujjeyya, mahātherā ca tathā kātumiccheyum, vissatthāva bhante karontu, mayām tattha kāyañāṇapaccayabalehi niravasesam byāvatā bhavissāmā”ti.

Atha kho te mahātherā “dhammasaṅgītim karissāmā”ti katasanniṭṭhānā evām pativedesum “kattabbāyeyesā dhammasaṅgīti, nesā na kattabbā, tasmā mayām dāni piṭakapotthakāni pañcamasaṅgītisilālekhāya samānetvā tāniyeva sarīram katvā Pālisāmsodhanapubbaṅgamaṁ dhammasaṅgītim kassāma, yāya ādhunikapotthakesu paramparāparivattanavasena sañjātā pamādalekhapāṭhā ca nirākarīyissanti, visodhitañca suparisuddhaṁ pāvacanamūlam labhitvā tam muddāpetvā sakalaloke nānāraṭṭhesu nānādesesu byāpanavasena Buddhasāsanassa ciraṭṭhitī ca sādhiyissati, sabbe ca Theravādikā rāṭhā Marammaraṭṭhasahitā ekato hutvā Buddhasāsanām abhūtapubbapaggahena pagaṇhitum labhissanti, sā ca purimikā pañca saṅgītiyo upanidhāya **chaṭṭhasaṅgīti** nāma bhavissati, tañca sabbam bhavissati bahujanahitāya bahujanasukhāya atthāya hitāya sukhāya devamanussānam, bahūni panettha āvassakakiccāni paṭikacceva samādapetabbāni tumhākamāyattāni, tasmā saṅgītikālavavatthānādikiccam tumhākamīyeva bhāro hotū”ti.

Atha te Buddhasāsanasamitikā sāsanapālakānam mahātherānam chandañca ruciñca samādāya ovādañca sirasā sampaṭicchitvā therānam ceva attano ca kattabbakiccānam pariniṭṭhānasamayām sallakkhetvā “ayām chaṭṭhasaṅgīti Sammāsambuddhaparinibbānato catussatādhikānam dvinnam vassasahassānamupari

atṭhanavutime vasse vesākhapuṇḍnamito paṭṭhāya ārabhitabbā, dve ca vassāni kattabbā, pañcannam ca sāsanavassasahassānamupadḍhavasse vesākhapuṇḍnamiyeva pariniṭṭhāpetabbā”ti saṅgītikālam vavatthapesum.

Tato paṭṭhāya ca te punappunam sannipativā sammantayitvā saṅgītiyā pubbakiccesu nirantaram byāvatā honti, “mahantam kho Jinasāsanam mahatiyāyevetam pūjāya pūjanīyan”ti mantvā tehi kārāpitāni mahantamahantāni sāsanamandirāni, tattha saṅgītim kurumānassa bhikkhusamghassa sukhasannisajjattham sannipātaṭṭhānabhūtam mahantam saṅgītimandiram Yangon nāma rājadhāniyam **Sirīmaṅgalatthale Kaba Aye** (Lokasāma) nāmakassa cetiyassa āsanne selapabbataguhāvesena kārāpitam tibhūmakam pāyaso silā-iṭṭhakāyomayam, evam mahantampetam ekasāmvacchareneva pariniṭṭhāpitam iddhiyā maññe nimmitam, tañca bahi Ṭhatvā apekkhattam sayamjātaselapabbato viya dissati, anto pavisitvā olokayataṁ pana olokitolokitaṭṭhānato dassanīyam pāsādikam ramaṇīyam atittikarameva hutvā devavimānamiva khāyati. Tassa panāvidūre adḍhateyyānam saṅgītikārabhikkhusahassānam nivāsappahonakā cattāro iṭṭhakamayā mahāpāsādā ceva iṭṭhakamayāyeva bhojanamahāsālā ca mahāsīmāpāsādādayo ca muddaṇayantasālā ca tatheva kārāpitā.

Mahātherāpi ca “saṅgītikiccam nāma therādhheyam, therānam ovādeneva kattabbam, na vinā tena, tasmā bhikkhusamghassa ceva upāsakānañca sabbampi saṅgītipaṭibaddhamovādam dātum bhavitabbamettha ovādadāyakasamghasabhāyapi”ti
Marammaratṭhadhajūpame aggamahāpaṇḍitopādhidhārino ca raṭṭhovādācariyasammate ca raṭṭhavinayadharasammate ca aññe cābhīpākaṭagarubhāvanīyādiguṇagaṇasamaṅginoti parosatam nāyakamahāthere uccinitvā “chaṭṭhasaṅgīti-ovādācariyasamghanāyakasabham” nāmekam padhānamahāsamghasabham patiṭṭhāpesum, te ca nāyakamahātherā Sambuddhavacanaratanākarapārage vividhasatthantaragahanāsaṅgacārine therānuthere pañcavīsatimatte samuccinitvā “chaṭṭhasaṅgītidhurandharasabhā”ti ca sammannitvā tassā sabhāya bhāram niyyātesum sabbāni saṅgītipaṭibaddhakiccāni samvidahitum. Te ca saṅgītidhurandharasabhikā therā sakalamarammaratṭhe **Nyaung Yan Sayadawti** abhipākaṭam “Aggamahāpaṇḍito” pādhinā ceva “Abhidhajamahāraṭṭhagurū” pādhinā cāti

dvīhi Marammaraṭṭhissarasamappitopādhīhi virājitaṁ jātiyā āsītivassikam
upasampadāya saṭṭhivassam “Bhadantarevataṁ” nāma mahātheravaram
sabhāpatim katvā Tepiṭake Buddhavacane ceva nānāsatthesu ca kovide
dhammācariyakavipadappatte bhikkhū uccinitvā aṭṭhadasādivaggavasena
parosatam Pālīvisodhakavagge ceva sambahule ca paṭīvisodhakavagge
bandhāpetvā visodhanappaṭīvisodhanehi Buddhavacanam suparisuddhattam
paṭīpāpetvā dhammasaṅgītimakaṁsu yathā tam porāṇakasaṅgītikārā.

Evam saṅgītimāropitassa Tepiṭakassa Buddhavacanassa
atthasamvaṇṇanābhūtā Aṭṭhakathāyo ca samvijjanti manoramāya
tantinayānucchavikāya bhāsāya Ācariyabuddhaghosādīhi theravarehi katā.

Tāsampi Aṭṭhakathānam sadesīyamūlehi ceva videsīyamūlehi ca
saṃsanditvā Tepiṭakassa viya Buddhavacanassa
visodhanapaṭīvisodhanavasena mahātherā pāvacanadassino
saṃvaṇṇanākovidā pāṭhasodhanamakam.

Iccevamaṭṭhakathāyo ca pamādakhalitādhika paribhaṭṭhapāṭhānam
nirākaraṇavasena visodhitā ceva paṭīvisodhitā ca hutvā
Buddhasāsanamuddanayantālaye samappitā suṭṭhu muddāpaṇāya.

Muddāpaṇakāle ca Piṭakattayamuddāpaṇe viya mahātheravarā
mūlasodheyyapattapāṭhakehi gahaṭṭhapaṇḍitehi ceva
dhammācariyabhikkhupāṇḍitehi ca anekavāraṁ parisodhitam
osānasodheyyapattam paṭīvisodhitamūlapotthakena ceva aññehi sadesa
desantarika Aṭṭhakathāpotthakehi ca vividhabyākaraṇādisatthehi ca
punappunaṁ saṃsandetvā suvisada paribyattakanḍavāra vākyaccheda
saṅketatañca sampāpetvā mahatā parissamena osānasodhanamakam.

Evametāsampi ca suvisodhitānam Aṭṭhakathānam
saṅgītbhāranitthārakā mahātherā nikhilamarammaraṭṭhe **Maso Yein**
Sayadawti abhipākaṭam “Aggamahāpaṇḍito” pādhinā ceva
“Abhidhajamahāraṭṭhagurū” pādhinā cāti dvīhi
Marammaraṭṭhissarasamappitopādhīhi virājitaṁ jātiyā chasattativassikam
upasampadāya chappaññāsavassam “Bhadantasūriyābhivāṁsam” nāma
mahātheravaram sabhāpatim katvā chaṭṭhasaṅgītikārakapariyāpannehi
therānutherehi

saṅgamma paṭhanatthāya samārabhimśu yathā tam
chaṭṭhasaṅgītidhammasaṅgāyanākāle.

Evametāsam Aṭṭhakathānam samsodhana-muddāpaṇa-sampaṭhanesu
karīyamānesu raṭṭhissaragaṇe aggamahāmacco **U Nu** nāmadheyyo
mahāsayo ceva Buddhasāsanasamitiyām sampati bhaṇḍuppādako
raṭṭhissarānam patinidhibhūto **U Basaw** nāmadheyyo
sāsanāṭṭhānikamahāmatto cāti-imipi tamkiccasampādanāya Pāliсаṅgītikāle
viya mahussāhena byāvaṭā honti.

ICcevametāpi Aṭṭhakathāyo theravādīnekāyikavibudhappamukhānam
satthāgamaratanālayasāragāhīnam veyyākaraṇakesarīnam
accantanimmalañāṇavārinā paridhovitā saṅgamma ca paṭhitā, tā
vibudhappavarekagocarā vimuttirasassādadāyiniyo Piṭakattayassatthām
paribyattām pakāsentiyō cirām vilasantiyo lokatthasiddhirā sādhayantūti.

Tenetām vuccati—

1. Mūlakām pariyattīva, sāsanassa Mahesino.
Pariyattippamāṇā hi, cirām saddhammasaṇṭhitī.
2. Tasmā tam rakkhitum therā, dhammasaṅgāhakā purā.
Rājāno upanissāya, akāṁsu dhammasaṅgahe.
3. Pathamām dhammasaṅgītim, Ajātasatturājino.
Anuggahena katvāna, pālayum Jinasāsanām.
4. Dutiyām tu tathā katvā, Kālāsokassa rājino.
Kāle tamupanissāya, pālayum Jinasāsanām.
5. Tatiyāmpica katvāna, Dhammāsokassa rājino.
Anuggahena Buddhassa, sāsanām abhipālayum.
6. Catutthim pana Laṅkāyām, Vatṭagāmaṇirājino.
Kālamhi potthakārulhaṁ, katvāna pālayum tathā.
7. Imasmim Marammaraṭṭhepi, Mindonnāma narādhipam.
Rajjaṁ samanusāsantaṁ, ratanattayamāmakam.

8. Sannissāya mahātherā, thirasīlā guṇākarā.
Pañcamim dhammasaṅgītim, karontā sāsanat̄hitim.
9. Patthayantā likhāpetvā, silāpaṭṭesu peṭakam̄.
Vāyāmena mahantena, pālayum Jinasāsanam̄.
10. Ittham̄ purā mahātherā, rājāno cāpi dhammikā.
Sāsanam̄ paripālesum, jīvitam̄ viya attano.
11. Tathāpi khalitādāni, dissanti Piṭakattaye.
Paramparāya lekhāya, sañjātā muddaṇena ca.
12. Disvāna te mahātherā, vācentāva Tipetakam̄.
Vuccamānanayenevam̄, cintesum̄ mantayim̄su ca.
13. “Katvāna sādhukam̄ gantha-suddhikam̄ sāsanāyukam̄.
Yamnūna dhammasaṅgītim, kareyyāma mayam” iti.
14. Etamattham̄ suṇitvāna, **U Nu** nāma mahāsayo.
Marammavise **aggā-mahāmacca**dharandharo.
15. “Sāsanāyattakiccāni, sampādentā visesato.
Saṅgītiyañca therānam̄, sampūrentā manoratham̄.
16. Yathā rakkhiṁsu porāṇā, surājāno tathā mayam̄.
Saṁrakkheyāma sambuddha-sāsanam̄” iti cintiya.
17. Mahāmaccehi aññehi, saṅgamehi ca mantiya.
Suppatiṭṭhāpayitvāna, **Buddhasāsanasaṅgamam̄**.
18. Mahātherānamādāya, chandaṁ idha nivāsinam̄.
Aññesu Sīhaļādīsu, videsesu ca vāsinam̄.
19. Kāretvā dhammasaṅgītim, sodhetvā Satthusāsanam̄.
Saddhammānuggahatthāya, karam̄ dalhaparakkamam̄.
20. **Sirīmaṅgalavikhyāte**, thalasmim̄ pavare subhe.
Cetiyassāvidūramhi, **Kaba Aye** itisaññino.
21. Guhāvesena kāretvā, mahāsaṅgītimandiram̄.
Āvāsādiñca bhikkhūnam̄, kāresi muddaṇālayam̄.

22. Ganthasamśodhanam dhamma-saṅgītiyā tu pañditā.
Mahātheravarākamīsu, satimantā punappunam.
23. Muddāpente ca passitvā, mahātherehi pañcahi.
Sodheyyapattamosānam, nimmalattam supāpitam.
24. Katvā suvisadam Buddha-bhāsitam Piṭakattayam.
Yathā muddāpitam āsi, sāsanattham Mahesino.
25. Tathā Aṭṭhakathāyo ca, saṁsodhetvā punappunam.
Suṭṭhu muddāpitā honti, sabbalokatthasiddhiyāti.

Aṅguttarātikā

Paṭhamabhāga

Mātikā	Pitṭhaṇka		
Ganthārambhakathā	1
Ganthārambhakathāvaṇṇanā	3
1. Rūpādivaggavaṇṇanā	22
Nettinayavaṇṇanā	52
2. Nīvaraṇappahānavaggavaṇṇanā	72
3. Akammaniyavaggavaṇṇanā	88
4. Adantavaggavaṇṇanā	90
5. Pañihita-acchavaggavaṇṇanā	90
6. Accharāsaṅghātavaggavaṇṇanā	100
7. Vīriyārambhādivaggavaṇṇanā	112
8. Kalyāṇamittādivaggavaṇṇanā	116
10. Dutiyapamādādivaggavaṇṇanā	117
13. Ekapuggalavaggavaṇṇanā	120

14. Etadaggavagga

1. Paṭhamavagga

Etadaggapadavaṇṇanā	142
Aññāsikoṇḍaññattheravatthu	148
Sāriputta-moggallānattheravatthu	149
Mahākassapattheravatthu	150
Anuruddhattheravatthu	155
Bhaddiyattheravatthu	156

Mātikā	Pitṭhaṇka		
Lakuṇḍakabhaddiyattheravatthu	156
Piṇḍolabhāradvājattheravatthu	156
Mantāṇīputta-puṇṇattheravatthu	157
Mahākaccānattheravatthu	158

2. Dutiyavagga

Cūḷapanthakattheravatthu	159
Subhūtittheravatthu	162
Khadiravaniyarevatattheravatthu	162
Kaṅkhārevatattheravatthu	163
Soṇakolivisattheravatthu	163
Soṇakuṭikanṇattheravatthu	164
Sīvalittheravatthu	167
Vakkalittheravatthu	168

3. Tatiyavagga

Rāhula-ratṭhapālattheravatthu	169
Kuṇḍadhanattheravatthu	175
Vaṅgisatheravatthu	176
Upasenavaṅgantaputtattheravatthu	177
Dabbatherravatthu	177
Pilindavacchattheravatthu	179
Bāhiyatārucīriyattheravatthu	180
Kumārakassapattheravatthu	182
Mahākoṭṭhikattheravatthu	182

4. Catutthavagga

Ānandatheravatthu	183
Uruvelakassapattheravatthu	183

Mātikā	Pitṭhaṇka	
Kāludāyittheravatthu	...	184
Bākulattheravatthu	...	184
Sobhitattheravatthu	...	185
Upālittheravatthu	...	185
Nandakattheravatthu	...	186
Nandatheravatthu	...	186
Mahākappinattheravatthu	...	188
Sāgatattheravatthu	...	189
Rādhattheravatthu	...	189
Mogharājattheravatthu	...	190

5. Pañcamavagga

Mahāpajāpatigotamītherīvatthu	...	192
Khemātherīvatthu	...	193
Uppalavaṇṇātherīvatthu	...	194
Paṭācārātherīvatthu	...	194
Dhammadinnātherīvatthu	...	194
Nandātherīvatthu	...	197
Sonātherīvatthu	...	197
Bakulātherīvatthu	...	198
Kuṇḍalakesātherīvatthu	...	198
Bhaddākāpilānītherī-bhaddākaccānātherīvatthu	...	199
Kisāgotamītherīvatthu	...	199
Siṅgālamātātherīvatthu	...	199

6. Chatṭhavagga

Tapussa-bhallikavatthu	...	200
Anāthapiṇḍikaseṭṭhivatthu	...	200
Cittagahapativatthu	...	200

Mātikā	Piṭṭhaṇka
Hathaka-ālavakavatthu 203
Mahānāmasakkavatthu 206
Uggagahapatyādivatthu 207
Nakulapitugahapativatthu 207
 7. Sattamavagga	
Sujātāvatthu 207
Visākhāvatthu 207
Khujjuttarā-sāmāvatīvatthu 208
Uttarānandamātāvatthu 208
Suppavāsāvatthu 209
Suppiyāvatthu 209
Kātiyānīvatthu 210
Nakulamātāvatthu 210
Kālīkuraraghārikāvatthu 210
 15. Aṭṭhānapāli	
1. Paṭhamavaggavaṇṇanā 211
2. Dutiyavaggavaṇṇanā 219
 16. Ekadhammapāli	
1. Paṭhamavaggavaṇṇanā 222
2. Dutiyavaggavaṇṇanā 224
3. Tatiyavaggavaṇṇanā 227
4. Catutthavaggavaṇṇanā 231
 17. Pasādakaradhammadavaggavaṇṇanā	
18. Apara-accharāsaṅghātavaggavaṇṇanā 233
19. Kāyagatāsativaggavaṇṇanā 275
20. Amatavaggavaṇṇanā 287

Aṅguttaraṭīkāya paṭhamabhāge mātikā niṭṭhitā.

Suttantapiṭaka

Ekakanipāta

Aṅguttaratīkā

Namo tassa Bhagavato Arahato Sammāsambuddhassa.

Ganthārambhakathā

Anantañāṇam karuṇāniketam,

Namāmi **nātham** jitapañcamāram.

Dhammarām visuddham bhavanāsahetum,

Sarīgañca seṭṭham hatasabbapāram.

Kassapam tarī mahātheram, sarīghassa pariṇāyakam.

Dīpasminī tambapañṇimhi, sāsanodayakārakam¹.

Paṭipattiparādhīnam, sadāraññanivāsinam.

Pākaṭam gagane canda-maṇḍalam viya sāsane.

Sarīghassa pitaram vande, vinaye suvisāradam.

Yam nissāya vasantoham, vuḍḍhippattosmi sāsane.

Anutheram mahāpaññam², **sumedham** sutivissutam.

Avikhaṇḍitasilādi-parisuddhaguṇodayam.

Bahussutaṁ satimantam, dantam santam samāhitam.

Namāmi sirasā dhīram, garum me gaṇavācakam.

1. Sāsanodayakāraṇam (Sī)

2. Mahāpuññam (Ka)

Āgatāgamatakkesu, saddasatthanayaññusu.
 Yassantevāsibhikkhusu, sāsanam suppatiṭṭhitam.

Yo sīhalindo dhitimā yasassī,
 Uḷārapañño nipiṇo kalāsu¹.
 Jāto visuddhe ravisomavamse².
 Mahabbalo abbhutavuttitejo.

Jitvārivaggam atiduppasayham,
 Anaññasādhāraṇavikkamena.
 Pattābhiseko jinadhammadasevī,
 Abhippasanno ratanattayamhi.

Ciram vibhinne jinasāsanasmim,
 Paccatthike suṭṭhu viniggahetvā.
 Sudhaṁva sāmaggrasam pasattham,
 Pāyesi bhikkhū parisuddhasile.

Katvā vihāre vipule ca ramme,
 Tatrappitenekasahassasaṅkhe.
 Bhikkhū asese catupaccayehi,
 Santappayanto suciram akhaṇḍam.

Saddhammavuddhim abhikaṅkhamāno,
 Sayampi bhikkhū anusāsayitvā.
 Niyojayam ganthavipassanāsu,
 Akāsi vuddhim jinasāsanassa.

Tenāhamaccantamanuggahīto,
 Anaññasādhāraṇasaṅgahena.
 Yasmā parakkantabhujavhayena³,
 Ajjhesito bhikkhugaṇassa majjhe.

1. Kulesu (Ka)

2. Ravisūnuvamse (Sī)

3. Parakkantibhujavhayena (Sī)

Tasmā anuttānapadānamattham,
Seṭṭhāya aṅguttaravāṇṇanāya.
Sandassayissam sakalam suboddhum,
Nissāya pubbācariyappabhāvam.

Ganthārambhakathāvāṇṇanā

1. Saṁvaṇṇanārambhe ratanattayam namassitukāmo tassa
visiṭṭhaguṇayogasandassanattham “karuṇāsītalahadayan”ti-ādimāha.
Visiṭṭhaguṇayogena hi vandanārahabhāvo, vandanārahe ca katā vandanā
yathādhippetamattham sādheti. Ettha ca saṁvaṇṇanārambhe
ratanattayappaṇāmakaraṇappayojanam tattha tattha bahudhā papañcenti
ācariyā, mayam pana idhādhippetameva payojanam dassayissāma, tasmā
saṁvaṇṇanārambhe ratanattayappaṇāmakaraṇam
yathāpaṭiññātasamvaṇṇanāya anantarāyena parisamāpanatthanti veditabbam.
Idameva hi payojanam ācariyena idhādhippetam. Tathā hi vakkhati—

“Iti me pasannamatino, ratanattayavandanāmayaṁ puññam.
Yām suvihatantarāyo, hutvā tassānubhāvenā”ti.

Ratanattayappaṇāmakaraṇena cettha yathāpaṭiññātasamvaṇṇanāya
anantarāyena parisamāpanam ratanattayapūjāya paññāpāṭavato, tāya
paññāpāṭavañca rāgādimalavidhamanato. Vuttam hetam—

“Yasmim mahānāma samaye ariyasāvako tathāgataṁ anussarati,
nevassa tasmiṁ samaye rāgapariyutṭhitam cittam hoti, na
dosapariyutṭhitam cittam hoti, na mohapariyutṭhitam cittam hoti,
ujugatamevassa tasmiṁ samaye cittam hotī”ti-ādi¹.

Tasmā ratanattayapūjanena vikkhālitamalāya paññāya pāṭavasiddhi.

Atha vā ratanattayapūjanassa paññāpadaṭṭhānasamādhihetuttā
paññāpāṭavam. Vuttam hi tassa samādhihetuttam—

1. Aṁ 2. 252; Aṁ 3. 531 piṭṭhesu.

“Ujugatacitto kho pana mahānāma ariyasāvako labhati atthavedam, labhati dhammadvedam, labhati dhammūpasamhitam pāmojjam, pamuditassa pīti jāyati, pītimanassa kāyo passambhati, passaddhakāyo sukham vediyati, sukhino cittam samādhiyatī”ti¹.

Samādhissa ca paññāya padaṭṭhānabhāvo vuttoyeva “samāhito yathābhūtam pajānātī”ti². Tato evam paṭubhūtāya paññāya paṭiññāmahattakatam khedamabhibhuyya anantarāyena samvaṇṇanam samāpayissati.

Atha vā ratanattayapūjāya āyuvaṇṇasukhabalavaḍḍhanato anantarāyena parisamāpanam veditabbam. Ratanattayappaṇāmena hi āyuvaṇṇasukhabalāni vadḍhanti. Vuttam hetam—

“Abhivādanasīlissa, niccam vuḍḍhāpacāyino.

Cattāro dhammā vadḍhanti, āyu vaṇṇo sukham balan”ti³.

Tato āyuvaṇṇasukhabalavuddhiyā hoteva kāriyaniṭṭhānam.

Atha vā ratanattayagāravassa paṭibhānāparihānāvahattā⁴.

Aparihānāvaham hi tisupi ratanesu gāravam. Vuttam hetam—

“Sattime bhikkhave aparihānīyā dhammā. Katame satta?

Satthugāravatā dhammagāravatā samghagāravatā sikkhāgāravatā samādhigāravatā sovacassatā kalyāṇamittatā”ti⁵.

Hoteva ca tato paṭibhānāparihānenā yathāpaṭiññātapisamāpanam.

Atha vā pasādavatthūsu pūjāya puññatisayabhāvato. Vuttam hi tassā puññatisayattam—

“Pūjārahe pūjayato, buddhe yadi va sāvake.

Papañcasamatikkante, tiṇṇasokapariddave.

1. Am 3. 531 piṭhe. 2. Sam 2. 12, 302; Sam 3. 363 piṭhesu. 3. Khu 1. 29 piṭhe.

4. Paṭibhānāparihānāvahattam (Sī)

5. Am 2. 420 piṭhe.

Te tādise pūjayato, nibbute akutobhaye.
Na sakkā puññam saṅkhātum, imettamapi kenacī”ti¹.

Puññatīsayo ca yathādhippetaparisamāpanūpāyo. Yathāha—

“Esa devamanussānam, sabbakāmadado nidhi.
Yam yadevābhīpatthenti, sabbametena labbhatī”ti².

Upāyesu ca paṭipannassa hoteva kāriyaniṭṭhānam. Ratanattayapūjā hi niratisayapuññakkhetasambuddhiyā aparimeyyappabhāvo puññatīsayoti bahuvidhantarāyepi lokasannivāse antarāyanibandhanasakalasamkilesaviddhamsanāya pahoti, bhayādi-upaddavañca nivāreti. Tasmā vuttam “saṁvaṇṇanārambhe ratanattayappaṇāmakaraṇam yathāpaṭiññatasaṁvaṇṇanāya anantarāyena parisamāpanatthan”ti.

Evañca sappayojanam ratanattayavandanam kattukāmo paṭhamam tāva bhagavato vandanam kātum tammūlakattā sesaratanānam “karuṇāsītalahadayam -pa- gativimuttan”ti āha. Tattha yassā desanāya saṁvaṇṇanam kattukāmo, sā na vinayadesanā viya karuṇāpadhānā, nāpi abhidhammadesanā viya paññāpadhānā, atha kho karuṇāpaññāpadhānāti tadubhayappadhānameva tāva sammāsambuddhassa thomanam kātum “karuṇāsītalahadayam, paññāpajjotavihatamohataman”ti vuttam. Tattha kirati kāruṇā, paradukkham vikkhipati apanetīti attho. Atha vā kiñatīti kāruṇā, paradukkhe sati kāruṇikam himsati vibādhatīti attho. Paradukkhe sati sādhūnam kampanam hadayakhedam karotīti vā kāruṇā. Atha vā kamiti sukham, tam rundhatīti kāruṇā. Esā hi paradukkhāpanayanakāmatālakkhaṇā attasukhanirapekkhatāya kāruṇikānam sukham rundhati vibandhatīti attho. Kāruṇāya sītalām kāruṇāsītalām, kāruṇāsītalām hadayam assāti kāruṇāsītalahadayo, tam **karuṇāsītalahadayam**.

Tattha kiñcāpi paresam hitopasamhārasukhādi-aparihānicchanasabhbāvatāya, byāpādāratīnam ujuvipaccanīkatāya ca sattasantānagatasantāpavicchedanākārappavattiyā mettāmuditānampi cittasītalabhāvakāraṇatā upalabbhati, tathāpi dukkhāpanayanākārappavattiyā parūpatāpāsahanarasā

1. Khu 1. 42; Khu 3. 147 piṭṭhesu.

2. Khu 1. 10 piṭṭhe.

avihiṁsabhūtā karuṇā visesena bhagavato cittassa cittappassaddhi viya sītibhāvanimittanti vuttam “**karuṇāsītalahadayan**”ti. Karuṇāmukhena vā mettāmuditānampi hadayasītalabhbhāvakaṇatā vuttati daṭṭhabbam. Atha vā asādhāraṇañāṇavisesanibandhanabhūtā¹ satisayam niravasesañca Sabbaññutaññāṇam viya savisayabyāpitāya mahākaruṇābhāvam upagatā karuṇāva bhagavato atisayena hadayasītalabhbhāvahetūti āha “**karuṇāsītalahadayan**”ti. Atha vā satipi mettāmuditānam satisaye hadayasītibhāvanibandhanatte sakalabuddhaguṇavisesakāraṇatāya tāsampi kāraṇanti karuṇāva bhagavato “hadayasītalabhbhāvakaṇan”ti vuttā. Karuṇānidānā hi sabbepi buddhaguṇā. Karuṇānubhāvanibbāpiyamānasamrāradukkhasantāpassa hi bhagavato paradukkhāpanayanakāmatāya anekānipi asaṅkhyeyyāni kappānam akilantarūpasseva niravasesabuddhakaradhammasambharaṇaniratassa samadhigatadhammādhipateyyassa ca sannihitesupi sattasaṅkhārasamupanītahadayūpatāpanimittesu na īsakampi cittasītibhāvassa aññathattamahosīti. Etasmim ca atthavikappe tīsupi avathāsu bhagavato karuṇā saṅgahitāti daṭṭhabbam.

Pajānātīti paññā, yathāsabhāvam pakārehi paṭivijjhātīti attho. Paññāva ñeyyāvaraṇappahānato pakārehi dhammasabhāvāvajotanaṭṭhena pajjototi paññāpajjoto. Savāsanappahānato visesena hatam samugghātitam vihataṁ. Paññāpajjotena vihataṁ paññāpajjotavihataṁ, muyhanti tena, sayam vā muyhati, mohanamattameva vā tanti moho, avijjā. Sveva visayasabhāvappaṭicchādanato andhakārasarikkhatāya tamo viyāti mohatamo, paññāpajjotavihato mohatamo etassāti paññāpajjotavihatamohatamo, tam paññāpajjotavihatamohatamam. Sabbesampi hi khīṇāsavānam satipi paññāpajjotena avijjandhakārassa vihatabhāve saddhādhimuttehi viya diṭṭhippattānam sāvakehi paccekasambuddhehi ca savāsanappahānena sammāsambuddhānam kilesappahānassa viseso vijjatīti satisayena avijjāpahānena bhagavantam thomento āha “**paññāpajjotavihatamohataman**”ti.

1. ...nibandhanabhūtaṁ (Sī)

Atha vā antarena paropadesam attano santāne accantam avijjandhakāravigamassa nibbattitattā, tattha ca sabbaññutāya balesu ca vasībhāvassa samadhitatattā, parasantatiyañca dhammadesanātisayānubhāvena sammadeva tassa pavattitattā bhagavāva visesato mohatamavigamena thometabboti āha “paññāpajjotavihatamohataman”ti. Imasmim ca atthavikappe “paññāpajjoto”ti padena bhagavato paṭivedhapaññā viya desanāpaññāpi sāmaññaniddesena, ekasesanayena vā saṅgahitāti daṭṭhabbam.

Atha vā bhagavato nāṇassa neyyapariyantikattā sakalañeyyadhammasabhāvavabodhanasamatthena anāvaraṇaññasaṅkhātena paññāpajjotena sabbañneyyadhammasabhāvacchādakassa mohandhakārassa vidhamitattā anaññasādhāraṇo bhagavato mohatamavināsoti katvā vuttam “paññāpajjotavihatamohataman”ti. Ettha ca mohatamavidhamanante adhigatattā anāvaraṇaññam kāraṇopacārena sasantānamohatamavidhamanam daṭṭhabbam. Abhinīhārasampattiyyā savāsanappahānameva hi kilesānam neyyāvaraṇappahānanti, parasantāne pana mohatamavidhamanassa kāraṇabhāvato anāvaraṇaññam “mohatamavidhamanan”ti vuccatīti.

Kim pana kāraṇam avijjāsamugghātoyeveko pahānasampattivasena bhagavato thomanānimittam gayhati, na pana satisayaniravasesakilesappahānanti? Tappahānavacaneneva tadekaṭṭhatāya sakalasamkilesagaṇasamugghātassa vuttattā. Na hi so tādiso kileso atthi, yo niravasesa-avijjāpahānena na pahīyatīti.

Atha vā vijjā viya sakalakusaladhammasamuppattiyā, niravasesākususaladhammanibbattiyā samsārapavattiyā ca avijjā padhānakāraṇanti tabbighātavacanena sakalasamkilesagaṇasamugghāto vutto eva hotīti vuttam “paññāpajjotavihatamohataman”ti.

Narā ca amarā ca narāmarā, saha narāmarchīti sanarāmaro, sanarāmaro ca so loko cāti sanarāmaraloko, tassa garūti sanarāmaralokagaru, tam sanarāmaralokagarum. Etena devamanussānam viya tadavasiṭṭhasattānampi yathārahām guṇavisesāvahatāya bhagavato

upakārataṁ dasseti. Na cettha padhānappadhānabhāvo codetabbo. Añño hi saddakkamo, añño athakkamo. Īdisesu hi samāsapadesu padhānampi appadhānam viya niddisiyati yathā “sarājikāya parisāyā”ti¹. Kāmañcettha sattasaṅkhārabhājanavasena tividho loko, garubhāvassa pana adhippetattā garukaraṇasamatthasseva yujjanato sattalokassa vasena attho gahetabbo. So hi lokīyanti ettha puññapāpāni tabbipāko cāti “loko”ti vuccati. Amaraggahañena cettha upapattidevā adhippetā.

Atha vā samūhattho lokasaddo samudāyavasena lokīyati paññāpiyatīti². Saha narehīti sanarā, sanarā ca te amarā cāti sanarāmarā, tesam lokoti sanarāmaralokoti purimanayeneva yojetabbam. Amarasaddena cettha visuddhīdevāpi saṅgayhanti. Tepi hi marañābhāvato paramatthato amarā. Narāmarānañyeva ca gahañam ukkaṭṭhaniddesavasena yathā “satthā devamanussānan”ti³. Tathā hi sabbānatthapariharaṇapubbaṅgamāya niravasesahitasukhavidhānatapparāya niratisayāya payogasampattiya sadevamanussāya pajāya accantūpākāritāya aparimitanirupamappabhāvaguṇavisesasamañgitāya ca sabbasattuttamo bhagavā aparimāñasu lokadhātūsu aparimāñnam sattānam uttamagāravaṭṭhānam. Tena vuttam “sanarāmaralokagarun”ti.

Sobhanam gatam gamanam etassāti sugato. Bhagavato hi veneyyanūpasaṅkamanam ekantena tesam hitasukhanippahādanato sobhanam, tathā lakkhañānubyāñjanappaṭimañditarūpākāyatāya duta⁴vilambitakhalitānukadḍhananippilānukkuṭikakutīlākuṭilatādidosā rahitamavahasitarājahaṁsavabhadhāraṇamigarājagamanam kāyagamanam nāñagamanañca
vipulanimmalakaruṇāsativīriyādiguṇavisesasahitamabhinīhārato yāva mahābodhi anavajjatāya sobhanamevāti. Atha vā sayambhuñāñena sakalampi lokam pariññābhisañmayavasena parijānanto nāñena sammā gato avagatoti sugato, tathā lokasumudayam pahānābhisañmayavasena pajahanto anuppattidhammatam āpādento sammā gato atītoti sugato, lokanirodham nibbānam sacchikiriyābhisañmayavasena sammā gato

1. Vi 4. 347 piṭhe. 2. Paññāpiyatīti vuttattā (Sī) 3. Dī 1. 46 piṭhe. 4. Dhuta (Sī)

adhigatoti sugato, lokanirodhagāminipaṭipadām bhāvanābhisa mayava sena sammā gato paṭipannoti sugato. “Sotāpattimaggena ye kilesā pahīnā, te kilese na puneti na pacce ti na paccāgacchatīti sugato”ti-ādinā¹ nayena ayamattho vibhāvetabbo. Atha vā sundaram ṭhānam sammāsambodhim, nibbānameva vā gato adhigatoti sugato, yasmā vā bhūtam tacchām atthasamhitām veneyyānam yathārahām kālayuttameva ca dhammām bhāsatī, tasmā sammā gadatīti sugato da-kārassa ta-kāram katvā. Iti sobhanagamanatādīhi sugato, tam **sugataṁ**.

Puññapāpakammehi upapajjanavasena gantabbato gatiyo, upapattibhavavisesā. Tā pana nirayādivasena pañcavidhā. Tāhi sakalassapi bhavagāmikammassa ariyamaggādhigamena avipākārahabhāvakaraṇena nivattitattā bhagavā pañcahipi gatīhi suṭṭhu mutto visamyuttoti āha “**gativimuttan**”ti. Etena bhagavato katthacipi gatiyā apariyāpennatām dasseti, yato bhagavā “devātidevo”ti vuccati. Tenevāha—

“Yena devūpapatyassa, gandhabbo vā vihaṅgamo.

Yakkhattam yena gaccheyyaṁ, manussattañca abbaje.

Te mayham āsavā khīnā, viddhastā vinalikatā”ti².

Tamtamgatisāmvattanikānam hi kammakilesānam aggamaggena bodhimūleyeva suppahīnattā natthi bhagavato gatipariyāpennatāti accantameva bhagavā sabbabhadayonigativiññāṇaṭṭhitisattāvāsasattanikāyehi suparimutto, tam **gativimuttam**. Vandeti namāmi, thomemīti vā attho.

Atha vā **gativimuttanti** anupādisesanibbānadhātuppattiya bhagavantam thometi. Ettha hi dvihi ākārehi bhagavato thomanā veditabbā attahitasampattito parahitappaṭipattito ca. Tesu attahitasampatti anāvaraṇāṇāḍhigamato savāsanānam sabbesam kilesānam accantappahānato anupādisesanibbānappattito ca veditabbā, parahitappaṭipatti labhasakkārādinirapekkhacittassa sabbadukkhaniyyānika dhammadesanato viruddhesupi niccam hitajjhāsayato nāṇaparipākakālāgamanato ca. Sā panettha āsayato payogato ca duvidhā parahitappaṭipatti tividhā ca

1. Khu 8. 83 piṭṭhe.

2. Aṁ 1. 348 piṭṭhe.

attahitasampatti pakāsitā hoti. Katham? “Karuṇāsītalahadayan”ti etena āsayato parahitappaṭipatti, sammāgadanatthena sugatasaddena payogato parahitappaṭipatti, “paññāpajjotavihatamohatamaṁ gativimuttan”ti etehi catusaccasampaṭivedhanatthena ca sugatasaddena tividhāpi attahitasampatti, avasiṭṭhena “paññāpajjotavihatamohataman”ti etena cāpi attahitasampatti parahitappaṭipatti pakāsitā hotīti.

Atha vā tīhi ākārehi bhagavato thomanā veditabbā hetuto phalato upakārato ca. Tattha **hetu** mahākaruṇā, sā paṭhamapadena dassitā. **Phalaṁ** catubbidhami nāṇasampadā pahānasampadā ānubhāvasampadā rūpakāyasampadā cāti. Tāsu nāṇappahānasampadā dutiyapadena saccappaṭivedhanatthena ca sugatasaddena pakāsitā honti, ānubhāvasampadā tatiyapadena, rūpakāyasampadā yathāvuttakāyagamanasobhanathena sugatasaddena lakkhaṇānubyañjanapāripūriyā vinā tadabhāvato. **Upakāro** anantaraṁ abāhiram karitvā tividhayānamukhena vimuttidhammadesanā. So sammāgadanatthena sugatasaddena pakāsito hotīti veditabbam.

Tattha “karuṇāsītalahadayan”ti etena sammāsambodhiyā mūlam dasseti. Mahākaruṇāsañcoditamāno hi bhagavā samsārapaṇkato sattānam samuddharanattham katābhinīhāro anupubbena pāramiyo pūretvā anuttaram sammāsambodhim adhigatoti karuṇā sammāsambodhiyā mūlam. “Paññāpajjotavihatamohataman”ti etena sammāsambodhim dasseti. Anāvaraṇañāṇapadaṭṭhānam hi maggañāṇam, maggañāṇapadaṭṭhānañca anāvaraṇañāṇam “sammāsambodhī”ti vuccatīti. Sammāgamanatthena sugatasaddena sammāsambodhiyā paṭipattim dasseti līnuddhaccapatiṭṭhānāyūhanakāmasukhaliikkattakilamathānuyoga sassatucchēdābhinivesādi-antadvayarahitāya karuṇāpaññāpariggahitāya majjhimāya paṭipattiyā pakāsanato sugatasaddassa. Itarehi sammāsambodhiyā padhānappadhānabhedam payojanam dasseti. Samsāramahoghato sattasantāraṇam hettha padhānām payojanam, tadaññamappadhānām. Tesu padhānena parahitappaṭipattim dasseti, itarena attahitasampattim. Tadubhayena

attahitāya paṭipannādīsu catūsu puggalesu bhagavato
catutthapuggalabhbhāvam dasseti. Tena ca anuttaradakkhiṇeyyabhāvam
uttamavandaneyyabhāvam attano ca vandanakiriyāya khettaṅgatabhbhāvam
dasseti.

Ettha ca karuṇāgahaṇena lokiyesu
mahaggatabhbhāvappattāsādhāraṇaguṇadīpanato bhagavato
sabbalokiyaguṇasampatti dassitā hoti, paññāgahaṇena
Sabbaññutaññāṇapadaṭṭhānamaggaññāṇadīpanato sabbalokuttaraguṇasampatti.
Tadubhayaggahaṇasiddho hi attho “sanarāmaralokagarun”ti-ādinā
papañcīyatīti. Karuṇāgahaṇena ca upagamanam nirupakkilesam dasseti,
paññāgahaṇena apagamanam. Tathā karuṇāgahaṇena lokasamaññānurūpam
bhagavato pavattim dasseti lokavohāravisayattā karuṇāya, paññāgahaṇena
samaññāya anatidhāvanam. Sabhāvānavabodhena hi dhammānam samaññām
atidhāvitvā sattādiparāmasanam hotīti. Tathā karuṇāgahaṇena
mahākaruṇāsamāpattivhāram dasseti, paññāgahaṇena tīsu kālesu
appaṭihataññāṇam catusaccaññāṇam catupaṭisambhidāññāṇam
catuvesārajjaññāṇam. Karuṇāgahaṇena mahākaruṇāsamāpattiññāṇassa gahitattā
sesāsādhāraṇaññāṇāni, cha abhiññā, aṭṭhasu parisāsu akampanaññāṇāni, dasa
balāni, cuddasa buddhaññāṇāni, soḷasa ñāṇacariyā, aṭṭhārasa buddhadhammā,
catucattālisa ñāṇavatthūni, sattasattati ñāṇavatthūnīti evamādīnam anekesam
paññāpabhedānam vasena ñāṇacāram dasseti. Tathā karuṇāgahaṇena
caraṇasampattim, paññāgahaṇena vijjāsampattim. Karuṇāgahaṇena
attādhipatitā, paññāgahaṇena dhammādhipatitā. Karuṇāgahaṇena
lokanāthabhāvo, paññāgahaṇena attanāthabhāvo. Tathā karuṇāgahaṇena
pubbakāribhāvo, paññāgahaṇena kataññutā. Tathā karuṇāgahaṇena
aparantapatā, paññāgahaṇena anattantapatā. Karuṇāgahaṇena vā
buddhakaradhammasiddhi, paññāgahaṇena buddhabhbhāvasiddhi. Tathā
karuṇāgahaṇena paresam tāraṇam, paññāgahaṇena sayamtaraṇam. Tathā
karuṇāgahaṇena sabbasattesu anuggahacittatā, paññāgahaṇena
sabbadhammesu virattacittatā dassitā hoti.

Sabbesañca buddhaguṇānam karuṇā ādi tannidānabhāvato, paññā
pariyosānam tato uttarikaraṇīyābhāvato. Iti

ādipariyosānadassanena sabbe buddhaguṇā dassitā honti. Tathā karuṇāgahaṇena sīlakkhandhapubbaṅgamo samādhikkhandho dassito hoti. Karuṇānidānam hi sīlam tato pāṇātipātādiviratippavattito, sā ca jhānattayasampayoginīti. Paññāvacanena paññākkhandho. Sīlañca sabbesam buddhaguṇānam ādi, samādhi majjhe, paññā pariyoṣānanti evampi ādimajjhapariyosānakalyāṇā sabbe buddhaguṇā dassitā honti nayato dassittā. Eso eva hi niravasesato buddhaguṇānam dassanūpāyo, yadidam nayaggahaṇam, aññathā ko nāma samattho bhagavato guṇe anupadaṁ niravasesato dassetum. Tenevāha—

“Buddhopi buddhassa bhaṇeyya vaṇṇam,
Kappampi ce aññamabhāsamāno.
Khīyetha kappo ciradīghamantare,
Vaṇṇo na khīyetha tathāgatassā”ti¹.

Teneva ca āyasmatā sāriputtattherenapi buddhaguṇaparicchedanam pati anuyuttena “no hetam bhante”ti paṭikkhipitvā “apica me bhante dhammanvayo vidito”ti vuttam.

2. Evam saṅkhepena sakalasabbaññuguṇehi bhagavantam abhitthavitvā idāni saddhammam thometum “**buddhopī**”ti-ādimāha. Tattha **buddhoti** kattuniddeso. **Buddhabhāvanti** kammaniddeso. **Bhāvetvā sacchikatvāti** ca pubbakālakiryāniddeso. **Yanti** aniyamato kammaniddeso. **Upagatoti** aparakālakiryāniddeso. **Vandeti** kiriyāniddeso. **Tanti** niyamanam. **Dhammanti** vandanakiryāya kammaniddeso. **Gatamalam anuttaranti** ca tabbisesanam.

Tattha buddhasaddassa tāva “bujjhitā saccānīti buddho, bodhetā pajāyāti buddho”ti-ādinā² niddesanayena attho veditabbo. Atha vā savāsanāya aññāṇaniddāya accantavigamato, buddhiyā vā vikasitabhāvato buddhavāti **buddho** jāgarañavikasanatthavasena. Atha vā kassacipi ñeyyadhammassa anavabuddhassa abhāvena ñeyyavisesassa kammabhāvena aggahaṇato kammavacanicchāya abhāvena

1. Dī-Tīha 1. 257; Dī-Tīha 3. 61; Ma-Tīha 3. 289; Udāna-Tīha 305;
Buddhavamsa-Tīha 163; Apadāna-Tīha 2. 91 piṭṭhesu.

2. Khu 7. 363; Khu 8. 197 piṭṭhesu.

avagamanatthavaseneva kattuniddeso labbhatīti buddhavāti buddho yathā “dikkhito na dadatī”ti. Atthato pana pāramitāparibhāvito¹ sayambhuñāṇena saha vāsanāya vihataviddham̄sitaniravasesakileso mahākaruṇāsabbaññutaññāṇādi-aparimeyyaguṇagaṇādhāro khandhasantāno buddho. Yathāha—

“Buddhoti yo so bhagavā sayambhū anācariyako pubbe ananussutesu dhammesu sāmaṁ saccāni abhisambujhi, tattha ca sabbaññutam̄ patto balesu ca vasībhāvan”ti².

Api-saddo sambhāvane. Tena “evam̄ guṇavisesayutto sopi nāma bhagavā”ti vakkhamānaguṇadhamme sambhāvanam̄ dīpeti. **Buddhabhāvanti** sammāsambodhim̄. **Bhāvetvāti** uppādetvā vadḍhetvā ca. **Sacchikatvāti** paccakkharūpa katvā. **Upagatoti** patto, adhigatoti attho. Etassa buddhabhāvanti etena sambandho. **Gatamalanti** vigatamalam̄, niddosanti attho. **Vandeti** paṇamāmi, thomemi vā. **Anuttaranti** uttararahitam̄, lokuttaranti attho. **Dhammadanti** yathānusīṭhaṁ paṭipajjamāne apāyato ca saṁsārato ca apatamāne katvā dhāretīti dhammo. Ayam hettha saṅkhepattho—evam̄ vividhaguṇagaṇasamannāgato buddhopi bhagavā yaṁ ariyamaggasaṅkhātam̄ dhammam̄ bhāvetvā, phalanibbānam̄ pana sacchikatvā anuttaram̄ sammāsambodhim̄ adhigato, tamevam̄ buddhānampi buddhabhāvahetubhūtam̄ sabbadosamalarahitam̄ attano uttaritarābhāvena anuttaram̄ paṭivedhasaddhammam̄ namāmīti. Pariyattisaddhammassapi tappakāsanattā idha saṅgaho daṭṭhabbo.

Atha vā “abhidhammanayasamuddam̄ adhigañchi, tīṇi piṭakāni sammasī”ti ca aṭṭhakathāyam̄³ vuttattā pariyattidhammassapi sacchikiriyāsammasanapariyāyo labbhatīti sopi idha vutto evāti daṭṭhabbam̄. Tathā “yaṁ dhammam̄ bhāvetvā sacchikatvā”ti ca vuttattā buddhakaradhammabhūtāhi pāramitāhi saha pubbabhāge adhisīlasikkhādayopi idha dhammasaddena saṅgahitāti veditabbā. Tāpi hi vigatappaṭipakkhatāya gatamalā, anaññasādhāraṇatāya anuttarā cāti. Tathā hi sattānam̄ sakalavaṭṭadukkhanissaraṇāya katamahābhinīhāro

1. Pāramitāparibhāvitena (Sī) 2. Khu 7. 363; Khu 8. 197; Khu 9. 172 piṭṭhesu.

3. Apadāna-Ṭṭha 1. 231 piṭṭhe.

mahākaruṇādhivāsanapesalajjhāsayo paññāvisesapariyodātanimmalānam
 dānadamasaññamādīnam uttamadhammānam satasahassādhikāni kappānam
 cattāri asaṅkhyeyyāni sakkaccam nirantaram niravasesānam
 bhāvanāpaccakkhakaraṇehi kammādīsu adhigatavasibhāvo
 acchariyācinteyyamahānubhāvo adhisīla-adhicittānam
 paramukkarsapāramippatto bhagavā paccayākāre
 catuvīsatikoṭisatasahassamukhena mahāvajirañānam pesetvā anuttaram
 sammāsambodhim abhisambuddhoti.

Ettha ca “bhāvetvā”ti etena vijjāsampadāya dhammām thometi,
 “sacchikatvā”ti etena vimuttisampadāya. Tathā paṭhamena jhānasampadāya,
 dutiyena vimokkhasampadāya. Paṭhamena vā samādhisampadāya, dutiyena
 samāpattisampadāya. Atha vā paṭhamena khayañāṇabhāvena, dutiyena
 anuppādañāṇabhāvena. Paṭhamena vā vijjūpamatāya, dutiyena
 vajirūpamatāya. Purimena vā virāgasampattiyyā, dutiyena nirodhasampattiyyā.
 Tathā paṭhamena niyyānabhāvena, dutiyena nissaraṇabhāvena. Paṭhamena
 vā hetubhāvena, dutiyena asaṅkhatabhāvena. Paṭhamena vā dassanabhāvena,
 dutiyena vivekabhāvena. Paṭhamena vā adhipatibhāvena, dutiyena
 amatabhāvena dhammām thometi. Atha vā “yam dhammām bhāvetvā
 buddhabhāvarūpā upagato”ti etena svākkhātātāya dhammām thometi,
 “sacchikatvā”ti etena sandīṭhikatāya. Tathā purimena akālikatāya,
 pacchimena ehipassikatāya. Purimena vā opaneyyikatāya, pacchimena
 paccattāmveditabbatāya dhammām thometi. “Gatamalan”ti iminā
 saṃkilesābhāvadīpanena dhammassa parisuddhataṁ dasseti, “anuttaran”ti
 etena aññassa visiṭṭhassa abhāvadīpanena vipulaparipuṇṇataṁ. Paṭhamena
 vā pahānasampadām dhammassa dasseti, dutiyena pabhavasampadām.
 Bhāvetabbatāya vā dhammassa gatamalabhbāvo yojetabbo. Bhāvanāguṇena hi
 so dosānam samugghātako hotīti. Sacchikātabbabhbāvena anuttarabhbāvo
 yojetabbo. Sacchikiriyānibbattito hi taduttarikaraṇīyābhāvato
 anaññasādhāraṇatāya anuttaroti. Tathā “bhāvetvā”ti etena saha
 pubbabhāgasilādīhi sekkhā sīlasamādhipaññākkhandhā dassitā honti.
 “Sacchikatvā”ti etena saha asaṅkhatabhāya dhātuyā asekkhā
 sīlasamādhipaññākkhandhā dassitā hontīti.

3. Evam saṅkhepeneva sabbadhammaduṇehi saddhammāṁ abhitthavitvā idāni ariyasam̄gham thometum “**Sugatassā**”ti-ādimāha. Tattha **sugatassāti** sambandhaniddeso. “Tassa puttānan”ti etena sambandho. **Orasānanti** puttavisesanām. **Mārasenamathanañānanti** orasaputtabhāve kāraṇām anujānātīti dasseti. **Attīhannanti** gaṇanaparicchedaniddeso. Tena ca satipi tesam sattavisesabhāvena anekasatasahassabhāve imam gaṇanaparicchedam nātivattantīti dasseti maggaṭīphalatīthabhāvānativattanato. **Samūhanti** samudāyaniddeso. **Ariyasam̄ghanti** guṇavisiṭṭhasam̄hatabhāvaniddeso¹. Tena asatipi ariyapuggalānam kāyasāmaggiyam ariyasam̄ghabhāvam dasseti diṭṭhisīlasāmaññena sam̄hatabhāvato.

Tattha urasi bhavā jātā samvaddhā ca orasā. Yathā hi sattānam orasaputtā attajatāya pitu santakassa dāyajjassa visesena bhāgino honti, evametepi ariyapuggalā sammāsambuddhassa savanante ariyāya jātiyā jātatāya bhagavato santakassa vimuttisukhassa ariyadhammaratanassa ekantena bhāginoti orasā viya orasā. Atha vā bhagavato dhammadesanānubhāvena ariyabhūmim okkamamānā okkantā ca ariyasāvakā bhagavato ure vāyāmajanitābhijātitāya nippariyāyena orasaputtāti vattabbatām arahanti. Sāvakehi pavattiyamānāpi hi dhammadesanā “bhagavato dhammadesanā” icceva vuccati taṁmūlakattā lakkhaṇādivisesābhāvato ca.

Yadipi ariyasāvakānam ariyamaggādhigamasamaye bhagavato viya tadantarāyakaraṇattham devaputtamāro, māravāhinī vā na ekantena apasādeti, tehi pana apasādetabbatāya kāraṇe vimathite tepi vimathitā eva nāma hontīti āha “mārasenamathanañān”ti. Imasmim panatthe “māramārasenamathanañān”ti vattabbe “mārasenamathanañān”ti ekadesasarūpekaseso katoti datthabbaṁ. Atha vā khandhābhisaṅkhāramārānam viya devaputtamārassapi guṇamāraṇe sahāyabhāvūpagamanato kilesabalakāyo “senā”ti vuccati. Yathāha “kāmā te paṭhamā

1. Guṇavisiṭṭhasam̄ghātabhāvaniddeso (Ka)

senā”ti-ādi¹. Sā ca tehi diyaḍḍhasahassabhedā, anantabhedā vā kilesavāhinī satidhammadavicayavīriyasamathādiguṇappaharaṇehi odhiso vimathitā vihatā viddhastā cāti **mārasenamathanā**, ariyasāvakā. Etena tesam bhagavato anujātапuttaram dasseti.

Ārakattā kileshī, anaye na iriyano, aye ca iriyano ariyā niruttinayena. Atha vā sadevakena lokena saraṇanti arañiyato upagantabbato, upagatānañca tadaṭṭhasiddhito ariyā, ariyānam samghoti ariyasaṁgho, ariyo ca so saṁgho cāti vā ariyasaṁgho, tam **ariyasaṁgham**. Bhagavato aparabhāge buddhadhammaratanānampi samadhigamo samgharatanādhīnoti assa ariyasaṁghassa bahūpakāratam dassetum idheva “**sirasā vande**”ti vuttanti daṭṭhabbam.

Ettha ca “Sugatassa orasānam puttānan”ti etena ariyasaṁghassa pabhavasampadam dasseti, “mārasenamathanānan”ti etena pahānasampadam sakalasamkilesappahānadīpanato. “Aṭṭhannampi samūhan”ti etena nānasampadam maggaṭṭhaphalaṭṭhabhāvadīpanato. “Ariyasaṁghan”ti etena pabhavasampadam dasseti sabbasaṁghānam aggabhāvadīpanato. Atha vā “Sugatassa orasānam puttānan”ti ariyasaṁghassa visuddhanissayabhāvadīpanam, “mārasenamathanānan”ti sammā-ujuñāyasāmīcippaṭipannabhāvadīpanam, “aṭṭhannampi samūhan”ti āhuneyyādibhāvadīpanam, “ariyasaṁghan”ti anuttarapuññakkhettabhāvadīpanam. Tathā “Sugatassa orasānam puttānan”ti etena ariyasaṁghassa lokuttarasaraṇagamanasabbhāvam dīpeti. Lokuttarasaraṇagamanena hi te bhagavato orasaputtā jātā.

“Mārasenamathanānan”ti etena abhinīhārasampadāsiddham pubbabhāge sammāpaṭipattim dasseti. Katābhinīhārā hi sammāpaṭipannā māram māraparisam vā abhivijinanti. “Aṭṭhannampi samūhan”ti etena viddhastavipakkhe sekkhāsekkhadhamme dasseti puggalādhiṭṭhānenā maggaphaladhammānam pakāsitattā. “Ariyasaṁghan”ti aggadakkhiṇeyyabhāvam dasseti. Saranagamanāñca sāvakānam sabbaguṇānam ādi, sapubbabhāgappaṭipadā sekkhā sīlakkhandhādayo majjhe, asekkhā sīlakkhandhādayo pariyośānantī ādimajjhapariyośānakalyāṇā saṅkhepato sabbe ariyasaṁghaguṇā pakāsitā honti.

1. Khu 1. 342; Khu 7. 73, 135, 259 piṭṭhesu.

4. Evam gāthāttayena saṅkhepato sakalaguṇasamkittanamukhena ratanattayassa pañāmām katvā idāni tamnipaccakāram yathādhippete payojane pariṇāmento “**iti me**”ti-ādimāha. Tattha ratijananaṭṭhena **ratanam**, buddhadhammasamghā. Tesam hi “itipi so bhagavā”ti-ādinā yathābhūtaguṇe āvajjentassa amatādhigamahetubhūtam anappakām pītipāmojjām uppajjati.

Yathāha—

“Yasmim mahānāma samaye ariyasāvako tathāgatam anussarati, nevassa tasmiṁ samaye rāgapariyuṭṭhitam cittam hoti, na dosa -pa- na mohapariyuṭṭhitam cittam hoti, ujugatamevassa tasmiṁ samaye cittam hoti tathāgatam ārabbha. Ujugatacitto kho pana mahānāma ariyasāvako labhati atthavedam, labhati dhammadvedam, labhati dhammūpasamhitam pāmojjam, pamuditassa pīti jāyati”ti-ādi¹.

Cittikatādibhāvo vā ratanaṭṭho. Vuttam hetam—

“Cittikatam mahaggañca, atulam dullabhadassanam.

Anomasattaparibhogam, ratanam tena vuccatī”ti².

Cittikatabhāvādayo ca anaññasādhāraṇā buddhādīsu eva labbhantīti.

Vandanāva **vandanāmayam** yathā “dānamayaṁ sīlamayan”ti³. Vandanā cettha kāyavācācittehi tiṇṇam ratanānam guṇaninnatā, thomanā vā. Pujjabhavaphalanibbattanato⁴ **puññam**, attano santānam punātīti vā. **Suvihatantarāyoti** suṭṭhu vihatantarāyo. Etena attano pasādasampattiyyā, ratanattayassa ca khettabhāvasampattiyyā tam puññam attappakāsanassa upaghātaka-upaddavānam vihanane samathanti dasseti. **Hutvāti** pubbakālakiriyā. Tassa “attham pakāsayissāmī”ti etena sambandho. **Tassāti** yam ratanattayavandanāmayam puññam, tassa. **Ānubhāvenāti** balena.

1. Arī 2. 252; Arī 3. 531 piṭṭhesu.

2. Dī-Tīha 2. 35; Saṁ-Tīha 3. 190; Khuddakapāṭha-Tīha 143; Suttanipāta-Tīha 1. 172 piṭṭhesu.

3. Dī 3. 182; Khu 1. 230 piṭṭhesu.

4. Pāmujjapujjabhāvaphalanibbattanato (Sī)

5. Evam ratanattayassa nipaccakārakaraṇe payojanam dassetvā idāni yassā dhammadesanāya attham saṁvaṇetukāmo, tassā tāva guṇātitthavanavasena upaññāpanatthaṁ “ekakadukādipatiṁḍitassā”ti-ādimāha, ekakādīni aṅgāni uparūpari vaḍḍhetvā desitehi suttantehi paṭimāṇḍitassa visiṭṭhassāti attho. Etena “aṅguttaro”ti ayam imassa āgamassa atthānugatā samaññāti dasseti. Nanu ca ekakādivasena desitāni suttāniyeva āgamo, kassa pana ekakadukādīhi paṭimāṇḍitabhāvoti? Saccametam paramatthato, suttāni pana upādāya paññatto āgamo. Yatheva hi atthabyañjanasamudāye suttanti vohāro, evam suttasamudāye āgamoti vohāro. Ekakādīhi aṅgehi uparū pari uttaro adhikoti aṅguttaro, āgamissanti ettha, etena, etasmā vā attatthaparatthādayoti āgamo, ādikalyāṇādiguṇasampatti� uttamāṭṭhena tamtaṁabhipathitasamiddhīhetutāya paṇḍitehi varitabbato varo, āgamo ca so varo ca seṭṭhaṭṭhenāti āgamavaro, āgamasammatehi vā varoti āgamavaro. Aṅguttaro ca so āgamavaro cāti **aṅguttarāgamacaro**, tassa.

Puṇḍavā vuccanti usabhā, asantasananaparissayasanassa paripālanādiguṇehi tamśadisatāya dhammakathikā eva puṇḍavāti **dhammakathikapuṇḍavā**, tesam.

Hetūpamādippaṭīmaṇḍitanānāvidhadesanānayavicittatāya vicittapaṭībhānajanānassa. **Sumaṅgalavilāsinī-ādīsu**¹ pana “buddhānubuddhasaṁvaṇṇitassā”ti vuttam. Buddhānam hi saccappaṭivedham anugamma paṭividdhasaccā aggasāvakādayo ariyā buddhānubuddhā. Ayampi āgamo tehi atthasamvaṇṇanāvasena guṇasamvaṇṇanāvasena ca samvaṇṇito eva. Atha vā buddhāca anubuddhā ca buddhānubuddhāti yojetabbam. Sammāsambuddheneva hi tiṇḍam piṭakānam atthavaṇṇanākkamo bhāsito, yā “pakiṇṇakadesanā”ti vuccati. Tato saṅgāyanādivaseneva sāvakehīti ācariyā vadanti. Idha pana “dhammakathikapuṇḍavānam vicittapaṭībhānajanānassa” icceva thomanā katā. Saṁvaṇṇanāsu cāyam ācariyassa pakati, yā tamtaṁsaṁvaṇṇanāsu ādito tassa tassa saṁvaṇṇetabbassa dhammassa visesaguṇakittanena thomanā. Tathā hi sumaṅgalavilāsinīpapañcasūdanīsāratthappakāsanīsu

1. Dī-Ṭṭha 1. 1; Ma-Ṭṭha 1. 1; Saṁ-Ṭṭha 1. 1 piṭhesu.

atṭhasālinī-ādīsu ca yathākkamam “saddhāvahaguṇassa, paravādamathanassa, nāṇappabhedajananassa, tassa gambhīrañānehi ogālhassa abhiñhaso nānānayavicitassā”ti-ādinā thomanā katā.

6. Attho kathīyati etāyāti atthakathā, sā eva **aṭṭhakathā** ttha-kārassa tṭha-kāram katvā yathā “dukkhassa pīlanaṭṭho”ti¹. Āditoti-ādimhi paṭhamasaṅgītiyam. Chaṭṭabhiññatāya paramena cittavasībhāvena samannāgatattā jhānādīsu pañcavidhavasitāsabbhāvato ca **vasino**, therā mahākassapādayo, tesam **satehi pañcahi**. Yāti yā aṭṭhakathā. Saṅgītāti attham pakāsetum yuttaṭṭhāne “ayaṁ etassa attho, ayaṁ etassa attho”ti saṅgahetvā vuttā. **Anusaṅgītā ca** yasattherādīhi **pacchāpi** dutiyatatiyasaṅgītisu. Iminā attano saṁvaṇṇanāya āgamanavisuddhim dasseti.

7. Sīhassa lānato gahaṇato sīhaļo, sīhakumāro. Tamvāṁsajātatāya Tambapaṇṇidīpe khattiyānam, tesam nivāsatāya tambapaṇṇidīpassa ca sīhaļabhāvo veditabbo. Ābhātāti jambudīpato ānītā. Athāti pacchā. Aparabhāge hi asaṅkarattham Sīhaļabhāsāya aṭṭhakathā ṭhapitāti. Tena sā² mūlaṭṭhakathā sabbasādhāraṇā na hotī idam atthappakāsanam ekantena karaṇīyanti dasseti. Tenevāha “**dīpavāśinamatthāyā**”ti. Tattha **dīpavāśinanti** jambudīpavāśinam, **dīpavāśinanti** vā sīhaļadīpavāśinam atthāya sīhaļabhāsāya ṭhapitāti yojanā.

8. **Apanetvānāti** kañcukasadisam sīhaļabhāsaṁapanetvāna. Tatoti aṭṭhakathāto. **Ahanti** attānam niddisati. **Manoramā bhāsanti** māgadhabhāsam. Sā hi sabhāvaniruttibhūtā pañditānam manam ramayatīti. Tenevāha “**tantinayānucchavikān**”ti, pāṭigatiyā anulomikam pālicchāyānuvidhāyininti attho. **Vigatadosanti** asabhāvaniruttibhāsantararahitam.

9. **Samayam avilomentoti** siddhantam avirodhento. Etena atthadosābhāvamāha. Aviruddhāttā eva hi theravādāpi idha pakāsīyissanti. **Theravāṁsadīpānanti**³ thirehi sīlakkhandhādīhi samannāgatattā

1. Khu 9. 20, 293 piṭṭhesu.

2. Tenassa (Sī)

3. Theravāṁsapadīpānanti (Sī)

therā, mahākassapādayo, tehi apagatā ācariyaparamparā theravamso, tappariyāpannā hutvā āgamādhigamasampannattā paññāpajjotena tassa samujjalanato theravamśadīpā¹, mahāvihārapāsino therā, tesam. Vividhehi ākārehi nicchīyatīti vinicchayo, gaṇṭhitthānesu khīlamaddanākārena pavattā vimaticchedakathā. Suṭṭhu nipoṇo sañho vinicchayo etesanti **sunipuṇavinicchayā**. Atha vā vinicchinotīti vinicchayo, yathāvuttatthavisayanī nñāṇam. Suṭṭhu nipoṇo cheko vinicchayo etesanti **sunipuṇavinicchayā**. Etena mahākassapādittheraparamparābhato, tatoyeva ca aviparīto sañhasukhumo mahāvihārvāśinam vinicchayoti tassa pamāṇabhbūtataṁ dasseti.

10. Sujanassa cāti ca-saddo sampiṇḍanattho. Tena “na kevalam Jambudīpavāśinamyeva atthāya, atha kho sādhujanānam tosanatthañcā”ti dasseti. Tena ca “tambapaṇṇidīpavāśinampi atthāyā”ti ayamattho siddho hoti uggahaṇādisukaratāya tesampi bahūpakārattā. **Ciratthitattthanti** ciraṭṭhitī-attham, cirakālāvaṭṭhānāyāti attho. Idam hi atthappakāsanam aviparītabyañjanasunikkhepassa atthasunītassa ca upāyabhāvato saddhammassa ciraṭṭhitiyā sarinvattati. Vuttam hetam bhagavatā—

“Dveme bhikkhave dhammā saddhammassa ḥitīyā asammosāya anantaradhānāya samvattanti. Katame dve? Sunikkhittañca padabyañjanam, attho ca sunīto”ti².

11-12. Yam atthavaṇṇanaṁ kattukāmo, tassā mahantattam pariharitum “sāvatthipabhutīnam”ti-ādimāha. Tenaha “na idha vitthārakatham karissāmi, na tam idha vicārayissāmī”ti ca. Tattha **dīghassāti** dīghanikāyassa. **Majjhimassāti** majjhimanikāyassa. “Saṅgītīnam dvinnam yā me attham vadantē”ti pipāṭho. Tatthapi **saṅgītīnam dvinnanti** dīghamajjhimanikāyānanti attho gahetabbo. **Meti** karaṇatthe sāmivacanam, mayāti attho. **Sudanti** nipātamattam. Heṭṭhā dīghassa majjhimassa ca attham vadantena sāvatthipabhutīnam nagarānam yā vaṇṇanā katā, tassā vitthārakatham na idha bhiyyo

1. Theravamśapadīpā (Sī)

2. Aṁ 1. 60 piṭṭhe.

karissāmīti yojetabbam. Yāni ca tattha vatthūni vitthāravasena vuttāni, tesampi vitthārakatham na idha bhiyyo karissāmīti sambandho.

13. Idāni “na idha vitthārakatham karissāmī”ti sāmaññato vuttassa atthassa pavaram dassetum “**suttānam panā**”ti-ādi vuttam. Suttānam ye atthā vatthūhi vinā na pakāsantīti yojetabbam.

14. Yam aṭṭhakatham kattukāmo, tadekadesabhāvena visuddhimaggoca gahetabboti kathikānam upadesam karonto tattha vicāritadhamme uddesavasena dasseti “**sīlakathā**”ti-ādinā. Tattha **sīlakathāti** cārittavārittādivasena sīlassa vitthārakathā. **Dhutadhammāti** piṇḍapātikaṅgādayo terasa kilesadhunananakadhammā. **Kammaṭṭhānāni** **sabbānīti** pāliyam āgatāni aṭṭhatimśa, aṭṭhakathāyam dveti niravasesāni yogakammassa bhāvanāya pavattiṭṭhānāni. **Cariyāvidhānasahitoti** rāgacaritādīnam sabhāvādividhānenā sahitō. **Jhānāni** cattāri rūpāvacarajjhānāni, **saṃpāttiyo** catasso āruppasamāpattiyo. Aṭṭhapi vā paṭiladdhamattāni **jhānāni** samāpajjanavasibhāvappattiya **saṃpāttiyo**. **Jhānāni** vā rūpārūpāvacarajjhānāni, **saṃpāttiyo** phalasamāpattinirodhasamāpattiyo.

15. Lokiyalokuttarabhedā cha abhiññāyo **sabbā abhiññāyo**. Nāñavibhaṅgādīsu āgatanayena ekavidhādinā paññāya saṃkaletvā sampiṇḍetvā nicchayo **paññāsaṅkalananicchayo**.

16. Paccayadhammānam hetu-ādīnam paccayuppannadhammānam hetupaccayādibhāvo paccayākāro, tassa desanā **paccayākāradesanā**, paṭiccasamuppādakathāti attho. Sā pana ghanavinibbhogassa sudukkaratāya sañhasukhumā, nikāyantaraladdhisaṅkararahitā, ekattanayādisahitā ca tattha vicāritāti āha “**suparisuddhanipuṇanayā**”ti. Paṭisambhidādīsu āgatanayaṁ avissajjetvā vicāritattā **avimuttatantimaggā**.

17. Iti **pana sabbanti iti-saddo parisamāpane, pana-saddo vacanālaṅkāre**, etam sabbanti attho. **Idhāti imissā aṭṭhakathāya na vicārayissāmi** punaruttibhāvatotī adhippāyo.

18. Idāni tasseva avicāraṇassa ekantakāraṇam niddhārento “**majjhe visuddhimaggo**”ti-ādimāha. Tattha “majjhethatvā”ti etena majjhabhāvadīpanena visesato catunnam āgamānam sādhāraṇaṭṭhakathā visuddhimaggo, na sumaṅgalavilāsinī-ādayo viya asādhāraṇaṭṭhakathātī dasseti. “Visesato”ti ca idam vinayābhidhammānampi visuddhimaggo yathāraham atthavaṇṇanā hoti evāti katvā vuttaṁ.

19. **ICCEVĀTI** iti eva. **TAMPITI** visuddhimaggampi. **ETĀYĀTI** manorathapūraṇiyā. Ettha ca “sīhaļadīpam ābhata”ti-ādinā atthappakāsanassa nimittam dasseti, “dīpavāsīnamatthāya sujanassa ca tuṭṭhattham ciraṭṭhitatthañca dhammassā”ti etena payojanaṁ, apanetvāna tatoham, sīhaļabhāsan”ti-ādinā, “sāvatthipabhutīnan”ti-ādinā ca karaṇappakāram. Heṭṭhimanikāyesu visuddhimagge ca vicāritānam atthānam avicāraṇampi hi idha karaṇappakāro evāti.

Ganthāramambhakathāvaṇṇanā niṭṭhitā.

1. Rūpādivaggavaṇṇanā

Vibhāgavantānam sabhāvavibhāvanam vibhāgadassanavaseneva hotīti paṭhamam tāva nipātasuttavasena vibhāgam dassetum “**tattha aṅguttarāgamō nāmā**”ti-ādimāha. Tattha **tatthāti** “aṅguttarāgamassa attham pakāsayissāmī”ti yadidam vuttaṁ, tasmim vacane, “yassa attham pakāsayissāmī”ti paṭiññātam, so aṅguttarāgamō nāma nipātasuttavasena evam vibhāgoti attho. Atha vā **tatthāti** “aṅguttaranissitam atthan”ti etasmim vacane yo aṅguttarāgamō vutto, so nipātasuttādivasena edisoti attho.

Idāni tam ādito paṭṭhāya samvāṇītukāmo attano samvāṇīnanāya paṭhamamahāsaṅgītiyam nikkhittānukkamena pavattabhāvadassanattham “**tassa nipātesu -pa- vuttaṁ nidānamādī**”ti-ādimāha. Tattha yathāpaccayam tattha tattha desitattā paññattattā ca vippakiṇṇanam dhammadvinayānam saṅgahetvā gāyanam kathanam saṅgīti. Etena tamtaṁsikkhāpadānam puttānañca

ādipariyosānesu antarantarā ca sambandhavasena ṭhapitam
saṅgītikāravacanam saṅgahitam hoti. Saṅgīyamānassa atthassa mahantatāya
pūjanīyatāya ca mahatī saṅgīti mahāsaṅgīti, paṭhamā mahāsaṅgīti
paṭhamamahāsaṅgīti, tassā pavattikālo paṭhamamahāsaṅgītikālo, tasmiṁ
paṭhamamahāsaṅgītikāle. Nidadāti desanam desakālādivasena aviditam
viditam katvā nidassetīti **nidānam**. Yo lokiyehi upogghātoti¹ vuccati,
svāyamettha “evam me sutan”ti-ādiko ganthro veditabbo. Na “sanidānāham
bhikkhave dhammad desemī”ti-ādīsu² viya ajjhāsayādidesanuppattihetu.
Tenevāha “evam me sutanti-ādikam āyasmata ānandena
paṭhamamahāsaṅgītikāle vuttaṁ nidānamādī”ti.

1. “Sā panesā”ti-ādinā bāhiranidāne vattabbam atidisitvā idāni
abbhantaranidānam ādito paṭṭhāya samvaṇṇitum “yam panetan”ti vuttam.
Tattha yasmā samvaṇṇanam karontena samvaṇṇetabbe dhamme padāni
padavibhāgam tadaṭthañca dassetvā tato param piṇḍatthādinidassanavasena
ca samvaṇṇanā tātabbā, tasmā padāni tāva dassento “evanti nipātapadan”ti-
ādimāha. Tattha **padavibhāgoti** padānam viseso, na padaviggaho. Atha vā
padāni ca padavibhāgo ca **padavibhāgo**, padaviggaho ca padavibhāgo ca
padavibhāgoti vā ekasesavasena padapadaviggahā padavibhāgasaddena
vuttāti veditabbam. Tattha padaviggaho “jetassa vanam jetavanam”ti-ādinā
samāsapadesu daṭṭhabbo.

Atthatoti padatthato. Tam pana padattham athuddhārakkamena
paṭhamam evam-saddassa dassento “**evam-saddo tāvā**”ti-ādimāha.
Avadhāraṇādīti ettha **ādi**-saddena idamatthapucchāparimāṇādi-atthānam
saṅgaho daṭṭhabbo. Tathā hi “evamgatāni puthusippāyatanāni, evamādīnī”ti-
ādīsu³ idam-saddassa atthe evam-saddo. Gata-saddo hi pakārapariyāyo,
tathā vidhākāra-saddā ca. Tathā hi vidhayuttagatasadde lokiyā pakāratthe
vadanti. “Evam su te sunhātā suvilitā kappitakesamassū
āmukkamaṇikuṇḍalābharaṇā odātavatthavasanā pañcahi kāmaguṇehi
samappitā samaṅgībhūtā paricārenti seyyathāpi tvam

1. Ummugghātoti (Sī)

2. Aṁ 1. 280 piṭṭhe.

3. Dī 2. 48 piṭṭhe.

etarahi sācariyakoti. No hidam bho gotamā”ti-ādīsu¹ pucchāyam. “Evam lahuparivattam², evamāyupariyanto”ti³ ca ādīsu parimāṇe.

Nanu ca “evam su te sunhātā suvilittā evamāyupariyanto”ti ettha evam-saddena pucchanākāraparimāṇākārānam vuttattā ākārattho eva evam-saddoti? Na, visesasabbhāvato. Ākāramattavācako hi evam-saddo ākāratthoti adhippeto yathā “evam byākho”ti-ādīsu⁴, na pana ākāravisesavācako. Evañca katvā “evam jātena maccenā”ti-ādīni⁵ upamādi-udāharañāni upapannāni honti. Tathā hi “yathā hi -pa- bahun”ti⁵ ettha puppharāsiṭṭhāniyato manussūpapattisappurisūpanissayasaddhammassavana yonisomanasikārabhogasampatti-ādidānādipuññakiriyāhetusamudāyato sobhāsugandhatādiguṇayogato mālāguṇasadisiyo pahūtā puññakiriyā maritabbasabhāvatāya maccena sattena kattabbāti jotitattā puppharāsimālāguṇāva upamā, tesam upamākāro yathā-saddena aniyamato vuttoti “evam-saddo upamākāranigamanattho”ti vattum yuttam, so pana upamākāro niyamiyamāno atthato upamāva hotīti āha “**upamāyam āgato**”ti. Tathā “evam iminā ākārena atikkamitabban”ti-ādinā upadisiyamānāya samaṇasāruppāya ākappasampattiyā yo kattha upadisanākāro, so atthato upadeso evāti vuttam “**evam te -pa- upadese**”ti. Tathā **evametam bhagavā, evametam sugatāti** ettha bhagavatā yathāvuttamattharī aviparītato jānantehi katam tattha samvijjamānaguṇānam pakārehi haṁsanam udaggatākaraṇam sampahaṁsanam, yo tattha sampahaṁsanākāroti yojetabbam.

Evamevam panāyanti ettha garahaṇākāroti yojetabbam, so ca garahaṇākāro “vasali”ti ādikhūṁsanasaddasannidhānato idha evam-saddena pakāsitoti viññāyati. Yathā cettha, evam upamākārādayopi upamādivasena vuttānam puppharāsi-ādisaddānam sannidhānatoti daṭṭhabbam. **Evam bhanteti khoti-ādīsu⁶** pana dhammassa sādhukam savanamanasikārena niyojitehi bhikkhūhi attano tattha ṭhitabhāvassa paṭijānanavasena

1. Dī 1. 98 piṭṭhe.

2. Am 1. 9 piṭṭhe.

3. Dī 1. 77; Vi 1. 5 piṭṭhesu.

4. Ma 1. 182; Vi 2. 175; Vi 4. 68 piṭṭhesu.

5. Khu 1. 21 piṭṭhe Dhammapade.

6. Evam bhanteti kho (Ka)

vuttattā ettha evam-saddo vacanasampaṭicchanattho vutto, tena “evam bhante sādhu bhante suṭṭhu bhante”ti vuttam hoti. **Evañca vadehīti** “yathāham vadāmi, evam samaṇam ānandam vadehī”ti vadānākāro idāni vattabbo evam-saddena nidassiyatīti nidassanattho vutto. **Evañcī noti** etthāpi tesam yathāvuttadhammānam ahitadukkhāvahabhāve sanniṭṭhānajanānatthām anumatiggahaṇavasena “no vā, kathaṁ vo ettha hotī”ti pucchāya katāya “evam no ettha hotī”ti vuttattā¹ tadākārasanniṭṭhānām evam-saddena vibhāvitanti viññāyati. So pana tesam dhammānam ahitāya dukkhāya samvattanākāro niyamiyamāno avadhāraṇattho hotīti āha “**evam no ettha hotīti-ādīsu avadhāraṇe**”ti.

Nānānayanipuṇanti ekattanānatta-abyāpāra-evamdharmatāsaṅkhātā, nandiyāvatṭatipukkhalaśihavikkilīta-aṅkusadisālocanasāṅkhātā vā ādhārādibhedavasena nānāvidhā nayā nānānayā, nayā vā pāṭigatiyo, tā ca paññatti-ādivasena samkilesabhāgīyādilokiyāditadubhayavomissakatādivasena kusalādivasena khandhādivasena saṅgahādivasena samayavimuttādivasena padhānādivasena kusalamūlādivasena tikapaṭṭhānādivasena ca nānappakārāti nānānayā, tehi nipyūnam sañhami sukhumanti nānānayanipuṇam. Āsayova ajjhāsayo, te ca sassatādibhedenā tattha ca apparajakkhatādibhedenā ca aneke, attajjhāsayādayo eva vā samuṭṭhānām uppattihetu etassāti **anekajjhāsayasamuṭṭhānām. Atthabyañjanasampannanti** atthabyañjanaparipuṇām upanetabbābhāvato. Saṅkāsanapakāsanavivaraṇavibhajana-uttānīkaraṇapaññattivasena chahi atthapadehi akkharapadabyañjanākāraniruttiniddesavasena chahi byañjanapadehi ca samannāgatanti vā attho daṭṭhabbo.

Vividhapāṭīhāriyanti ettha pāṭīhāriyapadassa vacanatthām “paṭipakkhaharaṇato rāgādikilesāpanayanato ca pāṭīhāriyan”ti vadanti. Bhagavato pana paṭipakkhā rāgādayo na santi, ye haritabbā. Puthujjanānampi vigatūpakkilese aṭṭhaguṇasamannāgate citte hatapaṭipakkhe iddhibhidhām pavattati, tasmā tattha pavattavohārena ca na sakkā idha “pāṭīhāriyan”ti vattum. Sace pana mahākāruṇikassa bhagavato veneyyagatā ca

1. Vuttamattha ta (Ka)

kilesā paṭipakkhā, tesam haraṇato “pāṭihāriyan”ti vuttam, evam sati yuttametam. Atha vā bhagavato ca sāsanassa ca paṭipakkhā titthiyā, tesam haraṇato pāṭihāriyam. Te hi diṭṭiharaṇavasena ca diṭṭhippakāsane asamatthabhāvena ca iddhi-ādesanānusāsanīhi haritā apanītā hontīti. “Paṭī”ti vā ayam saddo “pacchā”ti etassa attham bodheti “tasmim paṭipavīṭṭhamhi, añño āgañchi brāhmaṇo”ti-ādīsu¹ viya, tasmā samāhite citte vigatūpakkilese katakicca pacchā haritabbari pavattetabbanti pāṭihāriyam, attano vā upakkilesu catutthajjhānamaggehi haritesu pacchā haraṇam pāṭihāriyam, iddhi-ādesanānusāsaniyo ca vigatūpakkilesena katakicca ca sattahitattham puna pavattetabbā, haritesu ca attano upakkilesu parasattānam upakkilesaharaṇāni hontīti pāṭihāriyāni bhavanti, pāṭihāriyameva pāṭihāriyam, pāṭihāriye vā iddhi-ādesanānusāsanisamudāye bhavam ekamekam pāṭihāriyanti vuccati. Pāṭihāriyam vā catutthajjhānam maggo ca paṭipakkhaharaṇato, tattha jātam, tasmim vā nimittabhūte, tato vā āgatanti pāṭihāriyam. Tassa pana iddhi-ādibhedena visayabhedena ca² bahuvidhassa bhagavato desanāyam labbhamānattā āha “vividhapāṭihāriyan”ti.

Na aññathāti bhagavato sammukhā sutākārato na aññathāti attho, na pana bhagavato desitākārato. Acinteyyānubhāvā hi bhagavato desanā. Evañca katvā “sabbappakārena ko samattho viññātun”ti idam vacanam samatthitam bhavati, dhāraṇabalaḍassanañca na virujjhati sutākārāvirujjhānassa adhippetattā. Na hettha athantarataparihāro dvinnam atthānam ekavisayattā, itarathā thero bhagavato desanāya sabbathā paṭiggahaṇe samattho cāti āpajjeyyāti.

“Yo paro na hoti, so attā”ti evam vuttāya niyakajjhattasāñkhātāya sasantatiyam vattanato tividhopi me-saddo kiñcāpi ekasmiṃyeva atthe dissati, karaṇasampadānasāminiddesavasena pana vijjamānabhedam sandhāyāha “me-saddo tīsu atthesu dissatī”ti.

1. Khu 1. 429; Khu 8. 1 piṭṭhesu.

2. Vividhavisayabhedena ca (Sī)

Kiñcāpi upasaggo kiriyaṁ viseseti, jotakabhāvato pana satipi tasmin suta-saddo eva tam tamattham vadaṭīti anupasaggassa suta-saddassa atthuddhāre sa-upasaggassa gahaṇam na virujjhatiṁ dassento “**sa-upasaggo ca anupasaggo cā**”ti āha. **Assāti** suta-saddassa. Kammabhāvasādhanāni idha sutasadde sambhavantīti vuttam “**upadhāritanti vā upadhāraṇanti vā attho**”ti. **Mayāti atthe satīti** yadā me-saddassa kattuvasena karaṇaniddeso, tadāti attho. **Mamāti atthe satīti** yadā sambandhavasena sāminiddeso, tadā.

Sutasaddasanniṭṭhāne payuttena **evam**-saddena savanakiriyājotakena bhavitabbanti vuttam “**evanti sotaviññāṇādīviññāṇakiccanidassanan**”ti. Ādi-saddena sampaṭicchanādīnam sotadvārikaviññāṇanam tadabhinīhaṭānañca manodvārikaviññāṇanam gahaṇam veditabbam. Sabbesampi vākyānam evakāratthasahittā “sutan”ti etassa sutamevāti ayamattho labbhatīti āha “**assavanabhāvappaṭikkhepato**”ti. Etena avadhāraṇena niyāmatam dasseti. Yathā ca sutam sutamevāti niyāmetabbam, tam sammā sutam hotīti āha “**anūnādhikāviparītaggaṇaṇidassanan**”ti. Atha vā saddantarathāpohanavasena saddo attam vadaṭīti sutanti assutam na hotīti ayametassa athoti vuttam “**assavanabhāvappaṭikkhepato**”ti. Iminā diṭṭhādivinivattanam karoti. Idam vuttam hoti—na idam mayā diṭṭham, na sayambhuñāṇena sacchikatam, atha kho sutam, tañca sammadevāti. Tenevāha “**anūnādhikāviparītaggaṇaṇidassanan**”ti. Avadhāraṇatthe vā **evam**-sadde ayamatthayojanā—“tarīyatīti tadapekkhassa **suta**-saddassa ayamattho vutto “**assavanabhāvappaṭikkhepato**”ti. Tenevāha “**anūnādhikāviparītaggaṇaṇidassanan**”ti. Savana-saddo cettha kammattho veditabbo “suyyatī”ti.

Evam savanahetusavanavisasavasena padattayassa ekena pakārena atthayojanam dassetvā idāni pakārantarehi tam dassetum “**tathā evan**”ti-ādi vuttam. Tattha **tassāti** yā sā bhagavato sammukhā dhammassavanākārena pavattā manodvāraviññāṇavīthi, tassā. Sā hi nānappakārena ārammaṇe pavattitum samatthā. Tathā ca vuttam “**sotadvārāṇusārenā**”ti.

Nānappakārenāti vakkhamānānam

anekavihitānam byañjanatthaggahañānam nānākārena. Etena imissā yojanāya ākārattho evam-saddo gahitoti dīpeti. **Pavattibhāvappakāyananti** pavattiyā atthibhāvappakāsanam. **Sutanti dhammappakāsananti** yasmiṁ ārammaṇe vuttappakārā viññāṇavīthi nānappakārena pavattā, tassa dhammattā vuttam, na sutasaddassa dhammatthattā. Vuttassevatthassa pākaūkaraṇam “ayañhetthā”ti-ādi. Tattha viññāṇavīthiyāti karaṇatthe karaṇavacanam, mayāti kattu-atthe.

Evanti niddisitabbappakāsananti nidassanattham evam-saddam gahetvā vuttam nidassetabbassa nidassitabbattābhāvābhāvato. Tena evam-saddena sakalampi suttam paccāmaṭṭhanti dasseti. Sutasaddassa kiriyāsaddattā savanakiriyāya ca sādhāraṇaviññāṇappabandhappaṭibaddhattā tattha ca puggalavohāroti vuttam “**sutanti puggalakiccappakāsanan**”ti. Na hi puggalavohārarahite dhammappabandhe savanakiriyā labbhatīti.

Yassa cittasantānassāti-ādipi ākāratthameva evam-saddam gahetvā purimayojanāya aññathā athayojanam dassetum vuttam. Tattha **ākārapaññattīti** upādāpaññatti eva dhammānam pavatti-ākārupādānavasena tathā vuttā. **Sutanti visayaniddesoti** sotabbabhūto dhammo savanakiriyākattupuggalassa savanakiriyāvasena pavattīṭṭhānantī katvā vuttam. Cittasantānavinimuttassa paramatthato kassaci kattu-abhāvepi saddavohārena buddhiparikappitabhedavacanicchāya cittasantānato aññam viya tamśamañgim katvā vuttam “**cittasantānena tamśamañgino**”ti. Savanakiriyāvisayopi sotabbadhammo savanakiriyāvasena pavattacittasantānassa idha paramatthato kattubhāvato, savanavasena cittapavattiyā eva vā savanakiriyābhāvato tamkiryākattu ca visayo hotīti katvā vuttam “**tamśamañgino kattuvisaye**”ti. Sutākārassa ca therassa sammānicchitabhāvato āha “**gahañasannīṭṭhānan**”ti. Etena vā avadhāraṇattham evam-saddam gahetvā ayamatthayojanā katāti datṭhabbam.

Pubbe sutānam nānāvihitānam suttasañkhātānam atthabyañjanānam upadhbāritarūpassa ākārassa nidassanassa, avadhāraṇassa vā

pakāsanasabhāvo evam-saddoti tadākārādi-upadhāraṇassa puggalapaññattiyā upādānabhūtadhammappabandhabyāpāratāya vuttam “**evanti puggalakiccaniddeso**”ti. Savanakiriyā pana puggalavādinopi viññāṇanirapekkhā natthīti visesato viññāṇabyāpāroti āha “**sutanti viññāṇakiccaniddeso**”ti. Meti saddappavattiyā ekanteneva sattavisayattā viññāṇakiccassa ca tattheva samodahitabbato “**meti ubhayakiccyuttapuggalaniddeso**”ti vuttam.

Avijjamānapaññattivijjamānapaññattisabhāvā yathākkamaṁ evam-saddasutasaddānam atthāti te tathārūpapaññatti-upādānabyāpārabhāvena dassento āha “**evanti puggalakiccaniddeso, sutanti viññāṇakiccaniddeso**”ti. Ettha ca karaṇakiriyākattukammavisesappakāsanavasena puggalabyāpāravisayapuggalabyāpāranidassanasavasena gahaṇākāraggāhakatabbisayavisesaniddesavasena kattukaraṇabyāpārakattuniddesavasena ca dutiyādayo catasso atthayojanā dassitāti daṭṭhabbam.

Sabbassapi saddādhigamanīyassa athassa paññattimukheneva paṭipajjitatibbhāvā sabbapaññattīnañca vijjamānādivasena chasu paññattibhedesu antogadhattā tesu “evan”ti-ādīnam paññattīnam sarūpam niddhārento āha “**evanti ca meti cā**”ti-ādi. Tattha evanti ca meti ca vuccamānassatthassa ākārādino dhammānam asallakkhaṇabhāvato avijjamānapaññattibhāvoti āha “**saccikatthaparamatthavasena avijjamānapaññattī**”ti. Tattha **saccikatthaparamatthavasenāti** bhūtattha-uttamatthavasena. Idam vuttam hoti—yo māyāmarīci-ādayo viya abhūtattho, anussavādīhi gahetabbo viya anuttamattho ca na hoti, so rūpasaddādisabhāvo, ruppanānubhavanādisabhāvo vā¹ attho saccikattho paramattho cāti vuccati, na tathā “evam me”ti padānam atthoti. Etamevattham pākaṭataram kātum “**kiñhettha tan**”ti-ādi vuttam. Sutanti pana saddāyatanaṁ sandhāyāha “**vijjamānapaññattī**”ti. Teneva hi “**yañhi tam ettha sotena upaladdhan**”ti vuttam, “sotadvārānusārena upaladdhan”ti pana vutte atthabyañjanādi sabbam labbhati. **Tam tam upādāya vattabbatoti** sotopathamāgate dhamme upādāya tesam upadhāritākārādino paccāmasanavasena evanti, sasantatipariyāpanne khandhe upādāya meti vattabbattāti attho. Dīṭṭhādisabhāvarahite saddāyatane

1. Ruppanādisasāvo vā (Ka)

pavattamānopi sutavohāro “dutiyam tatiyan”ti-ādiko viya paṭhamādīni diṭṭhamutaviññāte apekkhitvā pavattoti āha “**diṭṭhādīni upanidhāya vattabbato**”ti. Assutam na hotīti hi sutanti pakāsito ayamatthoti.

Attanā paṭividdhā puttassa pakāravisesā evanti therena paccāmaṭṭhāti āha “**asammoham dīpetī**”ti. Nānappakārappaṭivedhasamattho hotīti etena vakkhamānassa puttassa nānappakāratam duppaṭivijjhatañca dasseti. **Sutassa asammosam dīpetīti** sutākārassa yāthāvato dassiyamānattā vuttam.

Asammohenāti sammohābhāvena, paññāya eva vā savanakālasambhūtāya taduttarikālapaññāsiddhi. Evam **asammosenāti** etthāpi vattabbam.

Byañjanānam paṭivijjhitabbo ākāro nātigambhīro, yathāsutadhāraṇameva tattha karaṇiyanti satiyā byāpāro adhiko, paññā tattha guṇībhūtāti vuttam “**paññāpubbaṅgamāyā**”ti-ādi “paññāya pubbaṅgamā”ti katvā. Pubbaṅgamatā cettha padhānabhāvo “manopubbaṅgamā”ti-ādīsu¹ viya, pubbaṅgamatāya vā cakkhuviññāṇādīsu āvajjanādīnam viya appadhānatte paññā pubbaṅgamā etissāti ayampi attho yujjati, evam **satipubbaṅgamāyātī** etthāpi vuttanayānusārena² yathāsambhavamattho veditabbo.

Atthabyañjanasampannassāti atthabyañjanaparipuṇṇassa, saṅkāsanappakāsanavivaraṇavibhajana-uttānikaraṇapaññattivasena chahi atthapadehi akkharapadabyañjanākāraniruttiniddesavasena chahi byañjanapadehi ca samannāgatassāti vā attho datṭhabbo.

Yoniso manasikāram dīpeti evam-saddena vuccamānānam ākāranidassanāvadhāraṇatthānam aviparītasaddhammavisayattāti adhippāyo. **Avikkhepam dīpetīti** “cittapariyādānam kattha bhāsitan”ti-ādipucchāvase pakaraṇappattassa vakkhamānassa puttassa savanām samādhānamantarena na sambhavatīti katvā vuttam. **Vikkhittacittassāti-ādi** tassevatthassa samatthanavasena vuttam. **Sabbasampattiyyātī** atthabyañjanadesakappayojanādisampattiyyā. Aviparītasaddhammavisayehi viya ākāranidassanāvadhāraṇatthehi yonisomanasikārassa, saddhammassavanena viya ca avikkhepassa yathā yonisomanasikārena phalabhūtena attasammāpañidhipubbekatapuññatānam siddhi vuttā

1. Khu 1. 13 piṭhe Dhammapade.

2. Vuttavipariyāyena (Ka)

tadavinābhāvato, evam avikkhepena phalabhūtena kāraṇabhūtānam saddhammassavanasappurisūpanissayānām siddhi dassetabbā siyā assutavato sappurisūpanissayarahitassa ca tadabhāvato. **Na hi vikkhittacittoti-ādinā** samatthanavacanena pana avikkhepena kāraṇabhūtena sappurisūpanissayena ca phalabhūtassa saddhammassavanassa siddhi dassitā. Ayam panetha adhippāyo yutto siyā, saddhammassavanasappurisūpanissayā na ekantena avikkhepassa kāraṇam bāhiraṅgattā, avikkhepo pana sappurisūpanissayo viya saddhammassavanassa ekantakāraṇanti. Evampi avikkhepena sappurisūpanissayasiddhijotanā na samatthitāva. No na samatthitā vikkhittacittānam sappurisapayirupāsanābhāvassa atthasiddhāttā. Ettha ca purimām phalena kāraṇassa siddhidassanām nadīpūrena viya upari vuṭṭhisabbhāvassa, dutiyam kāraṇena phalassa siddhidassanām daṭṭhabbam ekantavassinā viya meghavuṭṭhanena vuṭṭhippavattiyā.

Bhagavato vacanassa atthabyañjanappabhedaparicchedavasena sakalasāsanasampatti-ogāhanākāro niravasesaparahitapāripūritākāraṇanti vuttam “**evam bhaddako ākāro**”ti. Yasmā na hotīti sambandho.

Pacchimacakkadvayasampattinti

attasammāpañidhipubbekatapuññatāsaṅkhātaguṇadvayam. Aparāparam vuttiyā cettha cakkabhāvo, caranti etehi sattā sampattibhavesūti vā. Ye sandhāya vuttam “cattārimāni bhikkhave cakkāni, yehi samannāgatānam devamanussānām catucakkām vattati”ti-ādi¹. Purimapacchimabhāvo cettha desanākkamavasena daṭṭhabbo. **Pacchimacakkadvayasiddhiyāti** pacchimacakkadvayassa atthitāya. Sammāpañihitatto pubbe ca katapuñño suddhāsayo hoti tadasiddhīhetūnām kilesānām dūrībhāvatoti āha “**āsayasuddhā siddhā hotī**”ti. Tathā hi vuttam “sammāpañihitaṁ cittaṁ, seyyaso nam tato kare”ti² “katapuññosi tvam ānanda, padhānamanuyuñja, khippam hohisi anāsavo”ti³ ca. Tenevāha “**āsayasuddhiyā adhigamabyattisiddhī**”ti. **Payogasuddhiyāti** yonisomanasikārapubbaṅgamassa dhammassavanappyayogassa visadabhāvena. Tathā cāha “**āgamabyattisiddhī**”ti, sabbassa vā kāyavacīpayogassa niddosabhāvena. Parisuddhakāyavacīpayogo hi vippatisārābhāvato avikkhittacitto pariyattiyam visārado hotīti.

1. Am 1. 341 piṭṭhe.

2. Khu 1. 19 piṭṭhe Dhammapade.

3. Dī 2. 119 piṭṭhe.

Nānappakārapaṭivedhadīpakenāti—ādinā atthabyañjanesu therassa evam-saddasutasaddānam asammohadīpanato catuppaṭisambhidāvasena atthayojanam dasseti. Tattha **sotappabheda**paṭivedhadīpakenāti etena ayam sutā-saddo evam-saddasannidhānato, vakkhamānāpekkhāya vā sāmaññeneva sotabbadhammadvisesam āmasatī dasseti. **Manoditthikaraṇānam** pariyattidhammadānam anupekkhanasuppaṭivedhā visesato manasikārappaṭibaddhāti te vuttanayena yonisomanasikāradīpakena evam-saddena yojetvā, savanadhāraṇavacīparicayā pariyattidhammadā visesena sotāvadhānappaṭibaddhāti te avikkhepadīpakena sutā-saddena yojetvā dassento sāsanasaṃpatti�ā dhammassavane ussāham janeti. Tattha **dhammāti** pariyattidhammadā. **Manasā anupekkhitāti** “idha sīlam kathitam, idha samādhi, idha paññā, ettakā ettha anusandhayo”ti—ādinā nayena manasā anu anu pekkhitā. **Dīṭṭhiyā suppaṭividhāti** nijjhānakkhantibhūtāya, nītāpariññāsaṅkhātāya vā dīṭṭhiyā tattha tattha vuttarūpārūpadhamme “iti rūpam, ettakām rūpan”ti—ādinā sutthu vavatthepetvā paṭividhā.

Sakalena vacanenāti pubbe tīhi padehi visum visum yojitattā vuttam. **Asappurisabhūmīnti** akataññutam, “idhekacco pāpabhikkhu tathāgatappaveditam dhammadvinayam pariyāpuṇitvā attano dahatī”ti¹ evam vuttam anariyavohārāvattham. Sā eva anariyavohārāvatthā asaddhammo. Nanu ca ānandattherassa “mamedam vacanam”ti adhimānassa, mahākassapattherādīnañca tadāsaṅkāya abhāvato asappurisabhūmisamatikkamādivacanam niratthakanti? Nayidamevam “evam me sutan”ti vadantena ayampi attho vibhāvitoti dassanato. Keci pana “devatānam parivitakkāpekkham tathāvacananti edisī codanā anavakāsā”ti vadanti. Tasmim kira khaṇe ekaccānam devatānam evam cetaso parivitakko udapādi “bhagavā parinibbuto, ayañca āyasmā desanākusalo idāni dhammadā deseti, sakyakulappasuto tathāgatassa bhātā cūlapituputto, kim nu kho sayam sacchikatam dhammadā deseti, udāhu bhagavato eva vacanam yathāsutan”ti, evam tadāsaṅkitappakārato asappurisabhūmisamokkamādito atikkamādi vibhāvitanti. **Attano adahantoti** “mamedan”ti attani atṭhapento.

1. Vi 1. 115 piṭṭhe.

Appetīti nidasseti. Dīṭhadhammikasamparāyikaparamatthesu yathāraham satte netīti netti, dhammoyeva netti **dhammanetti**.

Dalhataraniviṭṭhā vicikicchā **kaṇkhā**. Nātisamīsappanam̄ matibhedamattam̄ **vimati**. **Assaddhiyam̄ vināseti** bhagavatā bhāsitattā sammukhā cassa paṭiggahitattā khalituduruttādiggahaṇadosābhāvato ca. Ettha ca pañcamādayo¹ tisso atthayojanā ākārādi-atthesu aggahitavisesameva evam-saddam gahetvā dassitā, tato parā catasso² ākāratthameva evam-saddam gahetvā vibhāvitā, pacchimā pana tisso yathākkamam̄ ākārattham̄ nidassanattham̄ avadhāraṇatthañca evam-saddam gahetvā yojitāti daṭṭhabbam̄.

Eka-saddo aññaseṭṭha-asahāyasaṅkhādīsu dissati. Tathā hesa “sassato attā ca loko ca, idameva saccam̄ moghamāññanti ittheke abhivadantī”ti-ādīsu³ aññatthe dissati, “cetaso ekodibhāvan”ti-ādīsu⁴ seṭṭhe, “eko vūpakaṭṭho”ti-ādīsu⁵ asahāye “ekova kho bhikkhave khaṇo ca samayo ca brahmacariyavāsāyā”ti-ādīsu⁶ saṅkhāyam. Idhāpi saṅkhāyanti dassento āha “ekanti gaṇanaparicchedaniddeso”ti. **Kālañca samayañcāti** yuttakālañca paccayasāmaggiñca. **Khaṇoti** okāso. Tathāgatuppādādiko hi maggabrahmacariyassa okāso tappaccayappaṭilābhahetuttā. Khaṇo eva ca samayo. Yo khaṇoti ca samayoti ca vuccati, so eko evāti hi attho.

Mahāsamayoti mahāsamūho. **Samayopi khoti** sikkhāpadapūraṇassa hetupi. **Samayappavādaketi** dīṭhippavādake. Tattha hi nisinnā titthiyā attano attano samayam pavadantīti. **Atthābhisaṁyātī** hitappaṭilābhā. Abhisametabboti abhisamayo, abhisamayo attho **abhisamayaṭṭhoti** pīlanādīni abhisametabbabhāvena ekībhāvam upanetvā vuttāni. Abhisamayassa vā paṭivedhassa visayabhūto⁷ attho **abhisamayaṭṭhoti** tāneva tathā ekattena vuttāni.

1. Pañcamādayo (Dī-Tī 1. 44; Sam-Tī 1. 30 piṭṭhesu.)

2. Tisso (Sī)

3. Ma 3. 22 piṭṭhe.

4. Dī 1. 70; Vi 1. 5 piṭṭhesu.

5. Dī 1. 166; Dī 2. 126; Ma 1. 48; Sam 2. 61; Vi 4. 489 piṭṭhesu.

6. Am 3. 61 piṭṭhe.

7. Visayabhūtabhāvo (Sī)

Tattha **pīlanam** dukkhasaccassa tārañsamañgino hiṁsanam
avipphārikatākaraṇam. **Santāpo** dukkhadukkhaṭādivasena santapanam
paridahanam.

Tattha sahakārikāraṇe sanijjhām sameti samavetīti **samayo**, samavāyo. Sameti samāgacchati ettha maggabrahmacariyām tadādhārapuggalehīti **samayo**, khaṇo. Sameti ettha, etena vā samgacchati satto, sabhāvadhammo vā sahajātādīhi, uppādādīhi vāti **samayo**, kālo. Dhammappavattimattatāya atthato abhūtopi hi kālo dhammappavattiyā adhikaraṇam karaṇam viya ca kappanāmattasiddhena rūpena voharīyatīti. Samam, saha vā avayavānam ayanam pavatti avaṭṭhānanti **samayo**, samūho yathā “samudāyo”ti. Avayavasahāvaṭṭhānameva hi samūhoti. Avasesapaccayānam samāgame eti phalām etasmā uppajjati pavattati cāti **samayo**, hetu yathā “samudayo”ti. Sameti samyojanabhāvato sambaddho eti attano visaye pavattati, daļhaggahaṇabhāvato vā samyuttā ayanti pavattanti sattā yathābhinivesam etenāti **samayo**, diṭṭhi. Diṭṭhisamyojanena hi sattā ativiya bajjhantīti. Samiti saṅgati samodhānanti **samayo**, paṭilābho. Samassa yānam, sammā vā yānam apagamoti **samayo**, pahānam. Abhimukham ñāṇena sammā etabbo abhisametabboti **abhisamayo**, dhammānam aviparīto sabhāvo. Abhimukhabhāvena sammā eti gacchati bujjhatīti **abhisamayo**, dhammānam aviparītasabhāvāvabodho. Evaṁ tasminm tasminm atthe samayasaddassa pavatti veditabbā. Samayasaddassa atthuddhāre abhisamayasaddassa udāharaṇam vuttanayena veditabbam. **Assāti** samayasaddassa. **Kālo** attho samavāyādīnam atthānam idha asambhavato, desadesakaparisānam viya suottassa nidānabhāvena kālassa apadisitabbato ca.

Kasmā panetha aniyamitavaseneva kālo niddiṭṭho, na utusāmīvaccharādivasena niyametvāti āha “**tattha kiñcāpi**”ti-ādi. Utusāmīvaccharādivasena niyamam akatvā samayasaddassa vacane ayampi guṇo laddho hotīti dassento “**ye vā ime**”ti-ādimāha. Sāmaññajotanā hi visese ātiṭṭhatīti. Tattha **diṭṭhadhammasukhavihārasamayo** devasikam jhānasamāpattīhi vītināmanakālo, visesato sattasattāhāni. **Suppakāsāti** dasasahassilokadhātuyā

pakampana-obhāsapātubhāvādīhi pākaṭā. Yathāvuttabhedesu eva samayesu ekadesam pakārantarehi saṅgahetvā dassetum “yo cāyan”ti-ādimāha. Tathā hi nāṇakiccasamayo attahitappaṭipattisamayo ca abhisambodhisamayo, ariyatūṇhībhāvasamayo dīṭhadhammasukhavihārasamayo, karuṇākiccaparahitappaṭipattidhammikathāsamayo desanāsamayoyeva.

Karaṇavacanena niddeso katoti sambandho. **Tatthāti** abhidhammadvinayesu. **Tathāti** bhummakaraṇehi. **Adhikaraṇattho** ādhārattho. Bhāvo nāma kiryā, kiryāya kiryantaralakkhaṇam **bhāvenabhāvalakkhaṇam**. Tattha yathā kālo sabhāvadhammaparicchinno sayaṁ paramatthato avijjamānopi ādhārabhāvena paññāto¹ taṅkhaṇappavattānam tato pubbe parato ca abhāvato “pubbaṇhe jāto, sāyanhe gacchatī”ti ca ādīsu, samūho ca avayavavinimutto avijjamānopi kappanāmattasiddho avayavānam ādhārabhāvena paññāpiyati “rukkhe sākhā, yavarāsiyam sambhūto”ti-ādīsu, evam idhāpīti dassento āha “adhikaraṇam -pa- dhammānan”ti. Yasmiṁ kāle, dhammapuñje vā kāmāvacaram kusalam cittam uppannam hoti, tasmiṁ eva kāle, dhammapuñje ca phassādayopi hontīti ayam hi tattha attho. Yathā “gāvīsu duyhamānāsu gato, duddhāsu āgato”ti dohanakiriyāya gamanakiriyā lakkhīyati, evam idhāpi “yasmiṁ samaye, tasmiṁ samaye”ti ca vutte “satī”ti ayamattho viññāyamāno eva hoti padatthassa sattāvirahābhāvatoti samayassa sattākiriyāya cittassa uppādakiriyā, phassādīnam bhavanakiriyā ca lakkhīyatīti. **Yasmiṁ samayeti** yasmiṁ navame khaṇe, yasmiṁ yonisomanasikārādihetumhi, paccayasamavāye vā sati kāmāvacaram kusalam cittam uppannam hoti, tasmiṁyeva khaṇe hetumhi paccayasamavāye ca phassādayopi hontīti ubhayattha samayasadde bhummaniddeso kato lakkhaṇabhūtabhāvayuttoti dassento āha “**khaṇa -pa-lakkhīyatī**”ti.

Hetu-attho karaṇattho ca sambhavati “annena vasati, ajjenena vasati, pharasunā chindati, kudālena khaṇatī”ti-ādīsu viya. Vītikkamam hi sutvā bhikkhusaṅgham sannipātāpetvā otīṇe vatthusmim tam puggalam

1. Paññāatto (Sī)

paṭipucchitvā vigarahitvā ca tam tam vatthum otiṇṇakālam anatikkamitvā teneva kālena sikkhāpadāni paññāpento bhagavā viharati sikkhāpadapaññattihetuñca apekkhamāno tatiyapārājikādisu viya.

Accantameva ārambhato paṭṭīhāya yāva desanāniṭṭhānam parahitappaṭipattisaṅkhātena **karuṇāvihārena**. Tadatthajotanatthanti accantasamyogatthajotanattham. **Upayogavacananiddeso** kato yathā “māsam ajjheti”ti. **Porāṇāti** aṭṭhakathācariyā. **Abhilāpamattabhedoti** vacanamattena viseso. Tena puttavinayesu vibhattibyattayo katoti dasseti.

Idāni “bhagavā”ti imassa attham dassento āha “**bhagavāti garū**”ti-ādi. **Bhagavāti** vacanam setṭhanti setṭhavācakam vacanam, setṭhaguṇasahacaraṇam setṭhanti vuttam. Atha vā vuccatīti vacanam, attho. Yasmā yo “bhagavā”ti vacanena vacanīyo attho, so setṭhoti attho. **Bhagavāti** vacanamuttamanti ethhāpi eseva nayo. **Gāravayuttoti** garubhāvayutto garuguṇayogato. Garukaraṇam vā satisayam arahatīti gāravayutto, gāravārahoti attho. Sippādisikkhāpakā garū honti, na ca gāravayuttā, ayam pana tādiso na hoti, tasmā garūti vatvā gāravayuttoti vuttanti keci. **Vuttoyeva**, na idha vattabbo visuddhimaggassa imissā aṭṭhakathāya ekadesabhāvatoti adhippāyo.

Dhammasarīyam paccakkham karotīti “yo vo ānanda mayā dhammo ca vinayo ca desito paññatto, so vā mamaccayena satthā”ti¹ vacanato dhammadassa satthubhāvapariyāyo vijjatīti katvā vuttam.

Vajirasāṅghātasaṁānakāyo parehi abhejjasarīrattā. Na hi bhagavato rūpakāye kenaci sakkā antarāyo² kātunti. **Desanāsampattiṁ niddisati** vakkhamānassa sakalasuttassa evanti niddisanato. **Sāvakasampattiṁ niddisati** paṭisambhidāpattena pañcasu ṭhānesu bhagavatā etadagge ṭhapitena mayā mahāsāvakena sutam, tañca kho mayā sutam, na anussutikam, na paramparābhatanti imassa atthassa dīpanato. **Kālasampattiṁ niddisati** “bhagavā”ti padassa sannidhāne payuttassa samayasaddassa kālassa

1. Dī 2. 126 piṭṭhe.

2. Antarāyam (Sī, Ka)

buddhuppādappaṭīmaṇḍitabhāvadīpanato. Buddhuppādaparamā hi kālasampadā. Tenetam vuccati—

“Kappakasāye kalyuge, buddhuppādo aho mahacchariyam.
Hutāvahamajjhe jātam, samuditamakarandamaravindan”ti¹.

Bhagavāti desakasampattim niddisati
guṇavisitthasattuttamagarugāravādhivacanabhāvato.

Evaṁnāmake nagareti kathām panetam nagaram evaṁnāmakam jātanti? Vuccate, yathā kākandassa isino nivāsaṭṭhāne māpitā nagarī kākandī, mākandassa nivāsaṭṭhāne māpitā mākandī, kusambassa nivāsaṭṭhāne māpitā kosambīti vuccati, evam savatthassa isino nivāsaṭṭhāne māpitā nagarī sāvatthīti vuccati. Evaṁ tāva akkharacintakā vadanti. Atṭhakathācariyā pana bhaṇanti “yam kiñci manussānam upabhogaparibhogam, sabbamettha atthīti sāvatthi. Satthasamāyoge ca ‘kim bhaṇḍamatthī’ti pucchite ‘sabbamatthī’ti vacanamupādāya sāvatthi.

Sabbadā sabbūpakaṇam, sāvatthiyam samohitam.
Tasmā sabbamupādāya, sāvatthīti pavuccati².

Kosalānam puram rammaṁ, dassaneyyum manoramam.
Dasahi saddehi avivittam, annapānasamāyutam.

Vuddhim vepullatam pattam, iddham phītam manoramam.
Ālakamandāva devānam, sāvatthipuramuttaman”ti³.

Avisesenāti na visesena, vihārabhāvasāmaññenāti attho. **Iriyāpatha -pa-vihāresūti** iriyāpathavihāro dibbavihāro brahmavihāro ariyavihāroti etesu catūsu vihāresu. **Samāṅgiparidīpananti** samaṅgibhāvaparidīpanam. **Etanti** viharatīti etam padam. Tathā hi tam “idhekacco gihisamsaṭṭho viharati sahanandī sahasokī”ti-ādīsu⁴ iriyāpathavihāre āgataṁ, “yasmīm samaye bhikkhave bhikkhu vivicceva

1. Dī-Tī 1. 48; Sam-Tī 1. 39 piṭṭhesupi.

2. Ma-Tīha 1. 62; Khuddakapāṭha-Tīha 94; Udāna-Tīha 50; Paṭisam-Tīha 2. 127 piṭṭhesu.

3. Ma-Tīha 1. 62; Khuddakapāṭha-Tīha 94 piṭṭhesu.

4. Sam 2. 387 piṭṭhe.

kāmehi paṭhamam jhānam upasampajja viharati”ti-ādīsu¹ dibbavihāre, “so mettāsaḥagatena cetasā ekaṁ disam pharitvā viharati”ti-ādīsu² brahmavihāre, “so khoham aggivessana tassāyeva kathāya pariyośāne tasmiṁyeva purimasmī samādhinimitte ajjhattameva cittam sañṭhapemi sannisādemi ekodim karomi, samādahāmi, yena sudam niccakappam viharāmī”ti-ādīsu³ ariyavihāre.

Tattha iriyānam pavattanam iriyā, kāyappayogo. Tassā pavattanūpāyabhāvato ṭhānādi **iriyāpatho**. Thānasamaṅgī vā hi kāyena kiñci kareyya gamanādīsu aññatarasamaṅgī vā. Atha vā iriyati pavattati etena attabhāvo, kāyakiccam vāti iriyā, tassā pavattiyā upāyabhāvato pathoti iriyāpatho, ṭhānādi eva. So ca atthato gatinivatti-ādi-ākārena pavatto catusantatirūpappabandho eva. Viharaṇam, viharati etenāti vā **vāhāro**. Divi bhavo dibbo, tattha bahulappavattiyā brahmapārisajjādidevaloke bhavoti attho. Tattha yo dibbānubhāvo, tadaṭṭhāya saṁvattatīti vā dibbo, abhiññābhinīhāravasena mahāgatikattā vā dibbo, dibbo ca so vihāro cāti **dibbavihāro**, catasso rūpāvacarasamāpattiyo. Arūpasamāpattiyo etheva saṅgaham gacchanti. Brahmānam, brahmāno⁴ vā vihārā **brahmavihārā**, catasso appamaññāyo. Ariyo, ariyānam vā vihāro **ariyavihāro**, cattāri sāmaññaphalāni. **So hi ekam iriyāpathabādhananti-ādi** yadipi bhagavā ekenapi iriyāpathena cirataram kālam attabhāvam pavattetum sakkoti, tathāpi upādinnakasarīrassa ayam sabhāvoti dassetum vuttam. Yasmā vā bhagavā yattha katthaci vasanto veneyyānam dhammām desento nānāsamāpattihi ca kālam vītināmento vasatīti sattānam attano ca vividhahitasukham harati upaneti uppādeti, tasmā vividham haratīti viharatīti evamettha attho veditabbo.

1. Abhi 1. 116; Abhi 2. 274 piṭṭhesu.

2. Dī 1. 234; Dī 3. 187; Ma 1. 46, 371, 411; Ma 2. 263, 269, 405, 422; Ma 3. 185; Abhi 2. 284 piṭṭhesu.

3. Ma 1. 316 piṭṭhe.

4. Brahmuno (Sī)

Jetassa rājakumārassāti ettha attano paccatthikajanam jinātīti jeto.

Sotasaddo viya hi kattusādhano jetasaddo. Atha vā raññā pasenadikosalena attano paccatthikajane jite jātoti jeto. Rañño hi jayam āropetvā kumāro jitavāti jetoti vutto. Maṅgalakāmatāya vā tassa evamnāmameva katanti jeto. Maṅgalakāmatāya hi jeyyoti etasmim atthe jetoti vuttam. **Vitthāro panāti-**ādinā “anāthapiṇḍikassa ārāme”ti ettha sudatto nāma so gahapati mātāpitūhi katanāmavasena, sabbakāmasamiddhatāya pana vigatamaccheratāya karuṇādiguṇasamaṅgitāya ca niccakālam anāthānam piṇḍamadāsi. Tena anāthapiṇḍikoti saṅkham gato. Āramanti ettha pāṇino, visesena vā pabbajitāti **ārāmo**, tassa pupphaphalādisobhāya nātidūranaccāsannatādipañcavidhasenāsanaṅgasampattiya ca tato tato āgamma ramanti abhiramanti, anukkaṇṭhitā hutvā nivasantīti attho. Vuttappakārāya vā sampattiya tattha tattha gatepi attano abbhantaramyeva ānetvā rametīti **ārāmo**. So hi anāthapiṇḍikena gahapatinā jetassa rājakumārassa hatthato aṭṭhārasahiraññakoṭīhi santhārena kiṇitvā aṭṭhārasahiraññakoṭīhi senāsanāni kārapetvā aṭṭhārasahiraññakoṭīhi vihāramaham niṭṭhāpetvā evam catupaññāsahiraññakoṭipariccāgena buddhappamukhassa bhikkhusamghassa niyyātito, tasmā “anāthapiṇḍikassa ārāmo”ti vuccatīti imamattham nidasseti.

Tatthāti “ekam samayam bhagavā sāvatthiyam viharati jetavane anāthapiṇḍikassa ārāme”ti yan vuttam vākyam, tattha. **Siyāti** kassaci evam parivitakko siyā, vakkhamānākārena kadāci codeyya vāti attho. **Atha tattha viharatīti** yadi jetavane anāthapiṇḍikassa ārāme viharati. **Na vattabbanti** nānāṭhānabhūtattā sāvatthijetavanānam, “ekam samayan”ti ca vuttattāti adhippāyo. Idāni codako tameva attano adhippāyam “**na hi sakkā**”ti-ādinā vivarati. Itaro sabbametam aviparītam attham ajānantena tayā vuttanti dassento “**na kho panetaṁ evam daṭṭhabban**”ti-ādimāha. Tattha **etanti** “sāvatthiyam viharati jetavane anāthapiṇḍikassa ārāme”ti etam vacanam. **Evanti** “yadi tāva

bhagavā”ti-ādinā yam tam bhavatā coditam, tam atthato evam na kho pana datṭhabbam, na ubhayattha apubbam acarimam vihāradassanatthanti attho. Idāni attanā yathādhippetam aviparītamattam, tassa ca paṭikacceva vuttabhāvam, tena ca appaṭividdhatam pakāsento “**nanu avocumha -pa-jetavane**”ti āha. Evampi “jetavane anāthapiṇḍikassa ārāme viharati”cceva vattabbam, na “sāvathhiyan”ti codanam manasi katvā vuttam “**gocaragāmanidassanatthan**”ti-ādi.

Avassam cettha gocaragāmakittanam kattabbam. Tathā hi tam yathā jetavanādikittanam pabbajitānuggahakaraṇādi-anekappayojanam, evam gocaragāmakittanampi gahaṭṭhānuggahakaraṇādīvidhapayojananti dassento “**sāvatthivacanenā**”ti-ādimāha. Tattha paccayaggahaṇena upasākamapayirupāsanānam okāsadānena dhammadesanāya saraṇesu sīlesu ca patiṭṭhāpanena yathūpanissayam uparivisesādhigamāvahanena ca **gahaṭṭhānuggahakaraṇam**, uggahapariupucchānam kammaṭṭhānānuyogassa ca anurūpasanāṭṭhānapariggaheneththa **pabbajitānuggahakaraṇam** veditabbam. **Karuṇāya upagamanam**, na lābhādinimittam¹. **Paññāya apagamanam**, na virodhādinimittanti upagamanāpagamanānam nirupakkilesatam vibhāveti. **Dhammadukham** nāma anavajjasukham. **Devatānam upakārabahulatā** janavivittatāya. Pacurajanavivittam hi ṭhānam devā upasaṅkamitabbam maññanti. **Tadatthaparinippahādananti** lokatthanippahādanam, buddhakiccasampādananti attho. **Evaṁādināti ādi-saddena sāvatthikittanena rūpakāyassa** anuggaṇhanam dasseti jetavanādikittanena dhammakāyassa. Tathā purimena parādhīnakiryākaraṇam, dutiyena attādhīnakiryākaraṇam. Purimena vā karuṇākiccam, itarena paññākiccam. Purimena cassa paramāya anukampāya samannāgamaṇam, pacchimena paramāya upekkhāya samannāgamaṇam dīpeti. Bhagavā hi sabbasatte paramāya anukampāya anukampati, na ca tattha sinehadosānupatito paramupekkhakabhāvato. Upekkhako ca na parahitasukhakaraṇe appossukko mahākāruṇikabhāvato. Tassa mahākāruṇikatāya lokanāthatā, upekkhakatāya attanāthatā.

Tathā hesa bodhisattabhūto mahākaruṇāya sañcoditamānaso sakalalokahitāya ussukkamāpanno mahābhīnīhārato

1. Na bhojanalābhādinimittam (Sī)

paṭṭhāya tadaṭthanippahādanattham puññañāṇasambhāre sampādento aparimitam kālam anappakam dukkhamanubhosī, upekkhakatāya sammā patitehi dukkhehi na vikampitatā. Mahākāruṇikatāya saṁsārābhīmukhatā, upekkhakatāya tato nibbindanā. Tathā upekkhakatāya nibbānābhīmukhatā, mahākāruṇikatāya tadaḍhigamo. Tathā mahākāruṇikatāya paresam ahimsāpanam, upekkhakatāya sayam parehi abhāyanam. Mahākāruṇikatāya param rakkhato attano rakkhaṇam, upekkhakatāya attānam rakkhato paresam rakkhaṇam. Tenassa attahitāya paṭipannādīsu catutthapuggalabhbāvo siddho hoti. Tathā mahākāruṇikatāya saccādhiṭṭhānassa ca cāgādhiṭṭhānassa ca pāripūrī, upekkhakatāya upasamādhiṭṭhānassa ca paññādhiṭṭhānassa ca pāripūrī. Evam parisuddhāsayappayogassa mahākāruṇikatāya lokahitatthameva rajjasampadādibhavasampatti� upagamanam, upekkhakatāya tiṇāyapi amaññamānassa tato apagamanam. Iti suvisuddha-upagamāpagamassa mahākāruṇikatāya lokahitatthameva dānavasena sampattinam pariccajanā, upekkhakatāya cassa phalassa attano apaccāsīsanā. Evam samudāgamanato paṭṭhāya acchariyabbhutaguṇasamannāgatassa mahākāruṇikatāya paresam hitasukhattham atidukkarakāritā, upekkhakatāya kāyampi analaṁkāritā¹.

Tathā mahākāruṇikatāya carimattabhāve jiṇṇāturamatadassanena sañjātasamvego, upekkhakatāya uṭāresu devabhogaśadesu bhogesu nirapekkho mahābhinnikkhamanam nikhami². Tathā mahākāruṇikatāya “kicchaṁ vatāyaṁ loko āpanno”ti-ādinā³ karuṇāmukheneva vipassanārambho, upekkhakatāya buddhabhbūtassa satta sattāhāni vivekasukheneva vītināmanam. Mahākāruṇikatāya dhammadgambhīratam paccavekkhitvā dhammadesanāya apposukkanam āpajjivāpi mahābrahmuno ajjhesanāpadesena okāsakaraṇam, upekkhakatāya pañcavaggiyādiveyyānam ananurūpasamudācārepi anaññathābhāvo. Mahākāruṇikatāya katthaci paṭighātābhāvenassa sabbattha amittasaññābhāvo, upekkhakatāya katthacipi anurodhābhāvena sabbattha sinehasanthavābhāvo. Mahākāruṇikatāya paresam pasādanā,

1. Anahaṁkāritā (Ka) 2. Nikkhamittha (Ka) 3. Dī 2. 26; Saṁ 1. 246, 251 piṭṭhesu.

upekkhakatāya pasannākārehi na vikampanā. Mahākāruṇikatāya dhammānurāgābhāvena tattha ācariyamuṭṭhi-abhāvo, upekkhakatāya sāvakānurāgābhāvena parivāraparikammatābhāvo. Mahākāruṇikatāya dhammām desetum parehi saṁsaggamupagacchatopi upekkhakatāya na tattha abhirati. Mahākāruṇikatāya gāmādīnam āsannaṭṭhāne vasatopi upekkhakatāya araññaṭṭhāne eva viharaṇam. Tena vuttam “**purimenassa paramāya anukampāya samannāgamām dīpetī**”ti.

Tanti tatrāti padam. “Desakālaparidīpanan”ti ye desakālā idha viharaṇakiriyāvisesanabhāvena vuttā, tesam paridīpananti dassento “**yam samayaṁ -pa- dīpetī**”ti āha. Tam-saddo hi vuttassa athassa paṭiniddeso, tasmā idha kālassa desassa vā paṭiniddeso bhavitumarahati, na aññassa. Ayam tāva tatra-saddassa paṭiniddesabhāve athavibhāvanā. Yasmā pana īdisesu ṛhānesu tatra-saddo dhammadesanāvisiṭṭham desakālañca vibhāveti, tasmā vuttam “**bhāsitabbayutte vā desakāle dīpetī**”ti. Tena **tatrāti** yatra bhagavā dhammadesanattham bhikkhū ālapati bhāsatī, tādise dese, kāle vāti attho. **Na hīti-ādinā** tamevattham samattheti. Nanu ca yattha ṛhito bhagavā “akālo kho tāvā”ti-ādinā bāhiyassa dhammadesanām paṭikkhipi, tattheva antaravīthiyam ṛhito tassa dhammām desesīti? Saccametam, adesetabbakāle adesanāya idam udāharaṇam. Tenevāha “**akālo kho tāvā**”ti.

Yam pana tattha vuttam “antaragharam pavitthamhā”ti, tampi tassa akālabhāvasseva pariyāyena dassanattham vuttam. Tassa hi tadā addhānaparissamena rūpakāye, akammañnatā ahosi, balavapītivegena nāmakāye. Tadubhayassa vūpasamām āgamento papañcaparihārattham bhagavā “akālo kho”ti pariyāyena paṭikkhipi. Adesetabbadese adesanāya pana udāharaṇam “atha kho bhagavā maggā okkamma aññatarasmim rukkhamūle nisīdi¹, vihārapacchāyāyam paññatte āsane nisīdī”ti² ca evamādikam idha ādisaddena saṅgahitam. “Atha kho so bhikkhave bālo idha pubbe nesādo idha pāpāni kammāni karitvā”ti-ādīsu³ padapūraṇamatte kho-saddo, “dukkham kho agāravo

1. Saṁ 1. 420 piṭṭhe.

2. Dī 1. 145 piṭṭhe.

3. Ma 3. 206 piṭṭhe.

viharati appatisso”ti-ādīsu¹ avadhāraṇe, “kittāvatā nu kho āvuso satthu pavivittassa viharato sāvakā vivekam nānusikkhanti”ti-ādīsu² ādikālatthe, vākyārambheti attho. Tattha padapūraṇena vacanālaṅkāramattam kataṁ hoti, ādikālatthena vākyassa upaññāsamattam. Avadhāraṇatthena pana niyamadassanam, tasmā āmantesi evāti āmantane niyamo dassito hoti.

Bhagavāti lokagarudīpananti kasmā vuttaṁ, nanu pubbepi bhagavāsaddassa attho vuttoti? Yadipi vutto, tam panassa yathāvutte ṭhāne viharaṇakiriyāya kattu visesadassanattham kataṁ, na āmantanakiriyāya, idha paja āmantanakiriyāya, tasmā tadattham puna “bhagavā”ti pāliyam vuttanti tassattham dassetum “bhagavāti lokagarudīpanan”ti āha. Tena lokagarubhāvato tadanurūpam paṭipattim patthento attano santikam upagatānam bhikkhūnam ajjhāsayānurūpam dhammam desetum te āmantesi dasseti. **Kathāsavayuttapuggalavacananti** vakkhamānāya cittapariyādānadesanāya savanayoggapuggalavacanam. Catūsupi parisāsu bhikkhū eva edisānam desanānam visesena bhājanabhūtāti sātisayam sāsanasampaṭiggāhakabhāvadassanattham idha bhikkhuggahaṇanti dassetvā idāni saddattham dassetum “**apicā**”ti-ādimāha. Tattha **bhikkhakoti bhikkhūti** bhikkhanadhammatāya bhikkhūti attho. **Bhikkhācariyam ajjhupagatoti** buddhādīhi ajjhupagataṁ bhikkhācariyam uñchācariyam ajjhupagatattā anuṭhitattā bhikkhu. Yo hi appam vā mahantam vā bhogakkhandham pahāya agārasmā anagāriyam pabbajito, so kasigorakkhādijīvikākappanam hitvā liṅgasampaṭicchaneneva bhikkhācariyam ajjhupagatattā bhikkhu, parappaṭibaddhajīvikattā vā vihāramajjhē kājabhattam bhuñjamānopi bhikkhācariyam ajjhupagatoti bhikkhu, piṇḍiyālopabhojanam nissāya pabbajjāya ussāhajātattā vā bhikkhācariyam ajjhupagatoti bhikkhūti evamettha attho daṭṭhabbo. **Ādinā nayenāti** “chinnabhinnapaṭadharoti bhikkhu, bhindati pāpake akusale dhammeti bhikkhu, bhinnattā pāpakānam akusalānam dhammānam bhikkhū”ti-ādinā **vibhange**³ āgatanayena. **Ñāpaneti** avabodhane, paṭivedaneti attho.

1. Arī 1. 328 piṭṭhe.

2. Ma 1. 17 piṭṭhe.

3. Abhi 2. 254 piṭṭhe.

Bhikkhanasīlatāti bhikkhanena jīvanasīlatā, na kasivāṇijjādinā jīvanasīlatā. **Bhikkhanadhammatāti** “uddissa ariyā tiṭṭhantī”ti¹ evam vutta bhikkhanasabhāvatā, na yācanakohaññasabhāvatā. **Bhikkhane sādhukāritāti** “uttiṭṭhe nappamajjeyyā”ti² vacanam anussaritvā tattha appamajjanā. Atha vā sīlamī nāma pakatisabhāvo, idha pana tadadhiṭṭhānam. **Dhammoti** vatam. **Sādhukāritāti** sakkaccakāritā ādarakiriyā. **Hīnādhikajanasevitanti** ye bhikkhubhāve ṭhitāpi jātimadādivasena uddhatā unnaṭā, ye ca gihibhāve paresam adhikabhāvampi anupagatattā bhikkhācariyam paramakāruññatam maññanti, tesam ubhayesampi yathākkamam “bhikkhavo”ti vacanena hīnajanehi daliddehi paramakāruññatam pattehi parakulesu bhikkhācariyāya jīvikam kappentehi sevitam vuttiṁ pakāsento **uddhatabhāvaniggaham karoti**. Adhikajanehi uṭārabhogakhattiyakulādito pabbajitehi buddhādīhi ājīvavisodhanattham sevitam vuttiṁ pakāsento dīnabhāvaniggaham karotīti yojetabbam. Yasmā “bhikkhavo”ti vacanam āmantanabhāvato abhimukhīkaraṇam, pakaraṇato sāmatthiyato ca suussusājananam sakkaccasavanamanasikāraniyojanañca hoti, tasmā tamattham dassento **“bhikkhavoti iminā”ti-ādimāha**. Tattha **sādhukamī savanamanasikāreti** sādhukasavane sādhukamanasikāre ca. Katham pana pavattitā savanādayo sādhukamī pavattitā hontīti? “Addhā imāya sammāpaṭipattiyā sakalasāsanasampatti hatthagatā bhavissatī”ti ādaragāravayogena kathādīsu aparibhavādinā ca. Vuttam hi “pañcahi bhikkhave dhammehi samannāgato suṇanto saddhammam bhabbo niyāmam okkamitum kusalesu dhammesu sammattam. Katameti pañcahi? Katham na paribhoti, kathitam na paribhoti, na attānam paribhoti, avikkhittacitto dhammaṁ suṇāti ekaggacitto, yoniso ca manasikaroti. Imehi kho bhikkhave pañcahi dhammehi samannāgato suṇanto saddhammam bhabbo niyāmam okkamitum kusalesu dhammesu sammattan”ti³. Tenevāha **“sādhukamī savanamanasikārāyattā hi sāsanasampatti”ti**.

Pubbe sabbaparisāsādhāraṇattepi bhagavato dhammadesanāya “jetṭhasetṭha”ti-ādinā bhikkhūnam eva āmantane kāraṇam dassetvā idāni

1. Khu 5. 162 pitthe.

2. Khu 1. 18 pitthe Dhammapade.

3. Aṁ 2. 154 pitthe.

bhikkhū āmantetvāva dhammadesanāya payojanam dassetum “**kimatthām pana bhagavā**”ti codanam samuṭṭhāpeti. Tattha **aññam cintentāti** aññavihitā. **Vikkhittacittāti** asamāhitacittā. **Dhammarām paccavekkhantāti** hiyyo tato param divasesu vā sutadhammadām pati pati manasā avekkhantā. Bhikkhū āmantetvā dhamme desiyamāne ādito paṭṭhāya desanam sallakkhetum sakkontīti imamatthām byatirekamukhena dassetum “**te anāmantetvā**”ti-ādi vuttam.

Bhikkhavoti cettha sandhivasena i-kāralopo daṭṭhabbo. **Bhikkhavo itīti** ayam iti-saddo hetuparisamāpanādi-atthapadatthavipariyāya pakārāvadhāraṇanidassanādi-anekatthappabhedo. Tathā hesa “ruppatīti kho bhikkhave, tasmā rūpanti vuccatī”ti-ādīsu¹ hetvatthe dissati. “Tasmātiha me bhikkhave dhammadāyādā bhavatha, mā āmisadāyādā. Atthi me tumhesu anukampā. Kinti me sāvakā dhammadāyādā bhaveyyum, no āmisadāyādā”ti-ādīsu² parisamāpane. “Iti vā iti evarūpā naccagītavāditavisūkadassanā paṭivirato”ti-ādīsu³ ādi-atthe. “Māgaṇḍiyoti tassa brahmaṇassa saṅkhā samaññā paññatti voḥāro nāmam nāmakammam nāmadheyyam nirutti byañjanamabhilāpo”ti-ādīsu⁴ padatthavipariyāye. “Iti kho bhikkhave sappaṭibhayo bālo, appaṭibhayo paṇḍito, sa-upaddavo bālo, anupaddavo paṇḍito, sa-upasaggo bālo, anupasaggo paṇḍito”ti-ādīsu⁵ pakāre. “Atthi idappaccayā jarāmaraṇanti puṭṭhena satā ‘ānanda atthī’tissa vacanīyam. ‘Kim paccayā jarāmaraṇ’ti iti ce vadeyya. Jātipaccayā jarāmaraṇam iccassa vacanīyan”ti-ādīsu⁶ avadhāraṇe. “Atthīti kho kaccāna ayameko anto, natthīti kho kaccāna ayam dutiyo anto”ti-ādīsu⁷ nidassane. Idhāpi nidassane eva daṭṭhabbo. Bhikkhavoti hi āmantanākāro. Tamesa iti-saddo nidasseti “bhikkhavoti āmantesī”ti. Iminā nayena “bhaddante”ti-ādīsupi yathārahām iti-saddassa attho veditabbo. Pubbe “bhagavā āmantesī”ti vuttattā “bhagavato

1. Sam 2. 71 piṭṭhe.

2. Ma 1. 16 piṭṭhe.

3. Dī 1. 6 piṭṭhe.

4. Khu 7. 144, 148 piṭṭhesu.

5. Ma 3. 107 piṭṭhe.

6. Dī 2. 47 piṭṭhe.

7. Sam 1. 258; Sam 2. 110 piṭṭhesu.

paccassosun”ti idha “bhagavato”ti sāmivacanam āmantanameva sambandhi-
antaram apekkhatīti iminā adhippāyena **“bhagavato āmantanam paṭi-
assosun”**ti vuttam, “bhagavato”ti pana idam paṭissavasambandhena
sampadānavacanam yathā “devadattāya paṭissuṇoti”ti. Yam nidānam
bhāsitanti sambandho. **Imassa suttassa sukhāvagāhaṇatthanti**
tamalakuvalayujjalavimalasādurasasalilāya pokkharaniyā
sukhāvataraṇattham nimmalasilātalaracanāvilāsasobhitaratanasopānam
vippakiṇḍamuttātalasadisavālukācūṇapāṇḍarabhūmibhāgam tittham viya
suvinhāttabhbhittivicitravedikāparikkhittassa nakkhattapatham
phusitukāmatāya viya paṭivijambhitasamussayassa pāsādavarassa
sukhārohanattham
dantamayasaṇhamuduphalakañcanalatāvinaddhamanigāṇappabhāsamudayujj
alasobham sopānam viya
suvaṇṇavalayanūpurādisamghaṭṭanasaddasammissitassa
kathitahasitamadhuressaragehajanavijambhi tavicaritassa uṭāra-
issariyavibhavasobhittassa mahāgharassa sukappavesanattham
suvaṇṇarajatamaṇimuttāpavālādijutivissaravijjotitasuppatiṭṭhitavisāladvārabā
ham mahādvāram viya ca atthabyañjanasampannassa buddhānam
desanāñāṇagambhīrabhāvasamīcakassa imassa suttassa sukhāvagāhattham.

Etthāha “kimattham pana dhammadayasaṇgahe kayiramāne
nidānavacanam, nanu bhagavatā bhāsitavacanasseva saṇgaho kātabbo”ti?
Vuccate, desanāya ṛhiti-asammosasaddheyabbhāvasampādanattham.
Kāladesadesakanimittaparisāpadesehi upanibandhitvā ṛhapitā hi desanā
ciraṭṭhitikā hoti asammosadhammā saddheyyā ca.
Desakālakattuhetunimittehi upanibaddho viya vohāravinicchayo. Teneva ca
āyasmata mahākassapena “cittapariyādānasuttam āvuso ānanda kattha
bhāsitan”ti-ādinā desādipucchāsu katāsu tāsam vissajjanam karontena
dhammadbhāṇḍāgārikena “evam me sutan”ti-ādinā imassa suttassa nidānam
bhāsitaṁ. Apica satthusampattippakāsanattham nidānavacanam.
Tathāgatassa hi bhagavato pubbacaraṇānumānāgamatakkābhāvato
sammāsambuddhabhbhāvasiddhi. Na hi sammāsambussa pubbacaraṇādīhi
attho atthi sabbattha appaṭihatañāṇacāratāya ekappamāṇattā ca
ñeyyadhammesu. Tathā
ācariyamuṭṭhidhammadchariyasāsanasāvakānānurāgābhāvato
khīṇāsavabhāvasiddhi. Na hi sabbaso khīṇāsavassa te sambhavantī
suvisuddhassa parānuggahappavatti.

Evam desakasamkilesabhūtānam diṭṭhisīlasampadādūsakānam
avijjātañhānam accantābhāvasamsūcakehi
ñāṇappahānasampadābhībyañjanakehi ca sambuddhavisuddhabhāvehi
purimavesārajjadvyasiddhi, tato ca antarāyikaniyyānikadhammesu
sammohābhāvasiddhito pacchimavesārajjadvyasiddhīti bhagavato
catuvesārajjasamannāgamo attahitaparahitappaṭipatti ca nidānavacanena
pakāsitā hoti. Tattha tattha sampattaparisāya ajjhāsayānurūpam
ṭhānuppattikappaṭibhānenā dhammadesanādīpanato, idha pana
rūpagarukānam puggalānam ajjhāsayānurūpam ṭhānuppattikappaṭibhānenā
dhammadesanādīpanatoti yojetabbam. Tena vuttam
“satthusampattippakāsanattham nidānavacanan”ti.

Tathā sāsanasampattippakāsanattham nidānavacanam.
Ñāṇakaruṇāpariggahitasabbakiriyassa hi bhagavato natthi niratthakā
paṭipatti, attahitatthā vā. Tasmā paresam eva athāya pavattasabbakiriyassa
sammāsambuddhassa sakalampi kāyavacīmanokammam yathāpavattam
vuccamānam diṭṭhadhammikasamparāyikaparamatthehi yathārahām
sattānam anusāsanatthena sāsanam, na kapparacanā. Tayidam satthucaritam
kāladesadesakaparisāpadesehi saddhim tattha tattha nidānavacanehi
yathārahaṁ pakāsiyati. “Idha pana rūpagarukānam puggalānan”ti-ādi
sabbaṁ purimasadisameva. Tena vuttam “sāsanasampattippakāsanattham
nidānavacanan”ti. Apica satthuno pamāṇabhāvappakāsanena vacanena
sāsanassa pamāṇabhāvadassanattham nidānavacanam, tañca
desakappamāṇabhāvadassanam heṭṭhā vuttanayānusārena “bhagavā”ti ca
iminā padena vibhāvitanti veditabbam. Bhagavāti hi tathāgatassa
rāgadosamohādisabbakilesamaladuccaritadosappahānadīpanena vacanena
anaññasādhāraṇasuparisuddhañāṇakaruṇādiguṇavisesayogaparidīpanena tato
eva sabbasattuttabhāvadīpanena ayamattho sabbathā pakāsito hotīti.
Idamettha nidānavacanappojanassa mukhamattanidassanam.

Nikkhittassāti desitassa. Desanā hi desetabbassa sīlādi-athassa
veneyyasantānesu nikkipanato “nikkhepo”ti vuccati. **Suttanikkheparām**
vicāretvāva vuccamānā pākaṭā hotīti sāmaññato bhagavato desanāya
samuṭṭhānassa vibhāgam dassetvā “etthāyam desanā evam̄samuṭṭhānā”ti
desanāya samuṭṭhāne dassite suttassa sammadeva nidānaparijānanena
vanñnanāya suviññeyyattā vuttaṁ. Tattha

yathā anekasata-anekasahassabhedānipi suttantāni samkilesabhāgīyādipatītānanayavasena soḷasavidhatām nātivattanti, evam attajjhāsayādisuttanikkhepavasena catubbidhabhāvanti āha “**cattāro hi suttanikkhepā**”ti. Ettha ca yathā attajjhāsayassa atṭhuppattiyā ca parajjhāsayapucchāhi saddhiṁ saṁsaggabhedo sambhavati “attajjhāsayo ca parajjhāsayo ca, attajjhāsayo ca pucchāvasiko ca, atṭhuppattiko ca parajjhāsayo ca, atṭhuppattiko ca pucchāvasiko cā”ti ajjhāsayapucchānusandhisabbhāvato, evam yadipī atṭhuppattiyā attajjhāsayenapi saṁsaggabhedo sambhavati, attajjhāsayādīhi pana purato ṭhitēhi atṭhuppattiyā saṁsaggo natthīti na idha niravaseso vitthāranayo sambhavatīti cattāro suttanikkhepā”ti vuttam. Tadantogadhattā vā sesanikkhepānam mūlanikkhepavasena cattārova dassitā. Yathādassanam hettha ayaṁ saṁsaggabhedo gahetabboti.

Tatrāyam vacanattho—nikkhipīyatīti nikkhēpo, suttam eva nikkhēpo **suttanikkhepo**. Atha vā nikkipanam nikkhēpo, suttassa nikkhēpo **suttanikkhepo**, suttadesanāti attho. Attano ajjhosayo attajjhāsayo, so assa atthi kāraṇabhūtoti **attajjhāsayo**. Attano ajjhāsayo etassāti vā **attajjhāsayo**. **Parajjhāsayepi** eseva nayo. Pucchāya vaso pucchāvaso, so etassa atthīti **pucchāvasiko**. Suttadesanāvatthubhūtassa atthassa uppatti atthuppatti, atthuppattiyeva atṭhuppatti ttha-kārassa ṭṭha-kāram katvā. Sā etassa atthīti **atṭhuppattiko**. Atha vā nikkipīyati suttam etenāti **suttanikkhepo**, attajjhāsayādi eva. Tesmiṁ atthavikappe attano ajjhāsayo **attajjhāsayo**. Paresam ajjhāsayo **parajjhāsayo**. Pucchīyatīti pucchā, pucchitabbo attho. Pucchāvasena pavattam dhammappaṭiggāhakānam vacanam pucchāvasikam, tadeva nikhepasaddāpekkhāya pullīngavasena vuttam “**pucchāvasiko**”ti. Tathā atṭhuppatti eva **atṭhuppattikoti** evamettha attho veditabbo.

Apicettha paresam indriyaparipākādikāraṇanirapekkhattā attajjhāsayassa visum suttanikkhepabhāvo yutto kevalam attano ajjhāsayeneva dhammatantiṭṭhapanathām pavattitadesanattā. Parajjhāsayapucchāvasikānam pana paresam ajjhāsayapucchānam desanāpavattihetubhūtānam uppattiyan

pavattitānam¹ kathamaṭhuppatti�ā anavarodho, pucchāvasika-
atṭhuppattikānam vā parajjhāsayānurodhena pavattitānam kathaṁ
parajjhāsaye anavarodhoti? Na codetabbametam. Paresam hi
abhinīhāraparipucchādivinimuttasseva puttadesanākāraṇuppādassa
atṭhuppattibhāvena gahitattā parajjhāsayapucchāvasikānam visum gahaṇam.
Tathā hi brahmajāladhammadayādasuttādīnam vaṇṇāvanṇā-
āmisuppādādidesanānimittam “atṭhuppatti”ti vuccati. Paresam puccham vinā
ajjhāsayam eva nimittam katvā desito parajjhāsayo, pucchāvasena desito
pucchāvasikoti pākaṭoyamatthoti. **Attano ajjhāsayeneva kathesi**
dhammatantiṭṭhapanattham kathesi. **Vimuttipariपācanīyā dhammā**
saddhindriyādayo. **Ajjhāsayanti** adhimuttim. **Khintinti**
diṭṭhinijjhānakkhantim. **Mananti** paññatticittam. **Abhinīhāranti** pañidhānam.
Bujjhānabhāvanti bujjhānasabhbāvam, paṭivijjhānakāram vā.
Rūpagarukānanti pañcasu ārammaṇesu rūpārammaṇagarukā rūpagarukā.
Cittena rūpaninnā rūpapoṇā rūpapabbhārā rūpadassanappasutā rūpena
ākaḍḍhitahadayā, tesam rūpagarukānam.

Paṭisedhatthoti paṭikkhepattho. Kassa pana paṭikkhepatthoti?
Kiriyāpadhānam hi vākyam, tasmā “na samanupassāmi”ti
samanupassanākiryāpaṭisedhattho. Tenāha “**imassa pana padassā**”ti-ādi. Yo
paro na hoti, so attāti lokasamaññāmattasiddham sattasantānam sandhāya
“ahan”ti satthā vadati, na bāhirakaparikappitaṁ ahamkāravisayaṁ
ahamkārassa bodhimūleyeva samucchinnattā. Lokasamaññānatikkamantā
eva hi buddhānam lokiye visaye desanāpavatti. **Bhikkhaveti** ālapane
kāraṇam heṭṭhā vuttameva. Aññanti apekkhāsiddhattā aññatthassa “**idāni**
vattabba-itthirūpato aññan”ti āha. **Kempī rūpanti** ekam vaṇṇāyatanaṁ.
Samaṁ visamaṁ sammā yāthāvato anu anu passatīti **samanupassanā**,
ñāṇam. Samkilissanavasena anu anu passatīti **samanupassanā**, diṭṭhi. No
niccatoti ettha **iti**-saddo ādi-attho, evamādikoti attho. Tena “dukkhato
samanupassati”ti evamādīni saṅgaṇhāti. **Olokentopīti**
devamanussavimānakapparukkhamāṇikanakādigatāni rūpāni anavasesam
sabbaññutaññāṇena olokentopi. Sāmaññavacanopī yam-saddo
“ekarūpampī”ti

1. Pavattikānam (Sī)

rūpassa adhigatattā rūpavisayo icchitoti “**yam rūpan**”ti vuttam. Tathā purisasaddo pariyādiyitabbacittapuggalavisayoti **rūpagarukassāti** visesitam. **Gahaṇam** “khepanan”ti ca adhippetam, **pariyādānañca** uppattinivāraṇanti āha “**catubhūmakusalacittan**”ti. Tam hi rūpam tādisassa parittakusalassapi uppattiṁ nivāreti, kimaṅgam pana mahaggatānuttaracittassāti lokuttarakusalacittassapi uppattiyā nivāraṇam hotum samattham, lokiyakusaluppattiṁ nivārakatte vattabbameva natthīti “**catubhūmakakusalacittam pariyādiyitvā**”ti vuttam. Na hi kāmaguṇassādappasutassa purisassa dānādivasena savipphārikā kusaluppatti sambhavati. **Gañhitvā khepetvātī** attānam assādetvā pavattamānassa akusalacittassa paccayo hontam pavattinivāraṇena muṭṭhigatam viya gahetvā anuppādanirodhena khepetvā viya tiṭṭhati. Tāva mahati lokasannivāse tassa pariyādiyatṭhānam avicchedato labbhatīti āha “**tiṭṭhatīti**”ti yathā “pabbatā tiṭṭhanti, nacco sandanti”ti. Tenāha “**idha ubhayampi vattatīti**”ti-ādi.

Yathayidanti sandhivasena ākārassa rassattam yakārāgamo cāti āha “**yathā idan**”ti. **Itthiyā rūpanti** itthisarīragatam tappaṭibaddhañca rūpāyatanam. Paramatthassa nirulho, paṭhamam sādhāraṇato saddasatthalakkhaṇāni vibhāvetabbāni, pacchā asādhāraṇatoti tāni pāliivasena vibhāveturi “**ruppatīti kho -pa- veditabban**”ti āha. Tattha **ruppatīti** sītādivirodhipaccayehi vikāram āpādīyati, āpajjatīti vā attho. Vikārappatti ca virodhipaccayasannipāte visadisuppatti vibhūtatarā, kuto panāyam visesoti ce? “**Sītenā**”ti-ādivacanato. Evañca katvā vedanādīsu anavasesarūpasamaññā sāmaññalakkhaṇanti sabbarūpadhammasādhāraṇam ruppanam. Idāni atthuddhāranayena rūpa-saddam samvaṇṇento “**ayam panā**”ti-ādimāha. **Rūpakkhandhe vattatīti** “olārikam vā sukhumam vā”ti-ādivacanato¹. **Rūpūpapattiyāti** ettha rūpabhavo rūpam uttarapadalopena. Rūpabhavūpapattiyāti ayam hettha attho. **Kasiṇanimitte** pathavīkasiṇādisaññite paṭibhāganimitte. Ruppati attano phalassa sabhāvam karotīti rūpam,

1. Ma 1. 297; Ma 2. 84; Ma 3. 67, 69; Abhi 2. 1 piṭṭhesu.

sabhāvahetūti āha “**sarūpā -pa- ettha paccaye**”ti. Karacaraṇādi-avayavasaṅghātabhāvena rūpiyati nirūpiyatīti rūpam, rūpakāyoti āha “**ākāso -pa- ettha sarīre**”ti.

Rūpayati vaṇṇavikāram āpajjamānam hadayaṅgatabhāvam pakāsetīti rūpam, vaṇṇāyatanam. Ārohapiṇḍāhādibhedarūpagataṁ sañṭhanasampattim nissāya pasādam āpajjamāno rūpappamāṇoti vuttoti āha “**ettha sañṭhāne**”ti. **Piyarūpanti**-ādīsu sabhāvattho rūpasaddo. Ādisaddena rūpajjhānādīnam saṅgaho. “Rūpī rūpāni passatī”ti ettha ajjhattam kesādīsu parikammasaññāvasena paṭiladdharūpajjhānam rūpam, tam assa atthīti rūpīti vutto. **Itthiyā catusamutṭhāne** vaṇṇeti itthisarīrapariyāpannameva rūpam gahitam, tappaṭibaddhavatthālaṅkāradirūpampi pana purisacittassa pariyādāyakam hotīti dassetum “**apicā**”ti-ādi vuttam. Gandhavaṇṇaggahaṇena vilepanam vuttam. Kāmam “asukāya itthiyā pasādhanan”ti sallakkhitassa akāyappaṭibaddhassapi vaṇṇo paṭibaddhacittassa purisassa cittam pariyādāya tiṭṭheyya, tam pana na ekantikanti ekantikam dassento “**kāyappaṭibaddho**”ti-āha. **Upakappatīti** cittassa pariyādānāya upakappati. **Purimassevāti** pubbe vutta-atthasseva dalhīkaraṇattham vuttam yathā “dvikkhattum bandham subandhan”ti. Nigamanavasena vā etam vuttanti daṭṭhabbam. **Opammavasena vuttanti** “yam evam purisassa cittam pariyādāya tiṭṭhatī”ti sakalamevidam purimavacanam upamāvasena vuttam, tattha pana upamābhūtam attham dassetum “**yathayidam -pa- itthirūpan**”ti vuttam. Pariyādāne ānubhāvo sambhavo **pariyādānānubhāvo**, tassa dassanavasena vuttam.

Idam pana “**itthirūpan**”ti-ādivacanam **pariyādānānubhāve** sādhetabbe dīpetabbe **vatthu** kāraṇam. **Nāgo** nāma so rājā, dīghadāṭhikattā pana “mahādāṭhikanāgarājā”ti vutto. **Asamvaraniyāmenāti** cakkhudvārikena asamvaranīhārena. **Nimittam gahetvāti** rāguppattihetubhūtam rūpam subhanimittam gahetvā. **Visikādassanam** gantvāti sivathikadassanam gantvā. Tattha hi ādīnavānupassanā ijhati. Vatthulobhena kuto tādisāya maraṇanti asaddahanto “**mukham tumhākam dhūmavaṇṇan**”ti te daharasāmaṇere uppāṇdento vadati.

Ratanattaye suppasantattā kākavaṇṇatissādīhi visesanatthañca so tissamahārājā saddhāsaddena visesetvā vuccati. **Daharassa cittam**

pariyādāya tiṭṭhatīti adhikāravasena vuttam. **Niṭṭhituddesakiccoti** gāme asappāyarūpadassanam imassa anatthāya siyāti ācariyena nivāritagāmappaveso pacchā niṭṭhituddesakicco hutvā ṫhito. Tena vuttam “**atthakāmānam vacanam agghetvā**”ti. **Nivatthavatthām sañjānitvāti** attanā diṭṭhadivase nivatthavatthām tassā matadivase sivathikadassanaththām gatena laddham sañjānitvā. **Evampīti** evam maraṇasampāpanavasenapi. Ayaṁ tāvettha atṭhakathāya anuttānatthadīpanā.

Nettinayavaṇṇanā

Idāni pakaraṇanayena pāliyā atthavaṇṇanam karissāma. Sā pana atthasaṁvaṇṇanā yasmā desanāya samuṭṭhānappayojanabhājanisu piṇḍatthesu ca niddhāritesu sukarā hoti suviññeyyā ca, tasmā suuttadesanāya samuṭṭhānādīni paṭhamam niddhārayissāma. Tattha **samuṭṭhānam** nāma desanānidānam, tam sādhāraṇamasādhāraṇanti duvidham. Tattha sādhāraṇampi ajjhattikabāhirabhedato duvidham. Tattha **sādhāraṇam ajjhattikasamuṭṭhānam** nāma lokanāthassa mahākaruṇā. Tāya hi samussāhitassa bhagavato veneyyānam dhammadesanāya cittam udapādi, yam sandhāya vuttam “sattesu ca kāruññatam paṭicca buddhacakkhunā lokam volokesī”ti-ādi¹. Ettha ca hetāvatthāyapi mahākaruṇāya saṅgaho daṭṭhabbo yāvadeva saṁsāramahoghato saddhammadesanāhatthadānehi sattasantāraṇatthām taduppattito. Yathā ca mahākaruṇā, evam Sabbaññutaññānam dasabalaññādayo ca desanāya abbhantarasaṁuṭṭhānabhāvena vattabbā. Sabbam hi ñeyyadhammarām tesam desetabbākāram sattānañca āsayānusayādirim yāthāvato jānanto bhagavā ṫhānātṭhānādīsu kosallena veneyyajjhāsayānurūpam vicittanayadesanam pavattesīti. **Bāhiram** pana **sādhāraṇam samuṭṭhānam** dasasahassamahābrahmaparivārassa sahampatibrahmuno ajjhesanam. Tadajjhesanuttarakālam hi dhummagambhīratāpaccavekkhaṇājanitam appossukkataṁ paṭippassambhetvā dhammassāmī dhammadesanāya ussāhajāto ahosi. Asādhāraṇampi abbhantarabāhirabhedato duvidhameva. Tattha **abbhantarām** yāya mahākaruṇāya yena ca

1. Ma 1. 225; Vi 3. 9; Saṁ 1. 139 piṭṭhesu.

desanāññena idam suttam pavattitam, tadubhayam veditabbam. **Bāhiram** pana rūpagarukānam puggalānam ajjhāsayo. Svāyamattho aṭṭhakathāyam vutto eva.

Payojanampi sādhāraṇāsādhāraṇato duvidham. Tattha **sādhāraṇam** yāva anupādāparinibbānam vimuttirasattā bhagavato desanāya. Tenevāha “etadatthā kathā, etadatthā mantanā”ti-ādi. **Asādhāraṇam** pana tesam rūpagarukānam puggalānam rūpe chandarāgassa jahāpanam, ubhayampetam bāhirameva. Sace pana veneyyasantānagatampi desanābalasiddhisāñkhātam payojanam adhippāyasamijjhānahāvato yathādhippetatthasiddhiyā mahākāruṇikassa bhagavatopi payojanamevāti gaṇheyya, iminā pariyāyenassa abbha-antaratapi siyā.

Apica tesam rūpagarukānam puggalānam rūpasmiṁ vijjamānassa ādīnavassa yāthāvato anavabodho imissā desanāya samuṭṭhānam, tadavabodho payojanam. So hi imāya desanāya bhagavantam payojeti tannipphādanaparāyam desanāti katvā. Yam hi desanāya sādhetabbam phalam, tam ākañkhitabbattā desakam desanāya payojetīti payojananti vuccati. Tathā tesam puggalānam tadaññesañca veneyyānam rūpamukhena pañcasu upādānakkhandhesu ādīnavadassanañcettha payojanam. Tathā saṁsāracakkhanivattisaddhammacakkappavattisassatādimicchāvādanirākaraṇam sammāvādapurekkhāro akusalamūlasamūhananam kusalamūlasamāropanam apāyadvārapidahananam saggamaggadvāravivaraṇam pariyuṭṭhānavūpasamanam anusayasamugghātanam “mutto mocessāmī”ti purimapatiññāvisamvādanam tappaṭipakkhamāramanorathavisampādanam titthiyadhammanimmathanam buddhadhammapatiṭṭhāpananti evamādīnipi payojanāni idha veditabbāni.

Yathā te puggalā rūpagarukā, evam tadaññe ca sakkāyagarukā sakkāyasmim allinā sañkhadhammānam sammāsambuddhassa ca paṭipattiṁ ajānantā asaddhammassavanasādhāraṇaparicariyamanasikāraparā saddhammassavanadhāraṇa paricayappaṭivedhavimukhā ca bhavavippamokkhesino veneyyā imissā desanāya **bhājanam**.

Piṇḍattā cettha rūpaggahaṇena

rūpadhāturūpāyatanarūpakkhandhapariggaṇhanam rūpamukhena
catudhammānam vaṭṭattayavicchedanūpāyo āsavoghādivivecanam
abhinandanani vāraṇaṇaṅgatikkamo vivādamūlapariccāgo sakkhattayānuyogo
pahānattayadīpanā samathavipassanānuṭṭhānam bhāvanāsacchikiriyāsiddhīti
evamādayo veditabbā.

Ito param pana solasa hārā dassetabbā. Tattha “rūpan”ti sahajātā tassa
nissayabhūtā tappaṭibaddhā ca sabbe rūpārūpadhammā taṇhāvajjā
dukkhasaccam. Tamsamuṭṭhāpikā tadārammaṇā ca taṇhā samudayasaccam.
Tadubhayesam appavatti nirodhasaccam. Nirodhappajānanā paṭipadā
maggasaccam. Tattha samudayena assādo, dukkhena ādīnavo,
magganirodhehi nissaraṇam, rūpārammaṇassa akusalacittassa kusalacittassa
ca pariyādānam phalam. Yam hi desanāya sādhetabbam payojanam, tam
phalanti vuttvāyamattho. Tadattham hidam suttam bhagavatā desitanti.
Yathā tam kusalacittam na pariyādiyati, evam
paṭisaṅkhānabhāvanābalaparigghitā indriyesu guttadvāratā upāyo. Purisassa
kusalacittapariyādānenassa rūpassa aññarūpāsādhāraṇatādassanāpadesena
atthakāmehi tato cittam sādhukam rakkhitabbam. Ayamettha bhagavato
āṇattīti ayam **desanāhāro**. Assādādisandassanavibhāvanalakkhaṇo hi
desanāhāro. Vuttam hetam **nettippakaraṇe**—

“Assādādīnavatā, nissaraṇampi ca phalam upāyo ca.

Āṇattī ca bhagavato, yoginam desanāhāro”ti¹.

Desiyati samvaṇṇiyati etāya suttatthoti desanā, desanāya sahacaraṇato
vā desanā. Nanu ca aññepi hārā desanāsaṅkhātassa suttassa
atthasamvaṇṇanāto desanāya sahacārinovāti? Saccametam, ayam pana hāro
yebhuyyena yathārutavaseneva viññāyamāno desanāya saha caratīti
vattabbatam arahati, na tathāpare. Na hi
assādādīnavanissaraṇādisandassanarahitā suttadesanā atthi. Kim pana tesam
assādādīnam anavasesānam pacanam desanāhāro,

1. Khu 10. 3 piṭṭhe.

udāhu ekaccānanti? Niravasesānamiyeva. Yasmim hi sutte assādādīnavanissaraṇāni sarūpato āgatāni, tattha vattabbameva natthi. Yattha pana ekadesena āgatāni, na ca sarūpena, tattha anāgataṁ atthavasena niddhāretvā hāro yojetabbo.

Sayam samantacakkhubhāvato tamdassanena sabhāvato ca “ahan”ti vuttam. Bhikkhanasilatādiguṇayogato abhimukhīkaraṇatthañca “bhikkhave”ti vuttam. Attābhāvato aparatādassanatthañca¹ “aññan”ti vuttam. Ekassa anupalabbhadassanatthām anekabhāvappaṭisedhanatthañca “ekarūpampī”ti vuttam. Tādisassa rūpassa abhāvato adassanato ca “na samanupassāmī”ti vuttam. Tassa paccāmasanatho aniyamato ca “yan”ti vuttam. Idāni vuccamānākāraparāmasanato tadaññākāranisedhanato ca “evan”ti vuttam. Visabhāgindriyavatthuto sabhāgavattusmiṁ tadabhāvato ca “purisassā”ti vuttam. Nimittaggāhassa vatthubhāvato tathā parikappitattā ca “cittām pariyādāya tiṭṭhatī”ti vuttam. Evanti vuttākāraparāmasanatthañceva nidassanatthañca “yathā”ti vuttam. Attano paccakkhabhāvato bhikkhūnam paccakkhakaraṇatthañca “idan”ti vuttam. Itthisantānapariyāpannato tappaṭibaddhabhāvato ca “itthirūpan”ti vuttanti evam anupadavicyato vicayo hāro. Vicīyanti etena, etha vā padapañhādayoti vicayo, vici eva vā tesanti vicayo. Padapucchāvissajjanapubbāparānuggahanam assādādīnañca visesaniddhāraṇavasena pavicayalakkhaṇo hi vicayo hāro. Vuttampi cetam—

“Yaṁ pucchitañca vissajjitañca, suttassa yā ca anugīti.

Suttassa yo pavicayo, hāro vicayoti niddiṭṭho”ti².

Anādimati saṁsāre itthipurisānam aññamaññarūpābhīrāmatāya “itthirūpam purisassa cittām pariyādāya tiṭṭhatī”ti yujjatīti ayam **yuttihāro**. Byañjanatthānam yuttāyuttavibhāgavibhāvanalakkhaṇo hi yuttihāro. Vuttampi cetam—

“Sabbesam hārānam, yā bhūmī yo ca gocaro tesam.

Yuttāyuttiparikkhā, hāro yuttīti niddiṭṭho”ti².

1. Apanatādassanatthañca (Ka)

2. Khu 10. 3 piṭṭhe.

Yuttī ca upapatti sādhanayutti, idha pana yuttivicāraṇā yutti uttarapadalopena “rūpabhavo rūpan”ti yathā. Yuttisahacaraṇato vā yutti.

Itthirūpam ayoniso olkiyamānam indriyesu aguttadvāratāya padaṭṭhānam, sā kusalānam dharmānam abhāvanāya padaṭṭhānam, sā sabbassapi samkilesapakkhassa parivuddhiyā padaṭṭhānam. Byatirekato pana itthirūpam yoniso olkiyamānam satipaṭṭhānabhāvanāya padaṭṭhānam, sā bojjhaṅgānam bhāvanāpāripūriyā padaṭṭhānam, sā vijjāvimuttinām pāripūriyā padaṭṭhānam, kusalassa cittassa pariyādānam sammohābhinivesassa padaṭṭhānam, so saṅkhārānam padaṭṭhānam, saṅkhārā viññāṇassāti sabbam āvattati bhavacakkam. Byatirekato pana kusalassa cittassa apariyādānam tesam tesam kusalānam dharmānam uppādāya pāripūriyā padaṭṭhānanti ayam tāva avisesato nayo. Visesato pana sīlassa apariyādānam avippaṭisārassa padaṭṭhānam, avippaṭisāro pāmojjassāti-ādinā yāva anupādāparinibbānam netabbam. Ayam **padaṭṭhāno hāro**. Sutte āgatadhammānam padaṭṭhānabhūte dhamme tesācā padaṭṭhānabhūteti sambhavato padaṭṭhānabhūtadhammaniddhāraṇalakkhaṇo hi padaṭṭhāno hāro. Vuttañcetam—

“Dhammam deseti jino, tassa ca dhammassa yam padaṭṭhānam.
Iti yāva sabbadhammā, eso hāro padaṭṭhāno”ti¹.

Padaṭṭhānanti āsannakāraṇam. Idha pana padaṭṭhānavicāraṇā padaṭṭhānoti-ādi yuttihāre vuttanayeneva veditabbam.

Ekarūpanti ca rūpāyatanaaggahaṇena channampi bāhirānam āyatanānam gahaṇam bāhirāyatanaabhāvena ekkalakkhaṇattā. **Cittanti** manāyatanaggahaṇena channampi ajjhattikānam āyatanānam gahaṇam ajjhattikāyatanaabhāvena ekkalakkhaṇattā. Evam khandhadhātādivasenapi ekkalakkhaṇatā vattabbā. Ayam **lakkhaṇo hāro**. Lakkhīyanti etena, ettha vā ekkalakkhaṇadhammā avuttāpi ekaccavacanenāti lakkhaṇo. Sutte anāgatepi dhamme vuttappakāre āgate viya niddhāretvā yā samvaṇṇanā, so lakkhaṇo hāro. Vuttampi cetam—

1. Khu 10. 3 piṭṭhe.

“Vuttamhi ekadhamme, ye dhammā ekaakkhaṇā keci.
Vuttā bhavanti sabbe, so hāro lakkhaṇo nāmā”ti¹.

Nidāne imissā desanāya rūpagarukānam puggalānam rūpasmiṁ anādīnavadassitā vuttā, “katham nu kho ime imam desanam sutvā rūpe ādīnavadassanamukhena sabbasmimpi khandhapañcakē sabbaso chandarāgam pahāya sakalavaṭṭadukkhato mucceyyum, pare ca tattha patiṭṭhāpeyyun”ti ayamettha bhagavato **adhippāyo**. Padanibbacanam **niruttam**, tam “evan”ti-ādinidānapadānam “nāhan”ti-ādipālipadānañca aṭṭhakathāyam tassā līnatthavaṇṇanāya ca vuttanayānusārena sukarattā na vitthārayimha.

Padapadatthadesanādesanānikkhepasuttasandhivasena pañcavidhā **sandhi**. Tattha padassa padantarena sambandho **padasandhi**. Padatthassa padatthantarena sambandho **padatthasandhi**, yo “kiriyākārakasambandho”ti vuccati. Nānānusandhikassa suttassa tamtamanusandhīhi sambandho, ekānusandhikassa ca pubbāparasambandho **desanāsandhi**, yā aṭṭhakathāyam “pucchānusandhi ajjhāsayānusandhi yathānusandhi”ti tidhā vibhattā. Ajjhāsayo cettha attajjhāsayo parajjhāsayoti dvidhā veditabbo. **Desanānikkhepasandhi** catunnām suttanikkhepānam vasena veditabbā. **Suttasandhi** idha paṭhamanikkhepavaseneva veditabbā. “Kasmā panettha idameva cittapariyādānasuttaṁ paṭhamam nikkhittan”ti nāyamanuyogo katthaci na pavattati. Apica ime sattā anādimati samsāre paribbhāmantā itthipurisā aññamaññesam pañcakāmaguṇasaṅkhātarūpābhīrāmā, tattha itthī purisassa rūpe sattā giddhā gadhitā laggā laggitā āsattā, sā cassā tattha āsatti dubbivecanīyā. Tathā puriso itthiyā rūpe, tattha ca dassanasamsaggo garutaro itaresañca mūlabhūto. Teneva hi bhagavā “katham nu kho mātugāme paṭipajjitatban”ti² puṭṭho “adassanamevā”ti² avoca. Tasmā bhagavā pañcasu kāmaguṇesu rūpe chandarāgahāpanattham idameva suttam paṭhamam dasesi. Nibbānādhigamāya paṭipattiyā ādi resā³ paṭipattīti. Yam pana ekissā desanāya desanantarena samsandanam, ayampi desanāsandhi. Sā idha evam veditabbā. **“Nāham bhikkhave -pa- tiṭṭhatī”ti** ayam desanā “ye kho bhikkhave cakkhuviññeyyā rūpā iṭṭhā kantā manāpā viyarūpā kāmūpasamñhitā

1. Khu 10. 3 piṭṭhe.

2. Dī 2. 116 piṭṭhe.

3. Ādare sā (Ka)

rajanīyā, tañce bhikkhu abhinandati abhivadati ajjhosāya tiṭṭhati, tassa tam abhinandato abhivadato ajjhosāya tiṭṭhato uppajjanti aneke pāpakā akusalā dhammā”ti¹ imāya desanāya samsandati. Tathā “rūpe maññati, rūpesu maññati, rūpato maññati, rūpam ‘me’ti maññati. Rūpam bhikkhave anabhijānam aparijānam avirājayam appajaham abhabbo dukkhakkhayāyā”ti² evamādīhi desanāhi samsandatītī ayam **catubyūho hāro**. Viyūhīyanti vibhāgena piṇḍīyanti etena, ettha vāti byūho, nibbacanādīnam catunnam byūhoti catubyūho, catunnam vā byūho etthāti catubyūho. Nibbacanādhippāyādīnam catunnam vibhāgalakkhaṇo hi catubyūho hāro. Vuttam hetam—

“Neruttamadhippāyo, byañjanamatha desanānidānañca.
Pubbāparānusandhī, eso hāro catubyūho”ti³.

“Nāham bhikkhave aññam -pa- itthirūpan”ti etena ayoniso manasikāro dīpito. Yam tattha cittam pariyādiyati, tena yoniso manasikāro. Tattha ayonisomanasikaroto taṇhāvijjā parivadḍhanti, tāsu taṇhāgahaṇena nava taṇhāmūlakā dhammā āvaṭṭanti, avijjāgahaṇena avijjāmūlakam sabbam bhavacakkam āvaṭṭati, yonisomanasikāraggahaṇena ca yonisomanasikāramūlakā dhammā āvaṭṭanti, catubbidhañca sampatticakkanti. Ayam **āvaṭṭo hāro**. Āvaṭṭayanti etena, ettha vā sabhāgavisabhāgā ca dhammā, tesam vā āvaṭṭananti āvaṭṭo. Desanāya gahitadhammānam sabhāgā sabhāgadhammavasena āvaṭṭanalakkhaṇo hi āvaṭṭo hāro. Vuttampi cetam—

“Ekamhi padaṭṭhāne, pariyesati sesakam padaṭṭhānam.
Āvaṭṭati paṭipakkhe, āvaṭṭo nāma so hāro”ti³.

Rūpam catubbidham kammasamuṭṭhānam cittasamuṭṭhānam utusamuṭṭhānam āhārasamuṭṭhānam, tathā iṭṭham iṭṭhamajjhattam anīṭṭham anīṭṭhamajjhantanti. Idha pana iṭṭham adhippetam. Cittam kusalacittamettha veditabbam. Tam kāmāvacaram rūpāvacaram arūpāvacaram lokuttaranti catubbidham. Vedanādisampayuttadhammadbhedato

1. Sam 2. 321 piṭṭhe. (Attaho samānam) 2. Sam 2. 310 piṭṭhe. 3. Khu 10. 3 piṭṭhe.

anekavidhanti ayam **vibhattihāro**. Vibhajīyanti etena, ettha vā sādhāraṇāsādhāraṇānam samkilesavodānadhammānam bhūmiyoti vibhatti. Vibhajanam vā etesam bhūmiyoti vibhatti. Samkilesadhamme vodānadhamme ca sādhāraṇāsādhāraṇato padaṭṭhānato bhūmito vibhajanalakkhaṇo hi vibhattihāro. Vuttampi cetam—

“Dhammañca padaṭṭhānam, bhūmiñca vibhajjate ayam hāro. Sādhāraṇe assādhā-raṇe ca neyyo vibhatti”ti¹.

Itthirūpam purisassa cittam pariyādāya tiṭṭhati ayoniso manasikaroto, yoniso manasikaroto na pariyādiyati susamvutindriyattā sīlesu samāhitassāti ayam **parivatto hāro**. Paṭipakkhavasena parivattīyanti iminā, ettha vā sutte vuttadhammā, parivattanam vā tesanti parivatto. Niddiṭṭhānam dhammānam paṭipakkhato parivattanalakkhaṇo hi parivatto hāro. Vuttam hetam—

“Kusalākusale dhamme, niddiṭṭhe bhāvite pahīne ca. Parivattati paṭipakkhe, hāro parivattano nāmā”ti¹.

Bhikkhave samaṇā pabbajitāti pariyāyavacanam. Aññam param kiñcīti pariyāyavacanam. Rūpam vaṇṇam cakkhuvīññeyyanti pariyāyavacanam. Samanupassāmi olokessāmi jānāmīti pariyāyavacanam. Evaṁ ittham imam pakāranti pariyāyavacanam. Purisassa puggalassāti pariyāyavacanam. Cittam viññāṇam manoti pariyāyavacanam. Pariyādāya gahetvā khepetvāti pariyāyavacanam. Tiṭṭhati dharati ṛhātīti pariyāyavacanam. Yathā yena pakārena yenākārenāti pariyāyavacanam. Itthī nārī mātugāmoti pariyāyavacananti ayam **vevacano hāro**. Vividham vacanam vuccati etena atthoti vā vivacanam, vivacanameva vevacanam. Ekasmim atthe anekapariyāyasaddappayojanalakkhaṇo hi vevacano hāro. Vuttam hetam—

“Vevacanāni bahūni tu, sutte vuttāni ekadhammassa. Yo jānāti suttavidū, vevacano nāma so hāro”ti¹.

1. Khu 10. 4 piṭṭhe.

Rūpaṁ kālaṁ sāmādīva sena anekadhā paññattam. Puriso khattiyaṁ dīva sena anekadhā paññatto. Cittam parittamahaggatādīva sena anekadhā paññattam. “Pariyādāya”ti ettha pariyoḍānam pariyoḍāyakānam pāpadhammānam vasena vītikkama pariyoḍīhānañdinā ca anekadhā paññattam. Ayam **paññattihāro**. Pakārehi, pabhedato vā ñāpiyanti iminā, ettha vā atthāti paññatti. Ekekassa dhammassa anekāhi paññattīti paññāpetabbākāravibhāvanalakkhaṇo hi paññattihāro. Vuttam hetam—

“Ekam bhagavā dhammām, paññattīhi vividhāhi deseti.

So ākāro ñeyyo, paññattī nāma so hāro”ti¹.

Virodhipaccayasamavāye visadisuppattiruppanavaṇṇavikārāpattiyā tamśamaṅgino hadayaṅgatabhāvappakāsanam rūpaṭhoti aniccatāmukhena otaraṇam, aniccassa pana dukkhattā dukkhatāmukhena, dukkhassa ca anattakattā suññatāmukhena otaraṇam. Cittam manoviññāṇadhātu, tassā pariyoḍāyikā taṇhā tadekaṭṭhā ca pāpadhammā dhammadhātūti dhātumukhena otaraṇam. Evam kandhāyatanādimukhehi pi otaraṇam vattabbanti ayam **otaraṇo hāro**. Otāriyanti anuppavesiyanti etena, ettha vā suttāgatā dhammā paṭiccasamuppādādīsūti otaraṇo.

Paṭiccasamuppādādimukhena suttatthassa otaraṇalakkhaṇo hi otaraṇo hāro. Vuttam hetam—

“Yo ca paṭiccuppādo, indriyakhandhā ca dhātu-āyatanā.

Etehi otarati yo, otaraṇo nāma so hāro”ti¹.

Nāham bhikkhave -pa- samanupassāmīti ārambho. Evam purisassa cittam pariyoḍāya tiṭṭhatīti padasuddhi, na pana ārambhasuddhi. Yathayidanti-ādi padasuddhi ceva ārambhasuddhi cāti ayam **sodhano hāro**. Sodhīyanti samādhīyanti etena, ettha vā suttē padapadatthapañhārambhāti sodhano. Suttē padapadatthapañhārambhānam sodhanalakkhaṇo hi sodhano hāro. Vuttam hetam—

“Vissajjitamhi pañhe, gāthāyam pucchitāyamārabbha.

Suddhāsuddhāparikkhā, hāro so sodhano nāmā”ti¹.

1. Khu 10. 4 piṭṭhe.

Aññanti sāmaññato adhiṭṭhānam kassaci visesassa anāmaṭṭhattā. **Ekarūpampīti** tam avikappetvā visesavacanam. **Yathayidanti** sāmaññato adhiṭṭhānam aniyamavacanabhāvato. **Itthirūpanti** tam avikappetvā visesavacananti ayam **adhiṭṭhāno hāro**. Adhiṭṭhīyanti anuppavattīyanti etena, ettha vā sāmaññavisesabhbūtā dhammā vinā vikappenāti adhiṭṭhāno. Suttāgatānam dhammānam avikappanavaseneva sāmaññavisesaniddhāraṇalakkhaṇo hi adhiṭṭhāno hāro. Vuttampi cetam—

“Ekattatāya dhammā, yepi ca vemattatāya niddiṭṭhā.
Tena vikappayitabbā, eso hāro adhiṭṭhāno”ti¹.

Rūpassa kammāvijjādayo kammacittādayo ca hetu. Samanupassanāya āvajjanādayo. Kusalassa cittassa yoniso manasikārādayo. **Pariyādāyāti** ettha pariyādānassa ayonisomanasikārādayoti ayam **parikkhāro hāro**. Parikaroti abhisāñkharoti phalanti parikkhāro, hetu paccayo ca. Parikkhāram ācikkhatīti parikkhāro, hāro. Parikkhāravisayattā, parikkhārasahacaraṇato vā parikkhāro. Sutte āgatadhammānam parikkhārasaṅkhātahetupaccaye niddhāretvā saṁvaṇṇanālakkhaṇo hi parikkhāro hāro. Vuttaṁ hetam—

“Ye dhammā yaṁ dhammam, janayantippaccayā paramparato.
Hetumavakadḍhayitvā, eso hāro parikkhāro”ti¹.

Purisassa cittam **pariyādāya** tiṭṭhatīti ettha pariyādāyikā visesato taṇhāvijjā veditabbā tāsaṁ vasena pariyādānasambhāvato. Tāsu taṇhāya rūpamadhiṭṭhānam, avijjāya arūpam. Visesato taṇhāya samatho paṭipakkho, avijjāya vipassanā. Samathassa cetovimutti, phalavipassanāya paññāvimutti. Tathā hi tā rāgavirāgā avijjāvirāgāti visesetvā vuccantīti ayam **samāropano hāro**. Samāropīyanti etena, ettha vā padaṭṭhānādimukhena dhammāti samāropano. Sutte āgatadhammānam padaṭṭhānavevacanabhāvanāpahānasamāropanavicāraṇalakkhaṇo hi samāropano hāro. Vuttaṁ hetam—

1. Khu 10. 4 piṭṭhe.

“Ye dhammā yam mūlā, ye cekatthā pakāsitā muninā.
Te samāropayitabbā, esa samāropano hāro”ti¹.

Ettāvatā ca—

“Desanā vicayo yutti, padaṭṭhāno ca lakkhaṇo.
Catubyūho ca āvaṭṭo, vibhatti parivattano.
Vevacano ca paññatti, otaraṇo ca sodhano.
Adhiṭṭhāno parikkhāro, samāropanā soḷaso”ti²—

evam vuttā soḷasa hārā dassitāti veditabbā. Harīyanti etehi, ettha vā
suttageyyādivisayā aññāṇasamsayavipallāsāti hārā. Haranti vā sayam tāni,
haraṇamattameva vāti hārā phalūpacārena. Atha vā harīyanti voharīyanti
dhammasamvaṇṇakadhammadappaṭīggāhakehi dhammassa
dānaggahaṇavasenāti hārā. Atha vā hārā viyāti hārā. Yathā hi
anekaratanāvalisamūho hārasaṅkhāto attano avayavabhūtaratanasamphassehi
samupajaniyamānahilādasukho hutvā tadupabhogijanasarīrasantāpam
nidāghapariṭāhūpajanitam vūpasameti, evameva tepi
nānāvidhaparamattharatanappabandhā samvaṇṇanāvisesā attano
avayavabhūtaparamattharatanādhigamena samuppādiyamānanibbutisukhā
dhammadappaṭīggāhakajanahadayaparitāpam kāmarāgādikilesahetukam
vūpasamentīti. Atha vā hārayanti aññāñādinīhāram apagamam karonti
ācikkhantīti vā hārā. Atha vā sotujanacittassa haraṇato ramaṇato ca hārā
niruttinayena yathā “bhavesu vantagamano bhagavā”ti³.

Ito param pana nandiyāvaṭṭādipañcavidhanayā veditabbā—tattha
taṇhāvijjā samudayasaccam, tāsam adhiṭṭhānādibhūtā rūpadhammadā
dukkhasaccam, tesam appavatti nirodhasaccam, nirodhappajānanā paṭipadā
maggasaccam. Taṇhāgahaṇena cettha
māyāsāṭheyyamānātimānamadappamādapāpicchatāpāpamittatā-ahirika-
anottappādivasena akusalapakkho netabbo. Avijjāgahaṇena
viparītamanasikāra kodhūpanāhamakkhapalāsa-
issāmacchariyasārambhadovacassatābhavadiṭṭhivibhavadiṭṭhi-ādivasena
akusalapakkho netabbo.

1. Khu 10. 4 piṭṭhe. 2. Khu 10. 2 piṭṭhe. 3. Visuddhi 1. 204; Vi-Tṭha 1. 95 piṭṭhesu.

Vuttavipariyāyato kusalapakkho netabbo. Katham? Amāyā-asāṭheyyādivasena aviparītamanasikārādivasena ca. Tathā samathapakkhiyānam saddhindriyādīnam, vipassanāpakkhiyānam aniccasāññādīnañca vasena vodānapakkho netabboti ayam **nandiyāvatṭassa nayassa bhūmi**. Yo hi taṇhā-avijjāhi saṃkilesapakkhassa suttatthassa samathavipassanāhi vodānapakkhassa ca catusaccayojanamukhena nayanalakkhaṇo saṃvāṇjanāviseso, ayam nandiyāvatṭanayo nāma. Vuttam hetam—

“Taṇhañca avijjampi ca, samathena vipassanāya yo neti.
Saccehi yojayitvā, ayam nayo nandiyāvatṭo”ti¹.

Nandiyāvatṭassa viya āvatṭo tessāti nandiyāvatṭo. Yathā hi nandiyāvatṭo anto ṭhitena padhānāvayavena bahiddhā āvatṭati, evamayampi nayoti attho. Atha vā nandiyā taṇhāya pamodassa vā āvatṭo etthāti nandiyāvatṭo.

Heṭṭhā vuttanayena gahitesu taṇhāvijjātappakkhiyadhammesu taṇhā lobho, avijjā moho, avijjāya sampayutto lohite sati pubbo viya taṇhāya sati sijjhamaṇo āghāto doso iti tīhi akusalamūlehi gahitehi, tappaṭipakkhato kusalacittaggahaṇena ca tīpi kusalamūlāni gahitāni eva honti. Idhāpi lobho sabbāni vā sāsavakusalamūlāni samudayasaccam, tannibbattā tesam adhiṭṭhānagocarabhūtā upādānakkhandhā dukkhasaccanti-ādinā saccayojanā veditabbā. Phalam panettha vimokkhattayavasena niddhāretabbam, tīhi akusalamūlehi tividhaduccaritasamākilesamalavisama-akusalasaññāvitakkādivasena akusalapakkho netabbo, tathā tīhi kusalamūlehi tividhasucaritasamakusalasaññāvitakkasaddhammasamādhivimokkhamukhā divasena vodānapakkho netabboti ayam **tipukkhalassa nayassa bhūmi**. Yo hi akusalamūlehi saṃkilesapakkhassa kusalamūlehi vodānapakkhassa suttatthassa ca catusaccayojanāmukhena nayanalakkhaṇo saṃvāṇjanāviseso, ayam **tipukkhalanayo** nāma. Tīhi

1. Khu 10. 4 piṭhe.

avayavehi lobhādīhi saṅkilesapakkhe, alobhādīhi ca vodānapakkhe pukkhalo sobhanoti tipukkhalo. Vuttam hetam—

“Yo akusale samūlehi,
Neti kusale ca kusalamūlehi.
Bhūtam tatham avitatham,
Tipukkhalam tam nayam āhū”ti¹.

Vuttanayena gahitesu taṇhāvijjātappakkhiyadhammesu visesato taṇhādiṭṭhīnam vasena asubhe “subhan”ti, dukkhe “sukhan”ti ca vipallāsā, avijjādiṭṭhīnam vasena anicce “niccan”ti, anattani “attā”ti vipallāsā veditabbā. Tesam paṭipakkhato kusalacittaggahañena siddhehi sativīriyasamādhīpaññindriyehi cattāri satipaṭṭhānāni siddhāniyeva honti.

Tattha catūhi indriyehi cattāro puggalā niddisitabbā. Katham? Duvidho hi taṇhācarito mudindriyo tikkhindriyoti, tathā diṭṭhicarito. Tesu paṭhamo asubhe “subhan”ti vipariyesaggāhī satibalena yathābhūtam kāyasabhāvam sallakkhento bhāvanābalena tam vipallāsam samugghātetvā sammattaniyāmām okkamati. Dutiyo asukhe “sukhan”ti vipariyesaggāhī “uppannam kāmavitakkam nādhivaset”ti-ādinā² vuttena vīriyasamāvarabhūtena vīriyabalenā paṭipakkham vinodento bhāvanābalena tam vipallāsam vidhametvā sammattaniyā mām okkamati. Tatiyo anicce “niccan”ti vipallāsaggāhī samathabalenā samāhitacitto saṅkhārānam khaṇikabhāvam sallakkhento bhāvanābalena tam vipallāsam samugghātetvā sammattaniyāmām okkamati. Catuttho santatisamūhakiccārammaṇaghanavañcitatāya phassādidhammapuñjamatte anattani “attā”ti micchābhinivesī catukoṭikasuññatāmanasikārena tam micchābhinivesam viddhamsento sāmaññaphalam sacchikaroti. Subhasaññādīhi catuhipi vā vipallāsehi samudayasaccam, tesamadhiṭṭhānārammaṇabhbūtā pañcupādānakkhandhā dukkhasaccanti-ādinā saccayojanā veditabbā. Phalam panettha cattāri sāmaññaphalāni, catūhi cettha vipallāsehi caturāsavoghayogagantha-agatitaṇhupādānasallaviññāṇaṭṭhitī-apariññādivasena akusalapakkho netabbo, tathā catūhi

1. Khu 10. 4 piṭṭhe.

2. Ma 1. 14; Aṁ 1. 323; Aṁ 2. 342 piṭṭhesu.

satipaṭṭhānehi catubbidhajjhānavihārādhiṭṭhānasukhabhāgiyadhamma-appamaññā sammappadhāna-iddhipādādivasena vodānapakkho netabboti ayam **sīhavikkīlitassa nayassa bhūmi**. Yo hi subhasaññādīhi vipallāsehi sakalassa saṃkilesapakkhassa saddhindriyādīhi ca vodānapakkhassa catusaccayojanāvasena nayanalakkhaṇo saṃvannanāviseso, ayam sīhavikkīlito nāma. Vuttam hetam—

“Yo neti vipallāsehi,
Kilese indriyehi saddhamme.
Etam nayam nayavidū,
Sīhavikkīlitam āhū”ti¹.

Asantāsanajavaparakkamādivisesayogena sīho bhagavā, tassa vikkīlitam desanā vacikammabhūto vihāroti katvā vipallāsatappaṭipakkhaparidīpanato sīhassa vikkīlitam etthāti sīhavikkīlito, nayo. Balavisesayogadīpanato vā sīhavikkīlitasadisattā nayo sīhavikkīlito. Balaviseso cettha saddhādibalam, dasabalāni eva vā.

Imesam pana tiṇam atthanayānam siddhiyā vohāranayadvayam siddhameva hoti. Tathā hi atthanayattayadisābhāvena kusalādidhammānam ālocanam **disālocanam**. Vuttam hetam—

“Veyyākaraṇesu hi ye,
Kusalākusalā tahim tahim vuttā.
Manasā olokayate,
Tam khu disālocanam āhū”ti².

Tathā ālocitānam tesam dhammānam atthanayattayayojane samānayanato aṅkuso viya **aṅkuso**. Vuttam hetam—

“Oloketvā disalocanena, ukkhipiya yam samāneti.
Sabbe kusalākusale, ayam nayo aṅkuso nāmā”ti².

Tasmā manasāva atthanayānam disābhūtadhammānam locanam disālocanam, tesam samānayanam aṅkusoti pañcapi nayāni yuttāni honti.

1. Khu 10. 4 piṭhe.

2. Khu 10. 5 piṭhe.

Ettāvatā ca—

“Pathamo nandiyāvatṭo, dutiyo ca tipukkhalo.

Sīhavikkīlito nāma, tatiyo nayalañjako.

Disālocanamāhamśu, catuttham nayamuttamam.

Pañcamo añkuso nāma, sabbe pañca nayā gatā”ti¹—

evam vuttapañcanayāpi ettha dassitāti veditabbā. Nayati samkilesam vodānañca vibhāgato nāpetīti nayo, lañjeti pakāseti suttathanti lañjako, nayo ca so lañjako cāti **nayalañjako**. Idañca suttam sołasavidhe suttantapañthāne samkilesabhāgiyam byatirekamukhena nibbedhāsekkhabhāgiyanti dañthabbam. Añthavīsatividhe pana suttantapañthāne lokiyalokuttaram sattadhammādhiñthānam nāṇañneyyam dassanabhāvanam sakavacanam vissajjanīyam kusalākusalam anuññātam pañikkhittañcāti veditabbam.

Tattha sołasavidhasuttantam pañthānam nāma “samkilesabhāgiyam suttam, vāsanābhāgiyam suttam, nibbedhabhāgiyam suttam, asekhabhāgiyam suttam, samkilesabhāgiyañca vāsanābhāgiyañca suttam, samkilesabhāgiyañca nibbedhabhāgiyañca suttam, samkilesabhāgiyañca asekhabhāgiyañca suttam, vāsanābhāgiyañca nibbedhabhāgiyañca suttam, vāsanābhāgiyañca asekhabhāgiyañca suttam, nibbedhabhāgiyañca asekhabhāgiyañca suttam, samkilesabhāgiyañca vāsanābhāgiyañca nibbedhabhāgiyañca suttam, samkilesabhāgiyañca vāsanābhāgiyañca asekhabhāgiyañca suttam, samkilesabhāgiyañca nibbedhabhāgiyañca asekhabhāgiyañca suttam, vāsanābhāgiyañca nibbedhabhāgiyañca asekhabhāgiyañca suttam, neva samkilesabhāgiyam na vāsanābhāgiyam na nibbedhabhāgiyam na asekhabhāgiyam suttan”ti² evam vuttasolasasāsanapañthānāni.

Tattha samkilissanti etenāti samkileso, samkilesabhāge samkilesakoñthāse pavattam **samkilesabhāgiyam**. Vāsanā puññabhāvanā, vāsanābhāge pavattam **vāsanābhāgiyam**, vāsanam bhajāpetīti vā **vāsanābhāgiyam**. Nibbijjhānam lobhakkhandhādīnam padālanam nibbedho,

1. Khu 10. 2 piñthe.

2. Khu 10. 106 piñthe.

nibbedhabhāge pavattam, nibbedham bhajāpetīti vā **nibbedhabhāgiyam**. Pariniṭṭhitasikkhā dhammā asekkhā, asekkhabhāge pavattam, asekkhē bhajāpetīti vā **asekkhabhāgiyam**. Tesu yattha taṇhādisamkileso vibhatto, idam samkilesabhāgiyam. Yattha dānādipuññakiriyavathu vibhattam, idam vāsanābhāgiyam. Yattha sekkhā sīlakkhandhādayo vibhattā, idam nibbedhabhāgiyam. Yattha pana asekkhā sīlakkhandhādayo vibhattā, idam asekkhabhāgiyam. Itarāni tesam vomissakanayavasena vuttāni. Sabbāsavasamvarapariyāyādīnam vasena sabbabhāgiyam veditabbam. Tattha hi samkilesadhammā lokiyasucaritadhammā sekkhā dhammā asekkhā dhammā ca vibhattā. Sabbabhāgiyam pana “passam na passatī”ti-ādikam udakādi-anuvādavacanam veditabbam.

Aṭṭhavīsatividham suttantapaṭṭhānam pana “lokiyam, lokuttaram, lokiyañca lokuttarañca, sattādhiṭṭhānam, dhammādhiṭṭhānam, sattādhiṭṭhānañca dhammādhiṭṭhānañca, ñānam, ñeyyam, ñānañca ñeyyañca, dassanam, bhāvanā, dassanañca bhāvanā ca, sakavacanam, paravacanam, sakavacanañca paravacanañca, vissajjanīyam, avissajjanīyam, vissajjanīyañca avissajjanīyañca, kammañam, vipāko, kammañca vipāko ca kusalam, akusalam, kusalañca akusalañca, anuññātam, paṭikkhittam, anuññātañca paṭikkhittañca, thavo”ti¹ evamāgatāni aṭṭhavīsati sāsanapaṭṭhānāni. Tattha **lokiyanti** loke niyutto, loke vā vidito lokiyo. Idha pana lokiyo attho yasmim sutte vutto, tam suttam lokiym. Tathā **lokuttaram**. Yasmim pana sutte padesena lokiym, padesena lokuttaram vuttañam, tam **lokiyañca lokuttarañca**. Satta-adhippāyasattapaññattimukhena desitam **sattādhiṭṭhānam**. Dhammadvasena desitam **dhammādhiṭṭhānam**. Ubhayavasena desitam **sattādhiṭṭhānañca dhammādhiṭṭhānañca**. Iminā nayena sabbapadesu attho veditabbo. Buddhādīnam pana guṇābhittavanavasena pavattam suttam **thavo** nāma—

“Maggānaṭṭhaṅgiko seṭho, saccānam cاتuro padā.

Virāgo seṭho dhammānam, dvipadānañca cakkhumā”ti-ādikam² viya.

Nettinayavaṇṇanā niṭṭhitā.

1. Khu 10. 139 piṭṭhe.

2. Khu 1. 52; Khu 10. 162, 206 piṭṭhesu.

2. Saddagarukādīnanti ādisaddena gandharasaphoṭṭhabbagaruke saṅgaṇhāti. **Āsayavasenāti** ajjhāsayavasena. Utusamuṭṭhānopi itthisantānagato saddo labbhati, so idha nādhippetoti “cittasamuṭṭhāno”ti vuttam. **Kathitasaddo** ālāpādisaddo. **Gītasaddo** sarena gāyanasaddo. Itthiyā hasanasaddopettha saṅgahetabbo tassapi purisena assādetabbato. Tenāha “apica kho mātugāmassa saddam suṇāti tirokuṭṭā vā tiropākārā vā hasantiyā vā bhaṇtiyā vā gāyantiyā vā, so tadassādetī”ti-ādi. **Nivatthanivāsanassāti** khalitthaddhassa nivāsanassa. **Alaṅkārassāti** nūpurādikassa alaṅkārassa. **Itthisaddotveva veditabboti** itthipaṭibaddhabhāvato vuttam. Tenāha “**sabbopi**”ti-ādi. **Avidūraṭṭhāneti** tassa hatthikulassa vasanaṭṭhānato avidūraṭṭhāne. **Kāyūpapannoti** sampannakāyo thirakathinamahākāyo. **Mahāhatthīti** mahānubhāvo hatthī. **Jetṭhakam katvāti** yūthapatiṁ katvā.

Kathinatikkhabhāvena siṅgasadisattā alasaṅkhātāni siṅgāni etassa athīti **siṅgī**, suvaṇṇavaṇṇatāya mahābalatāya ca sīhahatthī-ādimigasadisattā migo viyāti **migo**. Tattha tattha kiccam netubhāvena cakkhuyeva nettam, tam uggataṭṭhena āyatam etassāti **āyatacakkhunetto**. Atṭhi eva taco etassāti **atṭhittaco**. **Tenābhībhūtoti** tena migena abhibhūto ajjhoththaṭo niccalaggahito hutvā. **Karuṇam̄ rudām̄iti** kāruññapatto hutvā rodāmi viravāmi. Paccatthikabhayato mutti nāma yathā tathā sahāyavato hoti, na ekākinoti āha “**mā heva mā pāṇasamām jaheyyā**”ti. Tattha **mā heva manti** mām evarūparām byasanām pattam attano pāṇasamām piyasāmikam tvam māheva jahi.

Kuñje girikūṭe ramati abhiramati, tattha vā vicarati, koñjanādam nadanto vā vicarati, ku vā pathavī, tadabhīghātena jīratīti **kuñjaro**. **Satṭhihāyananti** jātiyā satṭhivassakālasmiṁ kuñjarā thāmena pariḥāyanti, tam sandhāya evamāha. **Pathabyā caturantāyāti** catūsu disāsu samuddam patvā ṛhitāya cāturantāya pathaviyā. **Suppiyoti** suṭṭhu piyo. **Tesam tvam vārijo** setṭhoti ye samudde vā gaṅgāya vā yamunāya vā nammadānadiyā¹ vā kuļīrā, tesam sabbesam vanṇasampatti�ā mahantattena ca

1. Rammadānadiyā (Sī)

vārimhi jātattā vārijo tvameva setṭho pasatthataro. **Muñca rodantiyā patinti** sabbesam setṭhattā tameva yācāmi, rodamānāya mayham sāmikam muñca. **Athāti** gahaṇassa sithilakaraṇasamanantarameva. **Etassāti** paṭisattumaddanassa.

Pabbatagahanarūpī nissāyāti tisso pabbatarājiyo atikkamitvā catutthāya pabbatarājiyam pabbatagahanam upanissāya. **Evarūpā vadati** “udetayam cakkhumā”ti-ādinā¹ imam buddhamantam mantento vadati.

Tattha **udetīti** pācīnalokadhātuto uggacchati. **Cakkhumāti** sakalacakkavālāvāsīnam andhakāram vidhamitvā cakkhuppaṭilābhakaraṇena yantena tesam dinnam cakkhu, tena cakkhunā cakkhumā. **Ekarājāti** sakalacakkavālē ālokakarānam antare setṭhaṭṭhena rañjanaṭṭhena ca ekarājā. **Harissavaṇṇoti** harisamānavanṇo, suvanṇavaṇṇoti attho. Pathavim pabhāsetīti **pathavippabhāso**. **Tam tam namassāmīti** tasmā tam evarūpam bhavantam namassāmi vandāmi. **Tayājja guttā viharemu divasanti** tayā ajja rakkhitā² hutvā imam divasam catu-iriyāpathavihārena sukham vihareyyāma³.

Evarūp bodhisatto imāya gāthāya sūriyam namassitvā dutiyagāthāya atīte parinibbute buddhe ceva buddhaguṇe ca namassati “ye brāhmaṇā”ti-ādinā. Tattha **ye brāhmaṇāti** ye bāhitapāpā parisuddhā brāhmaṇā. **Vedagūti** vedānam pāram gatā, vedehi pāram gatāti vā vedagū. Idha pana sabbe saṅkhataḍhamme vidite pākaṭe katvā katāti vedagū. Tenevāha “**sabbadhamme**”ti. Sabbe khandhāyatanadhātudhamme salakkhaṇasāmaññalakkhaṇavasena attano ñāṇassa vidite pākaṭe katvā tiṇṇam mārānam matthakam madditvā sammāsambodhim pattā, samsāram vā atikkantāti attho. **Te me namoti** te mama imam namakkāram paṭicchantu. **Te ca mām pālayantūti** evam mayā namassitā ca te bhagavanto mām pālayantu rakkhantu. **Namattu buddhānarūpī-pa-vimuttiyāti** ayanā mama namakkāro atītānam parinibbutānam buddhānam atthu, tesameva catūsu phalesu⁴ ñāṇasaṅkhātāya bodhiyā atthu, tathā tesaññeva

1. Khu 5. 38 piṭhe Jātake.

3. Vihareyyāmu (Ka)

2. Rakkhitagopitā (Sī)

4. Catūsu maggesu catūsu phalesu (Sī)

arahattaphalavimuttiyā vimuttānam atthu, yā ca nesam
 tadaṅgavikkhambhanasamucchedappaṭippassaddhinissaraṇasaṅkhātā
 pañcavidhā vimutti, tāya vimuttiyāpi ayam mayham namakkāro atthūti
 attho. **Imam so parittam katvā, moro carati esanāti** idam pana padadvayam
 satthā abhisambuddho hutvā āha. Tassattho—bhikkhave so moro imam
 parittam imam rakkham katvā attano gocarabhūmiyam pupphaphalādīnam
 atthāya nānappakārāya esanāya caratīti.

Evaṁ divasam caritvā sāyam pabbatamatthake nisīditvā attham
 gacchantam sūriyam olokento buddhaguṇe āvajjetvā nivāsatṭhāne
 rakkhāvaraṇapathāya puna brahmamantam vadanto “**apetayan**”ti-ādimāha.
 Tenevāha “**divasam gocaram gahetvā**”ti-ādi. Tattha **apetīti** apayāti attham
 gacchati. **Imam so parittam katvā moro vāsamakappayīti** idampi
 abhisambuddho hutvā āha. Tassattho—bhikkhave so moro imam parittam
 imam rakkham katvā attano nivāsatṭhāne vāsam saṅkappayitthāti.
Parittakammato puretaramevāti parittakammakaraṇato puretarameva.
Morakukkuṭikāyāti kukkuṭikāsadisāya moracchāpikāya.

3. Tatiye rūpāyatanaassa viya gandhāyatanassapi
 samuṭṭhapakapaccayavasena viseso natthīti āha “**catusamuṭṭhānikan**”ti.
 Itthiyā sarīragandhassa kāyāruṇha-anulepanādigandhassa ca
 tappaṭibaddhabhāvato avisesena gahaṇappasaṅge idhādhippetagandham
 niddhārento “**svāyan**”ti-ādimāha. Tattha **itthiyāti** pākatikāya itthiyā.
Duggandhoti pākatikāya itthiyā sarīragandhabhāvato duggandho hoti.
Idhādhippetoti iṭṭhabhāvato assādetabbattā vuttam. Katham pana itthiyā
 sarīragandhassa duggandhabhāvoti āha “**ekaccā hī**”ti-ādi. Tattha assassa
 viya gandho assā atthīti **assagandhinī**. Menḍakassa viya gandho assā atthīti
menḍakagandhinī. Sedassa viya gandho assā atthīti **sedagandhinī**. Soṇitassa
 viya gandho assā atthīti **sonitagandhinī**. **Rajjatevāti** anādimati samisāre
 avijjādikilesavāsanāya parikaḍḍhitahadayattā
 phoṭṭhabbassādagadhitacittatāya ca andhabālo evarūpāyapi
 duggandhasarīrāya itthiyā rajjatiyeva. Pākatikāya itthiyā sarīragandhassa
 duggandhabhāvam dassetvā idāni visiṭṭhāya ekaccāya itthiyā tadabhāva
 dassetum

“cakkavattino pana”ti-ādimāha. Yadi evam īdisāya itthiyā sarīragandhopi idha kasmā nādippetoti āha “ayam na sabbāsam hoti”ti-ādi.

Tiracchānagatāya itthiyā ekaccāya ca manussitthiyā sarīragandhassa ativiya assādetabbabhāvadassanato puna tampi avisesena anujānanto “itthikāye gandho vā hotū”ti-ādimāha. **Itthigandhotveva veditabboti** tappaṭibaddhabhāvato vuttam.

4. Catutthādīsu **kim tenāti** jivhāviññeyyarase idhādhippete kim tena avayavarasādinā vuttena payojanam. Oṭṭhamāṁsam sammakkhetīti **oṭṭhamāṁsasammakkhano**, khelādīni. Ādisaddena oṭṭhamāṁsamakkhano tambulamukhavāsādiraso gayhati. **Sabbo so itthirasoti** itthiyāvassa gahetabbattā.

5. **Itthiphotṭhabboti** etthāpi eseva nayo. Yadi panettha itthigatāni rūpārammaṇādīni avisesato purisassa cittam pariyādāya tiṭṭhanti, atha kasmā bhagavatā tāni visum visum gahetvā desitānīti āha “iti satthā”ti-ādi. **Yathā hīti-ādinā** tamevattham samattheti. **Gametīti** vikkheparān gameti, ayameva vā pāṭho. **Gametīti** ca sangameti. **Na tathā sesā saddādayo, na tathā rūpādīni ārammaṇānīti** etena sattesu rūpādigarukatā asamkiṇṇā viya dassitā, na kho panetam evam daṭṭhabbam anekavidhattā sattānam ajjhāsayassāti dassetum “ekaccassa cā”ti-ādi vuttam. **Pañcagarukavasenāti** pañcārammaṇagarukavasena. Ekaccassa hi purisassa yathāvuttesu pañcasupi ārammaṇesu garukatā hoti, ekaccassa tattha katipayesu, ekasminn eva vā, te sabbe pi pañcagarukātveva veditabbā yathā “sattisayo aṭṭhavimokkhā”ti. **Na pañcagarukajātakavasena**¹ ekekārammaṇe garukasseva nādhippetattā. Ekekārammaṇagarukānām hi pañcannam puggalānām tattha āgatattā tam jātakam “pañcagarukajātakan”ti vuttam. Yadi evam tena idha payojanam natthīti āha “sakkhibhāvatthāyā”ti. **Āharitvā kathetabbanti** rūpādigarukatāya ete anayabyasanam pattāti dassetum kathekabbam.

1. Khu 5. 31 piṭṭhe.

6-8. Tesanti suttānam. **Uppanḍetvā gaṇhitum na icchīti** tassa thokam virūpadhātukattā na icchi. **Anatikkamantoti** saṁsandento. **Dve hattham** pattānīti dve uppalañi hattham gatāni. **Pahatṭhākāram dassetvāti** aparāhi itthīhi ekekam laddham, mayā dve laddhānīti santuṭṭhākāram dassetvā. **Parodīti** tassā pubbasāmikassa mukhagandham saritvā. Tassa hi mukhato uppalañandho vāyati. **Hāretvāti** tasmā ṫhānā apanetvā, “harāpetvā”ti vā pāṭho, ayamevattho.

Sādhu sādhūti bhāsatoti dhammadhāya anumodanavasena “sādhu sādhū”ti bhāsato. **Uppalañva yathodaketi** yathā uppalañ uppalañandho mukhato nibbattoti. **Vatṭameva kathitanti** yathārutasavasena vuttam. Yadipi evam vuttam, tathāpi yathārutamatthe¹ avatvā vivaṭṭam nīharitvā kathetabbam vimuttirasattā bhagavato desanāya.

Iti manorathapūraṇiyā aṅguttaranikāyaṭṭhakathāya
Pathamavaggavaṇṇanāya anuttānatthadīpanā niṭṭhitā.

2. Nīvaraṇappahānavaggavaṇṇanā

10. Dutiyassāti dutiyavaggassa. **Ekadhammampīti** ettha “ekasabhāvampī”ti iminā sabhāvatthoyam dhammasaddo “kusalā dhammā”ti-ādīsu² viyāti dassitam hoti. Yadaggena ca sabhāvattho, tadaggena nissattattho siddho evāti “**nissattaṭṭhena dhammo veditabbo**”ti vuttam. **Subhanimittanti** dhammapariyāyena vuttam. Tam hi attaho kāmacchando vā siyā. So hi attano gahañākārena subhanti, tenākārena pavattanakassa aññassa kāmacchandassa nimittattā “subhanimittan”ti ca vuccati. Tassa ārammaṇam vā subhanimittam. Iṭṭham hi iṭṭhākārena vā gayhamānam rūpādi-ārammaṇam “subhanimittan”ti vuccati. Ārammaṇameva cettha nimittam³. Tathā hi vakkhati “subhanimittanti rāgaṭṭhāniyam ārammaṇan”ti. Samuccayattho vā-saddo anekatthattā nipātānam. **Bhiyyobhāvāyāti** punappunam bhāvāya. **Vepullāyāti** vipulabhāvāya, vadḍhiyāti attho. **Ajāto** nijjāto. Sesapadāni

1. Yathārutamatte (Sī)

2. Abhi 1. 1 piṭṭhe.

3. Niyamitam (Ka)

tasseeva vevacanāni. **Kāmesūti** pañcasu kāmaguṇesu. **Kāmacchandoti** kāmasaṅkhāto chando, na kattukamyatāchando na dhammacchando. Kāmanavasena rajjanavasena ca kāmo eva rāgo **kāmarāgo**. Kāmanavasena nandanavasena ca kāmo eva nandīti **kāmanandī**. Kāmanavasena taṇhāyanavasena ca **kāmatañhā**. Ādisaddena “kāmasneho kāmaparijāho kāmamucchā kāmajjhosānan”ti etesam̄ padānam̄ saṅgaho daṭṭhabbo. Tattha vuttanayeneva kāmaththam̄ veditvā sinehanaṭṭhena **kāmasneho**, parijāhanatṭhena **kāmaparijāho**, mucchanaṭṭhena **kāmamucchā**, gilitvā pariniṭṭhāpanaṭṭhena **kāmajjhosānam̄** veditabbam̄. Kāmacchando eva kusalappavattito cittassa nīvaraṇaṭṭhena **kāmacchandanīvaraṇam̄**, sotī kāmacchando. **Asamudācāravasenāti** asamudācārabhāvena.

Ananubhūtārammaṇavasenāti “idam nāmetan”ti vatthuvasena ñatvā tasmim̄ attabhāve ananubhūtassa ārammaṇassa vasena. Rūpasaddādibhedam̄ pana ārammaṇam̄ ekasmimpi attabhāve ananubhūtam̄ nāma nattheva, kimaṅgam̄ pana anādimati samśāre.

Yam̄ vuttam̄ “asamudācāravasena cā”ti-ādi, tam̄ atisamīkhittanti vitthārato dassetum̄ “**tatthā**”ti-ādimāha. Tattha bhavaggahaṇena mahaggatabhavo gahito. So hi oḷārikakilesasamudācārarahito. Tajjanīyakammakatādikāle pārivāsikakāle ca caritabbāni **dve asīti khuddakavattāni** nāma. Na hi tāni sabbāsu avatthāsu caritabbāni, tasmā tāni na mahāvattesu antogadhānīti **“cuddasa mahāvattāni”**ti vuttam̄. Tathā āgantukavatta āvāsikagamika anumodanabhattagga piṇḍacārika āraññakasenāsanajantāgharavaccakuṭi-upajjhāyasaddhivihārika-ācariya-antevāsikavattānīti etāni cuddasa mahāvattāni nāmāti vuttam̄. Itarāni pana “pārivāsikānam̄ bhikkhūnam̄ vattam̄ paññāpessam̄”ti¹ ārabhitvā “na upasampādetabbam̄¹, na chamāyam̄ caṅkamante caṅkame caṅkamitabban”ti² vuttāni pakatatte caritabbavattāni chasaṭṭhi, tato param̄ “na bhikkhave pārivāsikena bhikkhunā pārivāsikavuḍḍhatarena bhikkhunā saddhim̄, mūlāyapaṭikassanārahena, mānattārahena, mānattacārikena, abbhānārahena bhikkhunā saddhim̄ ekacchanne āvāse vatthabban”ti-ādīni² pakatatte caritatbehi anaññattā visum̄ visum̄ agaṇetvā pārivāsikavuḍḍhatarādīsu puggalantaresu

1. Vi 4. 83 piṭṭhe.

2. Vi 4. 86 piṭṭhe.

caritabbattā tesam̄ vasena sampiṇḍetvā ekekam̄ katvā gaṇitāni pañcāti ekasattativattāni. Ukkhepanīyakammakatavattesu vattapaññāpanavasena vuttam “na pakatattassa bhikkhuno abhivādanam paccuṭṭhānam -pa-piṭṭhiparikammam sāditabban”ti¹ idam abhivādanādīnam assādiyanam ekam̄, “na pakatatto bhikkhu sīlavipattiya anuddhamsetabbo”ti-ādīni¹ ca dasāti evam dvāsīti honti. Etesveva pana kānici tajjanīyakammakatādivattāni kānici pārivāsikādivattānīti aggahitaggahañena dvāvīsativattanti veditabbam. “Cuddasa mahāvattānī”ti vatvāpi “āgantukagamikavattāni cā”ti imesam̄ visum̄ gahañam imāni abhiñham sambhavantīti katvā. **Kileso okāsam̄ na labhati** sabbadā vattappaṭipattiyañyeva byāvaṭacittatāya.

Ayonisomanasikāranti aniccādīsu “niccan”ti-ādinā pavattam̄ anupāyamanasikāram. **Sativossagganti** satiyā vissajjanam, sativirahanti attho. **Evampīti** vakkhamānāpekkhāya avuttasampiṇḍanattho **pi-saddo**.

Anusandhivasenāti pucchānusandhi-ādi-anusandhivasena.

Pubbāparavasenāti pubbāparaganthasallakkhañavasena. **Gaṇhantassāti** ācariyamukhato gaṇhantassa. **Sajjhāyantassāti** ācariyamukhato uggahitagantham sajjhāyantassa. **Vācentassāti** pālīm tadtatthañca uggāñhāpanavasena paresam̄ vācentassa. **Desentassati** desanāvasena paresam̄ dhammañ desentassa. **Pakāsentassāti** attano attano saṁsayaṭṭhāne pucchantānam yāthāvato attham̄ pakāsentassa. **Kileso okāsam̄ na labhati** rattindivam ganthakammesuyeva byāvaṭacittatāya. **Evampīti** vuttasampiṇḍanattho **pi-saddo**. Evam̄ sesesupi.

Dhutaṅgadharo hotīti vuttamevattham̄ pakāseti “terasa dhutaṅgaguṇe samādāya vattatī”ti. **Bāhullāyāti** cīvarādipaccayabāhullāya. Yathā cīvarādayo paccayā bahulam uppajjanti, tathā āvattassa pavattassāti attho. **Parihīnajjhānassāti** jhānantarāyakarena visabhāgarūpadassanādīnā kenaci nimittena parihīnajjhānassa. **Vissaṭṭhajjhānassāti** asamāpajjanavasena paricattajjhānassa. **Bhassādisūti** ādi-saddena gaṇasaṅgaṇikaniddānavakammādīm saṅgañhāti. **Sattasu vā** anupassanāsūti ettha satta anupassanā nāma aniccānupassanā dukkhānupassanā anattānupassanā nibbidānupassanā

1. Vi 4. 52 piṭṭhe.

virāgānupassanā nirodhānupassanā paṭinissaggānupassanā khayānupassanā vayānupassanā vipariṇāmānupassanā animittānupassanā appaṇihitānupassanā suññatānupassanā adhipaññādhammavipassanā yathābhūtaññāṇadassanām ādīnavānupassanā paṭisaṅkhānupassanā vivatītānupassanāti imāsu atīthārasasu mahāvipassanāsu ādito vuttā aniccānupassanādipaṭinissaggānupassanāpariyantā satta. Ettha yam vattabbam, tam **visuddhimaggasamvāṇṇanāto**¹ gahetabbam.

Anāsevanatāyāti purimattabhāve jhānena vikkhambhi takilesassa kāmacchandādi-āsevanāya abhāvato. **Ananubhūtapubbanti** tasmim attabhāve ananubhūtapubbam. **Jātoti** etasseva vevacanam sañjātoti-ādi. Nanu ca khaṇikattā sabbadhammānam uppānassa kāmacchandassa taṇkhaṇamyeva avassam nirodhasambhavato niruddhe ca tasmim puna aññasseva uppajjanato ca kathaṁ tassa punappunabhāvo rāsibhāvo cāti āha “**tattha sakim uppanno kāmacchando**”ti-ādi. **Atīthānametanti** akāraṇametam, yena kāraṇena uppanno kāmacchando na nirujjhati, niruddho ca sveva puna uppajjissati, tādisam kāraṇam natthīti attho.

Rāgaṭīthāniyanti rāgajanakam. Anicca-dīsu nicca-divasena viparītamanasikāro idha ayonisomanasikāroti āha “**anicce niccan**”ti-ādi. **Ayonisomanasikāroti** anupāyamanasikāro, kusaladhammappavattiyā akāraṇabhūto manasikāroti attho. **Uppathamanasikāroti** kusaladhammappavattiyā amaggabhūto manasikāro. **Saccavippatikūlenāti** saccābhisaṁmayassa ananulomavasena. **Āvajjanāti**-ādinā āvajjanāya paccayabhūtā tato purimuppannā manodvārikā akusalajavanappavatti phalavohārena tathā vuttā. Tassa hi vasena sā akusalappavattiyā upanissayo hoti. **Āvajjanāti** bhavaṅgacittam āvajjayatīti āvajjanā. Anu anu āvajjetīti **anvāvajjanā**. Bhavaṅgārammaṇato aññam ābhujatīti **ābhogo**. Samannāharatīti **samannāhāro**. Tadevārammaṇam attānam anubandhitvā uppajjamāno manasi karoti ṛhapetīti **manasikāro**. **Ayam vuccati ayonisomanasikāroti** ayam anupāya-uppathamanasikāralakkhaṇo ayonisomanasikāro nāma vuccati.

1. Visuddhi-Tī 2. 439 piṭṭhe.

12. Dutiye **bhattabyāpatti viyāti** bhattassa pūtibhāvena vippakārappatti viya, **cittassa byāpajjananti** cittassa vikārabhāvāpādanam. Tenevāha “**pakativijahanabhāvo**”ti. Byāpajjati tena cittam pūtikummāsādayo viya purimapakatim jahatīti **byāpādo**. Paṭighoyeva uparūpari uppajjamānassa paṭighassa nimittabhāvato **paṭighanimittam**, paṭighassa ca kāraṇabhūtaṁ ārammaṇam paṭighanimittanti āha “**paṭighassapi paṭighārammaṇassapi** etam **adhibacanan**”ti. **Aṭṭhakathāyanti** mahā-aṭṭhakathāyam.

13. Tatiye thinatā **thinam**, sappipiṇḍo viya avipphārikatāya cittassa ghanabhāvo baddhatāti attho. Medhatīti **middham**, akammaññabhāvena himsaṭīti attho. “Ya tasmiṁ samaye cittassa akalyatā”ti-ādinā¹ thinassa, “yā tasmiṁ samaye kāyassa akalyatā”ti-ādinā¹ ca middhassa abhidhamme niddiṭṭhattā vuttam “**cittassa akammaññatā thinam, tiṇam kandhānam akammaññatā middhan**”ti. Satipi aññamaññāvippayoge cittakāyalahutādīnam viya cittacetasikānam yathākkamām tamtaṁviseso siyā, yā tesam akalyakādīnam visesapaccayatā, ayametesam sabhāvoti datṭhabbam. **Kapimiddhassāti** vuttamevattham vibhāveti “**pacalāyikabhāvassā**”ti. Akkhidalānam pacalabhbāvam karotīti pacalāyiko, pacalāyikassa bhāvo **pacalāyikabhāvo**, pacalāyikattanti vuttam hoti. **Ubhinnanti** thinamiddhānam. “**Vitthāro veditabbo**”ti iminā sambandho veditabbo. **Cittassa akalyatāti** cittassa gilānabhāvo. Gilāno hi akalyakoti vuccati. Vinayepi vuttam “nāham bhante akalyako”ti². Kālam khamatīti hi kalyam, arogatā, tassam niyutto kalyako, na kalyako **akalyako**. **Akammaññatāti** cittagelaññasaṅkhātova akammaññatākāro. **Oliyanāti** oliyanākāro. Iriyāpathūpatthambhitam hi cittam iriyāpatham sandhāretum asakkontam rukkhe vagguli viya khile laggitaphāṇitavārako viya ca oliyati lambati, tassa tam ākāram sandhāya “oliyanā”ti vuttam. Dutiyapadam upasaggena vadḍhitam. **Kāyassāti** vedanādikkhandhattyasaṅkhātassa nāmakāyassa. **Akalyatā akammaññatāti** heṭṭhā vuttanayameva. Megho viya ākāsam onayhatīti **onāho**. **Onayhatīti** ca chādeti avattharati vāti

1. Abhi 1. 233 piṭṭhe.

2. Vi 1. 78 piṭṭhe.

attho. Sabbatobhāgena onāhoti **pariyonāho**. **Arati**-ādīnam attho **vibhange**¹ vuttanayeneva veditabboti tattha vuttapāliyā dassetum “**vuttam hetan**”ti-ādimāha.

Tattha **pantesūti** dūresu, vivittesu vā. **Adhikusalesūti** samathavipassanādhammesu. **Aratīti** ratippaṭikkhepo. **Aratitāti** aramanākāro. **Anabhiratīti** anabhiratabhāvo. **Anabhiramanāti** anabhiramanākāro. **Ukkaṇṭhitāti** ukkaṇṭhanākāro. **Paritassitāti** ukkaṇṭhanavaseneva paritassanā, ukkaṇṭhitasseva tattha taṇhāyanāti vuttam hoti. **Paritassitāti** vā kampanā. **Tandīti** jāti-ālasiyam, pakati-ālasiyanti attho. Tathā hi kusalatarane kāyassa avipphārikatā līnatā jāti-ālasiyam tandī nāma, na roga-utujādīhi kāyagelaññam. **Tandiyānāti** tandiyānākāro. **Tandimanatāti** kandiyā abhibhūtacittatā. Alasassa bhāvo **ālasyam**, ālasyāyanākāro **ālasyāyanā**. **Ālasyāyitassa** bhāvo **ālasyāyitattam**. Iti sabbehipi imehi padehi kilesavasena kāyālasiyam kathitam. Thinamiddhakāraṇānam hi rāgādikilesānam vasena nāmakāyassa ālasiyam, tadeva rūpakāyassāpīti daṭṭhabbam. **Jambhanāti** phandanā. Punappunam jambhanā **vijambhanā**. **Ānamanāti** purato namanā. **Vinamanāti** pacchato namanā. **Sannamanāti** samantato namanā. **Pañamanāti** yathā tantato uṭṭhitapesakāro kismiñcideva gahetvā ujum kāyam ussāpeti, evam kāyassa uddham ṭhapanā. **Byādhiyakanti** uppannyabyādhitā. Iti sabbehipi imehi padehi thinamiddhakāraṇānam rāgādikilesānam vasena kāyabandhanameva kathitam. **Bhuttāvissāti** bhuttavato. **Bhattamuccchāti** bhattagelaññam. Balavabhattena hi mucchāpatto viya hoti. **Bhattachilamathoti** bhattena kilantabhāvo. **Bhattacharīlāhoti** bhattacharatho. Tasmin hi samaye pariṭṭhāhuppattiyyā upahatindriyo hoti, kāyo jīratīti. **Kāyadutṭhullanti** bhattam nissāya kāyassa akammaññatam. **Akalyatāti-ādi** heṭṭhā vuttanayameva. **Līnanti** avipphārikatāya paṭikuṭitam. Itare dve ākārabhāvaniddesā. **Thinanti** sappipiṇḍo viya avipphārikatāya ghanabhāvena ṭhitam. **Thiyanāti** ākāraniddeso. Thiyibhāvo

1. Abhi 2. 365 piṭṭhe.

thiyittarī, avipphāravaseneva baddhatāti attho. Imehi pana sabbehipi padehi thinamiddhakāraṇānam rāgādikilesānam vasena cittassa gilānākāro kathitoti veditabbo. **Purimā cattāro dhammāti** arati tandī vijambhitā bhattasammadoti ete cattāro dhammā. Yadā thinamiddham uppānam hoti, tadā arati-ādīnampi sambhavato “**upanissayakoṭiyā pana hotī**”ti vuttam, upanissayakoṭiyā paccayo hotīti attho.

14. Catutthe uddhatassa bhāvo **uddhaccam**. Yassa dhammassa vasena uddhatam hoti cittam, tam sampayuttā vā dhammā, so dhammo **uddhaccam**. Kucchitam kataṁ kukatam, duccaritam sucaritañca. Akatampi hi kukata meva. Evam hi vattāro honti “yam mayā na kataṁ, tam kukatan”ti. Evam katākatam duccaritam sucaritañca kukatam, tam ārabba vippaṭisāravasena pavattam pana cittam idha kukatanti veditabbam. Tassa bhāvo **kukkuccam**. Cittassa uddhatākāroti cittassa avūpasamākārova vutto. Avūpasamalakkhaṇam hi uddhaccam. Yathāpavattassa katākatākāravisiṭṭhassa duccaritasucaritassa anusocanavasena virūpam paṭisaraṇam **vippaṭisāro**. Kukkuccassapi katākatānusocanavasena cittavikkhepabhāvato avūpasamākāro sambhavatīti āha “**cetaso avūpasamoti uddhaccakukkuccassevetam nāman**”ti. Sveva ca cetaso avūpasamoti uddhaccakukkuccameva niddiṭṭham. Tañca attanova attanā sahajātam na hotīti āha “**ayam pana upanissayakoṭiyā paccayo hotī**”ti. Upanissayapaccayatā ca purimuppānavasena veditabbā.

15. Pañcame vigatā cikicchā assāti **vicikicchā**. Sabhāvarām vicinanto tāya kicchatīti vā **vicikicchā**.

16. Chatthe **hetum vā paccayam vā na labhatīti** ettha hetuggahañena janakaṁ kāraṇamāha, paccayaggahañena anupālanakaṁ kāraṇam. **Hetunti vā upādānakāraṇam**. **Paccayanti** sahakāraṇam vuttam. **Tanti** kilesam. **Vivatṭetvā arahattam gaṇhātīti** vivatṭābhimukham cittam pesetvā vipassanam vadḍhento arahattaphalam gaṇhāti. Bhikkhāya caranti etthāti **bhikkhācāro**, gocaragāmassetam adhivacanam, tasmiṁ bhikkhācāre. **Vayam āgammāti** dārabharaṇānurūpam vayam āgamma. **Āyūhantoti** upacinanto. **Aṅgārapakkanti** vītaccikaṅgāresu pakkam. **Kim nāmetanti** bhikkhū garahanto āha.

Jīvamānapetakasattoti jīvamāno hutvā “teneva attabhāvena petabhāvam
pattasatto bhavissatī”ti parikappavasena vuttam. **Kuṭanti** pānīyaghaṭam.
Yāva dāruṇanti ativiya dāruṇam. **Vipāko kīdiso bhavissatīti** tayā
katakammassa āyatim anubhavitabbavipāko kīdiso bhavissati.

Visaṅkharitvāti chedanabhedanādīhi vināsetvā. **Dīpakamigapakkhinoti**
attano nisinnabhāvassa dīpanato evamladdhanāmā migapakkhino, yena
araññam netvā nesādo tesam saddena āgatāgate migapakkhino vadhitvā
gaṇhāti. **Theranti** Cūlapiṇḍapātikatissattheram. **Iddhiyā abhisāṅkharitvāti**
adhiṭṭhānādivasena iddhim abhisāṅkharitvā. Upayogatthe cetam
karaṇavacanam. **Aggipapaṭikanti** accikaraṇam¹, vippulinganti attho.
Passantassevāti anādare sāmivacanam. **Tassa therassāti** tassa
Milakkhatissattherassa. **Tassāti** tassā aggipapaṭikāya. **Paṭibalassāti**
uggahaṇasajjhāyādīsu paṭibalassa. Dukkham upanisā kāraṇametiſſāti
dukkhūpanisā, dukkhanibandhanā dukkhahetukā saddhāti vuttam hoti.
Vattamukhena kammaṭṭhānassa kathitattā “**vattasīse ṭhatvā**”ti vuttam.
Palālavaraṇakanti palālapuñjam.

Ārambhathāti samathavipassanādīsu vīriyam karotha. **Nikkamathāti**
kosajjato nikhamatha, kāmānam vā panūdanāya nikhamatha, ubhayenapi
vīriyameva vuttam. Vīriyam hi ārambhanakavasena ārambho, kosajjato
nikkhamanavasena “nikkamo”ti vuccati. **Yuñjatha buddhasāsaneti**
buddhassa bhagavato pariyatti-pattipaṭivedhasaṅkhāte tividhasāsane
yuñjatha yogam karotha, evamanuyuñjantā **maccuno senam dhunātha**
vidhamsetha. Tattha **maccuno senanti**—

“Kāmā te paṭhamā senā, dutiyā arati vuccati.

Tatiyā khuppi-pāsā te, catutthī taṇhā pavuccati.

Pañcamam thinamiddham te, chaṭṭhā bhīrū pavuccati.

Sattamī vicikicchā te, makkho thambho te aṭṭhamo.

1. Aggikaraṇam (Ka)

Lābho siloko sakkāro,
Micchāladdho ca yo yaso.
Yo cattānam samukkamse,
Pare ca avajānāti.

Esā namuci te senā, kaṇhassābhippahārini.
Na nām asūro jināti, jetvā ca labhate sukhan”ti¹—

evamāgatām kamādibhedām maccuno senām. Ettha ca yasmā āditova agāriyabhūte satte vatthukāmesu kilesakāmā mosayanti, te abhibhuyya anagāriyabhāvām upagatānam pantesu senāsaneshu aññataraññataresu vā adhikusalesu dhammesu arati uppajjati. Vuttām hetām “pabbajitena kho āvuso abhirati dukkarā”ti². Tato te parappaṭibaddhajīvikattā khuppi pāsā bādhati, tāya bādhitānam pariyesanatañhā cittām kilamayati, atha nesām kilantacittānam thinamiddham okkamati, tato³ visesamanadhhigacchantānam durabhisambhavesu araññavanapathesu pantesu senāsaneshu viharataṁ utrāsasaññitā bhīru jāyati. Tesām ussañkitaparisañkitānam dīgharattām vivekarasamanassādayamānānam viharataṁ “na siyā nu kho esa maggo”ti paṭipattiyaṁ vicikicchā uppajjati, tam vinodetvā viharataṁ appamattakena visesādhigamena mānamakkhathambhā jāyanti. Tepi vinodetvā viharataṁ tato adhikataram visesādhigamanām nissāya lābhasakkārasilokā uppajjanti, lābhādīhi mucchitvā dhammadpatirūpakāni pakāsento micchāyasām adhigantvā tattha ṭhitā jāti-ādīhi attānam ukkaṁsentī, param vambhenti, tasmā kāmādīnam paṭhamasenādibhāvo veditabbo. **Naḷāgāranti** naļehi vinaddhatiṇacchannageham.

Vihassatīti uggahaṇasajjhāyanamanasikārādīhi viharissati⁴.
Jātisamsāranti punappunām jātisaṅkhātasāmsāravaṭṭam. **Dukkhassantām** karissatīti dukkhassa antasaṅkhātam nibbānam sacchikarissati.
Palālapuñjāhanti palālapuñjam ahanti padacchedo. **Tatiyām** ṭhānanti anāgāmiphalam sandhāya vadati.

TivassabhiKKukāleti upasampadato tīṇi vassāni assāti tivasso, tivasso ca so bhikkhu cāti tivassabhiKKhu, tassa, tena

1. Khu 1. 342 piṭṭhe Suttanipāte.

3. Tatheva (Sī)

2. Sam 2. 456 piṭṭhe.

4. Vijahessa (Tisī, Ka)

vā upalakkhito kālo tivassabhikkhukālo, tasmin. Yadā so tivasso bhikkhu nāma hoti, tadāti vuttam hoti. **Kammām karotūti** bhāvanākammām karoti. **Ganthakammanti** ganthavisayam uggahañādikammām. **Piṇḍāpacitīm katvāti** antovasse temāsam dinnapiṇḍassa kilesakkhayakaraṇena apacitīm pūjam katvā. Piṇḍāpacitīm karonto hi bhikkhu yehi attano yo piṇḍapāto dinno, tesam tassa mahapphalabhbāvam icchanto attano santānameva kilesakkhayakaraṇena visodhetvā arahattham gaṇhāti.

Mahābhūtī ettha pūjāvacano mahantasaddo, bhūtīti ca nāmekadesena tissabhūtittheram ālapati. Bhavati hi nāmekadesenapi vohāro yathā “devadatto datto”ti. **Mahābhūtī** vā piyasamudāhāro, so mahatī bhūti vibhūti puññañāñādisampadā assāti mahābhūti. **Channam** sepaññigacchamūlanti sākhāpalasādīhi channam ghanacchāyam sepaññigacchamūlam. **Asubhakammaṭṭhānam pādakam katvāti** kesādi-asubhakoṭṭhāsabhāvanāya paṭiladdham upacārasamādhiṁ appanāsamādhiṁ vā pādakam katvā. Asubhavisayam upacārajjhānādikammamevettha upari pavattetabbabhāvanākammassa kāraṇabhāvato ṭhānanti kammaṭṭhānam.

Sahassadvishassasañkhāmattattā “**mahāgaṇe**”ti vuttam. **Attano** vasanaṭṭhānato therassa santikam gantvāti attano vasanaṭṭhānato ākāsenā gantvā vihārasamīpe otaritvā divāṭṭhāne nisinnattherassa santikam gantvā. **Kim** āgatosīti kiṁkāraṇā āgatosi. **Sabbesu rattidivasabhāgesu okāsam alabhantoti** so kira therō “tuyham okāso na bhavissati āvuso”ti vuttepi “vitakkamālakē ṭhitakāle pucchissāmi bhante”ti vatvā “tasmim ṭhāne aññe pucchissantī”ti vutte “bhikkhācāramagge bhante”ti vatvā “tatrāpi aññe pucchantī”ti vutte dupaṭṭanivāsanaṭṭhāne, samghātipārupanaṭṭhāne, pattanīharaṇaṭṭhāne, gāme caritvā āsanasālāya yāgupītakāle bhanteti. Tatthāpi therā attano kañkham vinodenti āvusoti. Antogāmato nikkhamanakāle pucchissāmi bhanteti. Tatrāpi aññe pucchanti āvusoti. Antarāmagge bhanteti. Bhojanasālāya bhattakiccapariyosāne bhante. Divāṭṭhāne pādadhovanakāle bhanteti. Tato

paṭṭhāya yāva aruṇā apare pucchanti āvusoti. Dantakaṭṭham gahetvā mukhadhovanattham gamanakāle bhanteti. Tadāpi aññe pucchantīti. Mukham dhovitvā āgamanakāle bhanteti. Tatrāpi aññe pucchissantīti. Senāsanam pavisitvā nisinnakāle bhanteti. Tatrāpi aññe pucchanti āvusoti. Evam sabbesu rattidivasabhāgesu yācamāno okāsam na labhi, tam sandhāyetam vuttam “evam okāse asati maraṇassa katham okāsam labhissathā”ti. Bhante nanu mukham dhovitvā senāsanam pavisitvā tayo cattāro pallaṅke uṇhāpetvā yonisomanasikārakammam karontānam okāsalābhena bhavitabbam siyāti adhippāyena vadati. **Maṇivāṇṇeti** indanīlamapaṇṇe.

Ghaṭentassevāti vāyāmantasseva. **Visuddhipavāraṇanti** “parisuddho ahan”ti evam pavattam visuddhipavāraṇam. Arahantānameva hesā pavāraṇā. **Kālakam** vāti mahantam kālakam sandhāya vadati, **tilako** vāti khuddakam sandhāya. Ubhayenapi sīlassa parisuddhabhāvameva vibhāveti.

Padhānakammikāti padhānakamme niyuttā. **Laddhamagganti** laddhūpāyam, paṭhamameva laddhūpadesanti vuttaṁ hoti. **Apattānīti** chadditāni. **Alābūneva** sāradeti saradakāle vātātapahatāni tattha tattha vippakiṇṇa-alābūni viya. **Kāpotakānīti** kapotakavaṇṇāni. **Tāni disvāna kāratīti** tāni evarūpāni aṭṭhīni disvā tumhākam kā nāma rati, nanu appamattakāpi rati kātum na vaṭṭatiyevāti attho. **Dutiyakatham** akathitapubboti attano vuḍḍhatarena saddhim vuttavacanassa paccanīkam dutiyakatham akathitapubbo.

Tadaṅgena, tadaṅgassa pahānam **tadaṅgappahānam**. Yam hi rattibhāge samujjalitenā dīpena andhakārassa viya tena tena vipassanāya avayavabhūtena nāṇaṅgena paṭipakkhavaseneva tassa tassa pahātabbadhammadmassa pahānamidam tadaṅgappahānam nāma. Yathā kāmacchandādayo na cittam pariyuṭṭhāya tiṭṭhanti, evam pariyuṭṭhānassa nisedhanam appavattikaraṇam vikkhambhanam **vikkhambhanappahānam**. Yam hi sasevāle udake pakkhittena ghaṭena sevālassa viya tena tena lokiyasamādhinā nīvaraṇādīnam paccanīkadhammānam vikkhambhanamidam vikkhambhappahānam nāma. Sammā upacchijjanti etena kilesāti samucchedo, pahīyanti etena kilesāti pahānam,

samucchedaśaṅkhātāṁ pahānāṁ niravasesappahānanti
samucchedappahānāṁ. Yam hi asanivicakkābhīhatassa rukkhassa viya
 ariyamaggañāṇena samyojanādīnāṁ dhammānāṁ yathā na puna vattanti,
 evāṁ pahānamidam samucchedappahānāṁ nāma. Paṭippassambhati
 vūpasammati kilesadaratho etāyāti paṭippassaddhi, phalam, sāyeva pahānanti
paṭippassaddhippahānāṁ. Sabbe kilesā sabbasaṅkhataṁ vā nissaranti
 apagacchanti etenāti nissaraṇāṁ, nibbānāṁ, tadeva pahānanti
nissaraṇappahānāṁ. Paṭippassambhayamānanti paṭippassambham
 kilesavūpasamam kurumānāṁ. **Lokiyalokuttarehīti**
 tadaṅgavikkhambhanappahānānāṁ lokiyyattā, itaresam lokuttarattā vuttam.

Nimīyati phalam etena uppajjanaṭīhāne pakkhipamānāṁ viya hotīti
 nimittam, kāraṇassetam adhivacanām, asubhassa nimittam, asubhameva vā
 nimittanti **asubhanimittam.** Asubhanissitampi hi jhānaṁ nissite
 nissayavohārena asubhanti voharīyati yathā “mañcā ukkuṭṭhim karontī”ti.
 Tenevāha “dasasu asubhesu uppannaiṁ sārammaṇaiṁ paṭhamajjhānan”ti.
Anicce aniccanti-ādinā nayena vuttassāti iminā catubbidham
 yonisomanasikāram dasseti. Heṭṭhā cettha idha ca catubbidhassa
 ayonisomanasikārassa yonisomanasikārassa ca gahaṇam
 niravasesadassanattham katanti daṭṭhabbam. Tesu pana asubhe “asubhan”ti
 manasikāro idhādhippeto, tadanukūlattā vā itaresampi gahaṇam daṭṭhabbam.

Ekādasasu asubhesu paṭikūlākārassa uggaṇhanām, yathā vā tattha
 uggaṇanimittam uppajjati, tathā paṭipatti **asubhanimittassa uggaho.**
Upacārappanāvahāya asubhabhāvanāya anuyuñjanāṁ
asubhabhāvanānuyogo. Bhojane mattaññuno thinamiddhābhībhavābhāvā
 otāram alabhamāno kāmacchando pahīyatīti vadanti. Bhojananissitam pana
 āhāre paṭikūlasaññām, tabbipariṇāmassa tadādhārassa tassaca
 udariyabhūtassa asubhatādassanām, kāyassa ca āhāraṭṭhitikatādassanām yo
 uppādeti, so visesato bhojane pamāṇaññū nāma, tassa ca kāmacchando
 pahīyateva. **Dasavidham hi asubhanimittanti pākaṭavasena vuttam.**
 Kāyagatāsatim pana gahetvā ekādasavidhampi asubhanimittam veditabbam.

Abhutvā udakam piveti pānīyassa okāsadānattham cattāro pañca ālope
 abhutvā pānīyam piveyyāti attho. Tena vuttam

“catunnari pañcannam ālopānam okāse satī”ti. Abhidhammaṭīkākārena panettha “cattāro pañca ālope, bhutvāna udakam pive”ti pāṭham parikappetvā aññathā attho vaṇṇito¹, so aṭṭhakathāya na sameti. **Asubhakkammikatissatthero** dantaṭṭhidassavī.

17. Sattame mijjati hitapharaṇavasena siniyatī mitto, hitesī puggalo, tasmim mitte bhavā, mittassa vā esāti **mettā**, hitesitā. Tattha “mettā”ti vutte appanāpi upacāropi vatṭati sādhāraṇavacanabhāvatoti āha “**mettāti ettāvatā pubbabhāgopi vatṭatī**”ti. Api-saddo appanam samiṇḍeti. Appanam appattāya mettāya suṭṭhu mucchanassa abhāvato cetovimuttīti “**appanāva adhippetā**”ti vuttam.

Sattesu mettāyanassa hitūpasamhārassa uppādanam pavattanam **mettānimittassa uggaho**. Paṭhamuppanno mettāmanasikāro parato uppajjanakassa kāraṇabhāvato mettāmanasikārova mettānimittam. Kammamyeva sakam etesanti kammassakā, sattā, tabbhāvo **kammassakatā**, kammadāyādatā. Dosamettāsu yāthāvato ādīnavānisamsānam paṭisaṅkhānavīmamsā idha **paṭisaṅkhānam**. Mettāvihārikalyāṇamittavantata idha **kalyāṇamittatā**. Odissaka-anodissakadisāpharaṇānanti atta-atipiyamajjhatteriverivasena odissakatā, sīmāsambhede kate anodissakatā, ekādidisāpharaṇavasena disāpharaṇatā mettāya uggahaṇe veditabbā. Vihāraracchagāmādivasena vā odissakadisāpharaṇam. Vihārādi-uddesarahitam puratthimādidisāvasena anodissakadisāpharaṇam. Evam vā dvidhā uggahaṇam sandhāya “odissakanodissakadisāpharaṇan”ti vuttam. Uggaho ca yāva upacārā daṭṭhabbo. Uggahitāya āsevanā bhāvanā. Tattha sabbe sattā, pāṇā, bhūtā, puggalā, attabhāvapariyāpannāti etesam vasena pañcavidhā, ekekasmim averā hontu, abyāpajjhā, anīghā, sukhī attānam pariharantūti catudhā pavattito vīsatividhā **anodhisopharaṇā** mettā. Sabbā itthiyo, purisā, ariyā, anariyā, devā, manussā, vinipātikāti sattādhikaraṇavasena pavattā sattavidhā aṭṭhavīsatividhā vā, dasahi disāhi disādhikaraṇavasena pavattā dasavidhā ca,

1. Mūlaṭī 1. 187 piṭṭhe.

ekekāya vā disāya sattādi-itthādi-averādibhedena
asītādhikacatusatappabhedā ca odiṣophaṇā veditabbā. Mettam
bhāventassāti mettājhānam bhāventassa. Tvaṁ etassa kuddhoti-ādi
paccavekkhaṇāvidhidassanam. Appaṭicchitapahenakam viyāti
asampaṭicchitapaññākāram viya. Paṭisaṅkhāneti vīmamsāyam. Vattani-
aṭaviyam Attaguttattherasadise.

18. Aṭṭhame kusaladhammasampatiṭipatti�ā paṭṭhapanasabhāvatāya
tappaṭipakkhānam visosanasabhāvatāya ca ārambhadhātu-ādito
pavattavīriyanti āha “paṭhamārambhavīriyan”ti. Yasmā
paṭhamārambhamattassa kosajjavidhamanam thāmagamanañca natthi, tasmā
vuttam “kosajato nikkhantattā tato balavataran”ti. Yasmā pana
aparāparuppatti�ā laddhāsevanam uparūpari visesam āvahantam ativiya
thāmagatameva hoti, tasmā vuttam “param param ṭhānam akkamanato
tatopi balavataran”ti. Panūdanāyāti nīharaṇāya. Yathā mahato palīghassa
ugghāṭakajanassa mahanto ussāho icchibhabbo, evamidhāpīti “nikkamo
cetaso palīghugghāṭanāyā”ti vuttam. Mahāparakkamo eva parena kataṁ
bandhanam chindeyya, evamidhāpīti vuttam “parakkamo cetaso
bandhanacchedanāyā”ti.

Āraddham samsādhitam paripūritam vīriyam etassāti āraddhavīriyo,
nippphanavīriyo, āraddham paṭhapitam vīriyam etassāti āraddhavīriyo,
vīriyārambhappasutoti āha “āraddhavīriyassāti paripuṇṇavīriyassaceva
paggahitavīriyassa cā”ti. Catudosāpagatanti atilinatādīhi catūhi dosehi
apagataṁ. Catudosāpagatattameva vibhāveti “na ca atilinan”ti-ādinā.
Atilinam hi bhāvanācittam kosajjapakkhikam siyā, atipaggahitañca
uddhaccapakkhikam. Bhāvanāvīthim anajjhogāhetvā saṅkocāpatti atilinatā.
Ajjhogāhetvā antosaṅkoco ajjhattam saṅkhittatā. Atipaggahitatā
accāraddhavīriyatā. Bahiddhā vikkhittatā bahivisaṭavitakkānudhāvanā.
Tadetam vīriyam caṅkamādikāyikappayogāvaham kāyikam, tadañnam
cetasikam. Rattidivassa pañca koṭṭhāseti
pubbaṇhasāyanhapaṭhamamajjhimapacchimayāmasaṅkhāte pañca koṭṭhāse.
Tadubhayampīti kāyikam cetasikañca vīriyam. Milakkhatissattherassa
mahāsīvatterassa ca vatthu hetṭhā dassitameva.

Pītimallakattherassa vatthu pana evam veditabbam. So kiragihikāle mallayuddhāya āhiṇḍanto tīsu rajjesu paṭākam gahetvā tambapanṇidīpam āgamma rājānam disvā raññā katānuggaho ekadivasam kilañjakāsanasālādvārena¹ gacchanto “rūpam bhikkhave na tumhākam, tam pajahatha, tam vo pahinam dīgharattam hitāya sukhāya bhavissati”ti² natumhākavaggam sutvā cintesi “neva kira rūpam attano, na vedanā”ti. So tamyeva aṅkusam katvā nikhamitvā mahāvihāram³ gantvā pabbajjam yācitvā pabbajito upasampanno dvemātikā paguṇam katvā tiṁsa bhikkhū gahetvā avaravāliya-aṅgaṇam gantvā samaṇadhammam akāsi. Pādesu avahantesu jaṇṇukehi caṅkamati. Tamenam rattim eko migaluddako “migo”ti maññamāno pahari, satti vinivijjhitvā gatā. So tam sattim harāpetvā pahāramukhāni tiṇavaṭṭiyā pūrāpetvā pāsāṇapiṭṭhiyam attānam nisīdāpetvā okāsam kāretvā vipassanam vadhetvā saha paṭisambhidāhi arahattam patvā ukkāsitasaddena āgatānam bhikkhūnam byākaritvā imam udānam udānesi—

“Bhāsitaṁ buddhaseṭṭhassa, sabbalokaggavādino.

Na tumhākam idam rūpam, tam jaheyyātha bhikkhavo⁴.

Anicca vata saṅkhārā, uppādavayadhammino.

Uppajjivtā nirujjhanti, tesam vūpasamo sukho”ti⁵.

Kuṭumbiyaputtatissattherassapi vatthu evam veditabbam. Sāvatthiyam kira tisso nāma kuṭumbiyaputto cattālisa hiraññakoṭiyo pahāya pabbajitvā agāmake araññe viharati, tassa kaniṭṭhabhātubhariyā “gacchatha, nam jīvitā voropethā”ti pañcasate core pesesi, te gantvā theram parivāretvā nisīdimu. Thero āha “kasmā āgatattha upāsakā”ti. Tam jīvitā voropessāmāti. Pāṭibhogam me upāsakā gahetvā ajjekarattim jīvitam dethāti. Ko te samaṇa imasmim thāne pāṭibhogo bhavissatīti. Thero mahantam pāsāṇam gahetvā ūruṭṭhīni bhinditvā “vatṭati upāsakā pāṭibhogo”ti āha. Te apakkamitvā caṅkamanasise aggim katvā nipajjiṁsu. Therassa vedanam

1. Lañcakāsanasālādvārena (Ka)

2. Sam 2. 28, 304; Ma 1. 194 piṭṭhesu.

3. Vihāram (Ka)

4. Dī-Tīha 2. 341; Ma-Tīha 1. 239 piṭṭhesu.

5. Dī 2. 129; Khu 2. 363 piṭṭhesu.

vikkhambhetvā sīlam paccavekkhato parisuddhasīlam nissāya pītipāmojjam uppajji, tato anukkamena vipassanam vadḍhento tiyāmarattim samaṇadhammadmam katvā aruṇuggamane arahattam patto imam udānam udānesi—

“Ubho pādāni bhinditvā, saññapessāmi vo aham.

Aṭṭiyāmi harāyāmi, sarāgamaraṇam aham.

Evāham cintayitvāna, yathābhūtam vipassisam.

Sampatte aruṇuggamhi, arahattam apāpuṇin”ti¹.

Atibhojane nimittaggāhoti atibhojane thinamiddhassa nimittaggāho, “ettake bhutte tam bhojanam thinamiddhassa kāraṇam hoti, ettake na hotī”ti thinamiddhassa kāraṇākāraṇaggāho hotītī attho. Byatirekavasena cetam vuttam, tasmā ettake bhutte tam bhojanam thinamiddhassa kāraṇam na hotītī bhojane mattaññutāva atthato dassitāti daṭṭhabbam. Tenāha “**catupañca -patam na hotī**”ti. **Divā sūriyālokanti** divā gahitanimittam sūriyālokam rattiyan manasikarontassapīti evamettha attho veditabbo. Dhutangānam vīriyanissitatā vuttam “**dhutaṅganissitasappāyakathāyapi**”ti.

19. Navame **jhānenā vā vipassanāya vā vūpasamitacittassāti** jhānenā vā vipassanāya vā avūpasamakarakilesavigamanena vūpasamitacittassa.

Kukkuccampi katākatānusocanavasena pavattamānam cetaso avūpasamāvahatāya uddhaccena samānalakkhaṇanti ubhayassa pahānakāraṇam abhinnam katvā vuttam. Bahussutassa ganthato atthato ca suuttādīni vicārentassa tabbahulavihārino atthavedādippaṭīlābhāsambhavato vikkhepo na hoti. Yathā vidhippaṭipattiya yathānurūpapattikārappavattiya ca vikkhepo ca katākatānusocanañca na hotītī “**bāhusaccenapi uddhaccakukkuccam pahīyatī**”ti āha. Yadaggena bāhusaccena uddhaccakukkuccam pahīyati, tadaggena paripucchakatāvinayappakataññutāhipi tam pahīyatītī daṭṭhabbam. Vuddhasevitā ca vuddhasīlitam āvahatītī cetaso vūpasamakarattā “uddhaccakukkuccappahānakārī”ti vuttam, vuddhatam pana anapekkhitvā kukkuccavinodakā vinayadharā kalyāṇamittāti vuttāti daṭṭhabbam. Vikkhepo ca pabbajitānam

1. Visuddhi 1. 46; Dī-Tītha 2. 339; Ma-Tītha 1. 238 piṭṭhesu.

yebhuyyena kukkuccahetuko hotīti “**kappiyākappiyaparipucchābahulassā**”ti-ādinā vinayanayeneva paripucchakatādayo nidditthā.

20. Dasame bahussutānam dhammasabhāvāvabodhasambhavato vicikicchā anavakāsā evāti āha “**bāhusaccenapi -pa- vicikicchā pahiyati**”ti. Kāmaṁ bāhusaccaparipucchakatāhi sabbāpi aṭṭhavatthukā vicikicchā pahiyati, tathāpi ratanattayavicikicchāmūlikā sesavicikicchāti āha “**tīṇi ratanāni ārabba paripucchābahulassapī**”ti. Ratanattayaguṇāvabodhehi “satthari kaṇkhati”ti-ādivicikicchāya asambhavoti. Vinaye pakataññutā “sikkhāya kaṇkhati”ti¹ vuttāya vicikicchāya pahānam karotīti āha “**vinaye ciṇṇavasibhāvassapī**”ti. **Okappaniyasaddhāsaṅkhāta-adhimokkhabahulassati** saddheyyavatthuno anuppavisanasaddhā saṅkhāta adhimokkhena adhimuccanabahulassa. Adhimuccanañca adhimokkhuppādanamevāti daṭṭhabbam. Saddhāya vā taminnapoṇatā adhimutti adhimokkho. Nīvaraṇānam paccayassa ceva paccayaghātassa ca vibhāvitattā vuttam “**vatṭavivatṭam kathitan**”ti.

Nīvaraṇappahānavaggavaṇṇanā niṭṭhitā.

3. Akammaniyavaggavaṇṇanā

21. Tatiyassa paṭhame **abhāvitanti** samathavipassanābhāvanāvasena na bhāvitam tathā abhāvitattā. Tam hi “avāḍḍhitā”ti vuccati paṭipakkhābhībhavena paribrūhanābhāvato. Tenāha bhagavā “**akammaniyam hotī**”ti.

22. Dutiye vuttavipariyāyena attho veditabbo. **Paṭhameti** tatiyavaggassa paṭhamasutte. **Vatṭavasenāti** vipākavaṭṭavasena. **Tebhūmakavatṭanti** tebhūmakavipākavaṭṭam. **Vatṭapatilābhāya kammanti** vipākavaṭṭassa paṭilābhāya upanissayabhūtam kammaṁ, tassa sahāyabhūtam kilesavaṭṭampi kammaggahaneneva saṅgahitanti daṭṭhabbam. **Vivaṭṭapatilābhāya kammanti** vivaṭṭādhigamassa upanissayabhūtam kammaṁ. Yam pana carimabhavanibbattakam kammaṁ, tam vivaṭṭappaṭilābhāya kammaṁ hoti, na hotīti? Na hoti vatṭapādakabhāvato.

1. Abhi 1. 208; Abhi 2. 379 piṭṭhesu.

Carimabhavapaṭisandhi viya pana vivaṭṭūpanissayoti sakkā viññātum. Na hi kadāci tihetukapaṭisandhiyā vinā visesādhigamo sambhavati. **Imesu suttesūti** imesu pana paṭhamadutiyasuttēsu yathākkamam vattaṭavivatṭameva kathitam.

23. Tatiye **abhāvitanti** ettha bhāvanā nāma samādhibhāvanā. Sā yattha āsaṅkitabbā, tam kāmāvacarapaṭhamamahākusalacittādi-abhāvitanti adhippetanti āha “**devamanussasampattiyo**”ti-ādi.

24. Catutthe yasmā **cittanti** vivaṭṭavaseneva uppannacittam adhippetam, tasmā jātijarābyādhimaraṇasokādidukkhassa anibbattanato mahato atthāya samvattatīti yojanā veditabbā.

25-26. Pañcamachaṭṭhesu **uppannanti** avigatuppādādikhaṇattayampi abhāvitam bhāvanārahitam apātubhūtameva paṇḍitasammataSSa uppannakiccassa asādhanato yathā “aputto”ti. So hi samattho hutvā pitu puttakiccaṁ asādhento aputtoti loke vuccati, evam sampadamidaṁ. Tenāha “**kasmā**”ti-ādi. **Tesu dhammesūti** lokuttarapādakajjhānādīsu. Thero pana matthakappattameva bhāvitam cittam dassento “**maggacittamevā**”ti āha.

27-28. Sattamaṭṭhamesu **punappunam** akantanti bhāvanābahulīkāravasena punappunam na katam. **Imānipi** dveti imesu dvīsu suttesu āgatāni imānipi dve cittāni.

29-30. Navame **adhibahatī** āneti. **Dukkhenāti** kicchena. **Duppesanatoti** dukkhena pesetabbato. Matthakappattam vipassanāsukham pākatikajjhānasukhato santatarapaṇītataramevāti āha “**jhānasukhato** **vipassanāsukhan**”ti. Tenāha bhagavā—

Suññāgāram paviṭṭhassa, santacittassa bhikkhuno.
Amānusī rati hoti, sammā dhammam vipassato.

Yato yato sammasati, khandhānam udayabbayam.
Labhatī pītipāmojjam, amataṁ tam vijānatan”ti¹.

Tam hi cittam vissaṭṭha-indavajirasadisam amoghabhāvato.

Akammaniyavaggavaṇṇanā niṭṭhitā.

4. Adantavaggavaṇṇanā

31-36. Catutthassa paṭhame **adantanti** cittabhāvanāya vinā na dantam. Tenāha “**satisaṁvararahitan**”ti. Catutthe tatiye vuttavipariyāyena attho veditabbo. Pañcamachaṭṭhesu **purimasadisoyevāti** tatiyacatutthasadiso eva.

37-38. Sattamaṭṭhamesu **upamā panetthāti** yathā paṭhamādīsu adantahatthi-assādayo upamābhāvena gahitā, evamettha sattamaṭṭhamesu “**asamvutagharadvārādivasena veditabbā**”ti vuttam.

39-40. Navamadasamesu **patūhi pi padehīti** adantādīhi catūhi padehi yojetvā navamadasamāni suttāni vuttānīti yojanā.

Adantavaggavaṇṇanā niṭṭhitā.

5. Pañihita-acchavaggavaṇṇanā

41. Pañcamassa paṭhame upamāva opammaṁ, so eva attho, tasmiṁ **opammathe** bodhetabbe **nipāto**. **Seyyathāpīti** yathāti attho. Ettha ca tatra bhagavā katthaci atthena upamām parivāretvā dasseti vatthasutte viya, **pāricchattakopama**² **aggikkhandhopamādi**³ suttesu viya ca. Katthaci upamāya attham parivāretvā dasseti **loṇambilasutte**⁴ viya,

1. Khu 1. 67 piṭṭhe Dhammapade.

2. Aṁ 2. 486 piṭṭhe.

3. Aṁ 2. 495 piṭṭhe.

4. Aṁ 1. 250 piṭṭhe.

suvaṇṇakārasattasūriyopamādisuttesu¹ viya ca. Imasmim pana sālisūkopame upamāya attham parivāretvā dassento “**seyyathāpi bhikkhave**”ti-ādimāhāti potthakesu likhanti, tam majjhimaṭṭhakathāya vatthasuttavanṇanāya² na sameti. Tattha hi idam vuttam—

Seyyathāpi bhikkhave vatthanti upamāvacanamevetam. Upamaṁ karonto ca bhagavā katthaci paṭhamamyeva upamam dassetvā pacchā attham dasseti, katthaci paṭhamam attham dassetvā pacchā upamam, katthaci upamāya attham parivāretvā dasseti, katthaci atthena upamam. Tathā hesa “seyyathāpisu bhikkhave dve agārā sadvārā, tattha cakkhumā puriso majhe ṭhito passeyyā”ti sakalampi devadūtasuttam³ upamam paṭhamam dassetvā pacchā attham dassento āha. “Tirokuṭṭam tiropākāram tiropabbataṁ asajjamāno gacchatī seyyathāpi ākāse”ti-ādinā pana nayena sakalampi iddhividham attham paṭhamam dassetvā pacchā upamam dassento āha. “Seyyathāpi brāhmaṇapuriso sāratthiko sāragavesī”ti-ādinā⁴ nayena sakalampi cūlaśāropamasuttam upamāya attham parivāretvā dassento āha. “Idha pana bhikkhave ekacce kulaputtā dhammadam pariyāpuṇanti suttam -pa-. Seyyathāpi bhikkhave puriso alagaddaththiko”ti-ādinā nayena sakalampi alagaddasuttam⁵ mahāśāropamasuttanti evamādīni suttāni atthena upamam parivāretvā dassento āha. Svāyam idha paṭhamam upamam dassetvā pacchā attham dassetīti.

Ettha hi **cūlaśāropamādīsu⁶** paṭhamam upamam vatvā tadanantaram upameyyattham vatvā puna upamam vadanto upamāya attham parivāretvā dassetīti vutto. Alagaddūpamasuttādīsu pana attham paṭhamam vatvā tadanantaram upamam vatvā puna attham vadanto atthena upamam parivāretvā dassetīti vutto. Tenevettha līnatthappakāsiniyam vuttam “upameyyattham paṭhamam vatvā tadanantaram attham vatvā puna upamam vadanto upamāya attham

1. Am 2. 473 piṭṭhe.

2. Ma-Tṭha 1. 170 piṭṭhe.

3. Ma 3. 216 piṭṭhe.

4. Ma 1. 258 piṭṭhe.

5. Ma 1. 187 piṭṭhe.

6. Ma 1. 258 piṭṭhe.

parivāretvā dassetī”ti vutto. **Atthena upamam parivāretvāti** etthāpi eseva nayoti. Idha pana katthaci atthena upamam parivāretvā dasseti. “Vatthasutte viya pāricchattakopama-aggikkhandhopamādisuttesu viya cā”ti vuttam. Tattha vatthasutte tāva “seyyathāpi bhikkhave vattham samkiliṭṭham malaggahitam, tamenam rajako yasmim yasmim raṅgajāte upasamihareyya. Yadi nīlakāya, yadi pītakāya, yadi lohitakāya, yadi mañjīṭṭhakāya, durattavaṇṇamevassa aparisuddhavaṇṇamevassa. Tam kissa hetu. Aparisuddhattā bhikkhave vatthassa. Evameva kho bhikkhave citte samkiliṭṭhe duggati pāṭīkaṅkhā”ti-ādinā¹ paṭhamam upamam dassetvā pacchā upameyyattho vutto, na pana paṭhamam attamāt vatvā tadanantaram upamam dassetvā puna attho vutto. Yena katthaci atthena upamam parivāretvā dasseti. Vatthasutte viyāti vadeyya.

Tathā pāricchattakopamepi “yasmim bhikkhave samaye devānam tāvatiṁsānam pāricchattako koviṭāro paṇḍupalāso hoti, attamanā bhikkhave devā tāvatiṁsā, tasmiṁ samaye honti paṇḍupalāso dāni pāricchattako koviṭāro, na cirasseva dāni pannapalāso bhavissati -pa-. Evameva kho bhikkhave yasmim samaye ariyasāvako agārasmā anagāriyam pabbajjāya ceteti. Paṇḍupalāso bhikkhave ariyasāvako tasmiṁ samaye hotī”ti-ādinā² paṭhamam upamam dassetvā pacchā attho vutto. Aggikkhandhopame “passatha no tumhe bhikkhave amum mahantam aggikkhandham ādittam sampajjalitam sajotibhūtanti. Evaṁ bhanteti. Tam kim maññatha bhikkhave, katamam nu kho varam yam amum mahantam aggikkhandham ādittam sampajjalitam sajotibhūtam āliṅgetvā upanisīdeyya vā upanipajjeyya vā, yam khattiyyakaññam vā brāhmaṇakaññam vā gahapatikaññam vā mudutalunahatthapādam āliṅgetvā upanisīdeyya vā upanipajjeyya vā”ti-ādinā³ paṭhamam upamamyeva dassetvā pacchā attho vutto, na pana paṭhamam attamāt vatvā tadanantaram upamam dassetvā puna attho vutto, tasmā “katthaci atthena upamam parivāretvā dasseti vatthasutte viya pāricchattakopama-aggikkhandhopamādisuttesu viya cā”ti na vattabbam.

1. Ma 1. 43 piṭṭhe.

2. Aṁ 2. 486 piṭṭhe.

3. Aṁ 2. 495 piṭṭhe.

Keci panettha evam vaṇṇayanti “attham paṭhamam vatvā pacchā ca upamaṁ dassento atthena upamaṁ parivāretvā dasseti nāma, upamaṁ pana paṭhamam vatvā pacchā attham dassento upamāya attham parivāretvā dasseti nāma, tadubhayassapi āgataṭṭhānam nidassento ‘vatthasutte viyā’ti-ādimāhā”ti. Tampi “katthaci atthena upamaṁ parivāretvā dasseti vatthasutte viya pāricchattakopama-aggikkhandhopamādisuttesu viya cā”ti vattabbam, evañca vuccamāne “katthaci upamāya attham parivāretvā dasseti loṇambilasutte viyā’ti visum na vattabbam “aggikkhandhopamādisutte viyā”ti ettha ādisaddeneva saṅgahitattā. Loṇambilasuttepī hi—

“Seyyathāpi bhikkhave paṇḍito byatto kusalo sūdo rājānam vā rājamahāmattam vā nānaccayehi sūpehi paccupaṭṭhito assa ambilaggehipi tittakaggehipi kaṭukaggehipi madhuraggehipi khārikehipi akhārikehipi loṇikehipi aloṇikehipi.

Sa kho so bhikkhave paṇḍito byatto kusalo sūdo sakassa bhattassa nimittam uggaṇhāti ‘idam vā me ajja bhattasūpeyyam ruccati, imassa vā abhiharati, imassa vā bahum gaṇhāti, imassa vā vaṇṇam bhāsatī. Ambilaggam vā me ajja bhattasūpeyyam ruccati, ambilaggassa vā abhiharati, ambilaggassa vā bahum gaṇhāti, ambilaggassa vā vaṇṇam bhāsatī -pa- aloṇikassa vā vaṇṇam bhāsatī’ti. Sa kho so bhikkhave paṇḍito byatto kusalo sūdo lābhī ceva hoti acchādanassa, lābhī vetanassa, lābhī abhihārānam. Tam kissa hetu. Tathā hi so bhikkhave paṇḍito byatto kusalo sūdo sakassa bhattanimittam uggaṇhāti. Evameva kho bhikkhave idhekacco paṇḍito byatto kusalo bhikkhu kāye kāyānupassī viharati -pa- vedanāsu -pa- citte -pa- dhammesu dhammānupassī viharati ātāpī sampajāno satimā vineyya loke abhijjhādomanassam. Tassa dhammesu dhammānupassino viharato cittam samādhiyati, upakkilesā pahīyanti, so tam nimittam uggaṇhāti.

Sa kho bhikkhave paññito byatto kusalo bhikkhu lābhī ceva hoti diṭṭheva dhamme sukhavihārānam, lābhī hoti satisampajaññassa. Tam kissa hetu. Tathā hi so bhikkhave paññito byatto kusalo bhikkhu sakassa cittassa nimittam uggañhātī”ti¹—

evam paṭhamam upamam dassetvā pacchā attho vutto.

“Suvaṇṇakārasūriyopamādisuttesu viya cā”ti idañca udāharanamattena saṅgaham gacchati suvaṇṇakārasuttādīsu pathamam upamāya adassitattā. Etesu hi suvaṇṇakāropamasutte² tāva—

“Adhicittamanuyutta bhikkhave bhikkhunā tīṇi nimittāni kālena kālam manasi kātabbāni, kālena kālam samādhinimittam manasi kātabbam, kālena kālam paggahanimittam manasi kātabbam, kālena kālam upekkhānimittam manasi kātabbam. Sace bhikkhave adhicittamanuyutto bhikkhu ekantam samādhinimittamyeva manasi kareyya, ṭhānam tam cittam kosajjaya samvatteyya. Sace bhikkhave adhicittamanuyutto bhikkhu ekantam paggahanimittamyeva manasi kareyya, ṭhānam tam cittam uddhaccāya samvatteyya. Sace bhikkhave adhicittamanuyutto bhikkhu ekantam upekkhānimittamyeva manasi kareyya, ṭhānam tam cittam na sammāsamādhiyeyya āsavānam khayāya. Yato ca kho bhikkhave adhicittamanuyutto bhikkhu kālena kālam samādhinimittam -pa- paggahanimittam -pa- upekkhānimittam manasi karoti, tam hoti cittam muduñca kammaniyañca pabhassarañca, na ca pabhañgu, sammā samādhiyati āsavānam khayāya.

Seyyathāpi bhikkhave suvaṇṇakāro vā suvaṇṇakārantevāsī vā ukkam bandheyya, ukkam bandhitvā ukkāmukham ālimpeyya, ukkāmukham ālimpitvā sañḍāsenā jātarūpam gahetvā ukkāmukhe pakkhipeyya, ukkāmukhe pakkhipitvā kālena kālam abhidhamati, kālena kālam udakena paripphoseti, kālena kālam ajjhupekkhati. Sace bhikkhave suvaṇṇakāro vā suvaṇṇakārantevāsī vā tam jātarūpam ekantam abhidhameyya, ṭhānam tam

1. Sam 3. 131 piṭṭhe.

2. Aṁ 1. 258 piṭṭhe.

jātarūpam daheyya. Sace bhikkhave suvaṇṇakāro vā suvaṇṇakārantevāsī vā tam jātarūpam ekantam udakena paripphoseyya, ṭhānam tam jātarūpam nibbāpeyya. Sace bhikkhave suvaṇṇakāro vā suvaṇṇakārantevāsī vā tam jātarūpam ekantam ajjhupekkheyā, ṭhānam tam jātarūpam na sammā paripākam gaccheyya. Yato ca kho bhikkhave suvaṇṇakāro vā suvaṇṇakārantevāsī vā tam jātarūpam kālena kālam abhidhamati, kālena kālam udakena paripphoseti, kālena kālam ajjhupekkhati, tam hoti jātarūpam muduñca kammaniyañca pabhassarañca, na ca pabhañgu, sammā upeti kammāya. Yassā yassā ca piñcandhanavikatiyā ākañkhati, yadi pañcikāya yadi kuñḍalāya yadi gīveyyakena yadi suvaṇṇamālāya, tañcassa attham anubhoti.

Evameva kho bhikkhave adhicittamanuyuttena bhikkhu -pamsammāsamādhiyati āsavānam khayāya. Yassa yassa ca abhiññāsacchikarañiyassa dhammassa cittam abhininnāmeti abhiññāsacchikiriyāya, tatra tatreva sakkhibabbatam pāpuñāti sati sati-āyatane”ti¹—

evam pañhamam attham dassetvā tadanantaram upamam vatvā punapi atho vutto.

Sattasūriyopame ca—

“Aniccā bhikkhave sañkhārā, adhuvā bhikkhave sañkhārā, anassāsikā bhikkhave sañkhārā, yāvañcidam bhikkhave alameva sabbasañkhāresu nibbinditum alam virajjituñ alam vimuccitum. Sineru bhikkhave pabbatarajā caturāsitiyojanasahassāni āyāmena, caturāsitiyojanasahassāni vitthārena, caturāsitiyojanasahassāni mahāsamudde ajjhogālho, caturāsitiyojanasahassāni mahāsamuddā accuggato. Hoti so kho bhikkhave samayo, yam kadāci karahaci dīghassa addhuno accayena bahūni vassāni bahūni vassasatāni bahūni vassasahassāni bahūni vassasatasahassāni devo na vassati,

1. Añ 1. 259 piñhe.

deve kho pana bhikkhave avassante ye kecime bījagāmabhūtagāmā osadhitīṇavanappatayo, te ussussanti visussanti na bhavanti. Evam anicca bhikkhave saṅkhārā, evam adhuvā bhikkhave saṅkhārā”ti-ādinā¹—

Paṭhamam attham dassetvā tadanantaram upamam vatvā punapi attho vutto. Atha vā “sūriyassa bhikkhave udayato etam pubbaṅgamam etam pubbanimittam, yadidam aruṇuggam. Evameva kho bhikkhave bhikkhuno ariyassa aṭṭhaṅgikassa maggassa uppādāya etam pubbaṅgamam etam pubbanimittam, yadidam kalyāṇamittata”ti yadetam **samyuttanikāye**² āgatam, tam idha sūriyopamasuttanti adhippetam siyā. Tampi “katthaci upamāya attham parivāretvā dasseti”ti iminā na sameti paṭhamam upamam vatvā tadanantaram attham dassetvā puna upamāya avuttattā. Paṭhamameva hi tattha upamā dassitā, “imasmiṁ pana sālisūkopame upamāya attham parivāretvā dassento seyyathāpi bhikkhaveti-ādimāhā”ti idampi vacanamasaṅgahitam vatthasuttassa imassa ca visesābhāvato. Ubhayatthāpi hi paṭhamam upamam dassetvā pacchā attho vutto, tasmā evamettha pāṭhena bhavitabbam “tatra bhagavā katthaci paṭhamamyeva upamam dassetvā pacchā attham dasseti vatthasutte viya

pāricchattakopama³ **aggikkhandhopamādisuttesu**⁴ viya ca, katthaci atthena upamam parivāretvā dasseti **suvaṇṇakārasattasūriyopamādisuttesu**⁵ viya, imasmim pana sālisūkopame paṭhamam upamam dassetvā pacchā attham dassento seyyathāpi bhikkhaveti ādimāhā”ti. Aññathā **majjhimaṭṭhakathāya**⁶ virujjhati. Idhāpi ca pubbenāparam na sameti. Majjhimaṭṭhakathāya vuttanayeneva vā idhāpi pāṭho gahetabbo.

Kaṇasadiso sāliphalassa tuṇḍe⁷ uppajjanakavalo **sālisūkam**, tathā **yavasūkam**. Sūkassa tanukabhāvato bhedavato bhedo nātimahā hotīti āha “bhindissati, chavim chindissatīti attho”ti. Yathā micchāṭhapitasālisūkādi akkantampi hatthādim na bhindati bhinditum ayoggabhbāvena ṭhitattā, evam ācayagāmicittam avijjam na bhindati

1. Am 2. 474 piṭṭhe.

2. Saṁ 3. 23 piṭṭhe.

3. Am 2. 486 piṭṭhe.

4. Am 2. 495 piṭṭhe.

5. Am 2. 473 piṭṭhe.

6. Ma-Tṭha 1. 171 piṭṭhe.

7. Phuṇḍe (Ka)

bhinditum ayoggabhāvena uppannattāti imamattham dasseti “micchāṭhapitenā”ti-ādinā. Aṭṭhasu ṭhānesūti “dukkhe aññāṇan”ti-ādinā vuttesu dukkhādīsu catūsu saccesu pubbantādīsu catūsu cāti aṭṭhasu ṭhānesu. **Ghanabahalanti** cirakālaparibhāvanāya ativiya bahalam. Mahāvisayatāya mahāpaṭipakkhatāya bahuparivāratāya bahudukkhatāya ca mahatī avijjāti mahā-avijjā. Tam **mahā-avijjam**. Mahāsaddo hi bahubhāvatthopī hoti “mahājano”ti-ādīsu viya. **Taṇhāvānato nikkhantabhāvenāti** tattha taṇhāya abhāvameva vadati.

42. Dutiye pādenēva avamaddite akkantanti vuccamāne hatthena avamadditam akkantam viya akkantanti ruḷhī hesāti āha “**akkantanteva vuttan**”ti. **Ariyavohāroti** ariyadesavāsīnam vohāro. Mahantam aggahetvā appamattakasseva gahaṇe payojanam dasseturū “**kasmā panā**”ti-ādi āraddham. Tena “vivaṭṭupanissayakusalam nāma yoniso uppāditam appakan”ti na cintetabbam, anukkamena laddhapaccayam hutvā vaḍḍhamānam khuddakanadī viya pakkhandamahoghā samuddam, anukkamena nibbānamahāsamuddameva purisam pāpetīti dīpeti. **Paccekabodhim buddhabhūmīnti** ca paccatte upayogavacanam. **Vattavivatṭam kathitanti** yathākkamena vuttam.

43. Tatiye **dosena paduṭṭhacittanti** sampayuttadhammānam, yasmin santāne uppajjati, tassa ca dūsanena visasaṁsaṭṭhapūtimuttasadisena dosena padūsitacittam. **Attano cittēnāti** attano cetopariyaññāṇena sabbaññutaññāṇena vā sahitena cittena. **Paricchinditvā** ñāṇena paricchinditvā. Iṭṭhākārena etīti ayo, sukham. Sabbaso apeto ayo etassa, etasmāti vā **apāyo**, kāyikassa cetasikassa ca dukkhassa gati pavattiṭṭhānanti **duggati**, kāraṇāvasena vividham vikārena ca nipātiyanti ethāti **vinipāto**, appakopi natthi ayo sukham ethāti **nirayoti** evameththa attho veditabbo.

44. Catutthe **saddhāpasādena pasannanti** saddhāsaṅkhātena pasādena pasannam, na indriyānam avippasannatāya. **Sukhassa gatinti** sukhassa pavattiṭṭhānam. Sukhamevettha gacchanti, na dukkhanti vā **sugati**. Manāpiyarūpādītāya saha aggehīti **saggam**, lokam.

45. Pañcame pariļāhavūpasamakaro rahado etthāti rahado, udakapuṇṇo rahado **udakarahado**. Udkam dahati dhāretīti **udakadaho**. Āviloti kalalabahulatāya ākulo. Tenāha “**avippasanno**”ti. **Lulitoti** vātena ālojito. Tenāha “**aparisanṭhito**”ti. Vātābhīghātēna vīcitarāngamalaśamākulatāya hi parito na saṇṭhito vā **aparisanṭhito**. Vātābhīghātēna udakassa ca appabhāvena kalalībhūto kaddamabhāvappatthoti āha “**kaddamībhūto**”ti. **Sippiyo** muttasippi-ādayo. **Sambukā** saṅkhasalākavisesā. **Carantampi tiṭṭhantampīti** yathālābhavacanametam daṭṭhabbam. Tameva hi yathālābhavacanataṁ dassetum “**etthā**”ti-ādi āraddham.

Pariyonaddhenāti paṭicchāditena. Tayidam kāraṇena āvilabhāvassa dassanam. Diṭṭhadhamme imasmim attabhāve bhavo **diṭṭhadhammadiko**, so pana lokiyopi hoti lokuttaropīti āha “**lokiyalokuttaramissako**”ti. Pecca sampareabbato¹ **samparāyo**, paraloko. Tenāha “**so hi parattha atthoti parattho**”ti. Iti dvidhāpi sakasantatipariyāpanno eva gahitoti itarampi saṅgahetvā dassetum “**apicā**”ti-ādimāha. **Ayanti** kusalakammapathasaṅkhāto dasavidho dhammo. **Satthantararakappāvasāneti** idam tassa āsannabhāvarūm sandhāya vuttam. Yassa kassaci antarakappassāvāsāneti veditabbam. **Ariyānam yuttanti** ariyānam ariyabhāvāya yuttam, tato eva **ariyabhāvam kātum samattham**. Nānānameva ñeyyassa paccakkhakaraṇaṭṭhena **dassananti** āha “**nānānameva hī**”ti-ādi. Kim pana tanti āha “**dibbacakkhū**”ti-ādi.

46. Chaṭṭhe **acchoti** tanuko. Tanubhāvame hi sandhāya “**abahalo**”ti vuttam. Yasmā pasanno nāma accho na bahalo, tasmā “**pasannotipi vaṭṭati**”ti vuttam. **Vippasannoti** visesena pasanno. So pana sammā pasanno nāma hotīti āha “**sutṭhu pasanno**”ti. **Anāviloti** akaluso. Tenāha “**parisuddho**”ti-ādi. **Saṅkhanti** khuddakasevālam, yam “tilabījakan”ti vuccati. **Sevālanti** kaṇṇikasevālam. **Paṇakanti** udakamalam. Cittassa āvilabhāvo nīvaraṇahetukoti āha “**anāvilenāti pañcanīvaraṇavimuttenā**”ti.

1. Sampādetabbato (Sī, Ka)

47. Sattame **rukkhajātānīti** ettha jātasaddena padavadḍhanameva kataṁ yathā “kosajātan”ti āha “**rukkhānamevetarū adhivacanan**”ti. Koci hi rukkho **vanṇena aggo hoti** yathā tam rattacandanādi. Koci **gandhena** yathā tam gosītacandanam. Koci **rasena** khadirādi. Koci **thaddhatāya** campakādi. Maggaphalāvahatāya vipassanāvasena **bhāvitampi** gahitam. “Tattha tattheva sakkhibhabbatam pāpuṇātī”ti¹ vacanato “**abhiññāpādakacatutthajjhānacittameva āvuso**”ti phussamittatthero vadati.

48. Aṭṭhame cittassa parivattanam uppādanirodhā evāti āha “**evam
lahum uppajjivtvā lahum nirujjhananā**”ti. **Adhimattapamāṇattheti** atikkantapamāṇatthe, pamāṇatītatāyanti attho. Tenāha “**ativiya na sukarā**”ti. **Cakkhuviññāṇampi adhippetamevāti** sabbassapi cittassa samānakhaṇattā vuttam. Cittassa ativiya lahuparivattibhāvarū theravādena dīpetum “**imasmim panatthe**”ti-ādi vuttam. **Cittasankhārāti** sasampayuttam cittam vadati. **Vāhasatānam kho mahārāja vīhīnanti** potthakesu likhanti, “vāhasatām kho mahārāja vīhīnā”ti pana pāṭhena bhavitabbam. **Milindapañhepi**² hi katthaci ayameva pāṭho dissati. “Vāhasatānan”ti vā paccatte sāmivacanam byattayena vuttanti daṭṭhabbam. **Aḍḍhacūḍanti** thokena ūnam upaḍḍham. Kassa pana upaḍḍhanti? Adhikārato vāhassāti viññāyati. “Aḍḍhacuddasan”ti keci. “Aḍḍhacatutthan”ti apare. Sādhikam diyadḍhasatam vāhāti daļham katvā vadanti, vīmaṇsitabbam. Catunāliko **tumbo**. **Pucchāya abhāvenāti** “sakkā pana bhante upamam kātun”ti evam pavattāya pucchāya abhāvena **na katā upamā**. **Dhammadesanāpariyosāneti** sannipatitaparisāya yathāraddhadhammadesanāya pariyośāne.

49. Navame **pabhassaranti** pariyođātam sabhāvaparisuddhaṭṭhena. Tenāha “**pañḍaram parisuddhan**”ti. Pabhassaratādayo nāma vanṇadhadhātuyam labbhanakavisesāti āha “**kim pana cittassa vanṇo nāma atthī**”ti. Itaro arūpatāya “natthī”ti paṭikkhipitvā pariyođayakathā ayam tādisassa cittassa parisuddhabhāvanādīpanāyāti dassento “**nīlādīnān**”ti-ādimāha. Tathā hi “so evam samāhite citte parisuddhe pariyođāte”ti³

1. Aṁ 1. 259 piṭṭhe.

2. Khu 11. 109 piṭṭhe.

3. Dī 1. 76, 77; Ma 1. 314, 315, 346, 347; Vi 1. 5 piṭṭhesu.

vuttam. Tenevāha “**idampi nirupakkilesatāya parisuddhanti pabhassaran**”ti. Kim pana bhavaṅgacittam nirupakkilesanti? Āma sabhāvato nirupakkilesam, āgantuka-upakkilesavasena pana siyā upakkiliṭṭham. Tenāha “**tañca kho**”ti-ādi. Tattha attano tesañca bhikkhūnam paccakkhabhāvato pubbe “idan”ti vatvā idāni paccāmasanavasena “**tan**”ti āha. Ca-saddo atthūpanayane. Kho-saddo vacanālaṅkāre, avadhāraṇe vā. Vakkhamānassa atthassa nicchitabhāvato bhavaṅgacittena sahāvatṭhānābhāvato upakkilesānam āgantukatāti āha “**asahajātehi**”ti-ādi. Rāgādayo upecca cittasantānam kilissanti vibādhenti upatāpenti cāti āha “**upakkilesehīti rāgādīhi**”ti. Bhavaṅgacittassa nippariyāyato upakkilesehi upakkiliṭṭhatā nāma natthi asamsaṭṭhabhāvato, ekasantatipariyāpannatāya pana siyā upakkiliṭṭhatāpariyāyoti āha “**upakkiliṭṭham nāmāti vuccati**”ti. Idāni tamattham upamāya vibhāvetum “**yathā hī**”ti-ādimāha. Tena bhinnasantānagatāyapi nāma iriyāya loke gārayhatā dissati, pageva ekasantānagatāya iriyāyāti imām visesam dasseti. Tenāha “**javanakkhaṇe -pa- upakkiliṭṭham nāma hotī**”ti.

50. Dasame **bhavaṅgacittameva cittanti** “pabhassaramidaṁ bhikkhave cittan”ti vuttam bhavaṅgacittameva. Yadaggena bhavaṅgacittam tādisapaccayasamavāye upakkiliṭṭham nāma vuccati, tadaggena tabbidhurapaccayasamavāye upakkilesato vimuttanti vuccati. Tenāha “**upakkilesehi vippamuttam nāma hotī**”ti. Sesamettha navamasutte vuttanayānasārena veditabbam.

Pañihita-acchavaggavaṇṇanā niṭṭhitā.

6. Accharāsaṅghātavaggavaṇṇanā

51. Chaṭṭhassa paṭhame **assutavāti** ettha “sādhu paññāṇavā naro”ti-ādīsu¹ atthitāmattassa bodhako vā-saddo. “Sīlavā hoti kalyāṇadhammo”ti-ādīsu² pasamīsāvisiṭṭhāya atthitāya. “Paññavā

1. Khu 6. 45 piṭṭhe Ummādantijātake.

2. Ma 3. 299 piṭṭhe.

hoti udayatthagāminiyā paññāya samannāgato”ti-ādīsu¹ atisayathavisiṭṭhāya atthitāya, tasmā yassa pasattham atisayena vā sutam atthi, so sutavā, samkilesaviddhaṁsanasamattham pariyattidhammassaganam, tam sutvā tathāttāya paṭipatti ca “sutavā”ti iminā padena pakāsitā. Sotabbayuttam sutvā kattabbanippahattivasena suṇīti vā sutavā, tappaṭikkhepena na sutavāti **assutavā**.

Ayam hi akāro “ahetukā dhammā², abhikkhuko āvāso”ti-ādīsu³ tamśamāyoganivattiyam diṭṭho. “Appacca�ā dhammā”ti² tamśambandhibhāvanivattiyam. Paccayuppannam hi paccayasambandhīti apaccayuppannattā tamśambandhitā ettha jotitā. “Anidassanā dhammā”ti² tamśabhāvanivattiyam. Nidassanam hi ettha daṭṭhabbatā. Atha vā passatīti nidassanam, cakkhuviññāṇam. Taggahetabbatānivattiyam, tathā “anāsavā dhammā”ti⁴. “Appaṭighā dhammā² anārammaṇā dhammā”ti⁵ tamkiccanivattiyam. “Arūpino dhammā acetasikādhammā”ti tamśabhāvanivattiyam. Tadaññatā hi ima pakāsitā. “Amanusso”ti tabbhāvamattanivattiyam. Manussattamattam natthi, aññam tamśadisanti. Sadisatā hi ettha sūcitatā. “Assamaṇo samaṇapaṭiñño abrahmacārī brahmacāripaṭiñño”ti⁶ ca tamśambhāvanīyaguṇanivattiyam. Garahā hi idha ñāyati. “Kacci bhoto anāmayam⁷ anudarā kaññā”ti ca tadanappabhāvanivattiyam. “Anuppannā dhammā”ti⁸ tamśadisabhāvanivattiyam. Atītānam hi uppannapubbattā uppādidhammānañca paccayekadesasiddhiyā āraddhuppādabhāvato kālavinimuttassa ca vijjamānattā uppannānukūlatā, pageva paccuppannānanti tabbidhuratā hettha viññāyati. “Asekkhā dhammā”ti⁹ tadapariyosānanivattiyam. Tanniṭṭhānam hettha pakāsitanti evam anekesam atthānam jotako. Idha pana “arūpino dhammā⁴, acetasikā dhammā”ti-ādīsu⁵ viya tamśabhāvanivattiyam daṭṭhabbo, añnattheti attho. Etenassa sutādiññānaviraham dasseti. Tena vuttam “āgamādhigamābhāvā ñeyyo **assutavā itī**”ti.

1. Dī 3. 198; Ma 2. 19, 229 piṭṭhesu.

2. Abhi 1. 4 piṭṭhesu.

3. Vi 2. 412 piṭṭhe.

4. Abhi 1. 5 piṭṭhe.

5. Abhi 1. 9 piṭṭhe.

6. Añ 1. 107 piṭṭhe.

7. Khu 5. 327; Khu 6. 77 piṭṭhesu.

8. Abhi 1. 3 piṭṭhe.

9. Abhi 1. 2 piṭṭhe.

Idāni tassattham vivaranto “yohī”ti-ādimāha. Tattha yasmā khandhadhātādikosallenapi upakkilesa-upakkiliṭṭhānam jānanahetubhūtam bāhusaccam hoti. Yathāha “kittāvatā nu kho bhante bahussuto hoti? Yatokho bhikkhu khandhakusalo hoti. Dhātu -pa-. Āyatana -pa-. Paṭiccasamuppādakusalo hoti. Ettāvatā kho bhikkhu bahussuto hotī”ti. Tasmā “yassa ca khandhadhātu-āyatanapaccayākārasatipatṭhānādīsū”ti-ādi vuttam. Tattha vācuggatakaraṇam **uggaho**. Atthaparipucchānam **paripucchā**. Kusalehi saha codanāpariharaṇavasena vinicchayakaraṇam **vinicchayo**. Ācariye pana payirupāsitvā athadhammānam āgamanānam sutamayañānavasena avabujjhānam **āgamō**. Maggaphalanībbānānam sacchikiriyā **adhigamo**.

Bahūnam nānappakārānam sakkāyadiṭṭhādīnam avihatattā tā janenti, tāhi vā janitāti **puthujjanā**. Avighātameva vā jana-saddo vadati. **Puthu satthārānam mukhullokikāti** ettha puthū janā sattha paṭīññā etesanti **puthujjanā**. **Sabbagatīhi avuṭṭhitāti** ettha janetabbā, jāyanti vā ettha sattāti janā, gatiyo, tā puthū etesanti **puthujjanā**. Ito pare jāyanti etehīti janā, abhisāñkhārādayo, te etesām puthū vijjantīti **puthujjanā**. Abhisāñkhārādi-attho eva vā jana-saddo daṭṭhabbo. **Oghā** kāmoghādayo. Rāgaggi-ādayo **santāpā**. Te eva sabbepi vā kilesā **parilāhā**. Puthu pañcasu **kāmaguṇesu rattāti** ettha jāyatīti jano, rāgo gedhoti evamādiko, puthu jano etesanti **puthujjanā**. Puthūsu janā jātā rattāti evam rāgādi-attho eva vā jana-saddo daṭṭhabbo.

Rattāti vattham viya raṅgajātena cittassa vipariṇāmakarena chandarāgena rattā sārattā. **Giddhāti** abhikañkhanasabhāvena abhigijjhānenā giddhā gedham āpannā. **Gadhitāti** ganthitā viya dummocanīyabhāvena tattha paṭibaddhā. **Mucchitāti** kilesavasena visaññibhūthā viya anaññakicca¹ mohamāpannā. **Ajjhopannāti** anaññasādhāraṇe viya katvā gilitvā pariniṭṭhāpetvā ṭhitā. **Laggāti** vaṅkakaṇṭake viya āsattā, mahāpalipe yāva nāsikaggā² palipannapuriso viya uddharitum asakkuṇeyyabhāvena

1. Anaññakiccam (Ka)

2. Paharanāsikaggā (Ka), paharanāsikaggo (Sī)

nimuggā. **Laggitāti** makkaṭālepe ālaggabhbāvena sammasito viya makkato pañcannam indriyānam vasena ālaggitā. **Palibuddhāti** sambaddhā, upaddutā vā. **Āvutāti** āvaritā. **Nivutāti** nivāritā. **Ovutāti** paliguṇṭhitā, pariyonaddhā vā. **Pihitāti** pidahitā. **Paṭicchannāti** chāditā. **Paṭikujitāti** hetṭhāmukhajatā.

“Assutavā”ti etena avijjandhatā vuttati āha “**andhaputhujano vutto**”ti. **Cittatthiti cittapariggaho natthīti** yāya paṭipattiyā cittassa upakkilesam tato vippamuttiñca yathāsabhāvato jāneyya, sā cittabhāvanā cittatthiti. Ekārammaṇe suṭhu samādhānavasena avaṭṭhitim pādakam katvā pavattitā sampayuttadhammehi nissayārammaṇehi ca saddhim cittassa pariggahasaññitā vipassanābhāvanāpi natthi, yāya vuttamattham yathāsabhāvato jāneyya.

52. Dutiye **sutavāti** padassa attho anantarasutte vuttoyeva.

Ariyasāvakoti ettha catukkam sambhavatī tam dassetum “**atthi ariyo**”ti-ādi āraddham. Paccekam saccāni buddhavantoti **pacceka**buddhā****. Nanu sabbepi ariyā paccekameva saccāni paṭivijjhanti dhammadassa paccattavedanīyabhāvato? Nayidamīdisam paṭivedham sandhāya vuttaṁ. Yathā pana sāvakā aññesam nissayena saccāni paṭivijjhanti paratoghosena vinā tesam dassanamaggassa anuppajjanato. Yathā ca sammāsambuddhā aññesam nissayabhāvena saccāni abhisambujjhanti, na evamete, ete pana aparaneyyā hutvā aparanāyakabhāvena saccāni paṭivijjhanti. Tena vuttaṁ “paccekam saccāni buddhavantoti pacceka**buddhā**”ti.

Atthi sāvako na ariyoti ettha pothujjanikāya saddhāya ratanattaye abhippasanno saddhopi gahito eva. **Gihī anāgataphaloti** idam pana nidassanamattam datṭhabbam. Yathāvuttapuggalo hi saraṇagamanato paṭṭhāya sotāpattiphalasacchikiriyāya paṭipanno-icceva vattabbataṁ labhati. Svāyamattho **dakkhiṇāvisuddhisuttena**¹ dīpetabbo. **Sutavāti** ettha vutta-attho nāma attahitaparahitappaṭipatti, tassa vasena sutasampanno. Yam sandhāya vuttaṁ “so ca hoti sutena upapanno,

1. Ma 3. 298 piṭhe.

appampi ce sahitam bhāsamāno”ti ca ādi. **Ariyasāvakoti veditabboti** ariyassa bhagavato dhammassavanakicce yuttappayuttabhāvato vuttam. Upakkileschi vippamutti anupakkiliṭṭhatā, tassā yathāsabhāvajānanām dalhatarāya ve cittabhāvanāya sati hoti, na aññathāti “**balavavipassanā kathitā**”ti vuttam.

53. Tatiye **aggikkhandhopamasuttanta-aṭṭhuppattiyanti** aggikkhandhopamasutte¹ desanā-aṭṭhuppattiyam. Tamdesanāhetukam hi ekaccānam bhikkhūnam micchāpaṭipattim nimittam katvā bhagavā imam suttam desesi. **Avijahitameva hoti** sabbakālam suppatiṭṭhitasatisampajaññattā. Yasmā buddhānam rūpakāyo bāhirabbhantarehi malehi anupakkiliṭṭho sudhotajātimāṇisadiso, tasmā vuttam “**upaṭṭhākānuggahattham sarīraphāsukatthañcā**”ti. **Vītināmetvāti** phalasamāpattīhi vītināmetvā. Kālaparicchedavasena vivittāsane vītināmanam vivekaninnatāya ceva paresam diṭṭhanugati-āpajjanatthañca. **Nivāsetvāti** vihāranivāsanaparivattanavasena nivāsetvā. Kadāci ekakassa, kadāci bhikkhusamghaparivutassa, kadāci pakatiyā, kadāci pāṭihāriyehi vattamānehi ca gāmappaveso tathā tathā vinetabbapuggalavasena. **Upasāñharitvāti** himavantādīsu pupphitarukkhādito ānetvā. Onatunñnatāya bhūmiyā satthu padanikkhepasamaye samabhāvāpatti, sukhasamphassavikasitapadumasampaṭicchanañca suppatiṭṭhitapādatāya nissandaphalam, na iddhinimmānam. Nidassanamattañcetam sakkharākaṭhalakaṇṭakasañkulalalādi-apagamo sucibhāvāpattīti vemādīnampi tadā labbhanato.

Indakhilassa anto ṭhapitamatteti idam yāvadeva veneyyanavinyatthāya satthu pāṭihāriyam pavattanti katvā vuttam, **dakkhiṇapādeti** idam buddhānam sabbapadakkhiṇatāya. “**Chabbañarasmiyo**”ti vatvāpi “**suvañṇarasapiñjarāni viyā**”ti idam buddhānam sarīre pītābhāya yebhuuyatāya vuttam. **Madhurenākārena saddam karonti** daṭṭhabbasārassa diṭṭhatāya. Bheri-ādīnam pana saddāyanam dhammatāva. **Paṭimānentīti** “sudullabham idam ajja amhehi labbhati, ye mayam īdisena paññtena āhārena bhagavantam upaṭṭhahāmā”ti patītamānasā mānenti pūjenti. **Tesam santānāni**

1. Aṁ 2. 495 piṭṭhe.

oloketvāti tesam tathā upatṭhākānam puggalānam atīte etarahi ca pavattacittasantānāni oloketvā. Arahatte patiṭṭhahantīti sambandho. **Tatthāti** vihāre. **Gandhamanḍalamāle**ti catujjātiyagandhena kataparibhaṇḍe manḍalamāle.

Dullabhā khaṇasampattīti sahipi manussattappaṭilābhe patirūpadesavāsa-indriyāvekallasaddhāpaṭilābhādayo guṇā dullabhāti attho. **Cātumahārājika -pa- vasavattibhavanam gacchantīti** idam tattha suññavimānāni sandhāya vuttam. Bhagavā gandhakuṭīm pavisitvā pacchābhettam tayo bhāge katvā paṭhamabhāge sace ākaṅkhati, dakkhiṇena passena sīhaseyyam kappeti. Sace ākaṅkhati, buddhaciṇṇaphalasamāpattim samāpajjati. Atha yathākālaparicchedam tato vuṭṭhahitvā dutiyabhāge pacchimayāme tatiyakoṭṭhāse viya lokam voloketi veneyyānam ñāṇaparipākam passitum. Tenāha “sace ākaṅkhati”ti-ādi.

Kālayuttanti pattakallam, “imissā velāya imassa evam vattabban”ti tamkālānurūpam. **Samayayuttanti** tasseva vevacanam, aṭṭhuppatti-anurūpam vā. **Samayayuttanti** vā ariyasamayasaranyuttam. Desakālānurūpameva hi buddhā bhagavanto dhammarūpam desenti, desentā ca ariyasammataṁ¹ paṭiccasamuppādanayam dīpentāva desenti. Atha vā **samayayuttanti** hetūdāharaṇasahitam. Kālena sāpadesam hi bhagavā dhammarūpam deseti, kālam viditvā parisam uyyojeti, na yāva samandhakārā dhammarūpam deseti.

Utum gaṇhāpeti, na pana malam pakkhāletīti adhippāyo. Na hi bhagavato kāye rajojallam upalimpatti. **Tato tatoti** attano attano divāṭṭihānādito. **Okāsam labhamānāti** purebhattapacchābhettapurimayāmesu okāsam alabhitvā idāni majjhimayāme okāsam labhamānā, bhagavatā vā katokāsatāya okāsam labhamānā. Pacchābhettassa tīsu bhāgesu paṭhamabhāge sīhaseyyakappanam ekantikam na hotīti āha “**purebhattato paṭṭhāya nisajjāpīlitassa sarīrassā**”ti. Teneva hi tattha “sace ākaṅkhati”ti tadā sīhaseyyakappanassa anibaddhatā vibhāvitā. **Kilāsubhāvo**

1. Ariyadhammataṁ (Sī)

parissamo. Sīhaseyyam kappeti sarīrassa kilāsubhāvamocanatthanti yojetabbam. **Buddhacakkhunā lokam voloketīti idam pacchimayāme bhagavato bahulam āciṇṇavasena vuttam.** Appekadā avasiṭṭhabalañāṇehi sabbaññutaññāṇeneva ca bhagavā tamattham sādhetīti.

Imasmīniñ yeva kiccti pacchimayāmakicce. Balavatā paccanutāpena samvadḍhamānenā karajakāye mahāpariñāho uppajjatīti āha “**nāmakāye santatte karajakāyo santatto**”ti. **Nidhānagatanti** sannicitalohitam sandhāya vuttañ. **Uñham lohitam mukhato uggañchīti** lohitam uñham hutvā mukhato uggañchi. **Thānanti** bhikkhupaṭiññam. **Tam pāpariñ vadḍhamānantī** bhikkhupaṭiññāya avijahitattā tathā pavadḍhamānapāpam. Antimavatthu-ajjhāpannānampi upāyena pavattiyamāno yonisomanasikāro sātthako hotiyevāti dassento “**jātasarīnvegā**”ti-ādimāha. **Aho sallekhitanti** aho ativiya sallekhena itam pavattam. **Kāsāvapajjototi** bhikkhūnam bahubhāvato ito cito ca vicarantānam tesam kāsāvajutiyā pajjotito. **Isivātariparīvātoti** sīlakkhandhādīnam nibbānassa ca esanato isīnam bhikkhūnam guṇagandhena¹ ceva guṇagandhavāsitena² sarīragandhena ca parito samantato vāyito.

Dhammasarīnvego uppajji anāvajjanena pubbe tassa atthassa asariñviditattā. **Dhammasarīnvegoti** ca tādise atthe dhammatāvasena uppajjanakam sahottappaññam. **Assāsatthānanti** cittassāsakāraṇam kammatthānam. Sabbesam kiccānam pubbabhāgo **sabbapubbabhāgo**. “Sabbesattā averā hontū”ti-ādinā hi cittassa paṭṭhānam upaṭṭhānam **hitapharaṇam**. Itaram ito thokam mahantanti katvā idam “cūlhaccharāsaṅghātasuttan”ti vuttam. Accharāsaṅghāto vuccati aṅguliphoṭanakkhaṇo akkhnimisakālo, yo ekassa akkharassa uccāraṇakkhaṇo. Tenāha “**dve aṅguliyo paharitvā saddakaraṇamattan**”ti. **Sabbasattānam hitapharaṇacittanti** sabbesampi sattānam sammadeva hitesitavasena pavattacittam. **Avajjento āsevatīti** hitesitavasena āavajjento. Āvajjanena ābhujantopi āsevati nāma ñāṇavippayuttena. **Jānantoti** tathā ñāṇamattam uppādentopi. **Passantoti** tathā ñāṇacakkhunā paccakkhato viya vipassantopi. **Paccavekkhantoti** tamattham

1. Paguṇagandhena (Ka)

2. Paguṇagandhavāsitena (Ka)

pati pati avekkhantopi. **Saddhāya adhimuccantoti-ādi** pañcannam
indriyānam vasena vuttam. **Abhiññeyyanti-ādi** catusaccavasena vuttam.
Sabbameva cetam vithārato, sāmaññena āsevanadassanamevāti
idhādhippetameva āsevanattham dassetum “**idha panā**”ti-ādi vuttam.

Arittajjhānoti avirahitajjhāno. **Atucchajjhānoti** jhānena atuccho. Cāgo
vā vevacananti¹ āha “**apariccattajjhāno**”ti. **Viharatīti** padassa **vibhaṅge**²
āgatanayena attham dassento “**viharatīti iriyatī**”ti-ādimāha. Ayam panetha
saddattho—**viharatīti** ettha vi-saddo vicchedatthajotano. **Haratīti** neti,
pavattetīti attho, vicchinditvā harati viharatīti vuttam hoti. So hi ekam
iriyāpathabādhanaṁ aññena iriyāpathena vicchinditvā aparipatantaṁ
attabhāvam harati pavatteti, tasmā “**viharatī**”ti vuccati. **Iriyatīti**
ṭhānanisajjādikiriyaṁ karonto pavattati. **Pavattatīti** ṭhānādisamaṅgī hutvā
pavattati. **Pāletīti** ekam iriyāpathabākhanaṁ iriyāpathantarehi rakkhanto
pāleti. **Yapeti yāpetīti** tasseeva vevacanam. Ekaṁ hi iriyāpathabādhanaṁ
aññena iriyāpathena vicchinditvā aparipatantaṁ attabhāvam pālento yapeti
yāpetīti vuccati. **Caratīti** ṭhānanisajjādīsu aññatarasamaṅgī hutvā pavattati.
Iminā padenāti “**viharatī**”ti iminā padena.

Iriyāpathavihāroti ettha iriyanam pavattanam iriyā, kāyappayogo
kāyikakiriya. Tassā pavattanūpāyabhāvato iriyāya patho iriyāpatho,
ṭhānanisajjādi. Na hi ṭhānanisajjādīhi avathāhi vinā kiñci kāyikakiriyaṁ
pavattetum sakkā. Ṭhānasamaṅgī vā hi kāyena kiñci kareyya, gamanādīsu
aññatarasamaṅgī vā. Viharaṇam, viharati etenāti vā vihāro, iriyāpathova
vihāro **iriyāpathavihāro**, so ca atthato ṭhānanisajjādi-ākārappavatto catusanta
tirūpappabandho eva. Ovādānusāsanānam ekānekavārādivisiṭṭhoyeva bhedo,
na pana paramatthato tesam nānākaraṇanti dassetum “**paramatthato panā**”ti-
ādimāha. Tattha **ese eke ekaṭṭheti-ādīsu** eso eko ekatthoti-ādinā attho
veditabbo.

1. Viricananti (?)

2. Abhi 2. 262 piṭṭhe.

Ratṭhassa, ratṭhato vā laddho piṇḍo ratṭhapiṇḍo. Tenāha “ñātiparivatṭam pahāyā”ti-ādi. Tattha “amhākamete”ti viññāyantīti ñātī, pitāmahapituputtādivasena parivatṭanatthena parivatṭo, ñātiyeva parivatṭo ñātiparivatṭo. **Theyyaparibhogo nāma** anarahassa paribhogo. Bhagavatā hi attano sāsane sīlavato paccayā anuññātā, na dussilassa. Dāyakānampi sīlavato eva pariccāgo, na dussilassa attano kārānam mahapphalabhbhāvassa paccāsīsanato¹. Iti satthārā ananuññātattā dāyakehi ca apariccattattā samghamajjhēpi nisiditvā paribhuñjantassa dussilassa paribhogo theyyāya paribhogo theyyaparibhogo. Inavasena paribhogo **iṇaparibhogo** paṭiggāhakato dakkhiṇāvisuddhiyā abhāvato iṇam gahetvā paribhogo viyāti attho.

Dātabbaṭṭhena dāyam, tam ādiyatīti dāyādā, puttānametam adhivacanam, tesam bhāvo dāyajjam, dāyajjavasena paribhogo **dāyajjaparibhogo**, puttābhāvena paribhogoti vuttam hoti. Sekkhā hi bhikkhū bhagavato orasaputtā, te pitu santakānam dāyādā hutvā te paccaye paribhuñjanti. Kim pana te bhagavato paccaye paribhuñjanti, udāhu gihinanti? Gihīhi dinnāpi bhagavatā anuññātattā bhagavato santakā ananuññātesu sabbena sabbam paribhogābhāvato, anuññātesuyeva ca paribhogasambhavato. **Dhammadāyādasutta**²ñcettha sādhakam.

Vītarāgā eva taṇhāya dāsabyam atītattā sāmino hutvā paribhuñjantīti āha “**khīṇāsavassa paribhogo sāmiparibhogo nāmā**”ti. Avītarāgānam hi taṇhāparavasatāya paccayaparibhoge sāmibhāvo natthi, tadabhāvena vītarāgānam tattha sāmibhāvo yathāruciparibhogasambhavato. Tathā hi te paṭikūlampi appaṭikūlākārena, appaṭikūlampi paṭikūlākārena, tadubhayampi vajjetvā ajjhupekkhanākārena paccaye paribhuñjanti, dāyakānañca manoratham pūrenti. Yo panāyam sīlavato paccavekkhitaparibhogo, so iṇaparibhogassa paccanikattā āṇaṇyaparibhogo nāma hoti. Yathā hi iṇāyiko attano ruciyā icchitam desam gantum na labhati, evam iṇaparibhogayutto

1. Paccāsīmsanato (Sī)

2. Ma 1. 15 piṭṭhe.

lokato nissaritum na labhatīti tappaṭipakkhattā sīlavato paccavekkhitaparibhogo “āṇanyaparibhogo”ti vuccati, tasmā nippariyāyato catuparibhogavinimutto visumyevāyam paribhogoti veditabbo. So idha visum na vutto, dāyajjaparibhogeyeva vā saṅgahaṁ gacchati. Sīlavāpi hi imāya sikkhāya samannāgatattā “sekho”tveva vuccati. Imesu paribhogesu sāmiparibhogo dāyajjaparibhogo ca ariyānam puthujjanānañca vaṭṭati, iṇaparibhogo na vaṭṭati. Theyyaparibhoge kathāyeva natthi. Kathām panettha sāmiparibhogo dāyajjaparibhogo ca puthujjanānam sambhavati? Upacāravasena. Yo hi puthujjanassapi sallekhappaṭipattiyaṁ ṭhitassa paccayagedham pahāya tattha anupalittena cittena paribhogo, so sāmiparibhogo viya hoti. Sīlavato pana paccavekkhitaparibhogo dāyajjaparibhogo viya hoti dāyakānam manorathassa avirādhanato. Kalyāṇaputhujjanassa paribhoge vattabbameva natthi tassa sekkhasaṅgahato. **Sekkhasuttam¹** hetassa athassa sādhakam.

Imassa bhikkhunoti accharāsaṅghātamattampi kālam mettacittam āsevantassa bhikkhuno. **A**mothro ratṭhapiṇḍaparibhogoti “ayam pabbajito samaṇo bhikkhūti āmisam dentānam tāya mettāsevanāya attano santāne dosamalassa vā tadekaṭīhānañca pāpadhammānam pabbājanato vūpasamanato samsāre ca bhayassa sammāva-ikkhaṇato ajjhāsayassa avisamvādanenassa amogho ratṭhapiṇḍaparibhogo. **M**ahat̄hiyanti mahatthikam mahāpayojanam. **M**ahapphalanti vipulapphalam. **M**ahānisamsanti mahānissandapphalam. **M**ahājutikanti mahānubhāvam. **M**ahāvippahāranti mahāvitthāram. Ettha ca paṭhamam kāraṇam mettāsevanāya tassa bhikkhuno sāmi-ādibhāvena ratṭhapiṇḍaparibhogārahata, dutiyam parehi dinnassa dānassa mahaṭhiyabhāvakaraṇam. **K**o pana vādoti mettāya āsevanamattampi evam̄mahānubhāvam, ko pana vādo bahulikāre, ettha vattabbameva natthīti attho.

54. Catuthe uppādeti vadḍhetīti ettha bhāvanāsaddassa uppādanavaḍḍhanatthatā pubbe vuttā eva.

1. Sam 3. 12 piṭṭhe.

55. Pañcame **imesu dvīśūti** catutthapañcamesu. “Tatiye vuttanayeneva veditabban”ti vatvā tathā veditabbatam dassetum “yo hi āsevatī”ti-ādi vuttam. Tena āsevanābhāvanāmanasikārānam atthavisesābhāvamāha. Yadi evam sustattassa desanā kathanti āha “**sammāsambuddho panā**”ti-ādi. **Yāya dhammadhātuyāti** sabbaññutaññāṇamāha. Tena hi dhammānām ākārabhedam ñatvā tadanurūpam ekampi dhammām tathā vibhajitvā bhagavā dasseti. **Tīhi kottthāsehīti** āsevanābhāvanāmanasikārabhāgehi. Mettā hi sabbavatthuno mettāyanavasena ānītā sevanā āsevanā, tassā vadḍhanā bhāvanā, avissajjetvā manasi ṭhapanam manasikāro.

56. Chaṭṭhe **aniyamitavacanam** “ime nāmā”ti niyametvā avuttattā. **Niyamitavacanam** “akusalā”ti sarūpeneva vuttattā. **Asesato pariyādinnā** honti appakassapi akusalabhāgassa agghatassa abhāvato. Akusalam bhajantīti **akusalabhāgiyā**. Akusalapakkhe bhavāti **akusalapakkhikā**. Tenāha “**akusalāyevā**”ti-ādi. **Paṭhamataram gacchatīti** paṭhamataram pavattati, paṭhamo padhāno hutvā vattatīti attho. Ekuppādādivasena hi ekajjhām pavattamānesu catūsu arūpakkhandhesu ayameva paṭhamām uppajjatīti idam natthi, lokuttaramaggesu viya pana paññindriyassa, lokiyatdammesu manindriyassa puretarassa bhāvo sātisayoti “**sabbete manopubbaṅgamā**”ti vuttam. Tathā hi **abhidhammepi**¹ “yasmin samaye kāmāvacaram kusalam cittam uppannam hotī”ti cittam pubbaṅgamām jeṭṭham katvā desanā pavattā. Suttēsupi vuttam “manopubbaṅgamā dhammā², chadvāradhipati rājā”ti³. Tenāha “**ete hī**”ti-ādi. **Tesarī mano uppādakoti** ca yadaggena mano sampayuttadhammānam jeṭṭhako hutvā pavattati, tadaggena te attānam anuvattāpento te tathā uppādento nāma hotīti katvā vuttam. Aṭṭhakathāyam pana cittassa jeṭṭhakabhāvameva sandhāya rājagamanaññāyena sahuppattipi paṭhamuppatti viya katvā vuttāti ayamattho dassito. **Anvadevāti** eteneva cittassa khaṇavasena paṭhamuppattiyā abhāvo dīpitoti daṭṭhabbo. Tenevāha “**ekatoyevāti attho**”ti.

1. Abhi 1. 17 piṭṭhe.

2. Khu 1. 13 piṭṭhe Dhammapade.

3. Dhammapada-Tṭha 2. 150 piṭṭhe.

57. Sattame **catubhūmakāpi kusalā dhammā kathitāti** “ye keci kusalā dhammā”ti anavasesapariyādānato vuttam.

58. Aṭṭhame **idanti liṅgavipallāsenā niddeso, nipātāpadaṁ vā etam “yadidan”ti-ādīsu viyāti āha “ayāṁ pamādoti attho”ti. Pamajjanākāroti pamādāpatti. Cittassa vossaggoti imesu ettakesu ṭhānesu satiyā aniggaṇhitvā cittassa vossajjanam sativiraho. Vossaggānuppadānanti vossaggassa anu anu padānam punappunam vissajjanam. Asakkaccakiriyatāti etesam dānādīnam kusaladhammānam pavattane puggalassa vā deyyadhammassa vā asakkaccakiriyā. Satatabhāvo sātaccam, sātaccena kiriyā sātaccakiriyā, sāyeva sātaccakiriyatā, na sātaccakiriyatā **asātaccakiriyatā**.**

Anaṭṭhitakiriyatāti aniṭṭhitakiriyatā nirantaram na anuṭṭhitakiriyatā ca.

Olīnavuttitāti nirantarakaṇasaṅkhātassa vipp'hārassa abhāvena olīnavuttitā.

Nikkhittachandatāti kusalakiriyāya vīriyachandassa nikkhittabhāvo.

Nikkhittadhuratāti vīriyadurhurassa oropanam, osakkitamānasatāti attho.

Anamiṭṭhānanti kusalakaraṇe appatiṭṭhitabhāvo. **Ananuyogoti** ananuyuñjanam. Kusaladhammesu āsevanādīnam abhāvo **anāsevanādayo**.

Pamādoti sarūpaniddeso. **Pamajjanāti** ākāraniddeso. **Pamajjitatanti** bhāvaniddeso. **Parihāyantīti** iminā pamādassa sāvajjataṁ dasseti. Tayidam lokiyanam vasena, na lokuttarānanti āha “**uppannā -pa- idan**”ti-ādi.

59. Navame na pamajjati etenāti **appamādo**, pamādassa paṭipakkho satiyā avippavāso. Atthato niccam upaṭṭhitāya satiyā etam nāmarām. Pamādo pana satiyā satisampajaññassa vā paṭipakkhabhūto akusalacittuppādo daṭṭhabbo. Tenāha “**pamādassa paṭipakkhavasena vitthārato veditabbo**”ti.

60. Dasame kucchitam sīdatīti kusīto da-kārassa ta-kāram katvā, tassa bhāvo **kosajjām**, ālasiyanti attho.

7. Vīriyārambhādivaggavaṇṇanā

61. Sattamassa paṭhame vīrānam kammanti vīriyam, vidhinā vā īrayitabbam pavattetabbanti vīriyam, tadeva kusalakiriyāya padhānaṭṭhena ārambho **vīriyārambho**. Āraddhavīriyatā paggahitavīriyatā paripuṇṇavīriyatātī paccekam vīriyatāsaddo yojetabbo.

62. Dutiye mahatī icchā etassāti mahiccho, tassa bhāvo **mahičchatā**. Mahāvisayo lobho **mahālobho** mahantānam vatthūnam bahūnañca abhigijjhānato. **Itarītarāti**-ādinā pabbajitānam uppajjanamahičchatā vuttā. **Pañcahi kāmaguṇehīti**-ādi gahaṭṭhānam vasena vuttam. **Icchāti** sabhāvaniddeso. **Icchāgatāti** icchāpavattā. **Mahičchatāti** mahā-icchata. Atthato panāyam rāgo evāti vuttam “**rāgo sārāgo**”ti-ādi.

63. Tatiye **appicchassāti** ettha **appa**-saddo abhāvattho “appābādho hoti appātaṇko”ti-ādīsu¹ viyāti āha “**anicchassā**”ti. Loke pākaṭassa hi akkhirogakucchirogādibhedassa ābādhassa abhāvarām sandhāya “appābādho”ti vuttam. Idāni vuttamevattham pākaṭataram kātum “**ettha hī**”ti-ādi vuttam. Byañjanām sāvasesam viya parittakepi appasaddassa dissamānattā. Attho pana niravaseso sabbaso paccayicchāya abhāvassa adhippetattā. Tenāha “**na hī**”ti-ādi.

Icchāya abhāveneva appiccho nāma hotīti imamattham pakārantarena dīpeturūm “**apicā**”ti-ādi vuttam. **Atricchatā nāma** atra atra icchā. Asantaguṇasambhāvanatāya pāpā lāmikā nihinā icchā **pāpicchatā**. Yāya paccayuppādanattham attani vijjamānaguṇe sambhāveti, paccayānam paṭiggahaṇe ca na mattam jānāti, ayaṁ **mahičchatā**. **Asantaguṇasambhāvanatāti** attani avijjamānānam guṇānam vijjamānānam viya paresam pakāsanā. **Santaguṇasambhāvanatāti** icchācāre thatvā attani vijjamānasīladhutadhammādiguṇavibhāvanā. Tādisassapi paṭiggahaṇe amattaññutāpi hoti, sāpi abhidhamme āgatāyevāti sambandho. Dussantappayoti duttappayo.

1. Ma 2. 255 piṭhe.

Atilūkhabhāvanti pattacīvaravasena ativiya lūkhabhāvam. Tadassa disvā manussā “ayam amāngaladivaso, sumbhakasiniddhapattacīvaro ayyo pubbaṅgamo kātabbo”ti cintetvā “bhante thokam bahi hothā”ti āhamīsu. **Ummujjīti** manussānam ajānantānamyeva pathaviyam nimujjītvā gaṇhantoyeva ummuji. Yadi therō “khīṇāsavabhāvam jānantū”ti iccheyya, na nam manussā “bahi hothā”ti vadeyyum, khīṇāsavānam pana tathācittameva na uppajjeyya.

Appicchatāpadhānam puggalādhiṭṭhānam catubbidha-icchāpabhedam dassetvā punapi puggalādhiṭṭhānenā catubbidharī icchābhedarī dassento “aparopi catubbidho appiccho”ti-ādimāha. **Paccaya-appicchoti** paccayesu icchārahito. **Dhutaṅga-appicchoti** dhutaguṇasambhāvanāya icchārahito. **Pariyatti-appicchoti** bahussutasambhāvanāya icchārahito. **Adhigama-appicchoti** “ariyo”ti sambhāvanāya icchārahito. **Dāyakassa vasanti** appam vā yam dātukāmo bahum vāti dāyakassa cittassa vasam, ajjhāsayanti attho. **Deyyadhammassa vasanti** deyyadhammassa abahubhāvam. **Attano thāmantī** attano pamānam. Yattakena attā yāpeti, tattakasseva gahaṇam. **Yadi hīti-ādi** saṅkhepato vuttassa athassa vivaraṇam. **Pamāṇenevāti** yāpanappamāṇeneva.

Ekabhikkhupi nāññāsīti sosānikavatte sammadeva vattitattā ekopi bhikkhu na aññāsi. **Abbokiṇṇanti** avicchedam. **Dutiyo mām jāneyyāti** dutiyo sahāyabhūtopi yathā mām jānitum na sakkuṇeyya, tathā saṭṭhi vassāni nirantaram susāne vasāmi, tasmā **aham aho sosānikuttamo**. **Upakāro hutvāti** uggahaparipucchādīhi pariyattidhammadvasena upakāro hutvā.

Dhammakathāya janapadam khobhetvāti
lomahamīsanādhukāradānacelukkhepādivasena sannipatitam itarañca
“kathaṁ nu kho appam ayyassa santike dhammam sossāmā”ti
kolāhalavasena mahājanam khobhetvā. Yadi therō bahussutabhāvam
jānāpetuṁ iccheyya, pubbeva janapadam khobhento dhammarī katheyya.
Gatoti “ayam so, yena rattiyam dhammakathā kata”ti jānanabhāvena
pariyatti-appicchatāya purāruṇāva gato.

Tayo kulaputtā viyāti pācīnavamīsadāye sāmaggivāsaṁvuṭṭhā anuruddho nandiyo kimiloti ime tayo kulaputtā viya. Etesupi hi anuruddhattherena bhagavatā “atthi pana vo anuruddhā evam appamattānam ātāpīnam pahitattānam viharantānam uttarimanussadhammo alamariyaññādassanapiseso adhigato phāsuvihāro”ti¹ puṭṭhena “idha pana mayam bhante yāvadeva ākañkhāma, vivicceva kāmehi vivicca akusalehi dhammehi savitakkam savicāram vivekajam pūtisukham paṭhamam jhānam upasampajja viharāmā”ti-ādinā¹ anupubbavihārasamāpattīsu ārocitāsu itare therā na icchimsu. Tathā hi te pakkante bhagavati āyasmantam anuruddham etadavocum “kinnu mayam āyasmato anuruddhassa evamārocimha ‘imāsañca imāsañca vihārasamāpattīnam mayam lābhino’ti. Yam no āyasmā anuruddho bhagavato sammukhāpi āsavānam khayaṁ pakāsetī”ti². Ghaṭīkāropi attano ariyabhāve kikissa rañño bhagavatā ārocite na attamano ahosi. Tenāha “**ghaṭīkārakumbhakāro viyā**”ti. **Imasmīm panattheti** “yathayidam bhikkhave appicchatā”ti vutte appicchatāsaṅkhāte atthe. **Balava-alobhenāti** dalhatarappavattikena alobhena.

64. Catutthe natthi etassa santuṭṭhīti asantuṭṭhi, tassa bhāvo **asantuṭṭhitā**. Tam pana sarūpato dassento “**asantuṭṭhe puggale -pa- lobho**”ti āha. **Sevantassāti-ādīni** aññamaññavevacanāni.

65-67. Pañcame tussanam tuṭṭhi, samam, sakena, santena vā tuṭṭhi etassāti santuṭṭhi, tassa bhāvo **santuṭṭhikā**. Yassa santosassa atthitāya bhikkhu “santuṭṭho”ti vuccati, tam dassento “**itarītarapaccayasantosena samannāgatassā**”ti āha, cīvarādike yattha katthaci kappiye paccaye santussanena samañgībhūtassāti attho. Atha vā itaram vuccati hīnam pañītato aññattā, tathā pañītampi itaram hīnato aññattā. Apekkhāsiddhā hi itaratā. Iti yena dhammena hīnena vā pañītena vā cīvarādipaccayena santussati, so tathā pavatto alobho **itarītarapaccayasantoso**, tena

1. Ma 1. 268 piṭṭhe.

2. Ma 1. 270 piṭṭhe.

samannāgatassa. Yathālābhām attano lābhānurūpam santoso **yathālābhasantoso**. Sesapadadvayepi eseva nayo. Labbhatīti vā lābho, yo yo lābho yathālābho, tena santoso **yathālābhasantoso**. Balanti kāyabalam. **Sāruppanti** bhikkhuno anucchavikatā.

Yathāladdhato aññassa apatthanā nāma siyā appicchatāpi pavatti-ākāroti tato vinivecitameva santosassa sarūpam dassento “**labhantopi na gaṇhātī**”ti āha. Tam parivattetvā pakatidubbalādīnam garucīvaraṁ aphāsubhāvāvahaṁ sarīrakhedāvahañca hotīti payojanavasena na atricchatādivasena tam parivattetvā lahukacīvaraparibhogo santosavirodhī na hotīti āha “**lahukena yāpentopi santutthova hotī**”ti. Mahagghacīvaraṁ bahūni vā cīvarāni labhitvā tāni vissajjetvā tadaññassa gahaṇam yathāsāruppanaye ṭhitattā na santosavirodhīti āha “**tesam -pa- dhārentopi santutthova hotī**”ti. Evam sesapaccayesupi yathāsāruppaniddese api-saddaggahaṇe adhippāyo veditabbo. **Muttaharītakanti** gomuttaparibhāvitam, pūtibhāvena vā chaḍḍitam harītakam. **Buddhādīhi vanṇitanti** appicchatāsantuṭṭhīsu bhikkhū niyojetum “pūtimuttabhesajjam nissāya pabbajjā”ti-ādinā¹ buddhādīhi pasattham. **Paramasantutthova hoti** paramena ukkamīsagatena santosena samannāgatattā. **Yathāsāruppasantosova aggoti** tattha tattha bhikkhu sāruppariyeva nissāya santussanavasena pavattanato aggo. Chatṭhasattamesu natthi vattabbam.

68-69. Aṭṭhamanavamesu na sampajānātīti asampajāno, tassa bhāvo **asampajaññam**. Vuttappaṭipakkhenā **sampajaññam** veditabbam.

70. Dasame **pāpamittā** devadattasadisā. Te hi hīnācāratāya, dukkhassa vā sampāpakaṭāya “pāpā”ti vuccanti. **Tenākārena pavattānanti** yo pāpamittassa khanti ruci adhimutti tanninnatātamsampavañkatādi-ākāro, tenākārena pavattānam. **Catunnām khandhānamevetām nāmanti** catunnām

1. Vi 3. 73, 133 piṭṭhesu.

arūpakkhandhānam “pāpamittatā”ti etam nāmam. Yasmā assaddhiyādipāpadhammasamannāgatā puggalā visesato pāpā puññadhammadavimokkhatāya, te yassa mittā sahāyā, so pāpamitto, tassa bhāvo pāpamittatā. Tenāha “ye te puggalā assaddhā”ti-ādi.

Vīriyārambhādivaggavaṇṇanā niṭṭhitā.

8. Kalyāṇamittādivaggavaṇṇanā

71. Aṭṭhamassa paṭhame buddhā, sāriputtādayo vā **kalyāṇamittā**. Vuttapaṭipakkhanayenāti “pāpamittatā”ti pade vuttassa paṭipakkhanayena.
- 72-73. Dutiye **yogoti** samaṅgībhāvo. **Payogoti** payuñjanam paṭipatti. **Ayogoti** asamaṅgībhāvo. **Appayogoti** appayuñjanam appaṭipatti. **Anuyogenāti** anuyogahetu.

74. Catutthe **bujjhakanakasattassāti** catunnām ariyasaccānam paṭivijjhakanakapuggalassa. **Aṅgabhūtāti** tasseva paṭivedhassa kāraṇabhūtā. Ettha ca cattāri ariyasaccāni bujjhati, aññāṇaniddāya vāpi bujjhatīti bodhīti laddhanāmo ariyasāvako bujjhanakasatto, tassa bujjhanakasattassa. **Bodhiyāti** tassā dhammasāmaggisaṅkhātāya bodhiyā. Bujjhanaṭṭhena bodhiyo, bodhiyo eva saccasampaṭibodhassa aṅgāti vuttam “**bojjhantīti bojjhaṅgā**”ti. Vipassanādīnām kāraṇānam bujjhitabbānañca saccānam anurūpam bujjhanato **anubujjhantīti bojjhaṅgā**, paṭimukham paccakkhabhāvena abhimukham bujjhanato **paṭibujjhantīti bojjhaṅgā**, samma aviparītato bujjhanato **sambujjhantīti bojjhaṅgātī** evam atthavisesadīpakehi upasaggehi **anubujjhantīti-ādi** vuttam. Bodhisaddo sabbavisesayuttam bujjhanasāmaññena saṅgaṇhāti. **Bodhāya samvattantīti iminā** tassā dhammasāmaggiyā bujjhanassa ekantakāraṇataṁ dasseti. **Evaṁ panetam padam vibhattamevāti** vuttappakārena etam “bojjhaṅgā”ti padam nid dese **paṭisambhidāmagge**¹ vibhattameva.

1. Khu 9. 302 piṭṭhe.

75. Pañcame **yāthāvasarasabhūmīti** yāthāvato sakiccakaraṇabhūmi. **Sāti** yāthāvasarasabhūmi. **Vipassanāti** balavavipassanā. Keci “bhaṅgañāṇato paṭṭhāyā”ti vadanti. Vipassanāya pādakajjhāne ca sati-ādayo bojjhaṅgapakkhikā eva pariyāyabodhipakkhiyabhāvato. **Tatthāti-ādi** catubbidhānam bojjhaṅgānam bhūmivibhāvadassanam.

76. Chaṭṭhe **tesam antareti** tesam bhikkhūnam antare. Kāmam saṅgīti-āruljhavasena appakamidam suttapadaṁ, bhagavā panetha sannipatitaparisāya ajjhāsayānurūpam vitthārikam karotīti katvā idam vuttam “**mahatī desanā bhavissatī**”ti. **Gāmanigamādikathā natthīti** tassā kathāya atiracchānakathābhāvamāhu. Tathā hi sā pubbe bahuñātikam ahosi bahupakkham, idāni appañātikam appapakkhanti aniccatāmukhena niyyānikapakkhikā jātā. **Etāyāti** yathāvuttāya parihāniyā. **Patikiṭṭhanti** nihinam. **Mama sāsaneti** idam kammassakatajjhānapaññānampi visesanaameva. Tadubhayampi hi bāhirakānam tappaññādvayato satisayameva sabbaññubuddhānam desanāya laddhavisesato vivatṭīpanissayato ca.

77. Sattame **tesam cittācāram īnatvāti** tathā kathentānam tesam bhikkhūnam tattha upagamanena attano desanāya bhājanabhūtam cittappavattim īnatvā. **Kammassakatādīti ādi-saddena** jhānapaññādīnam catunnampi paññānam gahaṇam.

78-80. Aṭṭhamādīsu **heṭṭhā vuttanayenevāti** “yā esa mama sāsane”ti-ādinā heṭṭhā vuttanayeneva. Sesamettha uttānatthameva.

Kalyāṇamittādivaggavaṇṇanā niṭṭhitā.

81-82. Navame vagge natthi vattabbam.

10. Dutiyapamādādivaggavaṇṇanā

98-115. Dasame vagge ajjhattasantāne bhavam **ajjhattikam**. Ajjhattasantānato bahiddhā bhavam **bāhiram**. **Vuttapaṭipakkhanayenāti** “avināsāyā”ti evamādinā attho gahetabbo. **Catukkoṭiketi** “anuyogo

akusalānam, ananuyogo kusalānam, anuyogo kusalānam, ananuyogo akusalānan”ti evam pariyośānasutte¹ āgatanayam gahetvā “nāham bhikkhave aññam ekadhammampi samanupassāmī”ti-ādinā² āgatasuttānam samaññā jātā.

130. Suttantanaye yathācodanā saṁkilesadhammānam vipariyesanām, tamtaṁdhammakoṭṭhāsānañca ūnato adhikato ca pavedanām **adhammām dhammoti dīpanām**. Tesameva pana aviparītato anūnādhikato ca pavedanām **dhammām dhammoti dīpanām**. Evam vinayappaṭipattiyā ayathāvidhipavedanām **adhammām dhammoti dīpanām**.

Yathāvidhipavedanām **dhammām dhammoti dīpanām**. Suttantanayena pañcavidho saṁvaravinayo pahānavinayo ca **vinayo**, tappaṭipakkhena **avinayo**. Vinayanayena vatthusampadādinā yathāvidhippaṭipatti eva vinayo, tabbipariyāyena avinayo veditabbo. **Tiṁsa nissaggiyā pācittiyāti** ettha iti-saddo ādyattho. Tena dvenavuti pācittiyā cattāro pāṭidesaniyā satta adhikaraṇasamathāti imesam saṅgaho. **Ekatim̄sa nissaggiyāti** ettha “tenavuti pācittiyā”ti-ādinā vattabbam. Sesamettha suviñneyyameva.

Adhigantabbato **adhigamo**, maggaphalāni. Nibbānam pana antaradhānābhāvato idha na gayhati. Paṭipajjanām **paṭipatti**, sikkhattayasamāyogo. Paṭipajjitabbato vā **paṭipatti**. Pariyāpuṇitabbato **pariyatti**, **piṭakattayaṁ**. Maggaggahaṇena gahitāpi tatiyavijjāchaṭṭhābhīññā vijjābhīññāsāmaññato³ “**tiſſo vijjā cha abhiññā**”ti punapi gahitā. Tato param **cha abhiññāti** vassasahassato param cha abhiññā nibbattetum sakkonti, na paṭisambhidāhi adhippāyo. **Tatoti** abhiññākālato pacchā. **Tāti** abhiññāyo. Pubbabhāge jhānasinehābhāvena kevalāya vipassanāya ṭhatvā aggaphalappattā **sukkhavipassakā** nāma, maggakkhaṇe pana “jhānasineho natthi”ti na vattabbo “samathavipassanām yuganaddhaṁ bhāveti”ti⁴ vacanato. **Pacchimakassāti** sabbapacchimassa. Kiñcāpi ariyo

1. Aṁ 1. 16 piṭṭhe.

2. Aṁ 1. 2 piṭṭhe.

3. Tatiyavijjā vijjābhīññāsāmaññato (Sī), tatiyavijjā cha-abhiññāsāmaññato (Ka)

4. Aṁ 1. 475 piṭṭhe.

aparihānadhammo, sotāpannassa pana uddham jīvitapariyādānā adhigatadhammo uppanno nāma natthi, paccayasāmaggiyā asati yāva uparivisesam nibbattetum na sakkonti, tāva adhigamassa asambhavo evāti āha “**sotāpannassa -pa- nāma hotī**”ti. Tassidam manussalokavasena vuttanti daṭṭhabbam.

Na codentīti aññamaññasmim vijjamānam dosam jānantāpi na codenti na sārenti. **Akukkuccakā hontīti** kukkuccam na uppādenti. “**Asakkaccakārino hontī**”ti ca paṭhanti, sāthalikatāya sikkhāsu asakkaccakārino hontīti attho. **Bhikkhūnarūpā satepi sahassepi dharanāneti** idam bāhullavasena vuttaṁ. Antimavatthu-anajjhāpannesu katipayamattesupi bhikkhūsu dharantesu, ekasmim vā dharante paṭipatti anantarahitā eva nāma hoti. Tenevāha “**pacchimakassa -pa- antarahitā hotī**”ti.

Antevāsike gahetunti antevāsikesaṅgahetum. **Atthavasenāti** atṭhakathāvasena. **Matthakato paṭṭhāyāti** uparito paṭṭhāya. **Upasathakkhandhakamattanti** Vinayamātikāpālimāha. Ālavakapañhādīnam viya devesu pariyattiyā pavatti appamāṇanti āha “**manussesū**”ti.

Oṭṭhaṭṭhivāṇṇanti oṭṭhānam aṭṭhivāṇṇam, dantakasāvam ekam vā dve vā vāre rajitvā dantavaṇṇam katvā dhārentīti vuttam hoti. **Kesesu vā alliyāpentīti** tena kāsāvakhaṇḍena¹ kese bandhantā alliyāpenti. Bhikkhugottassa abhibhavanato vināsanato **gotrabhuno**. Atha vā vottam vuccati sādhāraṇam nāmam, mattasaddo luttaniddiṭṭho, tasmā “samaṇā”ti gottamattam anubhavanti dhārentīti **gotrabhuno**, nāmamattasamaṇāti attho. Kāsāvagatakanṭhatāya, kāsāvaggahaṇahetu-uppajjanakasokatāya vā **kāsāvakaṇṭhā**. **Sāmghagatanti** sāmgham uddissa dinnattā sāmghagatam. **Tam sarīranti** tam dhātusarīram.

Tenevāti pariyatti-antaradhānamūlakattā eva itara-antaradhānassa. Sakko devarājā chātakabhaye paratīragamanāya bhikkhū ussukkamakāsīti adhippāyo. Neti ubhayepi pamsukūlikatthere dhammadhikatthere ca. **Therāti** tattha ṛhitā sakkhibhūtā therā. Dhammadhikattherā “**yāva**

1. Kāsāvakhaṇḍam (Sī)

tiṭṭhanti suttantā -pa- yogakkhemā na dhamśatī”ti idam suttam āharitvā “suttante rakkhite sante, paṭipatti hoti rakkhitā”ti iminā vacanena pamsukūlikatthere appaṭibhāne akāṁsu. Idāni pariyattiyā anantaradhānameva itaresam anantaradhānahetūti imamattham byatirekato anvayato ca upamāhi vibhāvetum “yathā hī”ti-ādi vuttam. Tam suviññeyyameva.

Dutiyapamādādivaggavaṇṇanā niṭṭhitā.

140-150. Ekādasamadvādasamavaggā suviññeyyā eva.

13. Ekapuggalavaggavaṇṇanā

170. **Ekapuggalassāti** ekapuggalavaggassa. Tenāha “paṭhame”ti. **Ekoti** gaṇanaparicchedo, tato eva **dutiyādipaṭikkhepattho**. Padhānāsaḥāyatthopī ekasaddo hotīti tannivattanattham “gaṇanaparicchedo”ti āha. Sammutiyā desanā **sammuditdesanā**. Paramatthassa desanā **paramatthadesanā**. Tatthāti sammutiparamatthadesanāsu, na sammutiparamatthesu. Tenāha “**evarūpā sammutidesanā, evarūpā paramatthadesanā**”ti. Tatridam sammutiparamathānam lakkhaṇam—yasmim bhinne, buddhiyā vā avayavavinibbhoge kate na tamśamaññā, sā ghaṭapaṭādippabhedā sammuti, tabbipariyāyena paramatthā. Na hi kakkhaļaphusanādisabhāve so nayo labbhati. Tattha rūpādidhammasamūham santānavasena pavattamānam upādāya puggalavohāroti **puggaloti sammutidesanā**. Sesapadesupi eseva nayo. Uppādavayavanto sabhāvadhammā na niccāti aniccāti āha “**aniccanti paramatthadesanā**”ti. Esa nayo sesapadesupi. Nanu khandhadesanāpi sammutidesanāva. Rāsatṭho vā hi khandhatṭho koṭṭhāsatṭho vāti? Saccametam, ayam pana khandhasamaññā phassādīsu pavattatajjāpaññatti viya paramatthasannissayā tassa āsannatarā, puggalasamaññādayo viya na dūreti paramatthasaṅgahā vuttā. Khandhasisena vā tadupādānasabhbāvadhammā eva gahitā. Nanu ca sabhbāvadhammā sabbepi sammutimukheneva desanām ārohanti, na samukhenāti sabbāpi desanā sammutidesanāva siyāti? Nayidamevam, desetabbadhammadvibhāgena desanāvibhāgassa adhippetattā. Na hi saddo kenaci pavattinimittena vinā attham pakāsetīti.

Sammutivasena desanāṁ sutvāti “idhekacco puggalo attantapo hoti attaparitāpānuyogamanuyutto”ti-ādinā¹ sammutimukhena pavattitadesanāṁ sutamayañāṇuppādavasena sutvā. **Atthāṁ paṭivijjhīhitvāti** tadanusārena catusaccasāñkhātam atthāṁ saha vipassanāya maggapaññāya paṭivijjhīhitvā. **Mohāṁ pahāyāti** tadekaṭṭhakilesehi saddhim anavasesam mohāṁ pajahitvā. **Visesanti** aggaphalanibbānasāñkhātam visesam. **Tesanti** tādisānam veneyyānam. **Paramatthavasenāti** “pañcimāni bhikkhave indriyāni”ti-ādinā² paramatthadhammadavasena. Sesam anantaranaye vuttasadisameva.

Tatrāti tassam sammutivasena paramatthavasena ca desanāyam. **Desabhāsākusaloti** nānādesabhāsāsu kusalo. **Tiṇṇam vedānanti** nidassanamattam, tiṇṇam vedānam sippuggahaṇaṭṭhānānampīti adhippāyo. Teneva sippuggahaṇam parato vakkhati. Sippāni vā vijjāṭṭhānabhbhāvena vedantogadhāni katvā “tiṇṇam vedānan”ti vuttam. **Kathetabbabhāvena ṭhitāni**, na katthaci sannicitabhāvenāti vedānampi kathetabbabhāveneva ṭhānam dīpento “guhā tīṇi nihitā na gayhantī”ti-ādimicchāvādam paṭikkhipati. Nānāvidhā desabhāsā etesanti **nānādesabhāsā**.

Paramo uttamo attho **paramattho**, dhammānam yathābhūtasabhāvo. Lokasañketamattasiddhā **sammuti**. Yadi evam katham sammutikathāya saccatāti āha “**lokasammutikāraṇā**”ti, lokasamaññam nissāya pavattanatoti attho. Lokasamaññā hi abhinivesena viññeyyā, nāññāpanā ekaccassa sutassa sāvanā viya na musā anatidhāvitabbato tassā. Tenāha bhagavā “janapadaniruttim nābhiniveseyya, samaññam nātidhāvaye”ti. **Dhammānanti** sabhbāvadhammadānam. **Bhūtakāraṇāti** yathābhūtakāraṇā yathābhūtam nissāya pavattanato. **Sammutim** voharantassāti “puggalo, satto”ti-ādinā lokasamaññam kathentassa.

Hirottappadīpanatthanti lokapālanakicce hirottappadhamme kiccato pakāsetum. Tesam hi kiccam sattasantāne eva pākaṭam hotīti puggalādhiṭṭhānāya kathāya tam vattabbam. Esa nayo sesesupi. Yasmim

1. Abhi 3. 164 piṭṭhe.

2. Sam 3. 170 piṭṭhe.

hi cittuppāde kammām uppannam, tamśantāne eva tassa phalassa uppatti **kammassakatā**. Evaṁ hi kataviññāṇanāso akatāgamo ca natthīti sā puggalādhiṭṭhānāya eva desanāya dīpetabbā. Tehi sattehi kātabbapuññakiriyā **paccattapurisakāro**. Sopi santānavasena niṭṭhapetabbato puggalādhiṭṭhānāya eva kathāya dīpetabbo. **Ānantariyadīpanatthanti** cuti-anantaram phalam anantaram nāma, tasmiṁ anantare niyuttāni tamnibbattanena anantarakaṇasīlāni, anantarakaṇapayojanāni vāti **ānantariyāni**, mātughātādīni, tesam dīpanattham. Tānipi hi santānavasena niṭṭhapetabbato “mātaram jīvitā voropeti”ti-ādinā¹ puggalādhiṭṭhānāya eva kathāya dīpetabbāni, tathā “so mettāsaḥagatena cetasā ekaṁ disam pharitvā viharatī”ti-ādinā², “so anekavihitam pubbenivāsam anussarati ekampi jātin”ti-ādinā³, “atthi dakkhiṇā dāyakato visujjhati, no paṭiggāhakato”ti-ādinā⁴ ca pavattā **brahmavihārapubbenivāsadakkhiṇāvisuddhikathā** puggalādhiṭṭhānā eva katvā dīpetabbā sattasantānavisayattā. “Aṭṭha purisapuggalā⁵ na samayavimutto puggalo”ti-ādinā⁶ ca paramathakatham kathentopi lokasammutiyā appahānattham puggalakatham katheti. Etena vuttāvasesāya kathāya puggalādhiṭṭhānabhāve payojanam sāmaññavasena saṅghahitanti daṭṭhabbam. Kāmarūpa cetām sabbam apariññātavatthukānam vasena vuttam, pariññātavatthukānampi pana evam desanā sukhāvahā hoti.

Ekapuggaloti visiṭṭhasamācārāpāssayavirahito ekapuggalo. Buddhānam hi sīlādiguṇena sadevake loke visiṭṭho nāma koci natthi, tathā sadisopi samānakāle. Tenāha “na imasmiṁ loke parasmīm vā pana buddhena setṭho sadiso ca vijjatī”ti⁷, tasmā sadisopi koci natthi. Hīnopi apāssayabhbūto nattheva. Tena vuttam “visiṭṭhasamācārāpāssayavirahito ekapuggalo”ti.

1. Abhi 8. 148 piṭṭhe paṭṭhāne.

2. Dī 1. 234; Dī 3. 187; Ma 1. 46; Ma 2. 263; Ma 3. 185; Abhi 2. 284 piṭṭhesu.

3. Dī 1. 76, 77; Ma 1. 101, 315, 346; Vi 1. 5 piṭṭhesu.

4. Ma 3. 299 piṭṭhe.

5. Sam 1. 222 piṭṭhe.

6. Abhi 3. 114 piṭṭhe.

7. Khu 2. 95; Abhi 4. 403 piṭṭhe.

Ye ca sīlādiguṇehi natthi etesam̄ samāti asamā, purimakā sammāsambuddhā. Tehi samo majjhe bhinnasuvaṇṇanekkhām̄ viya nibbisiṭṭhoti asamasamaṭṭhenapi ekapuggalo aññassa tādisassa abhāvā. Tena vuttam̄ “**asadisaṭṭhenā**”ti-ādi.

Sattaloko adhippeto sattanikāye uppajjanato. **Manussaloke eva uppajjati** devabrahmalokānam̄ buddhānam̄ uppattiyyā anokāsabhāvato. Kāmadevaloke tāva nupajjati brahmacariyavāsassa atṭhānabhāvato tathā anacchariyabhāvato. Acchariyadhammā hi buddhā bhagavanto. Tesam̄ sā acchariyadhammatā devattabhāve ṭhitānam̄ loke na pākaṭā hoti yathā manussabhūtānam̄. Devabhūte hi sammāsambuddhe disamānam̄ buddhānubhāvam̄ devānubhāvatova loke dahati, na buddhānubhāvato. Tathā sati “ayam sammāsambuddho”ti nādhimuccati na sampasīdati, issarakuttaggāham̄ na vissajjeti, devattabhāvassa ca cirakālāvatṭhānato ekaccasassatavādato na parimuccamīti. **Brahmaloke nuppajjatīti** etthāpi eseva nayo. Sattānam̄ tādisaggāhavinimocanatthām̄ hi buddhā bhagavanto manussasugatiyam̄eva uppajjanti, na devasugatiyam̄. Yasmā imam̄ cakkavālam̄ majjhe katvā iminā saddhiṁ cakkavālānam̄ dasasahassasseva jātikkhettabhāvo dīpito ito aññassa buddhānam̄ uppattiṭṭhānassa tepiṭake buddhavacane āgataṭṭhānassa abhāvato. Tasmā vuttam̄ “**imasmiṇyeva cakkavāle uppajjati**”ti.

Idha uppajjantopi kasmā jambudīpe eva uppajjati, na sesadīpesūti? Keci tāva āhu “yasmā pathaviyā nābhībhūtā buddhabhāvasahā acalaṭṭhānabhūtā bodhimāṇḍabhūmi jambudīpe eva, tasmā jambudīpe eva uppajjatī”ti. Eteneva “tattha majjhimadese eva uppajjatī”ti etampi samvaṇṇitanti datṭhabbam̄ tathā itaresampi avijahitaṭṭhānānam̄ tattheva labbhanato. Yasmā purimabuddhānam̄ mahābodhisattānam̄ paccekabuddhānañca nibbattiyyā sāvakabodhisattānam̄ sāvakabodhiyā abhinīhāro sāvakapāramiyā sambharaṇaparipācanañca buddhakkhettabhūte imasmiṇyeva cakkavāle jambudīpe eva ijjhati, na aññattha. Veneyyanavinayanattho ca buddhuppādo, tasmā aggasāvakamahāsāvakādiveneyyavisesāpekkhāya imasmiṁ jambudīpe eva buddhā nibbattanti, na sesadīpesu. Ayañca nayo sabbabuddhānam̄ āciṇṇasamāciṇṇoti tesam̄

uttamapurisānam tattheva uppatti sampatticakkānam viya
aññamaññūpanissayatāya daṭṭhabbā. Tena vuttam **aṭṭhakathāyam**¹ “tīsu
dīpesu buddhā na nibbattanti, jambudīpe eva nibbattantīti dīpaṁ passī”ti.

Ubhayampidam vippakatavacanameva uppādakiriyāya
vattamānakālikattā. **Uppajjamānoti** vā uppajjituṁ samattho. Satti-attho
cāyam **māna**-saddo. Yāvatā hi sāmatthiyena mahābodhisattānam
carimabhave uppatti icchitabbā, tattakena bodhisambhārasambhūtena
paripuṇṇena samannāgatoti attho. **Bhedoti** viseso. Tameva hi tividham
visesam dassetum “**esa hī**”ti-ādi vuttam. Atṭhaṅgasamannāgatassa
mahābhīnīhārassa siddhakālato paṭṭhāya mahābodhisatto buddhabhāvāya
niyatabhāvappattatāya bodhisambhārapaṭipadaṁ paṭipajjamāno
yathāvuttasāmatthiyayogena uppajjamāno nāmāti attho uppādassa
ekantikattā. **Pariyesantoti** vicinanto. **Paripakkagate** nāṇeti iminā tato pubbe
nāṇassa aparipakkatāya eva laddhāvasarāya kammapilotiyā vasena
bodhisatto tathā mahāpadhānam padahīti dasseti. **Arahattaphalakkhaṇe**
uppanno nāma “uppanno hotī”ti vattabbattā. **Āgatova nāma** hetusampadāya
sammadeva nippahannattā.

Hitatthāyāti lokiyalokuttarassa hitassa siddhiyā. **Sukhatthāyāti** etthāpi
eseva nayo. **Tassāti** tassa sattalokassa. So panāyam sattaloko yena
anukkamena dhammadbhīsamayam pāpuṇi, tam teneva anukkamena dassento
“mahābodhimanḍe”ti-ādimāha. **Yāvajjadivasāti** ettha **ajja**-saddena sāsanassa
avaṭṭhanakālam vadati. **Devamanussānanti** ukaṭṭhaniddesoti dassetum “**na**
kevalan”ti-ādi vuttam. **Etesampīti** nāgasupaṇṇādīnampi.

Ayarī pucchāti iminā “katamo”ti padassa sāmaññato pucchābhāvo
dassito, na visesatoti tassa pucchāvisesabhāvañāpanattham **mahāniddese**²
āgatā sabbāpi pucchā atthuddhāranayena dasseti “**pucchā ca nāmesā**”ti-
ādinā. Adiṭṭham jotiyyati etāyāti **adiṭṭhajotanā**. Diṭṭham saṁsandīyati etāyāti
diṭṭhasaṁsandanā. Saṁsandanañca

1. Dī-Tīha 2. 22; Buddhavarīsa-Tīha 318 piṭṭhesu.

2. Khu 7. 263 piṭṭhe.

sākacchāvasena vinicchayakaraṇam. Vimatiṁ chindati etāyāti **vimaticchedanā**. Anumatiyā pucchā **anumatipucchā**. “Tām kiṁ maññatha bhikkhave”ti-ādi pucchāya “kā tumhākam anumati”ti anumati pucchitā hoti. **Kathetukamyatāpucchāti** kathetukamyatāya pucchā. **Lakkhaṇanti** nātum icchito yo koci sabhāvo. **Aññātanti** yena kenaci nāṇena aññātabhāvamāha. **Adiṭhanti** dassanabhūtena nāṇena paccakkham viya adiṭhataram. **Atulitanti** “ettakam etan”ti tulabhūtena atulitaram. **Atīritanti** tīraṇabhūtena akataññānakiriyāsamāpanatarā. **Avibhūtanti** nāṇassa apākaṭabhbāvam. **Avibhāvitanti** nāṇena apākaṭakatabhbāvam.

Yehi guṇavisesehi nimittabhūtehi bhagavati “tathāgato”ti ayam samaññā pavattā, tamdassanattham “**aṭṭhahi kāraṇehi bhagavā tathāgato**”ti-ādi vuttam. Guṇavisesanemittikāneva hi bhagavato sabbāni nāmāni. Yathāha—

“Asaṅkhyeyyāni nāmāni, saguṇena mahesino.
Guṇena nāmamuddheyyam, api nāmasahassato”ti¹.

Tathā āgatoti ettha ākāraniyamanavasena opammasampaṭipādanattho **tathā-saddo**. Sāmaññajotanāpi hi visese avatiṭṭhatīti. Paṭipadāgamanattho **āgata**-saddo, na nāṇagamanattho “tathalakkhaṇam āgato”ti-ādīsu² viya, nāpi kāyagamanattho “āgato kho mahāsamaṇo, magadhānam giribbajan”ti-ādīsu³ viya. Tattha yadākāraniyamanavasena opammasampaṭipādanattho tathā-saddo, tamkaruṇāpadhānattā mahākaruṇāmukhena purimabuddhānam āgamanappaṭipadam udāharañavasena sāmaññato dassento yam-tam-saddānam ekantasambandhabhbāvato “**yathā sabbaloka -pa- āgatā**”ti sādhāraṇato vatvā puna tam paṭipadam **mahāpadhānasuttādīsu**⁴ sambahulaniddesena supākaṭānam āsannānañca vipassi-ādīnam channam sammāsambuddhānam vasena nidassento “**yathā vipassī bhagavā**”ti-ādimāha. Tattha **yena abhinīhārenāti** manussattaliṅgasampattihetusathudassanapabbajjā-abhiññādigunasampatti-adhikāracchandānam vasena

1. Abhi-Tīha 1. 420; Udāna-Tīha 306; Paṭisam-Tīha 1. 277; Netti-Tīha 119 piṭhesu.

2. Dī-Tīha 1. 59; Ma-Tīha 1. 47; Saṁ-Tīha 2. 265; Aṁ-Tīha 1. 80; Udāna-Tīha 112 piṭhesu.

3. Vi 3. 55 piṭhe.

4. Dī 2. 2 piṭhe.

atṭhaṅgasamannāgatena mahāpaṇidhānena. Sabbesam̄ hi buddhānam̄ kāyappaṇidhānām̄ imināva abhinīhārena samijjhatīti. Evam̄ mahābhīnīhāravisesena “tathāgato”ti padassa attham̄ dassetvā idāni pāramipūraṇavasena dassetuṁ “yathā vipassī bhagavā -pa- kassapo bhagavā dānapāramīm̄ pūretvā”ti-ādimāha.

Ettha ca suttantikānam̄ mahābodhippaṭipadāya kosallajananattham̄ kā panetā pāramiyo, kenaṭṭhena pāramiyo, katividhā cetā, ko tāsam̄ kamo, kāni lakkhaṇarasapaccupaṭṭhānapadaṭṭhānāni, ko paccayo, ko saṅkileso, kiṁ vodānam̄, ko paṭipakkho, kā paṭipatti, ko vibhāgo, ko saṅgaho, ko sampādanūpāyo, kittakena kālena sampādanam̄, ko ānisam̄so, kiñcetāsaṁ phalanti pāramīsu ayam̄ vitthārakathā veditabbā. Sā panesā icchantaṇa dīghāgamaṭīkāyam̄¹ vuttanayeneva veditabbā, na idha dassitā. Yathāvuttāya paṭipadāya yathāvuttavibhāgānam̄ pāramīnam̄ pūritabhāvam̄ sandhāyāha “samatim̄sa pāramiyo pūretvā”ti.

Satipi mahāpariccāgānam̄ dānapāramibhāve pariccāgavisesabhāvadassanatthañceva sudukkarabhāvadassanatthañca mahāpariccāgehi visum̄ gahaṇam̄. Tatoyeva ca aṅgapariccāgato visum̄ nayanapariccāgaggahaṇam̄, pariccāgabhāvasāmaññepi dhanarajjapariccāgato puttadārapariccāgaggahaṇañca kataṁ. Gatapaccāgatikavattasaṅkhātāya pubbabhāgappaṭipadāya saddhiṁ abhiññāsamāpattinippahādanam̄ **pubbayogo**. Dānādīsuyeva sātisayappaṭipattinippahādanam̄ **pubbacariyā**. Yā vā cariyāpiṭakasaṅgahitā. “Abhinīhāro pubbayogo, dānādippaṭipatti vā kāyavivekavasena ekacariyā vā pubbacariyā”ti keci. Dānādīnañceva appicchatādīnañca saṁsāranibbānesu ādīnavānisamsānañca vibhāvanavasena sattānam̄ bodhittaye patiṭṭhāpanaparipācanavasena ca pavattā kathā **dhammakkhānam̄**. Ñātānam̄ atthacariyā **ñātatthacariyā**. Sāpi karuṇāyanavaseneva. **Ādi**-saddena lokathacariyādayo saṅgaṇhāti. Kammassakataññavasena anavajjakammāyatanaśippāyatanaṿijjāṭṭhānparicayavasena khandhāyatānādiparicayavasena lakkhaṇattayatīraṇavasena ca ñāṇacāro **buddhicariyā**. Sā pana atthato paññāpāramīyeva, ñāṇasambhāradassanattham̄

1. Dī-Tī 1. 67 piṭṭhe.

visum gahaṇam. **Koṭī** pariyanto, ukkam̄soti attho. Cattāro satipaṭṭhāne bhāvetvāti sambandho. Tattha **bhāvetvāti** uppādetvā. **Brūhetvāti** vaḍḍhetvā. Satipaṭṭhānādiggahaṇena āgamanappaṭipadām matthakam pāpetvā dasseti. Vipassanāsaṅhagatā eva vā satipaṭṭhānādayo daṭṭhabbā. Ettha ca “yena abhinīhārenā”ti-ādinā āgamanappaṭipadāya ādīm dasseti, “dānapāramin”ti-ādinā majjhām, “cattāro satipaṭṭhāne”ti-ādinā pariyośānanti veditabbam.

Sampatijātoti muhuttajāto nikkhantamatto. Nikkhantamattam hi mahāsattam paṭhamam brahmāno suvaṇṇajālena paṭiggaṇhiṁsu, tesam hatthato cattāro mahārājāno ajinappaveṇiyā, tesam hatthato manussā dukūlacumbaṭakena paṭiggaṇhiṁsu, manussānam hatthato muccitvā pathaviyam patiṭṭhito. **Yathāhāti**-ādinā mahāpadānadesanāya¹ vuttavacanam nidasseti. **Setamhi chatteti** dibbasetacchatte. **Anudhāriyamāneti** dhāriyamāne. Ettha ca chattaggahaṇeneva khaggādīni pañca kakudhabhaṇḍāni vuttānevāti daṭṭhabbam.

Khaggatālavāṇṭamorahatthakavālabījani-uṇhīsapāṭṭāpi hi chattenā saha tadā upaṭṭhitā ahesum. Chattādīniyeva ca tadā paññāyim̄su, na chattādiggāhakā.

Sabbā ca disāti dasa disā, nayidam sabbadisāviločanam sattapadavītihāruttarakālam. Mahāsatto hi manussānam hatthato muccitvā puratthimam disam olokesi, tattha devamanussā gandhamālādīhi pūjayamānā “mahāpurisa² idha tumhehi sadisopi natthi, kuto uttaritaro”ti āham̄su. Evam catasso disā catasso anudisā heṭṭhā uparīti sabbā disā anuviloketvā sabbattha attanā sadisam adisvā “ayam uttarā disā”ti sattapadavītihārena agamāsi. **Āsabhinti** uttamam. **Aggoti** sabbapaṭhamo.

Jetṭhoti **setṭhoti** ca tasseva vevacanam. **Ayamantimā jāti, natthi dāni** punabbhavoti imasmim attabhāve pattabbam arahattam byākāsi. “**Anekесам visesādhigamānam pubbanimittabhāvenā**”ti samkhittena vuttamattham “**yañhi**”ti-ādinā vitthārato dasseti. Tattha **etthāti**—

1. Dī 2. 13; Ma 3. 164 piṭṭhesu.

2. Mahāpuñña (Ka)

“Anekaśākhañca sahassamaṇḍalam,
 Chattamā marū dhārayumantalikkhe.
 Suvaṇṇadaṇḍā vītipatanti cāmarā,
 Na dissare cāmarachattagāhakā ti¹—

imissā gāthāya. Sabbaññutaññāṇameva sabbattha appatihitacāratāya
 anāvaraṇañāṇanti āha “sabbaññutānāvaraṇañāṇapaṭilābhassā”ti. Tathā ayam
bhagavāpi gato -pa- pubbanimittabhāvenāti etena abhijātiyam
 dhammatāvasena uppajjanakavisē sabbabodhisattānam sādhāraṇāti dasseti.
 Pāramitānissandā² hi teti.

Vikkamīti agamāsi. **Marūti** devā. **Samāti** vilokanasamatāya samā
 sadisiyo. Mahāpuriso hi yathā ekam disam vilokesi, evam sesadisāpi, na
 katthaci vilokane vibandho tassa ahosīti. **Samāti** vā viloketum yuttāti³ attho.
 Na hi tadā bodhisattassa virūpabībhacchavisamarūpāni viloketum ayuttāni
 disāsu upaṭṭhahantīti.

“Evam tathā gato”ti kāyagamanatthēna gatasaddena tathāgatasaddam
 niddisitvā idāni nāṇagamanatthēna tam dassetum “atha vā”ti-ādimāha.
 Tattha **nekhammenāti** alobhappadhānenā kusalacittuppādena. Kusalā hi
 dhammā idha nekkhammā, na pabbajjādayo. “Paṭhamajjhānenā”ti ca
 vadanti. **Pahāyātī** pajahitvā. **Gato** adhigato, paṭipanno uttarivisesanti attho.
Pahāyātī vā pahānahetu, pahānalakkhaṇam vā. Hetulakkhaṇattho hi ayam
 pahāyasaddo. Kāmacchandādippahānahetukam hi “gato”ti ettha vuttam
 gamanam avabodho, paṭipatti eva vā kāmacchandādippahānenā ca
 lakkhiyati. Esa nayo **padāletvātī-ādīsupi**. **Abyāpādenāti** mettāya.
Ālokasaññātī vibhūtam katvā manasikaraṇena upaṭṭhita-ālokasañjānanena.
Avikkhepenāti samādhinā. **Dhammadavatthānenāti** kusalādīdhammānam
 yāthāvanicchayena. “Sappaccayanāmarūpavavatthānenā”tipi vadanti. Evam
 kāmacchandādinīvaraṇappahānenā “abhijjhām loke pahāyā”ti-ādinā⁴ vuttāya
 paṭhamajjhānassa pubbabhāgappaṭipadāya bhagavato tathāgatabhāvam
 dassetvā idāni saha upāyena

1. Khu 1. 386 piṭṭhe Suttanipāte.

3. Samāti vā sadisiyo yuttāti (Ka)

2. Pāramitābhīsandā (Sī)

4. Abhi 2. 253 piṭṭhe.

atṭhahi samāpattīhi atṭhārasahi ca mahāvipassanāhi tam dassetum “**ñāṇenā**”ti-ādimāha. Nāmarūpariggaḥakañkhāvitarañānam hi vibandhabhūtassa mohassa dūrīkaraṇena ñātapiññāyam ṛhitassa aniccasaññādayo sijjhanti, tathā jhānasamāpattīsu abhiratinimitta pāmojjena tattha anabhiratiyā vinoditāya jhānādīnam samadhibhagamoti samāpattivipassanānam arativinodana-avijjāpadālanādi-upāyo, uppātiपातिनiddeso pana nīvaraṇasabhāvāya avijjāya heṭṭhā nīvaraṇesupi saṅgahadassanatthanti daṭṭhabbo. Samāpattivihārapavesavibandhanena nīvaraṇāni kavāṭasadisānīti āha “**nīvaraṇakavāṭam ugghāṭetvā**”ti.

“Rattim vitakketvā vicāretvā divā kammante payojeti”ti¹ vuttaṭṭhāne vitakkavicārā dhūmāyanā adhippetāti āha “**vitakkavicāradhūman**”ti. Kiñcāpi paṭhamajjhānūpacāreyeva dukkham, catutthajjhānopacāreyeva ca sukham pahīyati, atilayappahānam pana sandhāyāha “**catutthajjhānenā sukhadukkham pahāyā**”ti. Rūpasaññāti saññāsīsenā rūpāvacarajjhānāni ceva tadārammaṇāni ca vuttāni. Rūpāvacarajjhānampi hi “rūpan”ti vuccati uttarapadalopena “rūpī rūpāni passat”ti-ādīsu². Tassa ārammaṇampi kasinārūpam “rūpan”ti vuccati purimapadalopena “bahiddhā rūpāni passati suvaṇṇadubbaṇṇānī”ti-ādīsu³. Tasmā idha rūpe rūpajjhāne tamśahagatasaññā rūpasaññāti evam saññāsīsenā rūpāvacarajjhānāni vuttāni. Rūpam saññā assāti rūpasaññām, rūpassa nāmanti vuttam hoti. Evam pathavīkasiṇādibhedassa tadārammaṇassa cetam adhivacananti veditabbam. **Paṭighasaññāti** cakkhādīnam vatthūnam rūpādīnam ārammaṇānañca paṭighātena paṭīhananena visayivisayasamodhāne samuppannā dvipañcavīññānāsaṅgatā saññā paṭighasaññā. **Nānattasaññāyoti** nānatte gocare pavattā saññā, nānattā vā saññā nānattasaññā, atṭha kāmāvacarakuśalaśaññā, dvādasa akuśalaśaññā, ekādasa kāmāvacarakuśalavipākashaññā, dve akuśalavipākashaññā, ekādasa kāmāvacarakuśalaśaññāti etāsam catucattālīsasaññānametam adhivacanam. Etā hi yasmā rūpasaññādibhede

1. Ma 1. 197 piṭṭhe. 2. Ma 2. 205; Ma 3. 264; Abhi 1. 65; Khu 9. 231 piṭṭhesu.

3. Dī 2. 94; Ma 2. 205, 206; Abhi 1. 64 piṭṭhesu.

nānatte nānāsabhāve gocare pavattanti, yasmā ca nānattā nānāsabhāvā aññamaññam asadisā, tasmā “**nānattasaññā**”ti vuccanti.

Aniccassa, aniccanti vā anupassanā **aniccānupassanā**, tebhūmakadhammānam aniccatam gahetvā pavattāya anupassanāyetam nāmañ. **Niccasaññā**nti sañkhata dharme “niccā sassata”ti pavattam micchāsaññam. Saññāsīsena dīṭhīcittānampi gahaṇam daṭṭhabbam. Esa nayo ito paresupi. **Nibbidānupassanāyātī** sañkhāresu nibbijjanākārena pavattāya anupassanāya. **Nandinti** sappītikatañham. **Virāgānupassanāyātī** sañkhāresu virajjanākārena pavattāya anupassanāya. **Nirodhānupassanāyātī** sañkhārānam nirodhassa anupassanāya. “Te sañkhārā nirujjhantiyeva, āyatim samudayavasena na uppajjantī”ti evam vā anupassanā nirodhānupassanā. Tenāvāha “nirodhānupassanāya nirodheti, no samudeti”ti. Muccitukamyatā hi ayam balappattāti. Paṭinissajjanākārena pavattā anupassanā **paṭinissaggānupassanā**. Paṭisañkhā santiṭhanā hi ayam. **Ādānā**nti niccādivasena gahaṇam. Santatisamūhakiccarammaṇānam vasena ekattaggahaṇam **ghanasaññā**. **Āyūhanam** abhisāñkharaṇam. Avatthāvisesāpatti **vipariṇāmo**. **Dhuvasaññā**nti thirabhāvaggahaṇam. **Nimittā**nti samūhādighanavasena sakiccaparicchedatāya ca sañkhārānam saviggahaggahaṇam. **Paṇidhī**nti rāgādipaṇidhiṁ. Sā panatthato tañhāvasena sañkhāresu nanditā. **Abhinivesanti** attānudiṭṭhim.

Aniccadukkhādivasena sabbadhammatīraṇam
adhipaññādhammavipassanā. **Sārādānābhinivesanti** asāre
 sāraggahaṇavipallāsam. Issarakuttādivasena loko samuppannoti abhiniveso
sammohābhiniveso. Keci pana “ahosim nu kho ahamatītamaddhānanti-ādinā pavattasāmsayāpatti sammohābhiniveso”ti vadanti. Sañkhāresu leñatāñabhbāvaggahaṇam **ālayābhiniveso**. “Ālayaratā ālayasammuditā”ti¹ vacanato ālāyo tañhā, sāyeva cakkhādīsu rūpādīsu ca abhinivesavasena pavattiyā ālayābhinivesoti keci. “Evañvidhā sañkhārā paṭinissajjīyantī”ti pavattam nānam **paṭisañkhānupassanā**. Vaṭṭato vigatattā vivaṭṭam, nibbānam. Tattha ārammaṇakaraṇasañkhātena anupassanena pavattiyā **vivaṭṭānupassanā**, gotrabhu. **Saṃyogābhinivesanti** saṃyujjanavasena

1. Dī 2. 31; Ma 1. 224; Ma 2. 291; Saṃ 1. 138; Vi 3. 5 piṭhesu.

saṅkhāresu abhinivisanam. **Ditṭhekaṭṭheti** ditṭhiyā sahajātekaṭṭhe pahānekaṭṭhe ca. **Olāriketi** uparimaggavajjhe kilese apekkhitvā vuttam, aññathā dassanapahātabbāpi dutiyamaggavajjhēhi olārikāti. **Aṇusahagateti** aṇubhūte. Idam heṭṭhimamaggavajjhe apekkhitvā vuttam. **Sabbakileseti** avasiṭṭhasabbakilese. Na hi paṭhamādimaggehipi pahīnā kilesā puna pahīyantī.

Kakkhaṭattam kathinabhāvo. **Paggharanam** dravabhāvo. Lokiyavāyunā bhastāya viya yena tamtamkalāpassa uddhumāyanam, thaddhabhāvo vā, tam **vitthambhanam**. Vijjamānepi kalāpantarabhbūtānam kalāpantarabhbūtehi phuṭṭhabhāve¹ tamtambhūtavivittatā rūpapariyanto ākāsoti yesam yo paricchedo, tehi so asamphuṭṭhova, aññathā bhūtānam paricchedabhbāvo na siyā byāpitabhāvāpattito. Yasmin kalāpe bhūtānam paricchedo, tehi asamphuṭṭhabhbāvo **asamphuṭṭhalakkhaṇam**. Tenāha bhagavā ākāsadhātuniddese² “asamphuṭṭho catūhi mahābhūtehī”ti.

Virodhipaccayasannipāte visadisuppatti **ruppanam**. Cetanāpadhānattā saṅkhārakkhandhadhammānam cetanāvasenetam vuttam “**saṅkhārānam abhisāṅkharāṇalakkhaṇan**”ti. Tathā hi suttantabhājanīye **saṅkhārakkhandhavibhaṅge**³ “cakkhusamphassajā cetanā”ti-ādinā cetanāva vibhattā. Abhisāṅkharalakkhaṇā ca cetanā. Yathāha “tattha katamo puññābhisaṅkhāro, kusalā cetanā kāmāvacarā”ti-ādi⁴. **Pharaṇam** savipphārikatā. **Assaddhiyeti** assaddhiyahetu. Nimittatthe bhummam. Esa nayo **kosajjeti**-ādīsu. **Vūpasamalakkhaṇanti** kāyacittapariḷāhūpasamalakkhaṇam. Līnuddhaccarahite adhicitte pavattamāne paggahaniggahasampahānsanesu abyāvaṭatāya ajjhukekkhanaṁ **paṭisaṅkhānam** pakkhapātupacchedato.

Musāvādādīnam visamvādanādikiccatāya lūkhānam apariggāhakānam paṭipakkhabhbāvato pariggāhakasabhāvā **sammāvācā**, siniddhabhbāvato sampayuttadhamme sammāvācāpaccayasubhbāsitānam⁵ sotārañca puggalam pariggañhātīti sā **pariggahalakkhaṇā**. Kāyikakiriyā kiñci kattabbam samuṭṭhāpeti, sayañca samuṭṭhahanam⁶ ghaṭanam hotīti sammākammantasaṅkhātā

1. Phuṭṭhabhbāve (Ka) 2. Abhi 1. 169 piṭṭhe.

3. Abhi 2. 37 piṭṭhe.

4. Abhi 2. 102 piṭṭhe. 5. Sammāvācāpaccayam subhbāsitam (Sī)

6. Samuṭṭhānam (Sī)

viratīpi **samuṭṭhānalakkhaṇā** daṭṭhabbā, sampayuttadhammānam vā ukkhipanam samuṭṭhāpanam kāyikakiriyāya bhārukkipanam viya. Jīvamānassa sattassa, sampayuttadhammānam vā jīvitindriyapavattiyā, ājīvasseva vā suddhi **vodānam**. “Saṅkhārā”ti idha cetanā adhippetāti vuttam “saṅkhārānam cetanālakkhaṇan”ti. **Namanam** ārammaṇābhimukhabhāvo. Āyatanaṁ pavattanam. Āyatanavasena hi āyasaṅkhātānam¹ cittacetasikānam pavatti. **Taṇhāya hetulakkhaṇanti** vaṭṭassa janakahetubhāvo, maggassa pana nibbānasampāpakattanti ayametesam viseso.

Tathalakkhaṇam aviparītasabhāvo. **Ekaraso** aññamaññanātivattanam anūnādhikabhbāvo. **Yuganaddhā** samathavipassanāva. “Saddhāpaññā paggahāvikkhepā”tipi vadanti. **Khayoti** kilesakkhayo maggo. Anuppādapariyosānatāya **anuppādo** phalam. **Passaddhi** kilesavūpasamo. **Chandassāti** kattukāmatāchandassa. **Mūlalakkhaṇam** patiṭṭhābhāvo. **Samuṭṭhānalakkhaṇam** ārammaṇappaṭipādakatāya sampayuttadhammānam uppattihetutā. **Samodhānam** visayādisannipātena gahetabbākāro, yā saṅgatīti vuccati. Samam, saha odahanti anena sampayuttadhammāti vā **samodhānam**, phasso. Samosaranti sannipatanti etthāti **samosaraṇam**. Vedanāya vinā appavattamānā sampayuttadhammā vedanānubhavananimittam samosaṭā viya hontīti evam vuttam. Gopānasīnam kūṭam viya sampayuttānam pāmokkhabhāvo **pamukhalakkhaṇam**. Tato, tesam vā sampayuttadhammānam uttari padhānanti **tatuttari**. Paññuttarā hi kusalā dhammā. **Vimuttiyāti** phalassa. Tam hi sīlādiguṇasārassa paramukkāmsabhāvena **sāraṇam**. Ayañca lakkhaṇavibhāgo chadhātupañcajhānaṅgādivasena tamtaṁsuttapadānusārena porāṇaṭṭhakathāyam āgatanayena ca katoti daṭṭhabbam. Tathā hi pubbe vuttopi koci dhammo pariyāyantarappakāsanatham puna dassito, tato eva ca “chandamūlakā kusalā dhammā manasikārasamuṭṭhānā phassasamodhānā vedanāsamosaraṇā”ti, “paññuttarā kusalā dhammā”ti, “vimuttisāramidam brahmacariyan”ti, “nibbānogadham hi āvuso brahmacariyam nibbānapariyosānan”ti² ca suttapadānam vasena “chandassa mūlalakkhaṇan”ti-ādi vuttam.

1. Āyatanaśaṅkhātānam (Sī)

2. Sam 3. 192 piṭṭhe (Atthato samānam)

Tathadhammā nāma cattāri ariyasaccāni aviparītasabhāvattā. **Tathāni** tamśabhbāvattā, **avitathāni** amusāsabhāvattā, **anaññathāni** aññākārarahitattā. **Jātipaccayasambhūtasamudāgataṭṭhoti** jātipaccayā sambhūtam hutvā sahitassa attano paccayānurūpassa uddham uddham āgatabhāvo, anupavattatthoti attho. Atha vā sambhūtaṭṭho ca samudāgataṭṭho ca sambhūtasamudāgataṭṭho, na jātito jarāmaraṇam na hoti, na ca jātim vinā aññato hotīti **jātipaccayasambhūtaṭṭho**, itthañca jātito samudāgacchatīti **jātipaccayasamudāgataṭṭho**. Yā yā jāti yathā yathā paccayo hoti, tadanurūpaṁ pātubhāvoti attho. **Avijjāya saṅkhārānaṁ paccayaṭṭhoti** etthāpi na avijjā saṅkhārānaṁ paccayo na hoti, na ca avijjāni vinā saṅkhārā uppajjanti. Yā yā avijjā yesam yesam saṅkhārānaṁ yathā yathā paccayo hoti, ayam avijjāya saṅkhārānaṁ paccayaṭṭho, paccayabhāvoti attho.

Bhagavā tam jānāti passatīti sambandho. **Tenāti** bhagavatā. Tam vibhajjamānanti yojetabbam. Tanti rūpāyatanam. **Itṭhāniṭṭhādīti** ādi-saddena majjhattam saṅgaṇhāti, tathā atītānāgatapaccuppannaparitta-ajjhatabahiddhātadubhayādibhedam. **Labbhamānakapadavasenāti** “rūpāyatanam diṭṭham, saddāyatanam sutam, gandhāyatanam rasāyatanam phoṭṭhabbāyatanam mutam, sabbam rūpam manasā viññātan”ti¹ vacanato diṭṭhapadañca viññātapadañca rūpārammaṇe labbhati. **Anekehi nāmehīti** “rūpārammaṇam iṭṭham aniṭṭham majjhattam parittam atītam anāgatam paccuppannam ajjhattam bahiddhā diṭṭham viññātam rūpam rūpāyatanam rūpadhātu vanṇanibhā sanidassanam sappaṭigham nīlam pītakan”ti evamādīhi anekehi nāmehi. **Terasahi vārehīti** rūpakaṇḍe āgate terasa niddesavāre sandhāyāha. **Dvepaññāsāya** nayehīti ekekasmim vāre catunnam catunnam vavatthāpananayānam vasena dvipaññāsāya nayehi. **Tathamevāti** aviparītadassitāya appaṭivattiyadesanatāya ca tathameva hoti. **Jānāmi abbhaññāsinti** vattamānātītakālesu ñāṇappavattidassanena anāgatepi ñāṇappavatti vuttāyevāti datṭhabbā. **Vidita**-saddo anāmaṭṭhakālaviseso veditabbo “diṭṭham sutam mutan”ti-ādīsu² viya. **Na upaṭṭhāsīti** attattaniyavasena na

1. Abhi 1. 201 piṭṭhe.

2. Dī 3. 111; Ma 1. 5; Saṁ 2. 168; Aṁ 1. 332 piṭṭhesu.

upagañchi. Yathā rūpārammañādayo dhammā yamsabhāvā yampakārā ca, tathā ne passati jānāti gacchatīti **tathāgatoti** evam padasambhavo veditabbo. Keci pana “niruttinayena **pisodarādipakkhepena**¹ vā dassīsaddassa lopam, āgata-saddassa cāgamaṁ katvā tathāgato”ti vanṇenti.

Yam rattinti yassam rattiyam. Accantasamyoge cetam upayogavacanam. **Tiṇṇam mārānanti** kilesābhisaṅkhāradevaputtasaṅkhātānam tiṇṇam mārānam. **Anupavajjanti** niddosatāya na upavajjam. **Anūnanti** pakhipitabbābhāvena na ūnam. **Anadhidhikanti** apanetabbābhāvena na adhikam. **Sabbākāraparipuṇṇanti** atthabyañjanādisampatti�ā sabbākārena paripuṇṇam. **No aññathāti** “tathevā”ti vuttamevattham byatirekena sampādeti. Tena yadattham bhāsitaram, tadaṭthanipphādanato yathā bhāsitaram bhagavatā, tathevāti aviparītadesanatam dasseti. **Gadatthoti** etena tatham gadatīti **tathāgatoti** dākārassa ta-kāram katvā niruttinayena vuttanti dasseti. Tathā gatamassāti tathāgato. **Gatanti** ca kāyassa vācāya vā pavattīti attho. **Tathāti** ca vutte yam-tam-saddānam abyabhicāritasambandhatāya yathāti ayamattho upaṭhitoyeva hoti. Kāyavācākiriyyānañca aññamaññānulomena vacanicchāyam kāyassa vācā, vācāya ca kāyo sambandhabhāvena upatiṭṭhatīti imamattham dassento āha “**bhagavato hī**”ti-ādi. Imasmim pana atthe tathāvāditāya tathāgatoti ayampi attho siddho hoti. So pana pubbe pakārantarena dassitoti āha “**evam tathākāritāya tathāgato**”ti.

Tiriyam aparimāñāsu lokadhātūsūti etena yadeke “tiriyam viya upari adho ca santi lokadhātuyo”ti vadanti, tam paṭisedheti. Desanāvilāsoyeva **desanāvilāsamayo** yathā “puññamayaṁ dānamayan”ti-ādi². Nipātānam vācakasaddasannidhāne tadaṭthajotanabhāvena pavattanato gata-saddoyeva avagatattham atītatthañca vadatīti āha “**gatoti avagato atīto**”ti. Atha vā abhinīhārato paṭṭhāya

1. Pāṇinī 6. 3. 109 suttam.

2. Dī 3. 182; Khu 1. 230; Khu 10. 43 piṭṭhesu.

yāva sambodhi, etthantare mahābodhiyānapaṭipattiyaḥ
 hānaṭṭhānasamkilesanivattinām abhāvato yathā paṇidhānam, tathā gato
 abhinibhārānurūpam paṭipannoti **tathāgato**. Atha vā mahiddhikatāya
 paṭisambhidānam ukkaṁsādhigamena anāvaraṇañāṇatāya ca kathacipi
 paṭighātābhāvato yathā ruci, tathā kāyavācācittānam gatāni gamanāni
 pavattiyo etassāti **tathāgato**. Yasmā ca loke vidhayuttagatapakārasaddā
 samānatthā dissanti, tasmā yathāvidhā vipassi-ādayo bhagavanto, ayampi
 bhagavā tathāvidhoti **tathāgato**. Yathā yuttā ca te bhagavanto, ayampi
 bhagavā tathā yuttoti tathāgato. Atha vā yasmā saccām tatvam¹ tacchām
 tathānti nāṇassetam adhivacanām, tasmā tathāna nāṇena āgatoti **tathāgatoti**
 evampi tathāgatasaddassa attho veditabbo.

“Pahāya kāmādimale yathā gatā,

Samādhiñāṇehi vipassi-ādayo.

Mahesino sakyamunī jutindharo,

Tathāgato tena tathāgato mato.

Tathañca dhātāyatanādilakkhaṇām,

Sabhāvasāmaññavibhāgabhedato.

Sayambhuñāṇena jinoyamāgato,

Tathāgato vuccati sakyapuñgavo.

Tathāni saccāni samantacakkhunā,

Tathā idappaccayatā ca sabbaso.

Anaññaneyyena yato vibhāvitā,

Yāthāvato² tena jino tathāgato.

Anekabhedāsupi lokadhātusu,

Jinassa rūpāyatanādigocare.

Vicittabhede tathameva dassanām,

Tathāgato tena samantalocano.

1. Tattam (Sī)

2. Tathā tathā (Sī)

Yato ca dhammarām tathameva bhāsati,

Karoti vācāyanulomamattano.

Guṇehi lokām abhibhuyyirīyati¹,

Tathāgato tenapi lokanāyako.

Yathābhīnīhāramato² yathāruci,

Pavattavācā tanucittabhāvato.

Yathāvidhā yena purā mahesino,

Tathāvidho tena jino tathāgatoti³.

Saṅgahagāthā mukhamattameva, kasmā? Appamādapadām viya
sakalakusaladhammasampaṭipattiyā sabbabuddhaguṇānam saṅgāhakattā.
Tenevāha “**sabbākārenā**”ti-ādi. Sesametha uttānatthameva.

171. Dutiye **uppattīti** paṭhamāya jātiyā nibbattim vatvā ariyāya jātiyā
nibbattim dassetum “**nipphattī**”ti-āha. Tadā hissa buddhabhāvanipphattīti.
“Dullabho”ti-ādim vatvā kāraṇassa dūrasambhārabhāvato tattha kāraṇām
dassento “**ekavāran**”ti-ādimāha. Idam vuttam hoti—tattha vāragaṇanā nāma
māsasaṁvaccharakappagaṇanādikā, kappānam ekam asaṅkhyeyyam dve
asaṅkhyeyyāni tīṇi asaṅkhyeyyānipi pāramiyo pūretvāpi buddhena bhavitum
na sakkā, heṭhimakoṭiyā pana cattāri asaṅkhyeyyāni kappasatasahassañca
nirantaram dasa pāramiyo pūretvāva buddhabhāvam pattum sakkā, na ito
aññathāti iminā kāraṇena dullabho pātubhāvo buddhānanti.

172. Tatiye **niccam na hotīti** abhinhappavattikām na hoti kadācideva
sambhavato. Yebhuyyena manussā acchariyam disvā accharam paharanti,
tam sandhāya vuttam “**accharam paharitvā passitabbo**”ti. **Samannāgatattāti**
etenā acchariyā guṇadhammā etasmim santīti **acchariyoti** dasseti. Apica
ādito pabhuti abhinīhārāvaho, tato parampi anaññasādhāraṇe guṇadhamme
āciṇṇavāti **acchariyoti** āha “**āciṇṇamanussotipi acchariyamanusso**”ti-ādi.
Mahābodhiñānameva maṇḍabhūtam **mahābodhimaṇḍo**.
Sabbaññutaññāṇapadaṭṭhānam hi maggaññānam, maggaññāṇapadaṭṭhānañca

1. Abhibhuya īrati (Sī, Ka)

2. Yathābhīnīhāramito (Sī)

3. Dī-Tī 110 piṭṭhe.

sabbaññutaññānam “mahābodhī”ti vuccati. **Anivattakenāti** bodhiyā niyatābhāvāpatti�ā mahābodhisattabhāvato anivattanasabhāvena. **Buddhakārakadhammānam pūraṇampi na aññassa kassaci āciṇṇanti-ādinā** hetu-avatthāya phalāvatthāya sattānam upakārāvatthāya cāti tīsupi avatthāsu lokanātho anaññasādhārañānam guṇadhammānam āciṇṇatāya acchariyamanusso vuttoti dasseti.

173. Catutthe kāle kiriyāti **kālakiriyā**. Katarasmiṁ kāle kīdisī kiriyā. Sāmaññajotanā hi visese avatiṭṭhati, visesatthinā ca viseso anuppayojitabboti āha “**ekasmim kāle pākaṭā kiriyā**”ti. Katarasmiṁ pana ekasmim kāle, kathañca pākaṭāti? Kappānam satasahassādhikāni anekāni asaṅkhyeyyāni abhikkamitvā yathādhippetamanorathapāripūrivasena samupaladdhe ekasmim kāle, sadevaloke ativiya acchariyamanussassa parinibbānanti accantapākaṭā. **Anutāpakarāti** cetodukkhāvahā. **Dasasahassacakkavālesūti** vuttaṁ tassa buddhakkhettabhāvena paricchinnattā, tadaññesañca avisayattā.

174. Pañcame **dutiyassa buddhassāti** dutiyassa sabbaññubuddhassa abhāvā. **Sutabuddho** nāma sutamayena ñāṇena bujjhitabbassa buddhattā. **Catusaccabuddho** nāma catunnam ariyasaccānam anavasesato buddhattā. **Paccekkabuddho** nāma paccekam attanoyeva yathā catusaccasambodho hoti, evam buddhattā. Sammāsambuddho eva hi yathā sadevakassa lokassa catusaccasambodho hoti, evam saccāni abhisambujjhati. **Cattāri vā aṭṭha vā soḷasa vāti** idam katamahābhīnīhārānam mahābodhisattānam paññādhikasaddhādhikavīriyādhikavibhāgavasena vuttam. “Paññādhikānam hi saddhā mandā hoti, paññā tikkhā. Saddhādhikānam paññā majjhimā hoti. Vīriyādhikānam paññā mandā, paññānubhāvena ca sammāsambodhi adhigantabbā”ti **aṭṭhakathāyanām**¹ vuttam. Avisesena pana vimuttiparipācanīyadhammānam tikkhamajjhimamudubhāvena tayopete bhedā yuttāti vadanti. Tividhā hi bodhisattā abhinīhārakkhaṇe bhavanti ugghaṭitaññuvipañcitaññuneyyabhedenā.

1. Suttanipāta-Ṭīha 1. 43; Apadāna-Ṭīha 1. 155; Cariyāpiṭaka-Ṭīha 320 piṭṭhesu.

Tesu ugghaṭitaññū sammāsambuddhassa sammukhā cātuppadikam gātham suṇanto tatiyapade apāriyositeyeva chahi abhiññāhi saha paṭisambhidāhi arahattam pattum samatthūpanissayo hoti. Dutiyo satthu sammukhā ekam gātham suṇanto apariyositeyeva catutthapade chahi abhiññāhi arahattam pattum samatthūpanissayo hoti. Itaro bhagavato sammukhā cātuppadikagātham sutvā pariyositāya gāthāya chahi abhiññāhi arahattam pattum samatthūpanissayo hoti. Tayopete vinā kālabhedena katābhinīhārā laddhabyākaraṇā pāramiyo pūrentā yathākkamam yathāvuttabhedena kālena sammāsambodhi pāpuṇanti, tesu tesu pana kālabhedesu aparipuṇṇesu te te mahāsattā divase divase vessantaradānasadisam dānam dentāpi tadanurūpam sīlādisesapāramidhamme ācinantāpi antarā buddhā bhavissantīti akāraṇametam. Kasmā? Nāṇassa aparipaccanato.

Paricchinnakālanippahāditam viya hi sassam paricchinnakāle nippahāditā sammāsambodhi tadantarā sabbussāhena vāyamantenapi na sakkā pāpuṇitunti pāramipūrī yathāvuttakālavisesena sampajjatīti veditabbam. Saddhīnti samānakāle.

Asahāyoti nippariyāyato vuttam. Saha-ayanaṭṭho hi sahāyaṭṭho. Paṭipattivasena bhagavatā saha samam ayanam nāma kassacipi nattheva. Hatthādi-avayavato paṭi paṭi minitabbato **paṭimā** vuccati attabhāvo. **Samattho nāma natthīti** devo vā māro vā brahmā vā koci natthi. **Paṭisamoti** paṭinidhibhāvena samo. **Paṭibhāgam dātunti** “cattāro satipaṭṭihānā”ti-ādinā vuttassa dhammadbhāgassa dhammadakoṭṭhāsassa paṭipakkhabhūtam katvā bhāgam koṭṭhāsam paṭivacanam dātum samattho nāma natthi. Natthi etassa sīlādiguṇehi paṭibimbabhūto puggaloti **appaṭipuggalo**. Tenāha “**añño kocī**”ti-ādi. Tisahassimahāsahassīnam vibhāgo parato āvi bhavissati. Sesamettha suviññeyyameva.

175. Chaṭṭhādīsu **tasmiṁ puggaleti** sammāsambuddhe. Tanti paññācakkhu. **Pātubhūtameva hoti** tassa sahassa uppajjanato. **Uppattīti** uppajjanam. **Nipphattīti** parivuddhi. **Kīvarūpāssāti** kīdisassa. Sāvakavisayeva hatthagatam paññācakkhu nāma dvinnam aggasāvakānamyevāti āha “**sāriputtattherassā**”ti-ādi. **Samādhīpaññāti** samādhisahagatā paññā.

“Samādhisamvattanikā khippanisanti-ādivisesāvahā paññā”ti keci. Ālokoti paññā-āloko eva. Tathā **obhāso**. **Tīṇipīti** tīṇipi suttāni.

Lokiyalokuttaramissakānīti pubbabhāgapaññāya adhippetattā vuttam.

Uttamadhammānanti attano uttaritarassa abhāvena setṭhadhammānam. Daṭṭhabbatō dassanam, bhagavato rūpakāyo. Tatthapi visesato rūpāyatanaṁ. Tenāha “**cakkhuviññāṇena daṭṭhum labhati**”ti. Natthi ito uttaranti anuttaram, tadeva anuttariyām, dassanañca tam anuttariyāñcāti **dassanānuttariyām**. Sesapadesupi eseva nayo. Ayam pana padaviseso—suyyatīti **savanam**, bhagavato vacanam. Labbhatīti **lābho**, bhagavati saddhā. Sikkhitabbato **sikkhā**. **Sīlasamādhīpaññāparicaraṇam** **pāricaryā**, upaṭṭhānam. Anussaraṇam **anussati**, satthu guṇānussaraṇam. **Imesanti** yathāvuttānam channam anuttariyānam. **Pātubhāvo hotīti** tathāgatassa pātubhāvā tappaṭibaddhattā tabbisayattā ca pātubhāvo hoti. “Dassanānuttariyan”ti ca sadevake loke uttaritarassa bhagavato rūpassa na dassanamattam adhippetam, atha kho tassa rūpadassanamukhena aveccappasādena buddhaguṇe okappetvā ogāhetvā dassanam daṭṭhabbam. Tenāha “**āyasmā hī**”ti-ādi. **Idampi dassanānuttariyanti** pubbe vuttato nibbisesattā vuttam. **Dasabalam dassanāya labhitvāti** ānandatthero viya pasādabhāttimettāpubbakam dasabalam dassanāya labhitvā. **Dassanam vadḍhetvāti** dassanamukhena pavattam vipassanācāram vadḍhetvā. Dassanamukhena yāva anulomaññānam vipassanācāram vadḍhetvā tadanantaram atṭhamakamahābhūmin okkamanto dassanam sotāpattimaggam pāpeti nāma. Idha parato pavattam dassanam **dassanameva nāma**, mūladassanam **pana** saccadassanassapi kāraṇabhāvato **dassanānuttariyam nāma**. Esa nayo sesānuttariyesupi.

Dasabale saddham paṭilabhatīti sammāsambuddhe bhagavati saddham paṭilabhati. **Tisso sikkhā sikkhitvāti** tisso pubbabhāgasikkhā sikkhitvā. **Paricaratīti** upaṭṭhānam karoti. “Itipi so bhagavā”ti-ādinā buddhānussativasena anussatijjhānam uppādetvā tam padaṭṭhānam katvā vipassanam vadḍhento “**anussatim vadḍhetvā**”ti vutto.

Sacchikiriyā hotīti paccakkhaṇam hoti. Maggakkhaṇe hi labbhamānā paṭisambhidā phalakkhaṇe sacchikatā nāma hoti tato param atthādīsu yathicchitām viniyogakkhamabhāvato. **Catassoti** gaṇanaparicchedo. **Paṭisambhidāti** pabhedā. Kassa pana pabhedāti? “Atthe nāṇam atthapaṭisambhidā”ti-ādivacanato¹ nāṇassetā pabhedā. Tasmā **catasso paṭisambhidāti** cattāro nāṇappabhedāti attho. **Atthapaṭisambhidāti** atthe paṭisambhidā, atthapabhedassa salakkhaṇavibhāvanavavatthānakaraṇasamattham atthe pabhedagataṁ nāṇanti attho. Tathā dhammapabhedassa salakkhaṇavibhāvanavavatthānakaraṇasamattham dhamme pabhedagataṁ nāṇam **dhammapaṭisambhidā**. Niruttipabhedassa salakkhaṇavibhāvanavavatthānakaraṇasamattham niruttābhilāpe pabhedagataṁ nāṇam **niruttipaṭisambhidā**. Paṭibhānapabhedassa salakkhaṇavibhāvanavavatthānakaraṇasamattham paṭibhāne pabhedagataṁ nāṇam **paṭibhānapaṭisambhidā**.

Atthesu nāṇanti-ādīsu atthoti saṅkhepato hetuphalam. Tam hi hetuvasena arañiyam gantabbam pattaṭbam, tasmā “attho”ti vuccati. Pabhedato pana yam kiñci paccayuppannam nibbānam bhāsitatto vipāko kiriyābhi ime pañca dhammā “attho”ti veditabbā, tam attham paccavekkhantassa tasmiṁ pabhedagataṁ nāṇam **atthapaṭisambhidā**. **Dhammoti** saṅkhepato paccayo. So hi yasmā tantim dahati vidahati pavatteti ceva pāpeti ca ṭhāpeti ca, tasmā “dhammo”ti vuccati. Pabhedato pana yo koci phalanibbattako hetu ariyamaggo bhāsitam kusalam akusalanti pañcavidhoti veditabbo, tam dhammanam paccavekkhantassa tasmiṁ dhamme pabhedagataṁ nāṇam **dhammapaṭisambhidā**.

Atthadhammaniruttābhilāpe nāṇanti tasmiṁ atthe ca dhamme ca sabhāvaniruttisaddam ārammaṇam katvā paccavekkhantassa tasmiṁ sabhāvanirutti-abhilāpe pabhedagataṁ nāṇam. Evamayam niruttipaṭisambhidā saddārammaṇā nāma jātā, na paññatti-ārammaṇā. Kasmā? Yasmā saddam sutvā “ayam sabhāvanirutti, ayam na sabhāvanirutti”ti pajānāti. Paṭisambhidāpatto hi “phasso”ti vutte “ayam sabhāvanirutti”ti jānāti, “phassā”ti vā “phassan”ti vā vutte “ayam na sabhāvanirutti”ti jānāti. Vedanādīsupi eseva nayo. Ayam

1. Abhi 2. 307 piṭṭhe.

panesa nāmākhyātopasaggābyayapadampi jānātiyeva sabhāvaniruttiyā yāthāvato jānanato. **Ñāṇesu ñāṇanti** sabbatthakañānam ārammaṇam katvā paccavekkhantassa pabhedagatam ñāṇam.

Imā pana catasso paṭisambhidā sekkhabhūmiyam asekkhabhūmiyanti dvīsu ṭhānesu pabhedaṁ gacchanti. Adhigamo pariyatti savanam̄ paripucchā pubbayogoti imehi pañcahi kāraṇehi visadā honti. **Adhigamo** nāma saccappaṭivedho. **Pariyatti** nāma buddhavacanam̄. Tam̄ hi gaṇhantassa paṭisambhidā visadā honti. **Savanam̄** nāma dhammassavanam̄. Sakkaccaṁ dhammaṁ suṇtantassapi hi paṭisambhidā visadā honti. **Paripucchā** nāma atṭhakathā. Uggahitapāliyā attham̄ kathentassapi hi paṭisambhidā visadā honti. **Pubbayogo** nāma pubbayogāvacaratā. Haraṇapaccāharaṇayanena paṭipākaṭakammaṭṭhānassapi¹ paṭisambhidā visadā hontīti. **Lokiyalokuttarāvātī** ettha tisso paṭisambhidā lokiyā, atthapaṭisambhidā siyā lokiyā, siyā lokuttarāti evam̄ vibhajitvā attho veditabbo.

Buddhuppādeyevātī avadhāraṇena buddhuppāde eva labbhanato, abuddhuppāde alabbhanato anaññasādhāraṇo paṭivedho adhippeto. Evañca katvā “mahato cakkhussā”ti-ādīsu paññāmahattādikampi anaññasādhāraṇameva adhippetanti daṭṭhabbaṁ. Tathā vijjāvimuttiphalasacchikiriyādayopi paresam̄ tabbhāvāvahā daṭṭhabbā. Yā kāci dhātuyo lokiyā lokuttarā vā, sabbā tā imāheva saṅgahitā, ettheva antogadhāti vuttam̄ “**imāva atṭhārasa dhātuyo nānāsabhbāvato nānādhātuyo**”ti. Svāyamattho anekadhātunānādhātuñāṇavibhaṅgena² dīpetabbo. “Sacchikiriyā”ti vuttattā “**vijjāti phale ñāṇan**”ti vuttam̄.

187. Yasmā cakkati aparāparam parivattatīti **cakkam̄**, tasmā iriyāpathāpi aparāparam parivattanaṭṭhena cakkasadisattā **cakkanti** vuttā, tathā patirūpadesavāsādisampattiyo. **Tato paṭṭhāya dhammacakkam̄ abhinīharati nāmāti** ettha tadā mahāsatto attānam̄ abhinīhārayogam̄ karonto “dhammacakkam̄ abhinīharati nāmā”ti vutto tato paṭṭhāya dhammacakkābhinīhārvibandhakaradhammānuppajjanato. **Abhinīhaṭam̄ nāmāti** etthapi

1. Parihaṭakammaṭṭhānassapi (?)

2. Abhi 2. 323 piṭṭhe.

ayameva nayo. **Arahattamaggam paṭivijjhantopi dhammacakkari uppādetiyeva nāma** tadaṭṭhami nāṇam paripācetiṭi katvā.
Arahattaphalakkhaṇe dhammacakkari uppāditam nāma tasmiṁ khaṇe dhammacakkassa uppādanāya kātabbakiccassa kassaci abhāvā.
 Paṭivedhañānam hi idha “dhammacakkan”ti adhippetam. Idāni desanāñāṇavasena dhammacakkam dassetum “**kadā pavatteti nāmā**”ti-ādimāha. Na kevalam therasseva, atha kho sabbesampi sāsanikānam dhammakathā bhagavato dhammadesanā catunnām ariyasaccānam catunnañca ekattādinayānam avirādhanatoti dassetum “**yo hi koci bhikkhu vā**”ti-ādi āraddham. Sesam suviññeyyameva.

Ekapuggalavaggavaṇṇanā niṭṭhitā.

14. Etadaggavagga 1. Paṭhamavagga

Etadaggapadavaṇṇanā

188. Etadaggesu paṭhamavaggassa paṭhame **ādimhi dissatīti** etha aggasaddoti ānetvā yojetabbam. **Ajjataggeti** ajjadivasam ādim katvāti attho. **Aṅgulaggenāti** aṅgulikotiyā. **Ambilagganti** ambilakoṭṭhāso. **Kotibhūtāti** paramakoṭibhūtā tasmiṁ ṭhāne tādisānam aññesam abhāvato. Tato eva **setṭhabhūtātipi aggā**. Etadaggasannikkhepoti etadagge ṭhapanam atṭhuppatti-ādīhi catūhipi kāraṇehi. Mahāpaññatāya therena etadaggatṭhānassa laddhabhāvam vitthārato dassetum “**kathan**”ti-ādimāha. **Dve padantarānīti** kaṇḍambamūle yugandharapabbateti dvīsu ṭhānesu dve padāni dassetvā. **Muṇḍapīṭhakanti** yam sattaṅgam pañcaṅgam vā na hoti, kevalam muṇḍakapīṭham, tam sandhāyetam vuttam. **Avattharitvā nisīdīti** buddhānubhāvena ajjhottharitvā nisīdi. Tenāha “**evam nisīdanto**”ti-ādi. **Kayasakkhim katvāti** nāmakāyena desanāya sampaṭicchanavasena sakkhibhūtam katvā. **Kusalā dhammā akusalā dhammā abyākatā dhammāti** iti-saddo ādyattho, tena sabbam abhidhammadesanam saṅgañhāti.

Pāṭihāriyatṭhāneti yamakapāṭihāriyassa kataṭṭhāne. **Passathāti** tesam bahubhāvam sandhāya vuttam. **Assāti** manussasamūhassa ekabhāvam.

Ākappanti ākāram. **Mahājanoti** sadevake loke sabbo mahājano. Yathā nirayadassanam samvegajananattham, evam devalokadassanampi samvegajananatthameva “anupubbikathāyam saggakathā viya evam sabbasampattisamupetopi saggo anicco addhuvo cavanadhammo”ti. **Sajjetvātī¹** samapaṇṇasāya mucchanāhi yathā kāmena nivādetum sakkā, evam sajjetvā.

Puthujjanapañcakam pañhanti puthujjanapañham ādim katvā pavattitam khīṇasavapañhapariyantam pañhapañcakam. **Paṭhamam -pa- pucchīti** puthujjanavisaye pañham pucchi. Paṭisambhidā yathābhinīhāram yathāsakam vipassanābhinīhārena paṭhamabhūmiyādayo viya pavattitavisayāti vuttam “te attano attano paṭisambhidāvisaye ṭhatvā kathayimśū”ti. **Buddhavisaye pañham pucchīti**—

“Ye ca saṅkhātadhammāse, ye ca sekhā puthū idha.

Tesam me nipako iriyam, puṭṭho pabrūhi mārisā”ti²—

idam pañham pucchi. Tattha **Saṅkhātadhammāti** saṅkhātā nātā catusaccadhammā, ye ca saṅkhātadhammā catūhi maggehi paṭividdhacatusaccadhammāti attho. Iminā asekkhā kathitā. Puthu-saddo ubhayatthapi yojetabbo “ye puthū saṅkhātadhammā, ye ca puthū sekhā”ti. **Tesanti** tesam dvinnam sekkhāsekhhapuggalānam me puṭṭhoti yojetabbam, mayā puṭṭhoti attho. **Iriyanti** sekkhāsekhhabhūmiyā āgamanappaṭipadam. Iriyati gacchati sekkhabhūmiñ asekkhabhūmiñca etāyāti iriyā, tam tesam iriyam āgamanappaṭipadam mayā puṭṭho pabrūhi kathehīti attho. Evam bhagavā buddhavisaye pañham pucchitvā “imassa nu kho sāriputta samkhittena bhāsitassa katham vitthārena attho daṭṭhabbo”ti āha. Thero pañham oloketvā “satthā mam sekkhāsekhhānam bhikkhūnam āgamanappaṭipadam pucchatī”ti pañhe nikkañkho hutvā “āgamanappaṭipadā nāma khandhādivasena bahūhipi mukhehi sakkā kathetum, katarākārena nu kho kathento satthu ajjhāsayam gaṇhitum sakkhissāmī”ti ajjhāsaye kañkhi, tam sandhāyetam vuttam “**dhammasenāpati -pa- na sakkoti**”ti. Pucchitapañham vissajjetum paṭibhāne asati disāvilokanam sattānam sabhāvoti dassento “**puratthima -pa- nāsakkhī**”ti āha. Tattha **pañhuppattiṭṭhānanti** pañhuppattikāraṇam.

1. Mucchitvāti (Aṭṭhakathāyam)

2. Khu 1. 434 piṭṭhe Suttanipāte.

Therassa kilamanabhāvarī jānitvāti “sāriputto pañhe nikkañkho, ajjhāsaye me kañkhamāno kilamatī”ti therassa kilamanabhāvam īnatvā.

Catumahābhūtikakāyapariggahanti etena khandhamukhena nāmarūpapariggaho vutto. “**Bhūtamidanti sāriputta samanupassasi**”ti hi vadantena bhagavatā khandhavasena nāmarūpapariggaho dassito. Evam kirassa bhagavato ahosi “sāriputto mayā naye adinne kathetum na sakkhissati, dinne pana naye mamajjhāsayam gahetvā khandhavasena kathessatī”ti. Therassa saha nayadānena so pañho nayasatena nayasahassena upaṭṭhāsi. Tenāha “**aññātām bhagavā, aññātām sugatā**”ti.

Arūpāvacare paṭisandhi nāma na hotīti bodhisambhārasambharaṇassa anokāsabhāvato vuttam. Tenāha “**abhabbatthānattā**”ti, laddhabyākaraṇānam bodhisattānam uppattiyyā abhabbadesattāti attho. **Rūpāvacare nibbattīti** kammavasitāsambhavato arūpāvacare anibbattitvā rūpāvacare nibbatti.

Parosahassanti-ādinā parosahassajātakam dasseti. Tattha parosahassampīti atirekasahassampi. **Samāgatānanti** sannipatitānam bhāsitassa attham jānitum asakkontānam bālānam. **Kandeyyumi te vassasatām apaññāti** te evam samāgatā apaññā ime bālattā sasā viya vassasatampi vassasahassampi rodeyyum parideveyyum. Rodamānāpi pana attham vā kāraṇam vā neva jāneyyunti dīpeti. **Ekova seyyo puriso sapaññoti** evarūpānam bālānam parosahassatopi eko pañditapurisova seyyo varataroti attho. Kīdiso sapaññoti āha “**yo bhāsitassa vijānāti atthan**”ti, ayam jetthantevāsiko viya yo bhāsitassa attham jānāti, so tādiso sapañño varataroti attho. Dutiye parosatajātakē **jhāyeyyunti** yāthāvato attham jānitum samāhitā hutvā cinteyyum. Sesamettha vuttanayameva.

Tatiyajātakē **ye saññinoti** ḥapetvā nevasaññānāsaññāyatanañalābhino avasesacittakasatte dasseti. **Tepi duggatāti** tassā nevasaññānāsaññāyatanañamasāpattiyā alābhato tepi duggatā dukkham upagatā saññībhave. “**Saññā rogo saññā gaṇḍo saññā**

sallan”ti¹ hi te saññāya ādīnavadassino. **Yepi asaññinoti** asaññībhavē nibbatte acittakasatte dasseti. Tepi imissāyeva samāpattiyā alābhato duggatāyeva. Jhānasukham anaṅgaṇam niddosam yathāvuttadosābhāvato. Balavacittekaggatāsbhāvenapi tam anaṅgaṇam nāma jātam. **Nevasaññī nāsaññīti** āhāti atīte kira bārāṇasiyam brahmadatte rajjam kārente bodhisatto araññāyatane kālam karonto antevāsikehi puṭṭho “nevasaññī nāsaññī”ti āha. Purimajātake vuttanayeneva tāpasā jetṭhantevāsikassa kathaṁ na gaṇhiṁsu. Bodhisatto ābhassarato āgantvā ākāse ṭhatvā imam gāthamāha. Tena vuttam “sesam vuttanayeneva veditabban”ti.

Catutthajātake² candassa viya ābhā etassāti **candābhām**, odātakasiṇam. **Sūriyābhanti** sūriyassa viya ābhā etassāti sūriyābhām, pītakasiṇam. **Yodha paññāya gādhatīti** yo puggalo idha sattaloke idam kasiṇadvayam paññāya gādhati, ārammaṇam katvā anuppavisati, tattha vā patiṭṭhahati. **Avitakkena dutiyajjhānenā ābhassarūpago hotīti** so puggalo tathā katvā paṭiladdhena dutiyena jhānenā ābhassarabrahmalokūpago hoti. **Sesam purimanayeneva veditabbanti** iminā imam dasseti³—atīte bārāṇasiyam brahmadatte rajjam kārente bodhisatto araññāyatane kālam karonto antevāsikehi pucchito “candābhām sūriyābhān”ti vatvā ābhassare nibbatto. Tāpasā jetṭhantevāsikassa na saddahiṁsu. Bodhisatto āgantvā ākāse ṭhito imam gātham abhāsi.

Pañcamajātake **āśisethhevāti** āsācchedam akatvā attano kammesu āsam kareyyeva. **Na nibbindeyyāti** na nibbedam uppādeyya, na ukkaṇṭheyyāti attho. **Voti** nipātamattam. **Yathā icchinti** aham hi saṭṭhihatthā narakā uṭṭhānam icchim, somhi tatheva jāto, tato uṭṭhitoyevāti dīpeti.

Atīte⁴ kira bārāṇasiyam brahmadatte rajjam kārente bodhisatto sarabhāmigayoniyam nibbattivā araññe paṭivasati. Rājā migavittako

1. Ma 3. 20 piṭṭhe.

3. Jātaka-Tīha 1. 499 piṭṭhe.

2. Khu 5. 31 piṭṭhe.

4. Jātaka-Tīha 4. 268 piṭṭhepi.

ahosi thāmasampanno. Ekadivasam gantvā amacce āha “yassa passena migo palāyati, teneva so dātabbo”ti. Athekadivasam sarabhamigo uṭṭhāya rañño ṭhitāṭṭhānena palāyi. Atha nam amaccā uppaṇḍesum. Rājā cintesi “ime mām parihāsanti, mama pamāṇam na jānanti”ti gālham nivāsetvā pattikova khaggam ādāya “sarabham gaṇhissāmī”ti vegena pakkhandi. Atha nam disvā tīṇi yojanāni anubandhi. Sarabho araññam pāvisi. Rājāpi pāvisiyeva. Tattha sarabhamigassa gamanamagge saṭṭhihatthamatto mahāpūtipātanaraka-āvāṭo atthi, so tiṁsahatthamattam udakena puṇyo tiṇehi ca patīcchanno. Sarabho udakagandham ghāyitvāva āvāṭabhāvam ñatvā thokam osakkitvā gato. Rājā pana ujukameva āgacchanto tasmiṁ pati.

Sarabho tassa padasaddam asuṇanto nivattitvā tam apassanto “naraka-āvāṭe patito bhavissatī”ti ñatvā āgantvā olokento tam gambhīre udake appatiṭṭhe kilamantam disvā tena katāparādham hadaye akatvā sañjātakāruñño “mā mayi passante varāko nassatu, imamhā tam dukkhā mocessāmī”ti āvāṭatire ṭhito “mā bhāyi mahārāja, aham tam dukkhā mocessāmī”ti vatvā attano piyaputtam uddharitum ussāham karonto viya tassuddharanatthāya silāya yoggam katvā “vijjhissāmī”ti āgataṁ rājānam saṭṭhihatthā narakā uddharitvā assāsetvā piṭṭhim āropetvā araññā nīharitvā senāya avidūre otāretvā ovādamassa datvā pañcasu silesu patiṭṭhāpesi. Rājā senaṅgaparivuto nagaram gantvā “ito paṭṭhāya sakalaratṭhavāśino pañca sīlāni rakkhantū”ti dhammadherim carāpesi. Mahāsattena pana attano kataguṇam kassaci akathetvā sāyam nānagoggarasabhojanam bhuñjītvā alaṅkatasayane sayitvā paccūsakāle mahāsattassa guṇam saritvā uṭṭhāya sayanapiṭṭhe pallaṅkena nisīditvā pītipuṇṇena hadayena udānam udānento “āsīsetheva puriso”ti-ādinā imā cha gāthā abhāsi.

Tattha **ahitā hitā cāti** dukkhaphassā sukhaphassā ca, maraṇaphassā jīvitaphassātipi attho. Sattānam hi maraṇaphasso ahito, jīvitaphasso hito. Tesam acintito maraṇaphasso āgacchatī

dasseti. **Acintitappīti** mayā “āvāṭe patissāmī”ti na cintitam, “sarabham māressāmī”ti **cintitam**. Idāni pana me cintitam naṭṭham, acintitameva jātanti udānavasena vadati. **Bhogāti** yasaparivārā, ete cintāmayā na honti. Tasmā ñāṇavatā vīriyameva kātabbanti vadati. Vīriyavato hi acintitampi hotiyeva.

Tassetam udānam udānentasseva aruṇam uṭṭhahi. Purohito pātova sukhaseyyapucchānattham āgantvā dvāre ṛhito tassa udānagītasaddam sutvā cintesi “rājā hiyyo migavam agamāsi, tattha sarabhamigam viddho bhavissati, tena maññe udānam udānetī”ti. Evam brāhmaṇassa rañño paripuṇḍabyañjanam udānam sutvā sumajjite ādāse mukham olokentassa chāyā viya raññā ca sarabhena ca katakāraṇam pākaṭam ahosi, so nakhaggena dvāram ākoṭesi. Rājā “ko eso”ti pucchi. Aham deva purohitoti. Athassa dvāram vivaritvā “ito ehācariyā”ti āha. So pavisitvā rājānam jayāpetvā ekamantam ṛhito “aham mahārāja tayā araññe katakāraṇam jānāmi, tvam ekam sarabhamigam anubandhanto narake patito, atha nam so sarabho silāya yoggam katvā narakato uddhari, so tvam tassa guṇam saritvā udānam udānesī”ti vatvā “**sarabham giriduggasmin**”ti-ādinā dve gāthā abhāsi.

Tattha **anusarīti** anubandhi. **Vikkantanti** uddharaṇatthāya kataparakkamam. **Anujīvasīti** upajīvasi, tassānubhāvena tayā jīvitam laddhanti attho. **Samuddharīti** uddharaṇam akāsi¹. **Silāya yoggam sarabho karitvāti** silāya sopānasadisāya narakato uddharaṇayoggatam karitvā. **Alīnacittanti** saṅkocam appattacittam. **Ta migam vadesīti** suvaṇṇasarabhamigam idha sirisayane nipanno vaṇṇesi. Tam sutvā rājā “ayam mayā saddhiṁ na migavam āgato, sabbañca pavattim jānāti, katham nu kho jānāti, pucchissāmi nan”ti cintetvā “**kim tvam nu tatthevā**”ti navamagāthamāha. Tattha **bhim̄sarūpanti** kim nu te ñāṇam balavajātikam, tenetam jānāsīti vadati. Brāhmaṇo “nāham sabbaññubuddho, byañjanam amakkhetvā tayā kathitagāthāya pana mayham attho upaṭṭhāti”ti dīpento “**na cevahan**”ti

1. Uttari (Ka)

dasamagāthamāha. Tattha **subhāsitānanti** byañjanam amakkhetvā suṭṭhu bhāsitānam. **Attham ta’dānentīti** yo tesam attho, tam ānenti upadhārentīti attho. Tadā purohito dhammasenāpati ahosi. Tenevāha “**atītepī**”ti-ādi. Sesam uttānatthameva.

Aññāsikonḍaññattheravatthu

Aññāsikonḍaññattherādayoti-ādīsu pana **yāthāvasarasaguṇavasenāti** yathāsabhāvaguṇavasena. Pabbajjāvasena paṭivedhavasena suciram sunipuṇam rattindivaparicchedajānanavasena ca rattaññutā veditabbāti tam dassento “**ṭhāpetvā hi sammāsambuddhan**”ti-ādimāha. **Pākaṭova hotīti** satipaññāvepullappattito pākaṭo vibhūto hoti. **Aññāsikonḍaññoti** sāvakesu sabbapaṭhamam cattāri ariyasaccāni nābhakoṇḍañño. **Sabbesupi etadaggesūti** sabbesupi etadaggasutttesu, sabbesu vā etadaggatthapanesu.

Dhurapattānīti pattānam pamukhabhūtāni bāhirapattāni. **Navutihatthānīti** majjhimapurisassa hatthena navutiratanāni. Padumeneva tam tam padesam uttarati atikkamatīti **padumuttaro**, bhagavā. **Gandhadāmamālādāmādīhīti** ādi-saddena pattadāmādīm saṅgaṇhāti. Tattha gandhadāmehi katamālā **gandhadāmām**. Lavaṅgatakkolajātipupphādīhi katamālā **mālādāmām**. Tamālapattādīhi katamālā **pattadāmām**. **Vaṅgapaṭṭeti** vaṅgadese uppānaghānasukhumavatthe. **Uttamasukhumavatthanti** kāsikavatthamāha.

Teparivatṭadhammadakkappavattanasuttantapariyosāneti etha “idam dukkham ariyasaccan”ti-ādinā saccavasena, “dukkham ariyasaccam pariññeyyan”ti-ādinā kiccavasena, “dukkham ariyasaccam pariññātan”ti-ādinā katavasena ca tīhi ākārehi parivatṭetvā catunnam saccānam desitattā tayo parivatṭā etassa athīti tiparivatṭam, tiparivatṭameva teparivatṭam, teparivatṭañca tam dhammadakkappavattanañcāti **teparivatṭadhammadakkappavattanām**, tadeva suttantam, tassa pariyośāneti attho.

Sāligabbham phāletvā ādāyāti sāligabbham phāletvā tattha labbhamānam sālikhīrasam ādāya. **Anucchavikanti** buddhānam anucchavikam khīrapāyasam pacāpema. Veṇiyo purisabhāvavasena bandhitvā

kalāpakaraṇe **kalāpaggam**. Khale kalāpānam ṭhapanadivase **khalaggam**. Madditvā vīhīnam rāsikaraṇadivase **khalabhaṇḍaggam**. Koṭthesu hi dhaññassa pakkipanadivase **kotṭhaggam**.

Dve gatiyoti dve eva nipphattiyo, dve niṭṭhāti attho. **Tasmin kumāre sabbaññutampatti** koṇḍaññamāṇavasseva laddhiyam ṭhatvā itarepi cha janā putte anusāsiṁsu. Bodhirukkhamūle pācīnapassam acalaṭṭhānam nāma, yam “vajirāsanān”tipi vuccati. Mahataṁ mahatiyo vahatīti “pācīnamukho”ti avatvā “pācīnalokadhātu-abhimukho”ti vuttam. Maṁsacakkhupi lokanāthassa appaṭighātarān mahāvisayañcāti. **Caturaṅgasamannāgatanti** “kāmaṁ taco ca nhāru ca, aṭṭhi ca avasissatū”ti-ādinā¹ vuttacaturaṅgasamannāgatam.

Idam pana sabbamevāti “kassa nu kho aham paṭhamam dhammam desessāmī”ti-ādinayappavattam² sabbameva. **Parivitakkamattameva** tathā atthasiddhiyā abhāvato. **Pupphitaphalitam** katvāti abhiññāpaṭisambhidāhi sabbapālipullam³, maggaphalehi sabbaso phalabhārabharitañca karonto pupphitam phalitam katvā. **Apakkamitukāmo hutvāti** dvepi aggasāvake attano nipaccakāram karonte disvā tesam guṇātirekataṁ⁴ bahu maññanto buddhānam santikā apakkamitukāmo hutvā. **Tatthevāti** Chaddantadahatīreyeva.

Sāriputta-moggallānattheravatthu

189-190. Dutiyatatiyesu **iddhimantānanti** ettha **manta-saddo** atisayatthavisayoti therassa atisayika-iddhitam dassetum “**iddhiyā sampannānan**”ti vuttam. Saha paṁsūhi kīliṁsūti **sahapāṁsukīlitā**. **Idhalokattabhāvamevāti** diṭṭhadhammika-attabhāvameva. **Soḷasa paññā paṭivijjhītvā** ṭhitoti majjhimanikāye **anupadasuttantadesanāya** “mahāpañño bhikkhave sāriputto, puthupañño bhikkhave sāriputto, hāsapañño bhikkhave sāriputto, javanapañño bhikkhave sāriputto, tikkhapañño bhikkhave sāriputto, nibbedhikapañño bhikkhave sāriputto”ti⁵

1. Ma 2. 146; Saṁ 1. 266, 464; Aṁ 1. 52; Khu 7. 379 piṭṭhesu.

2. Ma 1. 226; Ma 2. 294; Vi 3. 10 piṭṭhesu.

4. Guṇātirekataṁ (Ka)

3. Sabbaphālipullam (Sī, Ka)

5. Ma 3. 75 piṭṭhe.

evamāgatā mahāpaññādikā cha, tasmiṁyeva sutte āgatā navānupubbavīhārasamāpattipaññā, arahattamaggapaññātī¹ imā soḷasavidhā paññā paṭivijjhītvā sacchikatvā ṣhīto.

Pañhassakacchanti pañhassa pucchanavasena vissajjanavasena ca sākaccham karoti. **Athikehi upaññātam magganti** etam anubandhanassa kāraṇavacanam. Idam hi vuttam hoti—yamnūnāham imam bhikkhum piṭṭhito piṭṭhito anubandheyyam. Kasmā? Yasmā idam piṭṭhito piṭṭhito anubandhanam nāma atthikehi upaññātam maggam, nāto ceva upagato ca maggoti attho. Atha vā atthikehi amhehi maraṇe sati amatenapi bhavitabbanti evam kevalam atthīti upaññātam, anumānañāṇena upagantvā nātam nibbānam nāma atthi, tam magganto pariyesantoti evampettha attho daṭṭhabbo.

Nesam parisāyāti dvinnam aggasāvakānam parivārabhūtaparisāya. Dve aggasāvake ti sāriputtamoggallāne dve mahānubhāve sāvake. **Thānantareti** aggasāvakattasaññite ṣhānantare ṣhapesi. Kasmā panettha “aggasāvake”ti avatvā “mahāsāvake”ti vuttam. Yadi aññepi mahātherā abhiññātādiguṇavisesayogena “mahāsāvaka”ti vattabbattam labhanti, imeyeva pana sāvakesu anaññasādhāraṇabhbūtā visesato “mahāsāvaka”ti vattabbāti dassanattham “**dvepi mahāsāvake**”ti vuttam.

Mahākassapatheravatthu

191. Catutthe yasmā dhutavādadhutadhammadhutaṅgāni dhutamūlakāni, tasmā “**dhuto veditabbo**”ti āraddham, tattha kilese dhuni dhutavāti **dhuto**, dhutakilesu puggalo, kilesadhunano vā dhammo, **kilesadhunano dhammoti** ca sapubbabhāgo ariyamaggo daṭṭhabbo. Tam dhutasaññitam kilesadhunanadhammam vadati, pare tattha patiṭṭhāpetīti **dhutavādo**. Catukkañcettha sambhavatīti tam dassetum “**ettha panā**”ti-ādi āraddham. **Tayidanti** nipāto, tassa so ayanti attho. Dhutabhūtassa dhutabhūtā dhammā **dhutadhammā**. **Appicchatā santuṭṭhitā** heṭṭhā vuttā

1. Ma 3. 75 piṭhe.

eva. Kilese sammā likhati tacchatīti sallekho, kilesajegucchī, tassa bhāvo **sallekhatā**. Dvīhipi kāmehi viviccatīti paviveko, yonisomanasikārabahulo puggalo, tassa bhāvo **pavivekatā**. Iminā sarīratīthapanamattena athīti idamaṭṭhi ttha-kārassa tṭha-kāram katvā, tassa bhāvo **idamatṭhitā**, imehi vā kusaladhammehi atthi idamaṭṭhi, yena nāñena “pabbajitena nāma pāmsukūlikāṅgādīsu patiṭṭhitena bhavitabban”ti yathānusītītham dhutaguṇe samādiyati ceva pariharati ca, tam nāñam **idamatṭhitā**. Tenāha “**idamatṭhitā nāñamevā**”ti. **Dhutadhammā nāmāti** dhutaṅgasevanāya paṭipakkhabhūtānam pāpadhammānam dhunananavasena pavattiyā dhutoti laddhanāmāya dhutaṅgacetanāya upakārakā dhammāti katvā dhutadhammā nāma. **Anupatantīti** tadantogadhā tappariyāpannā honti tadubhayasseva pavattivisesabhāvato. **Paṭikkhepavatthūsūti** dhutaṅgasevanāya paṭikkhipitabbavatthūsu pahātabbavatthūsu.

Pāmsukūlikāṅgam -pa- nesajjikaṅganti uddesopi peyyālanayena dassito. Yadeththa vattabbam, tam sabbam **visuddhimagge**¹ vitthārato vuttam. Dhutavādaggahañeneva therassa dhutabhāvopi gahito hotīti “**dhutavādānan**”teva vuttam. **Ayam mahāti** abhinīhārādimahantatāyapi sāsanassa upakāritāyapi ayam thero mahā, guṇamahantatāya pasāmsāvacanameva vā etam therassa yadidam mahākassapoti yathā “mahāmoggallāno”ti.

Satthu dhammaddesanāya vatthuttaye sañjātappasādatāya upāsakabhāve ṭhitattā vuttam “**uposathaṅgāni adhiṭṭhāyā**”ti-ādi. Etassa aggabhāvassāti yojetabbam. **Saccakāroti** saccabhāvāvaho kāro, avisarīvādanavasena vā tadaṭhasādhanoti attho. **Kolāhalanti** kutūhalavippahāro. Satthā sattame sattame saṁvacchare dhammarām kathento sattānam savanayoggam kālam sallakkhento divā sāyanhasamayam katheti, ratthiyam sakalayāmam. Tenāha “**brāhmaṇo brāhmaṇe āha ‘bhoti kiṁ ratthim dhammarām suṇissasi, divā’ti**”. **Vissāsikoti** vissāsikabhāvo. “Tato paṭṭhāya so”ti vā pāṭho.

1. Visuddhi 1. 57 piṭṭhe.

Dve asaṅkhyeyyāni pūritapāramissāti idam sā paramparāya sotapatitam attham gahetvā āha. **Adinnavipākassāti** avipakkavipākassa. **Bhaddake kāleti** yutte kāle. **Nakkhattanti** nakkhattena lakkhitam chaṇam. Tasmiṁ tasmīṁ hi nakkhatte anubhavitabbachaṇāni nakkhattāni nāma, itarāni pana chaṇāni nāma. Sammāpatitadukkhato vimocanena tato niyyānāvahatāya icchitatthassa labhāpanato ca **niyyānikam**. **Tesanti** suvaṇṇapadumānam. **Olambakāti** suvaṇṇaratanavittā ratanadāmā. **Puññaniyāmenāti** puññānubhāvasiddhena niyāmena. Svassa bārāṇasirajjam dātum katokāso. **Phussarathanti** maṅgalaratham. Setacchatta- uṇhīsavālabījanikhaggamaṇipādukāni **pañcavidham rājakakudhabhaṇḍanti** vadanti. Idha pana setacchattam visum gahitanti sīhāsanam pañcamam katvā vadanti. **Pārupanakaṇṇanti** pārupanavatthassa dasantam. Dibbavatthadāyipuññānubhāvacodito “**nanu tātā thūlan**”ti āha. **Aho tapassīti** aho kapaṇo aham rājati attho. **Buddhānam saddahitvāti** buddhānam sāsanam saddahitvā. **Caṅkamanasatānīti** iti-saddo ādyattho. Tena hi aggisālādīni pabbajitasāruppāni ṭhānāni saṅgaṇhāti.

Sādhukīlitanti ariyānam parinibbutaṭṭhāne kātabbasakkāram vadati. **Nappamajji, nirogā ayyāti** pucchitākāradassanam. **Parinibbutā devāti** devī paṭivacanam adāsi. **Paṭiyādetvāti** niyyātētvā. **Samaṇakapabbajjanti** samitapāpehi ariyehi anuṭṭhātabbapabbajjam. So hi rājā paccekabuddhānam vesassa ditthattā “idameva bhaddakan”ti tādisamyeva liṅgam gaṇhi. **Tatthevāti** brahma-loke eva. Vīsatime vasse sampatteti āharitvā sambandho. Brahma-lokato cavitvā nibbattattā, brahmacariyādhikārassa ca cirakālasambhūttattā “**evarūpam katham mā kathethā**”ti āha. Vīsatī dharaṇāni **nikkhanti** vadanti, pañcapalam **nikkhanti** apare. **Itthākaroti** itthiratanassa uppattiṭṭhānam. **Ayyadhītāti** amhākam ayyassa dhītā, bhaddakāpilānīti attho. **Samānapaṇṇanti** sadisapaṇṇam sadisalekham kumārassa kumārikāya ca yuttaṁ paṇṇalekham. Te purisā samāgataṭṭhānato magadharatthe mahātitthagāmam maddaratthe sāgalanagarañca uddissa apakkamantā aññamaññam vissajjantā nāma hontīti “**ito ca etto ca pesesun**”ti vuttā.

Pupphadāmanti hatthihatthappamānam pupphadāmam. **Tānīti tāni** ubho hi ganthāpītāni dve pupphadāmāni. **Teti** ubho bhaddā ceva pippalikumāro

ca. **Lokāmisena**ti kāmassādena. **Asaṁsaṭṭhāti** na samyuttā ghaṭe jalantena viya padīpena ajjhāsaye samujjalantena vimokkhabījena samussāhitacittattā. **Yantabaddhānīti** sassasampādanattham tattha tattha dvārakavāṭayojanavasena baddhāni nikhamanatumbāni. **Kammantoti** kasikammakaraṇaṭhānam. **Dāsikagāmāti** dāsānam vasanagāmā. **Osāretvāti** pakkhipitvā. **Ākappakuttavasenāti** ākāravasena kiriyāvasena.

Ananucchavikanti pabbajitabhāvassa ananurūpam. **Tassa matthaketi** dvedhāpathassa Dvidhābhūtaṭhāne. Etesam saṅgaham kātum vāṭatīti nisīdatīti sambandho. Sā pana tattha satthu nisajjā edisīti dassetum “**nisīdanto panā**”ti-ādi vuttam. Tattha yā buddhānam aparimitakālasambhūtācinteyyāpariññeyyapuññasambhārūpacayanibbattā rūpappabhāvabuddhaguṇavijjotītā dvattiṁsamahāpurisalakkhaṇa-asīti-anubyañjanasamujjalitā byāmappabhāketumālālañkatā sabhāvasiddhitāya akittimā rūpakāyasirī, tamyeva mahākassapassa adiṭṭhapubbappasādasāmvaddhanattham aniggūhitvā nisinno bhagavā “**buddhavesam gahetvā -pa- nisīdī**”ti vutto. Asītihatthappadesam byāpetvā pavattiyā **asītihatthāti** vuttā. **Satasākhōti** bahusākho anekasākho.

Suvannavaṇṇova ahosi nirantaram buddharasmīhi samantato samokiṇṇabhbhāvato.

Tīsu ṭhānesūti dūrato nātidūre āsanneti tīsu ṭhānesu. **Tīhi ovādehīti** “tasmātiha te cassapa evam sikkhitabbam ‘tibbam me hirottappam paccupaṭṭhitam bhavissati theresu navesu majjhimesū’ti, evam hi te cassapa sikkhitabbam. Tasmā tiha te cassapa evam sikkhitabbam ‘yam kiñci dhammam suṇissāmi kusalūpasamihitam, sabbam tam atṭhim katvā manasi karitvā sabbam cetasā samannāharitvā ohitasoto dhammam suṇissāmī’ti, evam hi te cassapa sikkhitabbam. Tasmātiha te cassapa evam sikkhitabbam ‘sātasahagatā ca me kāyagatāsatī na vijahissatī’ti, evam hi te cassapa sikkhitabban”ti¹ imehi tīhi ovādehi. Ettha hi bhagavā paṭhamam ovādam therassa brāhmaṇajātikattā jātimānappahānatthamabhāsi, dutiyam bāhusaccam nissāya uppajjanaka-ahaṁkārapappahānattham, tatiyam upadhisampattim nissāya

1. Sam 1. 420 piṭṭhe.

upajjanaka-attasinehappahānattham. **Mudukā** kho tyāyanti mudukā kho te ayam. Kasmā pana bhagavā evamāha? Therena saha cīvaram parivattetukāmatāya. Kasmā parivattetukāmo jātoti? Theram attano thāne thapetukāmatāya. Kim sāriputtamoggallānā natthiti? Atthi, evam panassa ahosi “ime na ciram thassanti, kassapo pana vīsativassasatāyuko, so mayi parinibbute sattapaññiguhāyam vasitvā dhammadvinayasaṅgham katvā mama sāsanam pañcavassasahassaparimāṇakālappavattanakam karissatīti attano thāne thapesi. Evam bhikkhū kassapassa sussūsitabbam maññissantī”ti. Tasmā evamāha.

Candūpamoti candasadiso hutvā. Kim parimaṇḍalatāya? No, apica kho yathā cando gaganatalam pakkhandamāno na kenaci saddhim santhavam vā sineham vā ālayam vā karoti, na ca na hoti mahājanassa piyo manāpo, ayampi evam kenaci saddhim santhavādīnam akaraṇena bahujanassa piyo manāpo candūpamo hutvā khattiyakulādīni cattāri kulāni upasaṅkamatīti attho. **Apakasseva kāyam apakassa cittanti** teneva santhavādīnam akaraṇena kāyañca cittañca apakaḍḍhitvā, apanetvāti attho. **Niccam navoti** niccanavakova, āgantukasadiso hutvāti attho. Āgantuko hi paṭipāṭiyā samattageham pavisitvā sace nam gharasāmikā disvā “amhākampi puttahātaro vippavāsam gantvā evam vicarimśū”ti anukampamānā nisidāpetvā bhojenti, bhuttamattoyeva “tumhākam bhājanam gaṇhathā”ti utthāya pakkamati, na tehi saddhim santhavam vā karoti, kiccakaraṇīyāni vā samvidahati, evamayampi paṭipāṭiyā sampattam gham pavisitvā yam iriyāpathe pasannā manussā denti, tam gahetvā chinnasanthavo tesam kiccakaraṇīye abyāvaṭo hutvā nikhamatīti dīpeti.

Appagabbhoti¹ nappagabbho, aṭṭhaṭṭhānenā kāyapāgabbhiyena, catuṭṭhānenā vacīpāgabbhiyena, anekaṭṭhānenā manopāgabbhiyena ca virahitoti attho. Aṭṭhaṭṭhānam kāyapāgabbhiyam nāma saṅghagaṇapuggalabhojanasālajantāgharanahānatthabhikkhācāramaggesu antaraghārapavesane ca kāyena appatirūpakaraṇam. Catuṭṭhānam vacīpāgabbhiyam nāma saṅghagaṇapuggala-antaragharesu appatirūpavācānicchāraṇam. Anekaṭṭhānam manopāgabbhiyam nāma tesu

1. Appagabboti (Sī)

tesu ṭhānesu kāyavācāhi ajjhācāram anāpajjivāpi manasā kāmavitakkādīnām vitakkanām. Sabbesampi imesām pāgabbhiyānam abhāvena appagabbho hutvā kulāni upasaṅkamatī attho. Kassapasaṁyuttena ca candūpamappaṭipadāditherassa dhutavādesu aggabhāvassa bodhitattā vuttam “etadeva kassapasaṁyuttam aṭṭhuppattiṁ katvā”ti.

Anuruddhattheravatthu

192. Pañcame **bhojenapapañcamattanti** gocaragāme piṇḍāya caraṇāhāraparibhogasaññitam bhojanapapañcamattam. **Dīparukkhānanti** lohadantakaṭṭhamayānam mahantānam dīparukkhānam. Lohamayesupi hi tesu dīpādhāresu dīparukkhakāti ruḷhiresā daṭṭhabbā. Olambakadīpamaṇḍaladīpasañcaraṇadīpādikā **sesadīpā**.

Anupariyāyi padakkhiṇakaraṇavasena. **Aham tenāti**¹ yena tuyham attho, aham tena padhāremi, tasmā tam āharāpetvā gaṇhāti attho. **Suvanṇapātiyamyevassa bhattam uppajjīti** devatānubhāvena uppajji, na kiñci pacanakiccam atthi. **Satta mahāpurisavitakke vitakkesīti** “appicchassāyām dhammo, nāyām dhammo mahicchassā”ti-ādike² satta mahāpurisavitakke vitakkesi. **Aṭṭhameti** “nippapañcārāmassāyām dhammo, nāyām dhammo papañcārāmassā”ti² etasmim purisavitakke.

Mama saṅkappamaññāyāti “appicchassāyām dhammo, nāyām dhammo mahicchassā”ti² ādinā mahāpurisavitakkavasena āraddhamattam³ matthakam pāpetum asamatthabhāvena ṭhitam mama saṅkappañ jānitvā. **Manomayenāti** manomayena viya manasā nimmitasadisena, pariṇāmitenāti attho. **Iddhiyāti** “ayām kāyo idam cittam viya hotū”ti evam pavattāya adhiṭṭhānidddhiyā.

Yadā me ahu saṅkappoti yasmiñ kāle mayham “kīdiso nu kho aṭṭhamo mahāpurisavitakko”ti parivitakko ahosi, yadā me ahu saṅkappo, tato mama saṅkappamaññāya iddhiyā upasaṅkami, uttari desayīti yojanā. **Uttari desayīti** “nippapañcārāmassāyām dhammo

1. Aṭṭhakathāyām nu dissati.

2. Dī 3. 249, 250; Am 3. 65 piṭhesu.

3. Āraddhamatham (?)

nippapañcaratino, nāyam dhammo papañcārāmassa papañcaratino”ti¹ imam
atīhamam mahāpurisavitakkam pūrente upari desayi. Tam pana desitam
dassento āha “nippapañcarato buddho, nippapañcamadesayī”ti, papañcā
nāma rāgādayo kilesā, tesam vūpasamanatāya tadabhāvato ca
lokuttaradhammā nippapañcā nāma. Yathā tam pāpuṇāti, tathā dhammarā
desesi, sāmukkāmsikam catusaccadesanam adesayīti attho.

Tassāham dhammadamaññāyāti tassa satthu desanādhammam jānitvā.
Vihāsinti yathānusītīham paṭipajjanto viharim. **Sāsane ratoti**
 sikkhattayasaṅgahe sāsane abhirato. **Tisso vijjā anuppattāti**
 pubbenivāsañānam dibbacakkhuñānam āsavakkayañānanti imā tisso vijjā
 mayā anuppattā sacchikatā. Tato **eva katam buddhassa sāsanam**, anusītīhi
 ovādo anūtthitoti attho.

Bhaddiyattheravatthu

193. Chatthe ucca-saddena samānattho uccā-saddoti āha
 “uccākulikānanti ucce kule jātānan”ti. **Kālī sā devīti** kālavāṇṇatāya kālī sā
 devī. Kulānukkamena rajjānuppatti mahākulinassevāti vuttam “soyeva cā”ti-
 ādi.

Lakuṇḍakabhaddiyattheravatthu

194. Sattame **rittakoti** deyyavatthurahito. **Guṇe āvajjetvāti** bhagavato
 rūpaguṇe ceva ākappasampadādiguṇe ca attano adhippāyam ñatvā
 ambapakkassa paṭiggahaṇam paribhuñjananti evamādike yathā-upaṭṭhitē
 guṇe āvajjetvā.

Piṇḍolabhbāradvājattheravatthu

195. Atīhame atītanādabhāvena sīhassa viya nādo sīhanādo, so etesam
 atthīti sīhanādikā, tesam **sīhanādikānam**. Garahitabbapasāmsitabbadhamme
 yāthāvato jānantasseva garahā

1. Dī 3. 249, 250; Am 3. 65 piṭhesu.

pasamsā ca yuttarūpāti āha “**buddhā ca nāmā**”ti-ādi. **Khīṇājatīti-ādīhi** paccavekkhaṇāñāṇassa bhūmim dasseti. Tena hi nāṇena ariyasāvako paccavekkhanto “khīṇā jāti”ti-ādīm pajānāti. Katamā panassa jāti khīṇā, kathañca pajānātīti? Na tāvassa atītā khīṇā pubbeva khīṇattā, na anāgatā anāgate vāyāmābhāvato, na paccuppannā vijjamānattā. Yā pana maggassa abhāvitattā uppajjeyya ekacatupañcavokārabhavesu ekacatupañcakkhandhappabhedā jāti, sā maggassa bhāvitattā anuppādadhammatām āpajjanena khīṇā. Tam so maggabhāvanāya pahīnakilese paccavekkhitvā “kilesābhāve vijjamānampi kammam āyatim appaṭisandhikam hotī”ti jānanto pajānāti.

Vusitanti vuṭṭham parivuṭṭham, katam caritam niṭṭhitanti attho. Brahmacariyanti maggabrahmacariyam. Puthujjanakalyāñakena hi saddhim satta sekkhā maggabrahmacariyam vasanti nāma, khīṇāsavo vuṭṭhavāso. Tasmā ariyasāvako attano brahmacariyavāsam paccavekkhanto vusitam brahmacariyan”ti pajānāti. **Katam karaṇīyanti** catūsu saccesu catūhi maggehi pariññāpahānasacchikiriyābhāvanābhisa mayavasena solasavidham kiccam niṭṭhāpitanti attho. Puthujjanakalyāñakādayo hi tam kiccam karonti, khīṇāsavo katakaraṇīyo. Tasmā ariyasāvako attano karapīyam paccavekkhanto “kataṁ karaṇīyan”ti pajānāti. **Nāparam itthattāyāti** idāni puna itthabhāvāya evam̄ solasavidhakiccabbhāvāya, kilesakkhayāya vā maggabhāvanāya kiccam me natthīti pajānāti. Atha vā **itthattāyāti** itthabhāvato imasmā evampakārā idāni vattamānakkhandhasantānā aparam khandhasantānam mayham natthi, ime pana pañcakkhandhā pariññatā tiṭṭhanti chinnamūlakā rukkhā viya, te carimakaviññāṇanirodhena anupādāno viya jātavedo nibbāyissantīti pajānāti.

Mantāṇīputta-puṇṇattheravatthu

196. Navame aṭṭharasasupi vijjāṭṭhānesu nipphattim gatattā “**sabbasippesu kovido hutvā**”ti vuttam. Abhidayā-abbhaññāvahasseva¹ dhammassa tattha upalabbhanato “**mokkhadhammam adisvā**”ti² vuttam. Tenāha “**idam vedattayam**

1. Abbhudaya-abbhaññāvahasseva (?)

2. Mokkhadhammam givesanto adisvāti (Sī, Ka)

nāmā"ti-ādi. Tathā hi anena duggatiparimuccanampi dullabham, abhiññāparivārānam atṭhannam samāpattinam lābhitāya sayam ekadesena upasanto paramukkamsagatam uttamadamathasamatham anaññasādhāraṇam bhagavantam sambhāvento "**ayam puriso**"ti-ādimāha. **Piṭakāni gahetvā** āgacchantīti phalabhājanāni gahetvā assāmikāya¹ āgacchanti. **Buddhānanti** gāravavasena bahuvacananiddeso kato. **Paribhuñjīti** devatāhi pakkhittadibbojam vanamūlaphalāphalam paribhuñji. Patte patiṭṭhāpitasamanantarameva hi devatā tattha dibbojam pakkhipiṁsu. **Sammasitvāti** paccavekkhitvā, parivattetvāti ca vadanti. **Arahattam** pāpuṇiṁsūti mahādevatherassa anumodanakathāya anupubbikathāsakkhikāya suvisodhitacittasantānā arahattam pāpuṇiṁsu.

Dasahi kathāvatthūhīti appicchakathā santuṭṭhikathā pavivekakathā asaṁsaggakathā vīriyārambhakathā sīlasampadākathā samādhisampadākathā paññāsampadākathā vimuttisampadākathā vimuttiñāṇadassanasampadākathāti imehi dasahi kathāvatthūhi. **Jātibhūmiratṭhavāsinoti** jātibhūmivantadesavāsino, satthu jātadesavāsino attho. **Sīsānulokikoti** purato gacchantassa sīsam anu anu passanto. **Okāsam** sallakkhetvāti sākacchāya avasaram sallakkhetvā. **Sattavisuddhikkamam** pucchi² "kim nu kho āvuso sīlavisuddhattham bhagavati brahmacariyam vussatī"ti-ādinā² satta visuddhiyo pucchi. **Dhammadhikānam** aggatṭhāne ṭhapesi savisesena dasakathāvatthulābhītāya.

Mahākaccānattheravatthu

197. Dasame saṅkhittena kathitadhammassāti

madhupiṇḍikasuttantadesanāsu viya saṅkhepena desitadhammassa. **Tam** desanam vitthāretvāti tam saṅkhepadesanam āyatanādivasena vitthāretvā. **Attham vibhajamānānantī** tassā saṅkhepadesanāya attham vibhajitvā kathentānam. **Atthavasena vāti** "ettakā etassa atthā"ti atthavasena vā desanam pūretum sakkonti. **Byañjanavasena vāti** "ettakāni ettha byañjanāni desanāvasena vattabbānī"ti byañjanavasena vā pūretum sakkonti. **Ayam pana mahākaccānatthero ubhayavasenapi** sakkoti tassa saṅkhepena uddiṭṭhassa vitthārena satthu

1. Assamam (Sī)

2. Ma 1. 201 piṭṭhe.

ajjhāsayānurūpam desanato, kasmā tattha aggoti vutto. **Vuttanayenevāti** “pātova subhojanam bhuñjitvā uposathaṅgāni adhiṭṭhāyā”ti-ādinā heṭṭhā vuttanayeneva. **Aññehīti**¹ aññāsam itthīnam kesehi ativiya dīghā. Na kevalañca dīghā eva, atha kho siniddhanīlamudukañcikā ca. **Nikkesīti** appakesī yathā “anudarā kaññā”ti.

Pañiyanti vikketabbabhaṇḍam. **Āvajjetvāti** upanissayam kesānam pakatibhāvāpattim ca āvajjetvā. **Gāravenāti** munḍasīsāpi there gāravena ekavacaneneva ḍagantvā. **Nimantetvāti** svātanāya nimantetvā. **Imissā itthiyāti** yathāvuttaseṭṭhidhītaramāha. **Dīṭṭhadhammikovāti** avadhāraṇam atṭhānapayuttam, dīṭṭhadhammiko yasapaṭilābhova ahosīti attho. **Yasapatilābhōti** ca bhavasampattipaṭilābho. Sattasu hi javanacetanāsu paṭhamā dīṭṭhadhammavedanīyaphalā, pacchimā upapajjavedanīyaphalā, majjhe pañca aparāpariyavedanīyaphalā, tasmā paṭhamam ekaṁ cetanam ṭhapetvā sesā yathāsakam paripuṇṇaphaladāyino honti, paṭhamacetanāya pana dīṭṭhadhammiko yasapaṭilābhova ahosi.

Paṭhamavaggavaṇṇanā niṭṭhitā.

2. Dutiyavaggavaṇṇanā

Cūḷapanthakattheravatthu

198-200. Dutiyassa paṭhame **manena nibbattitanti** abhiññāmanena uppāditam. **Manena katakāyoti** abhiññācittena desantaram pattakāyo. **Manena nibbattitakāyoti** abhiññāmanasā nimmitakāyo “aññam kāyam abhinimminati”ti-ādīsu² viya. **Ekasadiseyevāti** attasadiseyeva. **Ekavidhamevāti** attanā katappakārameva. Etapparamo hi yebhuyyena sāvakānam iddhinimmānavidhi. **Aggo nāma jāto** ekadesena satthu iddhinimmānānuvidhānato.

1. Aññāhīti (Aṭṭhakathāyam)

2. Dī 1. 73; Khu 9. 389 piṭṭhesu.

Lābhītāyāti ettha lābhīti īkāro atisayattho. Tena therassa catunnam rūpāvacarajjhānānam atisayena savisesalābhitam dasseti.

Arūpāvacarajjhānānam lābhītāyāti etthāpi eseva nayo. Na kevalañcetā cetosaññāvivat̄takusalatā rūpārūpajjhānalābhitāya eva, atha kho imehipi kārañehīti dassetum “**cūlapanthako cā**”ti-ādi **vuttam**. Cetoti cettha cittasīsena samādhi vutto, tasmā cetaso samādhissa vivat̄tanam cetovivat̄to, ekasmimyevārammañe samādhicittam vivat̄tetvā het̄himassa het̄himassa uparūpari hāpanato rūpāvacarajjhānalābhī **cetovivat̄takusalo nāma**. “Sabbaso rūpasaññānan”ti-ādinā¹ vuttasaññā atikkamitvā

“ākāsañāñcāyatanasaññāsaññāsahagatañ -pa-neva saññānāsaññāyatanasaññāsaññāsahagatan”ti¹ saññāsīsena vuttajjhānānam vivat̄takusalo, tathā itthipurisādisaññā niccasaññādito cittam vivat̄tetvā kevale rūpārūpadhammadmatte asañkhate nibbāne ca visesato vaññanato ca suññatānupassanābahulo **saññāvivat̄takusalo**. **Samādhikusalatāya** cetovivat̄takusalatā tabbahulavihāritāya. Tathā **vipassanākusalatāya** saññāvivat̄takusalatā. **Ekoti** cūlapanthakattheram vadati. **Samādhilakkhañeti** savitakkasavicārādisamādhisabhāve. Puna **ekoti** mahāpanthakattheramāha. **Vipassanālakkhañeti** satta-anupassanā-
at̄thārasamahāvipassanādivipassanāsabhāve. **Samādhigālhoti** samādhismim ogālhacitto subhāvitabhāvanañā. **Aṅgasamākhitteti** caturaṅgikativaṅgikādivasena jhānaṅgānam sañkhipane.

Ārammañasamākhitteti kasinugghātimākāsādinibbattanena kasinādi-ārammañānam samākhipane. **Aṅgavavatthāpaneti** vitakkādīnam jhānaṅgānam vavatthāpane. **Ārammañavavatthāpaneti** pathavikasiñādijjhānārammañānam vavatthāpane.

Jhānaṅgehīti rūpāvacarajjhānaṅgehi, jhānaṅgāneva jhānam. Puna **jhānaṅgehīti** arūpāvacarajjhānaṅgehi. **Bhātāti** jet̄habhbātā. **Assāti** kuṭumbiyassa. **Suvanṇapūjanti** sovaṇṇamayam pupphapūjām katvā. **Devapureti** tāvatimśabhadvane Sudassanamahānagare. **Aggadvārenāti** tasmin divase aggam sabbapaññhamām vivañena nagaradvārena nikkhamitvā.

1. Abhi 1. 68 piññhe.

Kokanadanti padumavisesanam yathā “kokāsakan”ti. Tam kira bahupattam vaṇṇasampannam atisugandhañca hoti. “Kokanadam nāma setapaduman”tipi vadanti. **Pātoti** pageva. Ayaṁ hettha attho—yathā kokanadasaṅkhātam padumam pāto sūriyuggamanavelāyam phullam vikasitam avītagandham siyā virocamañnam, evam sarīragandhena guṇagandhena ca sugandham saradakāle antalikkhe ādiccamiva attano tejasā tapantam aṅgehi niccharaṇakajutiyā aṅgīrasam sammāsambuddham passāti.

Cūlapanthako kira kassapasammāsambuddhakāle pabbajitvā paññavā hutvā aññatarassa dandhabhikkhuno uddesagahaṇakāle parihāsakejim akāsi. So bhikkhu tena parihāsena lajjiito neva uddesam gaṇhi, na sajjhāyamakāsi. Tena kammenāyam pabbajitvāva dandho jāto, tasmā gahitagahitapadam upari-uparipadam gaṇhantassa nassati. **Iddhiyā abhisāṅkharityā suddham coḷakhaṇḍam adāsīti** tassa pubbahetuṁ disvā tadanurūpe kammaṭṭhāne niyojento suddham coḷakhaṇḍam adāsi. So kira pubbe rājā hutvā nagaram padakkhiṇam karonto nalāṭato sede mucante parisuddhena sāṭakena nalāṭam puñchi, sāṭako kiliṭṭho ahosi. So “imam sarīram nissāya evarūpo parisuddhasāṭako pakatim jahitvā kiliṭṭho jāto, aniccā vata saṅkhārā”ti aniccasaññam paṭilabhi. Tena kāraṇenassa rajoharaṇameva paccayo jāto.

Lomānīti coḷakhaṇḍatantagata-amsuke vadati. **Kiliṭṭhadhātukānīti** kiliṭṭhasabhāvāni. **Evaṅgatikamevāti** idam cittampi bhavaṅgavasena pakatiyā paṇḍaram parisuddham rāgādisampayuttadhammadavasena samkiliṭṭham jātanti dasseti. **Nakkhattam samānetvāti** nakkhattam samannāharityā, āvajjetvāti attho. **Bilārassatthāyāti** bilārassa gocaratthāya. **Jalapathakammikenāti** samuddakammikena. **Cārinti** khāditabbatiṇam. **Saccakāranti** saccabhāvāvaham kāram, “attannā gahite bhaṇḍe aññesam na dātabban”ti vatvā dātabbalāñjanti vuttam hoti. **Tatiyena paṭihārenāti** tatiyena sāsanena. **Pattikā hutvāti** sāmino hutvā.

Appakenapīti thokenapi parittenapi. **Medhāvīti** paññavā. **Pābhattenāti** bhaṇḍamūlena. **Vicakkhaṇoti** voḥārakusalo. **Samuṭṭhāpeti** attānanti mahantam dhanam yasañca uppādetvā tattha attānam saṇṭhapeti

patiṭṭhāpeti. Yathā kim? **Aṇum aggimva sandhamām**, yathā pañdito puriso parittakam aggiṁ anukkamena gomayacuṇṇādīni pakkhipitvā mukhavātena dhamento samuṭṭhāpeti vaḍḍheti, mahantam aggikkhandham karoti, evameva pañdito thokampi pābhataṁ labhitvā nānā-upāyehi payojetvā dhanañca yasañca vaḍḍheti, vaḍḍhetvā puna tattha attānam patiṭṭhāpeti. Tāya eva vā pana dhanassa mahantatāya attānam samuṭṭhāpeti, abhiññātām pākaṭam karotīti attho.

Subhūtittheravatthu

201-202. Tatiye raṇāti hi rāgādayo kilesā vuccantī “saraṇā dhammā”ti-ādīsu¹ rāgādayo kilesā “raṇā”ti vuccanti. Raṇanti etehīti **raṇā**. Yehi abhibhūtā sattā nānappakārena kandanti paridevanti, tasmā te rāgādayo “raṇā”ti vuttā. **Desitaniyāmato anokkamitvāti** desitānokkamanato anupagantvā deseti, satthārā desitaniyāmeneva anodissakam katvā dhammarām desetīti vuttam hoti. **Evanti** evam mettājhānato vuṭṭhāya bhikkhāgahaṇe sati. **Bhikkhādāyakānām mahapphalam bhavissatīti** idam Cūlačcharāsaṅghātasuttena² dīpetabbaṁ. Accharāsaṅghātamattampi hi kālam mettacittam āsevantassa bhikkhuno dinnadānām mahapphalam hoti mahānisamsam, tena ca so amogham rāṭṭhapinḍam bhuñjatīti ayamattho tattha āgatoyeva. **Nimittam gaṇhitvāti** ākāram sallakkhetvā.

Khadiravaniyarevatattheravatthu

203. Pañcame vanasabhāgati sabhāgam vanam, **sabhāganti** ca sappāyanti attho. Yam hi pakativiruddham byādhiviruddhañca na hoti, tam “sabhāgan”ti vuccati. **Udakasabhāganti-ādīsupi** imināva nayena attho veditabbo. **Kalyāṇakammāyūhanakkhaṇoti** kalyāṇakammūpacayassa okāso. **Tiṇṇam bhātikānanti** upatisso cundo upasenoti imesam tiṇṇam jetṭhabhātikānam. **Tissannañca bhaginīnanti** cālā upacālā sīsupacālāti imesam tissannam jetṭhabhaginīnam. Ettha ca sāriputtathero sayam

1. Abhi 1. 13 piṭṭhe.

2. Aṁ 1. 9 piṭṭhe.

pabbajitvā cālā upacālā sīsupacālāti tisso bhaginiyo, cundo upasenoti ime bhātaro pabbājesi, revatakumāro ekova gehe avasissati. Tena vuttam “amhākam -pa- pabbājentī”ti. **Mahallakatarāti** vuddhatarā. Idañca kumārikāya cirajīvitam abhikañkhamānā āharīsu. Sā kira tassa ayyikā vīsativassasatikā khaṇḍadantā palitakesā valittacā tilakāhatagattā gopānasivañkā ahosi. **Pidhāvanikanti** vidhāvanakīlikam. **Tissannam** sampattīnanti anussavavasena manussadevamokkhasampattiyo sandhāya vadati, manussadevabrahmasampattiyo vā. **Sīvalissa puññam** vīmañssissāmāti “sīvalinā katapuññassa vipākadānaṭṭhānamidan”ti ñatvā evamāha. **Sabhāgaṭṭhānanti** samañ desari.

Tam bhūmirāmaṇeyyakanti kiñcapi arahanto gāmante kāyavivekam na labhanti, cittavivekam pana labhanteva. Tesam hi dibbappaṭibhāgānipi ārammaṇāni cittam cāletum na sakkonti, tasmā gāmo vā hotu araññādīnam vā aññataram, yattha arahanto viharanti, tam bhūmirāmaṇeyyakam, so bhūmippadeso ramañīyo evāti attho.

Kañkhārevatatheravatthu

204. Chatthe **akappiyō** āvuso guļoti ekadivasam therō antarāmagge guļakaraṇam okkamitvā guļe piṭṭhampi chārikampi pakkhitte disvāna “akappiyō guļo, sāmiso na kappati guļo vikāle paribhuñjitun”ti kukkuccāyanto evamāha. **Akappiyā muggāti** ekadivasam antarāmagge vacce muggam jātam disvā “akappiyā muggā, pakkāpi muggā jāyantī”ti kukkuccāyanto evamāha. Sesamettha sabbam uttānameva.

Soṇakolivisatheravatthu

205. Sattame **hāpetabbameva** ahosi accāraddhvīriyattā. **Udakena samupabyūlheti** udakena thalam ussāretvā tattha tattha rāsikate. **Haritūpalittāyāti** gomayaparibhaṇḍakatāya. **Tividhena udakena posentīti** khīrodakam gandhadakam kevalodakanti evam tividhena udakena posenti paripālenti. **Parissāvetvāti** parisodhetvā gahite taṇḍuleti yojetabbam. **Devo maññeti** devo

viya. **Vīṇovādenāti** “tam kiṁ maññasi soṇa yadā te vīṇāya tantiyo accāyatā honti, api nu te vīṇā tasmiṁ samaye saravatī vā hoti kammaññā vāti. No hetam bhanteti. Evameva kho soṇa accāraddhvīriyam uddhaccāya saṁvattati, atisithilavīriyam kosajjāya saṁvattati. Tasmātiha tvam soṇa vīriyasadamatā adhitthaha, indriyānañca samatā paṭivijjhā”ti¹ evam vīṇam upamam katvā pavattitena vīṇopamovādena. **Viriyasamathayojanatthāyāti** vīriyassa samathena yojanatthāya.

Soṇakuṭikaṇṇattheravatthu

206. Aṭṭhame **kutikaṇṇoti** **vuccatūti** “koṭikaṇṇo”ti vattabbe “kuṭikaṇṇo”ti voharīyati. Kulaghare bhavā **kulagharikā**. Sā kira avantiraṭṭhe kulaghare mahāvibhavassa sethissa bhariyā. **Dasabalassa dhammakathām sutvā** **sotāpattiphale** **patiṭṭhāya** **cintesīti** idam aṅguttarabhāṇakānam matena vuttaṁ. **Suttanipātaṭṭhakathāyam**² pana “sapariso bhagavantam upasaṅkamma dhammadesanam assosi, na ca kañci visesam adhigañchi. Kasmā? So hi dhammaṁ suñanto hemavatām anussaritvā ‘āgato nu kho me sahāyako, no’ti disādisam³ oloketvā tam apassano ‘vañcito me sahāyo, yo evam vicittappaṭibhānam bhagavato desanam na suñāti’ti vikkhittacitto ahosī”ti vuttaṁ.

Yasmā paṭisandhijāti-abhinikkhamanabodhiparinibbānesveva dvattimśa pubbanimittāni hutvāva paṭivigacchanti, na ciraṭṭhitikāni honti, **dhammacakkappavattane**⁴ pana tāni savisesāni hutvā cirataram īhatvā nirujjhanti, tasmā vuttaṁ “**tiyojanasahassam himavantam akālapupphitam disvāAggabalakāyāti** sabbapurato gacchantā balakāyā. Kena pupphitabhāvam jānāsīti kena kāraṇena himavantassa pupphitabhāvam jānāsīti, yena kāraṇena imam akālapupphapāṭīhāriyam jātam, tam jānāsīti vuttaṁ hoti. **Tassa pavattitabhāvanti** tassa dhammacakkassa bhagavatā pavattitabhāvam. **Sadde nimittam gaṇhīti** sadde ākāram sallakkhesi. **Tatoti** “aham ‘etam amatadhammaṁ

1. Ām 2. 330; Vi 3. 269 piṭṭhesu.

2. Suttanipāta-Tṭha 1. 196 piṭṭhe.

3. Disānudisam (Sī)

4. Sam 3. 368; Vi 3. 14; Khu 9. 329 piṭṭhesu.

tampi jānāpessāmī’ti tava santikam āgatosmī’ti yam vuttam, tadanantaranti attho.

Sātāgiro hemavatassa buddhuppādām kathetvā tam bhagavato santikam ānetukāmo “ajja pannaraso”ti-ādigāthamāha. Tattha¹ ajjāti ayam rattindivo pakkhagaṇanato pannaraso, upavasitabbato uposatho. Tisū vā uposathesu ajja pannaraso uposatho, na cātuddasi-uposatho, na sāmaggī-uposatho. Divi bhavāni dibbāni, dibbāni ettha atthīti dibbāni. Kāni tāni? Rūpāni. Tam hi rattim devānam dasasahassilokadhātuto sannipatitānam sarīravatthābharaṇavimānappabhāhi abbhādi-upakkilesavirahitāya candappabhāya ca sakalajambudīpo alaṅkato ahosīti ativiya alaṅkato ca parivisuddhīdevassa bhagavato sarīrappabhāya. Tenāha “dibbā ratti upaṭṭhitā”ti.

Evaṁ rattiguṇavaṇṇanāpadesenapi sahāyassa cittam pasādām janento buddhuppādām kathetvā āha “anomanāmām satthāram, handa passāma gotaman”ti. Tattha anomēhi alāmakehi sabbākāraparipūrehi guṇehi nāmām assāti anomanāmo. Tathā hissa “bujjhītā saccānīti buddho, bodhetā pajāyāti buddho”ti-ādinā² nayena buddhoti anomēhi guṇehi nāmām. “Bhaggarāgoti bhagavā, bhaggadosoti bhagavā”ti-ādinā³ nayena bhagavāti anomēhi guṇehi nāmām. Esa nayo “araham sammāsambuddho vijjācaraṇasampanno”ti-ādīsu. Dīṭṭhadhammikādi-atthehi devamanusse anusāsatī “imam pajahatha, imam samādāya vattathā”ti satthā. Tam Anomanāmām satthāram. Handāti vacasāyatthe nipāto. Passāmāti tena attānam saha saṅgahetvā paccuppannabahuvacanām. Gotamanti gotamagottam. Idam vuttam hoti—“satthā, na satthā”ti mā vimatim akāsi, ekantabyavasito hutvāva ehi passāma gotamanti.

Evaṁ vutte hemavato “ayam sātāgiro ‘anomanāmām satthārañ’ti bhaṇanto tassa sabbaññutam pakāseti, sabbaññuno ca dullabhā loke, sabbaññupaṭīññehi pūraṇādisadiseheva loko upadduto. So pana yadi sabbaññū, addhā tādilakkhaṇam patto bhavissati, tena evam

1. Suttanipāta-Tīha 1. 197 piṭṭhepi passitabbam.

2. Khu 7. 364; Khu 8. 197; Khu 9. 172, 197 piṭṭhesu.

3. Khu 7. 162 piṭṭhe.

gahessāmī”ti cintetvā tādilakkhaṇam pucchanto āha “**kacci mano**”ti-ādi. Tattha **kaccīti** pucchā. Manoti cittam. **Supañihitoti** suṭṭhu ṭhapito acalo asampavedhī. Sabbesu bhūtesu **sabbabhūtesu**. **Tādinoti** tādilakkhaṇam pattasseva sato. Pucchā eva vā ayam “so tava satthā sabbabhūtesu tādī, udāhu no”ti. **Itthe aniṭhe cāti** evarūpe ārammaṇe. **Saṅkappāti** vitakkā. **Vasīkatāti** vasam gamitā. Idam vuttam hoti—yam tam satthāram vadasi, tassa te satthuno kacci tādilakkhaṇam sampattassa sato sabbabhūtesu mano supañihito, udāhu yāva paccayam na labhati, tāva supañihito viya khāyati. So vā te satthā kacci sabbabhūtesu sattesu tādī, udāhu no, ye ca itthāniṭthesu ārammaṇesu rāgadosavasena saṅkappā uppajjeyyum, tyāssa kacci vasīkatā, udāhu kadāci tesampi vasena vattatīti.

Tīṇi vassānīti soṇassa pabbajitadivasato paṭṭhāya tīṇi vassāni. Tadā kira bhikkhū yebhuyyena majjhimadeseyeva vasimsu, tasmā tattha katipayā eva ahesum. Te ca ekasmim nigame eko dveti evam visum visum vasiṁsu, therānañca katipaye bhikkhū ānetvā aññesu ānīyamānesu pubbam ānītā kenacideva karaṇīyena pakkamim̄su, kañci kālam āgametvā puna tesu ānīyamānesu itare pakkamim̄su, evam punappunam ānayanena sannipāto cireneva ahosi, thero ca tadā ekavihārī ahosi. Tena vuttam “**tīṇi vassāni gaṇam pariyesitvā**”ti. **Tīṇi vassānīti** ca accantasamīyoge upayogavacanam. **Satthu adhippāyam** īnatvāti attano āñāpaneneva “iminā saddhim ekagandhakuṭiyam vasitukāmo bhagavā”ti satthu adhippāyam jānitvā. Bhagavā kira yena saddhim ekagandhakuṭiyam vasitukāmo, tassa senāsanapaññattiyam ānandattheram āñāpeti.

Ajjhokāse vītināmetvāti ajjhokāse nisajjāya vītināmetvā. Yasmā bhagavā āyasmato soṇassa samāpattisamāpajjanena paṭisanthāram karonto sāvakasādhāraṇā sabbā samāpattiyo anulomappaṭilomam samāpajjanto bahudeva rattim ajjhokāse nisajjāya vītināmetvā pāde pakkhāletvā vihāram pāvisi, tasmā āyasmāpi soṇo bhagavato adhippāyam īnatvā tadanurūpam sabbā tā

samāpattiyo samāpajjanto bahudeva rattim ajjhokāse nisajjāya vītināmetvā pāde pakkhāletvā vihāram pāvisīti vadanti. Pavisitvā ca bhagavatā anuññāto cīvaratirokaraṇiyam katvā bhagavato pādapasse nisajjāya vītināmesi.

Ajjhosīti āñāpesi. **Paṭibhātu bharī bhikkhu dhammo bhāsitunti bhikkhu** tuyham dhammo bhāsitum upaṭṭhātu, nāñāmukham āgacchatu, yathāsutam yathāpariyattam dhammaṁ bhañāhīti attho. **Aṭṭhakavaggyiyānīti** aṭṭhakavaggabhūtāni **kāmasuttādi**¹ soḷasasuttāni. **Suggahitoti** sammā uggahito. **Sabbe vare yācīti** vinayadharapañcamena gaṇena upasampadā dhuvanhānam cammattharaṇam gaṇaṅgañūpāhanām cīvaravippavāsoti ime pañca vare yāci. **Sutte āgatamevāti** udānapāliyam āgatasuttam² sandhāya vadati.

Sīvalittheravatthu

207. Navame **sākacchitvā sākacchitvāti** raññā saddhim paṭivirujjhanavasena punappunam sākaccham katvā. **Guladadhinti** patthinnam guļasadisam kaṭhinadadhiṁ. **Ati-añchitunti** ativiya ākaḍḍhitum. **Kañjiyam vāhetvāti** dadhimatthum pavāhetvā, parissāvetvāti attho. “Dadhitō kañjiyam gahetvā” tipi pāṭho. **Nanti** suppavāsam. Bijapacchim phusāpentīti iminā sambandho. **Yāva na ukkadḍhantīti** yāva dāne na ukkadḍhanti, dātukāmāva hontīti adhippāyo **mahādukkham anubhosīti** pasavanibandhanam mahantam dukkham anubhos. **Sāmikam āmantetvāti** sattāham mūltagabbhā tibbāhi kharāhi dukkhavedandāhi phuṭṭhā “sammāsambuddho vata so bhagavā, yo imassa evarūpassa dukkhassa pahānāya dhammarām deseti. Suppaṭipanno vata tassa bhagavato sāvakasamāngho, yo imassa evarūpassa dukkhassa pahānāya paṭipanno. Susukham vata nibbānam, yathidam evarūpam dukkham na sañvijjatī”³ imehi tīhi vitakkehi tam dukkham adhvāsentī satthu santikam pesetukāmatāya sāmikam āmantetvā. **Pure marañāti** marañato puretarameva. **Ingianti** ākāram. **Jīvitabhattanti** jīvitasamsaye dātabbabhattam. **Sabbakammakkhamo ahosīti** sattavassikehi dārakehi kātabbam yam kiñci kammam kātum samatthatāya sabbassa kammaṭṭha khamo ahosi. Teneva so sattāham

1. Khu 7. 1 piṭṭhe.

2. Khu 1. 144 piṭṭhe.

3. Khu 1. 93 piṭṭhe Udāne.

mahādāne dīyamāne jātadivasato paṭṭhāya dhammakaraṇam ādāya
saṅghassa udakam parissāvetvā adāsi.

Yomanti-ādigāthāya “yo bhikkhu imam rāgapalipathañceva
kilesaduggañca saṁsāravaṭṭañca catunnam saccānam
appaṭivijjhānakamohañca atīto cattāro oghe tiṇo hutvā pāram anuppatto,
duvidhena jhānena **jhāyī**, taṇhāya abhāvena **anejo**, kathāmīkathāya abhāvena
akathāmīkathī, upādānānam abhāvena **anupādiyitvā** kilesanibbānenā nibbuto,
tamahām brāhmaṇam vadāmī”ti attho.

**Sabbesamyeva pana kesānam oropanañca arahattasacchikiriyā ca
apacchā apurimā ahosīti iminā therassa khuraggeyeva arahattuppatti dīpitā.**
Ekacce pana ācariyā evam vadanti “heṭṭhā vuttanayena dhammasenāpatinā
ovāde dinne ‘yam mayā kātum sakkā, tamahām jānissāmī’ti pabbajitvā
vipassanākammaṭṭhānam gahetvā tam divasamyeva aññataram vicittam
kuṭikam disvā pavisitvā mātukucchiyam satta vassāni attanā
anubhūtadukkham anussaritvā tadanusārena atītānāgate nāñam¹ nentassa
ādittā viya tayo bhavā upaṭṭhahim̄su. Nāñassa paripākam gatattā
vipassanāvīthim otaritvā tāvadeva maggappaṭipātiyā sabbepi āsave khepento
arahattam pāpuṇī”ti. Ubhayathāpi therassa arahattuppattiyeva² pakāsitā,
thero pana pabhinnappatiśambhido chaṭṭabhiñño ahosi.

Vakkalittheravatthu

208. Dasame **āhārakaraṇavelanti** bhojanakiccavelam. **Adhigacche
padam santanti** saṅkhārūpasamam sukhanti laddhanāmam santam padam
nibbānam adhigaccheyya. **Paṭhamapādena pabbate ṭhitoyevāti** paṭhamena
pādena gjjhakūṭe pabbate ṭhitoyeva. Sesamettha suviññeyyameva.

Dutiyavaggavaṇṇanā niṭṭhitā.

1. Nayam (Ka)

2. Arahattappattiyeva (Sī)

3. Tatiyavaggavaṇṇanā

Rāhula-raṭṭhapālattheravatthu

209-210. Tatiyassa paṭhamadutyesu **tisso sikkhāti** adhisīla-adhicitta-adhipaññāsaṅkhātā tisso sikkhā. **Cuddasa bhattacchede katvāti** sattāham nirāhāratāya ekekasmim divase dvinnam bhattacchedānam vasena cuddasa bhattacchede katvā.

Tesanti tesam tāpasānam. Lābubhājanādiparikkhāram samvidhāyāti lābubhājanāditāpasaparikkhāram samvidahitvā. **Saparijāhakāyadhātukoti** ussannapittatāya saparijāhakāyasabhāvo. **Satasahassāti** satasahassaparimāṇā. Satasahassām parimāṇām etesanti satasahassā uttarapadalopena yathā “rūpabhavo rūpan”ti, atthi-atthe vā akārapaccayo daṭṭhabbo. Pāṇātipātādi-akusaladhammasamudācārasaṅkhāto āmagandho kuṇapagandho natthi etesanti **nirāmagandhā**, yathāvuttakilesasamudācārarahitāti attho. Kilesasamudācāro hettha “āmagandho”ti vutto. Kim kāraṇā? Amanuññattā kilesa-asucimissattā sabbhi jigucchitattā paramaduggandhabhāvāvahattā ca. Tathā hi ye ye ussannakilesā sattā, te te atiduggandhā honti. Teneva nikkilesānam matasarīrampi duggandham na hoti. **Dānaggaparivahanaketi** dānaggadhuravahanake. **Māpakoti** divase divase parimitaparibbayadānavasena dhaññamāpako.

Pāliyanti vinayapāliyam¹. **Migajātakam āharitvā kathesi**ti atīte kira bodhisatto migayoniyam nibbattitvā migagaṇaparivuto araññe vasati. Athassa bhaginī attano puttakam upanetvā “bhātika imam bhāgineyyam migamāyam sikkhāpehī”ti āha. Bodhisatto “sādhū”ti paṭissuṇitvā “gaccha tāta, asukavelāyam nāma āgantvā sikkheyysī”ti āha. So mātulena vuttavelam anatikkamitvā tam upasaṅkamitvā migamāyam sikkhi. So ekadivasam vane vicaranto pāsenā baddho baddharavam viravi. Migagaṇo palāyitvā “putto te pāsenā baddho”ti tassa mātuyā ārocesi. Sā bhātu santikam gantvā “bhātika

1. Vi 3. 115 piṭṭhe.

bhāgineyyo te migamāyam sikkhāpito”ti pucchi. Bodhisatto “mā tvam puttassa kiñci pāpakam āsañki, suggahitā tena migamāyā, idāni tam hāsayamāno āgacchissatī”ti vatvā “**migam tipallatthan**”ti-ādimāha.

Tattha **miganti** bhāgineyyamigam. Tipallattham vuccati sayanam, ubhohi passehi ujukameva ca nipannakavasena tīhākārehi pallattham assa, tīpi vā pallatthāni assāti tipallattho, tam **tipallattham**. **Anekamāyanti** bahumāyam buhuvañcanam. **Atṭhakkhuranti** ekekasmim pāde dvinnam dvinnam vasena atṭhahi khurehi samannāgataṁ. **Aḍḍharattāpapāyinti** purimayāmām atikkamitvā majjhimayāme araññato āgamma pānīyassa pivanato aḍḍharatte āpam pivatīti aḍḍharattāpapāyī. “Aḍḍharatte āpapāyin”tipi pāṭho. Mama bhāgineyyam migam aham sādhukam migamāyam uggañhāpesim. Katham? Yathā ekena sotena chamāyam assasanto chahi kalāhi atibhoti bhāgineyyo. Idam vuttam hoti—aham hi tava puttam tathā uggañhāpesim, yathā ekasmim uparimanāsikāsote vātarā sannirumbhitvā pathaviyam allīnena ekena heṭṭhimanāsikāsotena tatheva chamāyam assasanto chahi kalāhi luddakam atibhoti, chahi koṭṭhāsehi ajjhottarati vañcetīti attho. Katamehi chahi? Cattāro pāde pasāretvā ekena passena seyyāya, khurehi tiṇapāmsukhañanena, jivhāninnāmanena, udarassa uddhumātabhāvakarañena, uccārapassāvavissajjanena, vātassa nirumbhanenāti. Atha vā tathā nam uggañhāpesim, yathā ekena sotena chamāyam assasanto. **Chahīti** heṭṭhā vuttehi chahi kārañehi. **Kalāhīti** kalāyissati, luddakam vañcessatīti attho. **Bhotīti** bhaginim ālāpati. **Bhāgineyyoti** evam chahi kārañehi vañcakam bhāgineyyam niddisati.

Evaṁ bodhisatto bhāgineyyassa migamāyam sādhukam uggañtabhāvam vadanto bhaginim samassāsesi. Sopi migapotako pāse baddho anibandhitvāyeva bhūmiyam mahāphāsukapassena pāde pasāretvā nipanno pādānam āsannaṭṭhāne khurehi eva paharitvā pañsum ca tiṇāni ca uppāletvā uccārapassāvam viṣajjetvā sīsam pātetvā jivham ninnāmetvā sarīram kheṭṭakilinnam katvā vātaggahañena udaram uddhumātakam katvā akkhīni parivattetvā heṭṭhānāsikāsotena vātam sañcarāpento

uparimanāsikāsotena vātarām sannirumbhitvā sakalasarīram thaddhabhāvam gāhāpetvā matakākāram dassesi, nīlamakkhikāpi nam samparivāresum, tasmim tasmim ṭhāne kākā niliyimsu. Luddo āgantvā udare hatthena paharityā “pātova baddho bhavissati, pūtiko jāto”ti tassa bandhanarajjuṁ mocetvā “ettheva dāni nam ukkantitvā marīsam ādāya gamissāmī”ti nirāsaṇko hutvā sākhāpalāsam gahetum āraddho. Migapotakopi uṭṭhāya catūhi pādehi ṭhatvā kāyam vidhunitvā gīvam pasāretvā mahāvātena chinnavalāhako viya vegena mātu santikam agamāsi. Satthā “na bhikkhave rāhulo idāneva sikkhākāmo, pubbepi sikkhākāmoyevā”ti evam migajātakam āharityā kathesi.

Ambalaṭṭhiyarāhulovādaṁ desesīti “passasi no tvam rāhula imam parittam udakāvasesam udakādāne ṛhaptanti. Vam bhante. Evam parittakam kho rāhula tesam sāmaññam, yesam natthi sampajānamusāvāde lajjā”ti evamādinā **ambalaṭṭhiyarāhulovādaṁ¹** kathesi. **Gehasitam vitakkam vitakkentassāti** āyasmā kira rāhulo bhagavato piṭṭhito piṭṭhito gacchantova pādatatalato yāva upari kesantā tathāgatam olokesi, so bhagavato buddhavesavilāsam disvā “sobhati bhagavā dvattim̄samahāpurisalakkhaṇavicitasarīro byāmappabhāparikkhittatāya vippakiṇṇasuvanṇacuṇṇamajjhagato viya vijjulatāparikkhitto kanakapabbato viya yantasamākaḍḍhitaratanaavicittasuvanṇa-agghikam viya paṁsukūlacīvarappaṭicchannopi rattakambalaparikkhittakanakapabbato viya pavālalatāpaṭimanditasuvanṇaghātiṇam viya cīnapiṭṭhacuṇṇapūjitasuvanṇacetiyyam viya lākhārasānulitto kanakathūpo viya rattavalāhakantaragato taṇkhaṇamuggatapuṇṇacando viya aho samatiṁsapāramitānubhāvena sajjitassa attabhāvassa sirisampatti”ti cintesi. Tato attānampi oloketvā “ahampi sobhāmi, sace bhagavā catūsu mahādīpesu cakkavattirajjam akarissa, mayham pariṇāyakaṭṭhānantaramadassa, evam sante ativiya jambudīpatalam atisobhissā”ti attabhāvam nissāya gehasitam chandarāgam uppādesi. Tam sandhāyetam vuttam “**satthu ceva attano ca rūpasampattim disvā gehasitam vitakkam vitakkentassā**”ti.

1. Ma 2. 77 piṭṭhe.

Bhagavāpi purato gacchantova cintesi “paripuṇṇacchavimānsalohito dāni rāhulassa attabhāvo, rajanīyesu rūpārammaṇādīsu cittassa pakkhandanakālo jāto, nipphalatāya nu kho rāhulo vītināmeti”ti. Atha sahāvajjaneneva pasanne udake macchām viya parisuddhe ādāsamaṇḍale mukhanimittam viya ca tassa tam cittuppādaṁ addasa, disvā ca “ayaṁ rāhulo mayham atrajo hutvā mama pacchato āgacchanto ‘aham sobhāmi, mayham vaṇṇāyatanam pasannan’ti attabhāvam nissāya gehasitam chandarāgam uppādeti, atitthe pakkhando, uppatham paṭipanno, agocare carati, disāmūlha-addhiko viya agantabbaṁ disam gacchati, ayam kho panassa kilesa abbhantare vadḍhanto attatthampi yathābhūtam passitum na dassissati paratthampi ubhayatthampi, tato nirayepi paṭisandhim gaṇhāpessati, tiracchānayoniyampi pettivisayepi asurakāyepi sambādhēpi mātukucchisminti anamatagge saṁsāravatte paripātessati. Yathā kho pana anekaratanapūrā mahānāvā bhinnaphalakantarena udakam ādiyamāna muhuttampi na ajjhupekkhitabbā hoti, vegena vegeṇassā vivaram pidahitum vat̄atī, evameva ayampi na ajjhupekkhitabbo. Yāvassa ayam kilesa abbhantare sīlaratanādīni na vināseti, tāvadeva nam niggaṇhissāmī”ti ajjhāsayam akāsi. Tato rāhulam āmantetvā “yam kiñci rāhula rūpaṁ atītānāgatapaccuppannam ajjhattam vā bahiddhā vā olārikam vā sukhumam vā hīnam vā pañitam vā yam dūre santike vā, sabbam rūpam ‘netam mama, nesohamasmi, na meso attā’ti evametam yathābhūtam sammappaññāya daṭṭhabbanti. Rūpameva nu kho bhagavā rūpameva nu kho sugatāti. Rūpampi rāhula, vedanāpi rāhula, saññāpi rāhula, saṅkhārāpi rāhula, viññāṇampi rāhulā”ti mahārāhulovādasuttam¹ abhāsi. Tam dassetum “yam kiñci rāhula -pa- kathesi”ti vuttam.

Saṁyuttake pana rāhulovādoti rāhulasaṁyutte vuttarāhulovādaṁ sandhāya vadanti. Tattha “sādhu me bhante bhagavā saṁkhittena dhammam desetu, yamaham bhante bhagavato dhammam sutvā eko vūpakaṭho appamatto ātāpī pahitatto vihareyyan”ti therena yācito “tam kim maññasi rāhula, cakkhu niccam vā aniccam vāti. Aniccam bhante. Yam

1. Ma 2. 84 piṭṭhe.

panāniccam, dukkham vā tam sukham vāti. Dukkham bhante. Yam panāniccam dukkham vipariṇāmadhammadam, kallam nu tam samanupassitum ‘etam mama, esohamasmi, eso me attā’ti”ādinā rāhulovādaṁ¹ ārabhi. Therassa vipassanācāroyeva, na pana mahārāhulovādo viya vitakkūpacchedāya vuttoti adhippāyo.

Athassa satthā ñāṇaparipākari ñatvāti-ādīsu bhagavato kira rahogatassa paṭisallīnassa evam cetaso parivitakko udapādi “paripakkā kho rāhulassa vimuttiparipācaniyā dhammā, yannūnāham rāhulam uttari āsavānam khaye vineyyan”ti. Athassa bhagavā pubbañhasamayam nivāsetvā pattacīvaramādāya sāvatthiyam piṇḍāya caritvā pacchābhattam piṇḍapātapaṭikkanto āyasmantam rāhulam āmantesi “gaṇhāhi rāhula nisīdanam, yena andhavanam tenupasaṅkamissāma divāvihārāyā”ti. “Evam bhante”ti kho āyasmā rāhulo bhagavato paṭissutvā nisīdanam ādāya bhagavato piṭhitto piṭhitto anubandhi. Tena kho pana samayena anekāni devatāsaḥassāni bhagavantam abhivanditvā anubandhitā honti “ajja bhagavā āyasmantam rāhulam uttari āsavānam khaye vinessatī”ti. Atha kho bhagavā andhavanam ajjhogāhetvā aññatarasmiṁ rukkhamūle paññatte āsane nisīdi. Āyasmāpi rāhulo bhagavantam “tam kiṁ maññasi rāhula, cakkhu niccam vā aniccam vāti. Aniccam bhante. Yam panāniccam, dukkham vā tam sukham vāti. Dukkham bhante. Yam panāniccam dukkham vipariṇāmadhammadam, kallam nu tam samanupassitum ‘etam mama, esohamasmi, eso me attā’ti”ti-ādinā rāhulovādaṁ² adāsi. Tam sandhāyetam vuttam “andhavane nisinno cūlarāhulovādaṁ kathesi**”ti.**

Koṭisatasahassadevatāhīti āyasmatā rāhulena padumuttarassa bhagavato pādamūle pathavindhararājikālē patthanam ṭhapentena saddhim patthanam ṭhapitadevatāyevetā. Tāsu pana kāci bhūmiṭṭhadevatā, kāci antalikkhaṇakā, kāci cātumahārājikādidevaloke, kāci brahma-loke nibbattā, imasmiṁ pana divase sabbā ekaṭṭhāne andhavanasmīnyeva sannipatitā.

1. Sam 1. 439 piṭhe.

2. Sam 2. 324 piṭhe.

Ābhidosikanti pārivāsikam ekarattātikkantam pūtibhūtam.

Ekarattātikkantasseva hi nāmasaññā esā, yadidam ābhidosikoti. Ayam panettha vacanattho—pūtibhāvadosena abhibhūtoti abhido, abhidosoyeva **ābhidosiko**. **Kummāsanti** yavakummāsam. **Adhivāsetvāti** “tena hi tāta rāṭṭhapāla adhivāsehi svātanāya bhattan”ti pitarā nimantito svātanāya bhikkham adhivāsetvā. Ettha ca therō pakatiyā ukkaṭṭhasapadānacāriko svātanāya bhikkham nāma nādhivāseti, mātu anuggahena pana adhivāseti. Mātu kirassa theram anussaritvā anussaritvā mahāsoko uppajjati, rodaneneva dukkhī viya jātā, tasmā therō “sacāham tam apassitvā gamissāmi, hadayampissā phaleyyā”ti anuggahena adhivāsesi. Paṇḍitā hi bhikkhū mātāpitūnam ācariyupajjhāyānam vā kātabbam anuggahaṁ ajjupekkhitvā dhutaṅgasuddhikā na bhavanti.

Alaṅkatapaṭiyatte itthijaneti pitarā uyyojite itthijane. Pitā kirassa dutiyadivase sakanivesane mahantam hiraññasuvaṇṇassa puñjam kārāpetvā kilañjehi paṭicchādāpetvā Ayasmato Raṭṭhapālassa purāṇadatiyikāyo “etha tumhe vadhu, yena alaṅkārena alaṅkatā pubbe Raṭṭhapālassa kulaputtassa piyā hotha manāpā, tena alaṅkārena alaṅkarothā”ti āṇāpetvā pañītam khādanīyam bhojanīyam paṭiyādāpetvā kāle ārocite āgantvā paññatte āsane nisinnam “idam te Raṭṭhapāla mattikam dhanam, aññanam pettikam, aññam pitāmaham, sakkā Tāta Raṭṭhapāla bhoge ca bhuñjitum, puññāni ca kātum. Ehi tvam Tāta Raṭṭhapāla, sikkham paccakkhāya hīnāyāvattitvā bhoge ca bhuñjassu, puññāni ca karohī”ti yācitvā tena paṭikkhipitvā dhamme desite “aham imam uppabbājessāmī”ti ānayim, so “dāni me dhammadatham kātum āraddho, alam me vacanam na karissatī”ti uṭṭhāya gantvā tassa orodhānam dvāram vivarāpetvā “ayam vo sāmiko, gacchatha, yam kiñci katvāna gaṇhitum vāyamathā”ti uyyojesi. Tīsu vayesu ṭhitā nāṭakitthiyo theram parivārayim̄su. Tāsu ayam asubhasaññam uppādesi. Tena vuttam “alaṅkatapatiyatte itthijane asubhasaññam uppādetvā”ti.

Thitakova dhammam desetvāti—

“Passa cittakataṁ bimbam, arukāyam samussitam.

Āturaṁ bahusaṅkappam, yassa natthi dhuvaṁ ṭhiti.

Passa cittakataṁ rūpam, mañinā kuṇḍalena ca.

Aṭṭhim tacena onaddham, saha vatthehi sobhati.

Alattakakatā pādā, mukham cuṇṇakamakkhitam.

Alam bālassa mohāya, no ca pāragavesino.

Aṭṭhāpadakatā kesā, nettā añjanamakkhitā.

Alam bālassa mohāya, no ca pāragavesino.

Añjanīvaṇṇavā cittā, pūtikāyo alaṅkato.

Alam bālassa mohāya, no ca pāragavesino.

Odahi migavo pāsam, nāsadā vāguram migo.

Bhutvā nivāpam gacchāmi, kandante migabandhake”ti¹—

imāhi gāthāhi dhammam desetvā.

Ākāsam uppatitvāti ākāsam pakkhanditvā. Kasmā pana thero ākāsenā gato? Pitā kirassa seṭṭhi sattasu dvārakoṭṭhakesu aggaṭāni dāpetvā malle āṇāpesi “sace nikkhomitvā gacchatī, hatthapādesu nām gahetvā kāsāyāni haritvā gihivesam gaṇhāpethā”ti. Tasmā therō “ete mādisam mahākhīṇāsavam hatthe vā pāde vā gahetvā apuññam pasaveyyum, tam nesam mā ahosī”ti cintetvā ākāsenā agamāsi. **Migacīranti** evamnāmakam uyyānam. **Catupārijuññapaṭimāṇḍitanti** jarāpārijuññam byādhipārijuññam bhogapārijuññam nātipārijuññanti imehi catūhi pārijuññehi paṭimāṇḍitam. **Pārijuññanti** ca parihānīti attho. Sesamettha suviññeyyameva.

Kuṇḍadhbānattheravatthu

211. Tatiye salākam gaṇhantīti **salākagāhakā**. Sunāparantajanapadam gacchantepi paṭhamameva salākam gaṇhīti sambandho. **Chabbassantareti**

1. Ma 2. 253; Khu 2. 325 piṭṭhesu.

channam vassānam abbhantare. **Mettīti** mittabhāvo. **Bhedake satīti** bhedakaraṇe sati. **Gumbasabhāgatoti** gumbasamīpato, ayameva vā pāṭho. **Itthī hutvāti** itthī viya hutvā, manussitthivāṇṇam māpetvāti attho. **Dīgharattānugatoti** dīghakālam anubandho. **Ettakām addhānanti** ettakām kālam. **Handāvusoti** gaṇhāvuso. **Atthām gahetvāti** bhūtatthām gahetvā, ayameva vā pāṭho. **Koṇḍo jātoti** dhutto jāto.

Māvoca pharusam kañcīti kañci ekapuggalam pharusam mā avoca. **Vuttā paṭivadeyyu** tanti tayā pare dussilāti vuttā tampi tatheva paṭivadeyyum. **Dukkhā hi sārambhakathāti** esā kāraṇuttarā yugaggāhakathā nāma dukkhā. **Paṭidandā phuseyyu** tanti kāyadaṇḍādīhi param paharantassa tādisāva paṭidandā tava matthake pateyyum.

Sace neresi attānanti sace attānam niccalam kātum sakkhissasi. **Kaṁso upahato yathāti** mukhavaṭṭiyam chinditvā talamattam katvā ṭhapitam kamṣatālam viya. Tādisam hi hatthehi pādehi daṇḍena vā pahatampi saddam na karoti. **Esa pattosi nibbānanti** sace evarūpo bhavitum sakkhissasi, imam paṭipadam pūrayamāno eso tvam idāni appattopi nibbānam pattosi nāma. **Sārambho te na vijjati** “evañca sati tvam dussilo, aham susilo”ti evamādiko uttarikaraṇavācālakkhaṇo sārambho te na vijjati, na bhavissatiyevāti attho. **Parikkilesenāti** saṁkilesahetunā.

Vaṅgīsattheravatthu

212. Catutthe **sampannapaṭibhānānanti** paripuṇṇapaṭibhānānam. **Cutiṁ yo** **vedi -pa-** **sabbasoti** yo sattānam cutiñca paṭisandhiñca sabbākārena pākaṭām katvā jānāti, tam aham alagganatāya **asattam**, paṭipatti�ā suṭṭhu gatattā **sugatam**, catunnam saccānam sambuddhattā **buddham** brāhmaṇam vadāmīti attho. **Yassa gatinti** yassete devādayo gatiṁ na jānanti, tamaham āsavānam khīṇatāya **khīṇāsavam**, kilesehi ārakattā **arahantam** brāhmaṇam vadāmīti attho.

Upasenavaṅgantaputtatheravatthu

213. Pañcame **sabbapāsādikānanti** sabbaso pasādām janentānam.

Kintāyanti kim te ayam. Atilahunti atisīgham. Yassa tasmim attabhāve uppajjanārahānam maggaphalānam upanissayo natthi, tam buddhā “moghapuriso”ti vadanti arīṭhalāludāyi-ādike viya. Upanissaye satipi tasmim khaṇe magge vā phale vā asati “moghapurisā”ti vadantiyeva dhaniyattherādike viya. Imassapi tasmim khaṇe maggaphalānam abhāvato “moghapurisā”ti āha, tucchamanussāti attho. **Bāhullāyāti** parisabāhullāya. **Anekapariyāyenāti** anekakāraṇena.

Icchāmahaṁ bhikkhaveti bhagavā kira tam addhamāsam na kañci bodhaneyyasattam addasa, tasmā evamāha, evam̄ santepī tantivasena dhammadesanā kattabbā siyā. Yasmā panassa etadahosi “mayi okāsam kāretvā paṭisallīne bhikkhū adhammikam̄ katikavattam karissanti, tam upaseno bhindissati, aham tassa pasīditvā bhikkhūnam dassanam anujānissāmi. Tato mām passitukāmā bahū bhikkhū dhutaṅgāni samādiyissanti, ahañca tehi ujjhitasanthatapaccayā sikkhāpadam paññapessāmī”ti, tasmā evamāha. **Therassāti** upasenatherassa. **Manāpāni te bhikkhu paṁsukūlānīti** “bhikkhu tava imāni paṁsukūlāni manāpāni attano ruciyā khantiyā gahitānī”ti pucchati. **Na kho me bhante manāpāni paṁsukūlānīti** bhante na mayā attano ruciyā khantiyā gahitāni, galaggāhena viya matthakatālanena viya ca gāhito mayāti dasseti. **Pāliyam āgatamevāti** vinayapālim¹ sandhāya vadati.

Dabbatheravatthu

214. Chatthe **aṭṭhārasasu mahāvihāresūti** rājagahassa samantato ṛhitesu aṭṭhārasasu mahāvihāresu. **Upavijaññāti** āsannapasūtikālā. **Rahogatoti** rahasi gato. **Samīghassa veyyāvaccakaraṇe kāyam yojetukāmo cintesīti** therō kira attano katakiccabhāvam disvā “aham imam sarīram dhāremi, tañca kho vātamukhe ṛhitapadīpo viya aniccatāmukhe ṛhitam nacirasseva nibbāyanadhammaṁ

1. Vi 1. 336 piṭṭhe.

yāva na nibbāyati, tāva kiṁ nu kho aham samghassa veyyāvaccam kareyyan”ti cintento iti paṭisañcikkhati “tirorat̄hesu bahū kulaputtā bhagavantam adisvāva pabbajanti, te ‘bhagavantam passissāma ceva vandissāmā’ti ca dūratopi āgacchanti, tatra yesam senāsanam nappahoti, te silāpattakepi seyyam kappenti. Pahomi kho panāhaṁ attano ānubhāvena tesam tesam kulaputtānam icchāvasena pāsādavihāra-ad̄hayogādīni mañcapīṭhattharaṇāni nimminitvā dātum. Punadivase cettha ekacce ativiya kilantarūpā honti, te gāravena bhikkhūnam purato ṣhatvā bhattānipi na uddisāpenti, aham kho pana tesam bhattānipi uddisitum pahomī”ti. Iti paṭisañcikkhanto “yamnūnāham samghassa senāsanañca paññapeyyam, bhattāni ca uddiseyyan”ti cintesi. **Sabhāgasabhbhāgānanti** suttantikādiguṇavasena sabhbhāgānam, na mittasanthavavasena. Thero hi yāvatikā suttantikā honti, te uccinitvā uccinitvā ekato tesam anurūpameva senāsanam paññapeti.

Venayikābhidhammikakammaṭṭhānikakāyadaļhibahulesupi eseva nayo. Teneva **pāliyam**¹ vuttam “yete bhikkhū suttantikā, tesam ekajjhām senāsanam paññapetī”ti-ādi.

Aṅguliyā jalāmānāyāti tejokasiṇacatutthajjhānam samāpajjītvā vuṭṭhāya abhiññāñāñēna aṅgulijalanam adhiṭṭhahitvā teneva tejodhātusamāpattijanitena aggijālena aṅguliyā jalāmānāya. **Ayam mañcoti-**ādīsu pana there “ayam mañco”ti-ādīm vadante nimmitāpi attano attano gataṭṭhāne “ayam mañco”ti-ādīm vadanti. Ayam hi nimmitānam dhammatā.

Ekasmiṁ bhāsamānasmiṁ, sabbe bhāsanti nimmitā.

Ekasmiṁ tuṇhimāsine, sabbe tuṇhī bhavanti teti².

Yasmim pana vihāre mañcapīṭhādīni na paripūrenti, tattha attano ānubhāvena pūrenti, tena nimmitānam avatthukam vacanam na hoti sabbattha mañcapīṭhādīnam sabbhāvato. Sabbavihāresu ca gamanamagge samappamāṇe katvā adhiṭṭhāti. Katikasaṇṭhānādīnam pana nānappakārattā tasmim tasmim vihāre katikavattāni visum visum kathāpetīti veditabbam.

1. Vi 1. 244 piṭhe.

2. Dī 2. 172 piṭhe.

Aniyametvā nimmitānam hi “ekasmirṁ bhāsamānasmin”ti-ādidhammatā vuttā. Tathā hi ye vaṇṇavayasarīrāvayavaparikkhārakiriyāvisesādīhi niyamam akatvā nimmitā honti, te aniyametvā nimmitattā iddhimatā sadisāva honti. Ṭhānanisajjādīsu bhāsitatuṇhībhāvādīsu vā yam yam iddhimā karoti, tam tadeva karonti. Sace pana nānappakāre kātukāmo hoti, keci paṭhamavaye, keci majjhimavaye, keci pacchimavaye, tathā dīghakese upadḍhamuṇḍe missakakese upadḍharattacīvare paṇḍukacīvare, padabhāṇḍadhāmmakathā sarabhañña pañhapucchana pañhavissajjana rajana pacana cīvarasibbana dhovanādīni karonte, aparepi vā nānappakāre kātukāmo hoti, tena pādakajjhānato vuṭṭhāya “ettakā bhikkhū paṭhamavayā hontū”ti-ādinā nayena parikammaṁ katvā puna samāpajjitvā vuṭṭhāya adhiṭṭhite adhiṭṭhānacittena saddhim icchiticchitappakārāyeva honti. **Puna attano vasanaṭṭhānameva āgacchatīti** tehi saddhim janapadakathaṁ kathento anisīditvā attano vasanaṭṭhānam veļuvanameva paccāgacchati. **Pāliyanti** vinayapāliyam.

Pilindavacchattheravatthu

215. Sattame piyānanti piyāyitabbānam. **Manāpānanti** manavaḍḍhanakānam. **Pilindoti panassa gottam, vacchoti nāmanti** ettha vuttavipariyāyenapi vadanti “pilindoti nāmaṁ, vacchoti gottan”ti. Teneva ācariyadhammapālattherena **theragāthāsaṁvaṇṇanāya**¹ vuttam “pilindotissa nāmaṁ akamśu, vacchoti pana gottam. Tena so aparabhāge pilindavacchoti paññāyitthā”ti. **Saṁsandetvāti** ekato katvā.

Satthu dhammadesanam sutvā paṭiladdhasaddho pabbajitvāti idam aṅguttarabhāṇḍakānam kathāmaggena vuttam. Apare pana bhaṇanti— anuppanneyeva amhākam bhagavati sāvatthiyam brāhmaṇagehe nibbattitvā pilindavacchoti paññāto saṁsāre samvegabahulatāya paribbājakapabbajjam pabbajitvā cūḍagandhāram nāma vijjam sādhetvā ākāsacārī paracittavidū ca hutvā rājagahe lābhaggayasaggappatto paṭivasati. Atha yadā amhākam bhagavā abhisambuddho hutvā anukkamena rājagahaṁ upagato, tato paṭṭhāya

1. Theragāthā-Ṭīha 1. 63 piṭṭhe.

buddhānubhāvena tassa sā vijjā na sampajjati, attakiccam na sādheti. So cintesi “sutam kho pana metam ‘acariyapācariyānam bhāsamānānam yathā mahāgandhāravijjā dharati, tattha cūlagandhāravijjā na sampajjati”ti. Samaṇassa pana gotamassa āgatakālato paṭṭhāya nāyam mama vijjā sampajjati, nissamsayam samaṇo gotamo mahāgandhāravijjam jānāti, yannūnāham tam payirupāsitvā tassa santike vijjam pariyoṇeyyan”ti. So bhagavantam upasaṅkamitvā etadavoca “ahaṁ mahāsamaṇa tava santike ekam vijjam pariyoṇutukāmo, okāsam me karohī”ti. Bhagavā “tena hi pabbajā”ti āha. So “vijjāya parikammam pabbajā”ti maññamāno pabbajīti. **Paravambhanavasenāti** paresam garahanavasena.

Akakkasanti apharusam. **Viññāpaninti** athaviññāvanim. **Saccanti** bhūtattham. **Nābhisajeti** yāya girāya aññam kujjhāpanavasena na lagāpeyya, khīṇāsavo nāma evarūpameva giram na bhāseyya, tasmā tamaham brūmi brāhmaṇam vadāmīti attho.

Anuvicinitvāti anuvicāretvā. **Caṇḍikatam gacchantanti** sīghagatiyā gacchantam.

Bāhiyadārucīriyattheravatthu

216. Atṭhame **ekarattivāsenā** gantvāti devatānubhāvena gantvā. “Buddhānubhāvenā”tipi vadanti. Evam gato ca vihāram pavisitvā sambahule bhikkhū bhuttapātarāse kāyālasiyavimocanatthāya abbhokāse caṅkamante disvā “kaham etarahi satthā”ti pucchi. Bhikkhū “sāvatthiyam piṇḍāya paviṭṭho”ti vatvā tam pucchimśu “tvam pana kuto āgato”ti. Suppārakā¹ āgatomhīti. Kadā nikkhantosīti. Hiyyo sāyam nikkhantomhīti. Dūrato āgato, tava pāde dhovitvā telena makkhetvā thokam vissamāhi, āgatakāle satthāram dakkhissatīti. Aham bhante satthu vā attano vā jīvitantarāyam na jānāti, ekarattenevamhi katthaci atṭhatvā anisiditvā vīssayojanasatikam maggam āgato, satthāram passitvāva vissamissāmīti. So evam vatvā taramānarūpo sāvatthim pavisitvā bhagavantam anopamāya buddhasiriyā piṇḍāya carantam

1. Suppādakā (Ka)

disvā “cirassam vata me diṭṭho sammāsambuddho”ti diṭṭhatṭhānato paṭṭhāya oṇatasarīro gantvā antaravīthiyameva pañcapatiṭṭhitena vanditvā gopphakesu daḷham gahetvā evamāha “desetu me bhante bhagavā dhammadā, desetu me sugato dhammadā, yam mamassa dīgharattam hitāya sukhāyā”ti¹.

Atha naṁ satthā “akālo kho tāva bāhiya, antaragharam paviṭṭhomhi piṇḍāyā”ti paṭikkhipi. Tam sutvā bāhiyo “bhante saṁsāre saṁsarantena kabalīkārāhāro na no laddhapubbo, tumhākam vā mayham vā jīvitantarāyam na jānāmi, desetha me dhamman”ti. Satthā dutiyampi paṭikkhipiyeva. Evam kirassa ahosi “imassa maṁ diṭṭhakālato paṭṭhāya sakalasarīram pītiyā nirantaram ajjhottaṭam hoti, balavapītivegena dhammadā sutvāpi na sakkhissati paṭivijjhitudūmajjhattupekkhā tāva tiṭṭhatu, ekaratteneva vīsayojanasatām maggam āgatattā darathopissa balavā, sopi tāva paṭippassambhatū”ti. Tasmā dvikkhattum paṭikkhipitvā tatiyam yācito antaravīthiyam ṭhitova “tasmātiha te bāhiya evam sikkhitabbam diṭṭhe diṭṭhamattam bhavissatī”ti-ādinā¹ nayena dhammadā deseti. Imamatthām samkhipitvā dassento “satthāram piṇḍāya paviṭṭhan”ti-ādimāha. Tattha antaraghareti antaravīthiyam.

Aparipuṇṇapattacīvaratāya pattacīvaraṁ pariyesantoti so kira vīsativassasahassāni samaṇadhammadā karonto “bhikkhunā nāma attano paccaye labhitvā aññam anoloketvā sayameva bhuñjitum vatṭatī”ti ekabikkhussapi pattena vā cīvarena vā saṅgahām nākāsi. Tenassa “iddhimayapattacīvaraṁ na uppajiissatī”ti ñatvā chibhikkhubhāvena pabbajjam na adāsi. Tāvadeva ca pabbajjam yācito “paripuṇṇam te pattacīvaran”ti pucchitvā “aparipuṇṇan”ti vutte “tena hi pattacīvaraṁ pariyesāhi”ti vatvā pakkāmi. Tasmā so pattacīvaraṁ pariyesanto saṅkāraṭṭhānato colakhaṇḍāni saṅkaḍḍhati.

Sahassamapīti paricchedavacanām. Eka sahassam dvesahassānīti evam sahassena ce paricchinnā gāthā honti, tā ca **anatthapadasamhitā** ākāsavāṇṇapabbatavaṇṇādīni pakāsakehi anibbānādīpakehi anathakehi padehi samhitā yāva bahukā honti, tāva pāpikā evāti

1. Khu 1. 85 piṭṭhe Udāne.

attho. **Ekaṁ gāthāpadam seyyoti** “appamādo amatapadam -pa- yathā matā”ti¹ evarūpā ekagāthāpi seyyoti attho.

Kumārakassapattheravatthu

217. Navame **ekām buddhantaraṁ sampattim anubhavamānoti** sāvakabodhiyā niyatata�aya puññasambhārassa ca sātisayattā vinipātam agantvā ekām buddhantaraṁ devesu ca manussesu ca sampattim anubhavamāno. **“Ekissā kuladārikāya kucchimhi uppanno”ti** vatvā tamevassa uppannabhāvam mūlato paṭṭhāya dassetum “sā cā”ti-ādi vuttam. Tattha sāti kuladārikā. Ca-saddo byatirekattho. Tena vuccamānam visesam jotayati. **Kulagharanti** patikulageham. **Gabbhanimittanti** gabbhassa sañṭhitabhāvaviggaham. Satipi visākhāya sāvattivāsikulapariyāpannatte tassā tattha padhānabhāvadassanattham “visākhañcā”ti-ādi vuttam yathā “brāhmaṇā āgatā, vāsiṭṭhopi āgato”ti. Bhagavatā evam gahitanāmattāti yojanā. Yasmā rājaputtā loke “kumārā”ti voharīyanti, ayañca rañño kittimaputto, tasmā āha “rañño -pa- sañjāniṁsū”ti.

Pañcadasa pañhe abhisāñkharityvāti “bhikkhu bhikkhu ayam vammiko rattim dhūpāyati, divā pajjalatū”ti-ādinaā **vammikasutte**² āgatanayena pañcadasa pañhe abhisāñkharitvā. **Pāyāsiraññoti** “natthi paraloko, natthi sattā opapātikā, natthi sukatadukkatānam kammānam phalam vipāko”ti³ evam laddhikassa pāyāsirājassa. Rājā hi tadā anabhisitto hutvā pasenadinā kosalena dinnasetabyanagaram aijjhāvasanto imam diṭṭhim gaṇhi. **Pañcadasahi pañhehi paṭimāṇḍetvāti** “tam kim maññasi rājañña, ime candimasūriyā imasmim vā loke parasmim vā devā vā te manussā”ti evamādīhi⁴ pañcadasahi pañhehi paṭimāṇḍitam katvā. **Suttanteti** pāyāsisuttante⁴.

Mahākoṭṭhikattheravatthu

218. Dasamam uttānatthameva.

Tatiyavaggavaññanā niṭṭhitā.

1. Khu 1. 16 piṭṭhe Dhammapade.
3. Dī 2. 255 piṭṭhe.

2. Ma 1. 196 piṭṭhe.
4. Dī 2. 253 piṭṭhe.

4. Catutthavaggavaṇṇanā

Ānandattheravatthu

219-223. Catutthavaggassa paṭhame **heṭṭhā vuttappamāṇanti heṭṭhā** Koṇḍaññattherassa vatthumhi “tassa dhurapattāni navutihatthāni honti, kesaram timsahatthām, kaṇṇikā dvādasahatthā, pādena patiṭhitatṭhānam ekādasahatthan”ti evam vuttappamāṇam. **Rañño pesesīti** paccantassa kupitabhāvam ārocetvā pesesi. **Theragāthāsamvāṇṇanāyam**¹ pana “paccantassa kupitabhāvam rañño anārocetvā sayameva tam vūpasamesi, tam sutvā rājā tuṭṭhamānaso puttām pakkosāpetvā ‘varaṁ te sumana dammi, gaṇhāhī’ti āhā”ti vuttam. **Na metam cittam atthīti** mama evarūpam cittam natthi. **Avañjhanti** atuccham. **Aññam varehīti** aññam patthehi, aññam gaṇhāhīti vuttam hoti. **Udakam adhiṭṭhayāti** “udakam hotū”ti adhiṭṭhahitvā. **Gatenāti** gamanena. **Na āmisacakkhukāti** cīvarādipaccayasaṅkhātam āmisam na olokenti.

Vasanaṭṭhānasabhāgeyevāti vasanaṭṭhānasamīpeyeva². **Ekantavallabhoti** upaṭṭhākatṭhāne ekantena vallabho. **Etassevāti** etasseva bhikkhussa. **Dvejjhakathā na hontīti**³ dvidhābhūtakathā na honti, anekantikakathā na hontīti vuttam hoti. **Anibaddhāti** aniyatā. **Lohitena galantenāti** itthambhūtakkhāne karaṇavacanam, galantena lohitena yuttoti attho. **Anvāsattoti** anugato. **Uṭṭhehi Āvuso Ānanda, uṭṭhehi Āvuso Ānandāti** turite idamāmeditavacanam. **Duvidhena udakenāti** sīstudakena uṇhudakena ca. **Tividhena dantakaṭthenāti** khuddakam mahantam majjhimanti evam tippakārena dantakaṭthena. **Nava vāre anupariyāyatīti** satthari pakkosante paṭivacanadānāya thinamiddhavinodanattham navakkhattum anupariyāyati. Tenevāha “**evañhissa ahosi**”ti-ādi. Sesamettha suviññeyyameva.

Uruvelakassapattheravatthu

224. Dutiye yam vattabbam, tam vitthārato vinayapāliyam āgatameva.

1. Theragāthā-Tīha 2. 412 piṭṭhe.

2. Vasaṭṭhānasamīpeyeva ṭhānc (Ka)

3. Advejjhakathā hontīti (Aṭṭhakathāyarn)

Kāludāyittheravatthu

225. Tatiye **gamanākappanti** gamanākāram. Sesamettha uttānameva.

Bākulatheravatthu

226. Catutthe **nirābādhānanti** ābādharahitānam. Yathā “dvāvīsati dvattimśā”ti-ādimhi vattabbe “bāvīsati bāttimśā”ti-ādīni vuccanti, evamevaṁ dve kulāni assāti dvikulo, dvekuloti vā vattabbe bākuloti vuttanti āha “**bākuloti dvīsu kulesu vaḍḍhitattā evam laddhanāmo**”ti. **Upayogenāti** ānubhāvena. **Phāsukakāleti** arogakāle. **Gadduhanamattampīti** goduhanamattampi kālam. Idha pana na sakalo goduhanakkhaṇo adhippeto, atha kho gāvīm thane gahetvā ekakhīrabinduduhanakālamattām adhippetam. **Ārogyasālanti** āturānam arogabhāvakaraṇatthāya katasālam.

Nimujjanummujjanavasenāti jāṇuppamāṇe udake thokamiyeva nimujjanummujjanavasena. **Chaddetvā palāyīti** macchassa mukhasamīpeyeva chaddetvā palāyi. **Dārakassa tejenāti** dārakassa puññatejena. **Māriyamānāva marantīti** daṇḍādīhi pothetvā māriyamānāva maranti, na jālena baddhatāmattena amāriyamānā. **Nīhaṭamattova matoti** nīhaṭakkhaṇeyeva mato. Tenassa māraṇatthām upakkamo na kato, yena upakkamena dārakassa ābādho siyā. **Tanti** maccham. **Sakalamevāti** avikalameva paripuṇñāvayavameva. **Na keḷāyatīti** na nandati¹, kismiñci na maññati. **Piṭṭhito phālentīti** dārakassa puññatejena piṭṭhito phālentī. **Bherim carāpetvāti** “puttam labhin”ti ugghosanavasena bherim carāpetvā. **Pakatīm ācikkhīti** attano puttabhāvam kathesi. **Kucchiyā dhāritattā amātā kātum na sakkāti** janānībhāvato amātā kātum na sakkā. **Maccham gaṇhantāpīti** maccham vikkiṇitvā gaṇhantāpi. Tathā gaṇhantā ca tappariyāpannam sabbam gaṇhanti nāmāti āha “**vakkayakanādīni bahi katvā gaṇhantā nāma natthī**”ti. Ayampi amātā kātum na sakkāti dinnaputtabhāvato na sakkā.

1. Na nandayati (Ka)

Sobhitatheravatthu

227. Pañcamam uttānatthameva.

Upālittheravatthu

228. Chatthe **bhārukacchakavatthunti** aññataro kira bhārukacchadesavāsī bhikkhu supinante purāṇadutiyikāya methunam dhammarām paṭisevitvā “assamaṇo ahaṁ vibbhamissāmī”ti bhārukaccham gacchanto antarāmagge āyasmantam upālim passitvā etamattham ārocesi. Āyasmā upāli evamāha “anāpatti āvuso supinantena”ti. Yasmā supinante avisayattā evam hoti. Tasmā upālitthero bhagavatā avinicchitapubbampi imam vatthum nayaggāhena evam vinicchini. Gahapatino dve dārakā honti putto ca bhāgineyyo ca. Atha so gahapati gilāno hutvā āyasmantam ajjukam etadavoca “imam bhante okāsam yo imesam dārakānam saddho hoti pasanno, tassa ācikkheyāsī”ti. Tena ca samayena tassa ca gahapatino bhāgineyyo saddho hoti pasanno. Athāyasmā ajuko tam okāsam tassa dārakassa ācikkhi. So tena sāpateyyena kuṭumbañca sañthapesi, dānañca paṭṭhapesi. Atha tassa gahapatino putto āyasmantam ānandam etadavoca “ko nu kho bhante ānanda pituno dāyajjo¹ putto vā bhāgineyyo vā”ti. Putto kho āvuso pituno dāyajjoti. Āyasmā bhante ayyo ajuko amhākam sāpateyyam amhākam methunakassa ācikkhīti. Assamaṇo āvuso so ajjukoti. Athāyasmā ajuko āyasmantam ānandam etadavoca “dehi me āvuso ānanda vinicchayan”ti. Te ubhopi upālittherassa santikam agamaṁsu. Athāyasmā upāli āyasmantam ānandam etadavoca “yo nu kho āvuso ānanda sāmikena ‘imam okāsam itthannāmassa ācikkhā’ti vutto, tassa ācikkhati, kim so āpajjatī”ti. Na bhante kiñci āpajjati antamaso dukkaṭamattampīti. Ayam āvuso āyasmā ajuko sāmikena “imam okāsam itthannāmassa ācikkhā”ti vutto tassa ācikkhati, anāpatti āvuso āyasmato ajjukassāti. Bhagavā tam sutvā “sukathitam bhikkhave upālinā”ti

1. Dāyādo (?)

vatvā sādhukāramadāsi, tam sandhāyetam vuttam. **Kumārakassapavatthu** pana heṭṭhā¹ āgatameva.

Channam **khattiyananti** bhaddiyo sakyarājā anuruddho ānando bhagu kimilo devadattoti imesam channam khattiyanam. **Pasādhakoti** maṇḍayitā. **Pāliyanti** samghabhedakkhandhakapāliyanti².

Nandakatheravatthu

229. Sattame **ekasamodhāneti** ekasmim samodhāne, ekasmim sannipāteti attho. Sesam suviññeyyameva.

Nandatheravatthu

230. Aṭṭhame **na tam catusampajaññavasena aparicchinditvā oloketīti** sattakasappāyagocara-asammohasampaṭajaññasaṅkhātānam catunnam sampajaññānam vasena aparicchinditvā tam disam na oloketi. So hi āyasmā “yamevāham indriyesu aguttadvāratam nissāya sāsane anabhirati-ādivippakārappatto, tameva suṭṭhu niggahessāmī”ti ussāhajāto balavahirottappo, tattha ca katādhikārattā indriyasamvaro ukkam̄sapāramippatto catusampajaññām amuñcītvāva sabbadisam āloketi. Vuttam cetam bhagavatā—

“Sace bhikkhave nandassa puratthimā disā āloketabbā hoti, abbam cetaso samannāharitvā nando puratthimam disam āloketi ‘evam me uratthimam disam ālokayato nābhijjhādomanassā pāpakā ‘akusalā hammā anvāsavissantī’ti. Itiha tattha sampajāno hoti. Sace bhikkhave nandassa pacchimā disā, uttarā disā, dakkhiṇā disā, uddham, adho, anudisā nuviloketabbā hoti, sabbam cetaso samannāharitvā nando anudisam anuviloketi ‘evam me anudisam anuvolokayato -pasampajāno hotī’ti”³.

1. Am-Ṭṭha 1. 220 piṭṭhe.

2. Vi 4. 336 piṭṭhe.

3. Am 3. 14 piṭṭhe.

Abhisekagehapavesana-āvāhamāṅgalesu vattamānesūti idha tīṇi maṅgalāni vuttāni, vinayaṭīhakathāyam pana “tam divasameva nandakumārassa kesavissajjanam paṭṭabandho gharamaṅgalam chattamaṅgalam āvāhamāṅgalanti pañca maṅgalāni honti”ti vuttam. Tattha kulamariyādavasena kesoropanam **kesavissajjanam**. Yuvarājapāṭṭabandhanam **paṭṭabandho**. Abhinavagharappavesanamaho **gharamaṅgalam**. Vivāhakaraṇamaho **āvāhamāṅgalam**. Yuvarājachattamaho **chattamaṅgalam**.

Nandakumāram abhisekamaṅgalam na tathā pīlesi, yathā janapadakalyāṇiyā vuttavacananti ajjhāharitabbam. Tadeva pana vacanam sarūpato dassetum “**pattam ādāya gamanakāle**”ti-ādi vuttam.

Janapadakalyāṇīti janapadamhi kalyāṇī uttamā chasarīradosarahitā pañcakalyāṇasamannāgatā. Sā hi yasmā nātidīghā nātirassā nātikisā nātithūlā nātikālī nāccodātāti atikkantā mānusavaṇṇam, asampattā dibbavaṇṇam, tasmā **chasarīradosarahitā**. Chavikalyāṇam māṁsakalyāṇam nhārukalyāṇam aṭṭhikalyāṇam vayakalyāṇanti imehi pana kalyāṇehi samannāgatattā **pañcakalyāṇasamannāgatā** nāma. Tassā hi ḡantukobhāsakiccam natthi, attano sarīrobhāseneva dvādasahatthe ṭhāne ālokaṁ karoti, piyangusāmā vā hoti suvaṇṇasāmā vā, ayamassā **chavikalyāṇatā**. Cattāro panassā hatthapādā mukhapariyosānañca lākhārasaparikammakataṁ viya rattapavālarattakambalasadisam hoti, ayamassā **māsakalyāṇatā**. Vīsatī pana nakhapattāni māṁsato amuttaṭhāne lākhārasapūritāni viya, muttaṭhāne khīradhārāsadisāni honti, ayamassā **nhārukalyāṇatā**. Dvattimsa dantā suphusitā¹ sudhotavajirapanti viya khāyanti, ayamassā **aṭṭhikalyāṇatā**. Vīsamvassasatikāpi samānā soḷasavassuddesikā viya hoti nippalitena, ayamassā **vayakalyāṇatā**. Iti imehi pañcahi kalyāṇehi samannāgatattā “janapadakalyāṇī”ti vuccati. **Tuvatanti** sīgham.

Imasmīn ṭhāne nivattessati, imasmīn ṭhāne nivattessatīti cintentamevāti so kira tathāgate gāravavasena “pattam vo bhante gaṇhathā”ti vattum avisahanto evam cintesi “sopānasīse pattam

1. Suphassitā (Sī)

gaṇhissatī”ti. Satthā tasmimpi ṭhāne na gaṇhi. Itaro “sopānapādamūle gaṇhissatī”ti cintesi. Satthā tatthāpi na gaṇhi. Itaro “rājaṅgaṇe gaṇhissatī”ti cintesi. Satthā tatthāpi na gaṇhi. Evam “idha gaṇhissati, ettha gaṇhissatī”ti cintentameva satthā vihāram netvā pabbājesi.

Mahākappinattheravatthu

231. Navame sutavittakoti dhammassavanapiyo. **Paṭihārakassāti** dovārikassa. **Saccakārenāti** saccakiriyāya. **Satthā “uppalavaṇṇā āgacchatū”ti** cintesi. **Therī āgantvā sabbā pabbājetvā bhikkhunī-upassayam gatāti** idam aṅguttarabhāṇakānam kathāmaggam dassentena vuttam. Teneva **dhammapadaṭṭhakathāyam¹** vuttam—

“Tā satthāram vanditvā ekamantam ṭhitā pabbajjam yācimsu. Evam kira vutte satthā uppalavaṇṇāya āgamanam cintesīti ekacce vadanti. Satthā pana tā upasikāyo āha ‘sāvatthim gantvā bhikkhunī-upassaye pabbājethā’ti. Tā anupubbena janapadacārikam caramānā antarāmagge mahājanena abhihaṭasakkārasammānā padasāva vīsayojanasatikam maggam gantvā bhikkhunī-upassaye pabbajitvā arahattam pāpuṇimśū”ti.

Dhammapītīti dhammapāyako, dhammam pivantoti attho. Dhammo ca nāmesa na sakkā bhājanena yāgu-ādīni viya pātum, navavidham pana lokuttaradhammadā nāmakāyena phusanto ārammaṇato sacchikaronto pariññābhisaṁyādīhi dukkhādīni ariyasaccāni paṭivijjhanto dhammadā pivati nāma. **Sukham** setīti desanāmattametam, catūhipi iriyāpathēhi sukham viharatīti attho. **Vippasannenāti** anāvilena nirupakkilesena. **Ariyappaveditēti** buddhādīhi ariyehi pavedite satipatṭhānādibhede bodhipakkhiyadhamme. **Sadā ramatīti** evarūpo dhammapīti vippasannena cetasā viharanto pañdiccena samannāgato sadā ramati abhiramatī. Bāhitapāpattā “brāhmaṇā”ti theram alapati.

1. Dhammapada-Ṭṭha 1. 358 piṭṭhe.

Sāgatattheravatthu

232. Dasame **chabbaggiyānam** vacanenāti kosambikā kira upāsakā āyasmantaṁ sāgataṁ upasaṅkamitvā abhivādetvā ekamantaṁ ṛhitā evamāhamīsu “kim bhante ayyānam dullabhañca manāpañca, kim paṭiyādemā”ti. Evam vutte chabbaggiyā bhikkhū kosambike upāsake etadavocum “atthāvuso kāpotikā nāma pasannā bhikkhūnam dullabhā ca manāpā ca, tam paṭiyādethā”ti. Atha kosambikā upāsakā ghare ghare kāpotikam pasannam paṭiyādetvā āyasmantaṁ sāgataṁ piṇḍāya carantam disvā etadavocum “pivatu bhante ayyo sāgato kāpotikam pasannam, pivatu bhante ayyo sāgato kāpotikam pasannan”ti. Athāyasmā sāgato ghare ghare kāpotikam pasannam pivitvā nagaramhā nikhamanto nagaradvāre pati. Tena vuttam “**chabbaggiyānam** vacanena **sabbagehesu** kāpotikam pasannam paṭiyādetvā”ti-ādi. Tattha **kāpotikā** nāma kapotapādasamānavanṇā rattobhāsā. **Pasannāti** surāmaṇḍassetarā adhivacanam. **Vinaye samuṭṭhitanti** surāpānasikkhāpade¹ āgatam.

Rādhattheravatthu

233. Ekādasame **satthā sāriputtatherassa** saññam adāsīti brāhmaṇam pabbājetum saññam adāsi, āṇāpesīti vuttaṁ hoti. Bhagavā kira tam brāhmaṇam pabbajjam alabhitvā kisaṁ lūkham dubbaṇṇam uppāṇḍuppaṇḍukajātam disvā bhikkhū āmantesi “ko bhikkhave tassa brāhmaṇassa adhikāram saratī”ti. Evam vutte āyasmā sāriputto bhagavantam etadavoca “aham kho bhante tassa brāhmaṇassa adhikāram sarāmī”ti. Kim pana tvam sāriputta brāhmaṇassa adhikāram sarasīti. Idha me bhante so brāhmaṇo rājagahe piṇḍāya carantassa kaṭacchubhikkham dāpesi, imam kho aham bhante tassa brāhmaṇassa adhikāram sarāmī”ti. Sādhu sādhu sāriputta. Kataññuno hi sāriputta sappurisā katavedino, tena hi tvam sāriputta tam brāhmaṇam pabbājehi upasampādehīti. **Aṭṭhuppattiyan** āgatoti alīnacittajātakassa² aṭṭhuppattiyan³ āgato.

1. Vi 2. 144 piṭṭhe.

2. Khu 5. 37 piṭṭhe.

3. Jātaka-Tīha 2. 16 piṭṭhe.

Nidhīnanti tattha tattha nidahitvā ṭhapitānam hiraññasuvaṇṇādipūrānam nidhikumbīnam. **Pavattāranti** kicchajīvike¹ duggatamanusse anukampam katvā “ehi, te sukhena jīvanupāyam dassessāmī”ti nidhiṭṭhānam netvā hattham pasāretvā “imam gahetvā sukham jīvā”ti ācikkhitāram viya.

Vajjadassinanti dve vajjadassino “iminā nam asāruppēna vā khalitena vā samghamajjhe niggaṇhissāmī”ti randhagavesako ca, anaññātam ñāpanatthāya ñātam anuggaṇhanatthāya sīlādīnamassa vuddhikāmatāya tam tain vajjam olakanena ullumpanasabhāvasanṭhito ca. Ayaṁ idha adhippeto. Yathā hi duggatamanusso “imam gaṇhāhī”ti tajjetvāpi pothetvāpi nidhim dassente kopam na karoti, pamuditova hoti, evamevaṁ evarūpe puggale asāruppam vā khalitam vā disvā ācikkhante kopo na kātabbo, tuṭṭheneva bhavitabbam. “Bhante mahantam vo kammam kataṁ mayham ācariyupajjhāyatthāne ṭhatvā oवadantehi, punapi mam vadeyyāthā”ti pavāretabbameva.

Niggayhavādinti ekacco hi saddhivihārikādīnam asāruppam vā khalitam vā disvā “ayam me mukhodakadānādīhi sakkaccam upaṭṭhahati, sace nam vakkhāmi, na maiṁ upaṭṭhahissati, evam me parihāni bhavissatī”ti tam vattum avisahanto na niggayhavādī nāma hoti, so imasmīm sāsane kacavaram ākirati. Yo pana tathārūpam vajjam disvā vajjānurūpam tajjento paṇāmento daṇḍakammam karonto vihārā nīharanto sikkhāpeti, ayam niggayhavādī nāma seyyathāpi sammāsambuddho. Vuttaṁ hetari “niggayha niggayhāham ānanda vakkhāmi, pavayha pavayha ānanda vakkhāmi, yo sāro, so ṭhassatī”ti². **Medhāvinti** dhammojapaññāya samannāgatam. **Tādisanti** evarūpam paṇḍitam bhajeyya payirupāseyya. Tādisam hi ācariyam **bhajamānassa** antevāsikassa seyyo hoti na pāpiyo, vaḍḍhiyeva hoti, no parihānti.

Mogharājatteravatthu

234. Dvādasame **kaṭṭhavāhananagareti** kaṭṭhavāhanena gahitattā evam laddhanāmake nagare. Atīte kira bārāṇasivāsī eko rukkhavaḍḍhakī sake ācariyake adutiyō. Tassa soṭasa sissā ekamekassa sahassam antevāsikā. Evam te sattarasādhikā soṭasa sahassā

1. Kicchajīvite (Sī, Ka)

2. Ma 3. 159 piṭṭhe.

ācariyantevāsikā sabbepi bārāṇasim upanissāya jīvikam kappentā pabbatasamipam gantvā rukkhe gahetvā tattheva nānāpāsādavikatiyo niṭṭhāpetvā kullaṁ bandhitvā gaṅgāya bārāṇasim ānetvā sace rājā atthiko hoti, rañño ekabhūmakam vā sattabhūmakam vā pāsādam yojetvā denti. No ce, aññesampi vikkiṇitvā puttadāram posenti. Atha nesam ekadivasam ācariyo “na sakkā vadḍhakikammena niccam jīvitum, dukkaram hi jarākāle etam kamman”ti cintetvā antevāsike āmantesi “tātā udumbarādayo appasārarukkhe ānethā”ti. Te “sādhū”ti paṭissuṇitvā ānayiṁsu. So tehi kaṭṭhasakuṇam katvā tassabbhantaram pavisitvā vātena yantam pūresi. Kaṭṭhasakuṇo suvaṇṇahaṁsarājā viya ākāse laṅghitvā vanassa upari caritvā antevāsīnam purato oruhi.

Athācariyo sisse āha “tātā īdisāni kaṭṭhavāhanāni katvā sakkā sakalajambudīpe rajje gahetuṁ, tumhepi tātā etāni karotha, rajjam gahetvā jīvissāma, dukkaram vadḍhakisippena jīvitun”ti. Te tathā katvā ācariyassa paṭivedesum. Tato ne ācariyo āha “katamam tātā rajjam gaṇhāmā”ti. Bārāṇasirajjam ācariyāti. Alām tātā mā etam rucittha¹, mayam hi tam gahetvāpi “vadḍhakirājā, vadḍhakiyuvarājā”ti vadḍhakivādā na muccissāma, mahanto jambudīpo, aññattha gacchāmāti. Tato saputtadārakā kaṭṭhavāhanāni abhiruhitvā sajjāvudhā hutvā himavantābhimukhā gantvā himavati aññataram nagaram pavisitvā rañño nivesaneyeva paccuṭṭhamiṁsu. Te tattha rajjam gahetvā ācariyam rajje abhisiñciṁsu. So “kaṭṭhavāhano rāja”ti pākaṭo ahosi, tam nagaram tena gahitattā “kaṭṭhavāhananagaran”teva nāmam labhi.

Tapacāranti tapacaraṇam. Pāsāṇacetiye piṭṭhipāsāṇe nisīdīti
pāsāṇakacetiyyanti laddhavohāre piṭṭhipāsāṇe sakkena māpite mahāmaṇḍape nisīdi. Tattha kira mahato pāsāṇassa upari pubbe devaṭṭhānam ahosi, uppanne pana bhagavati vihāro jāto, so teneva purimavohārena “pāsāṇacetiyan”ti vuccati.

Tena puccite dutiyo hutvā satthāram pañham pucchīti—

“Muddham muddhādhipātañca, bāvarī paripucchati.
Tam byākarohi bhagavā, kañkham vinaya no ise”ti¹—

evam tena pañhe pucchite bhagavatā ca—

“Avijjā muddhāti jānāhi, vijjā muddhādhipātinī.
Saddhāsatisamādhīhi, chandavīriyena saṃyutā”ti¹—

pañhe vissajjite dutiyo hutvā pañham pucchi.

Athassa -pa- pañham kathesīti—

“Katham lokam avekkhantam, maccurājā na passatī”ti²—

tena pañhe pucchite—

“Suññato lokam avekkhassu, mogharāja sadā sato.
Attānudīṭhim ūhacca, evam maccutaro siyā.
Evam lokam avekkhantam, maccurājā na passatī”ti³—

pañham vissajjesi.

Sesajanāti tasmin samāgame sannipatitā sesajanā. Na kathīyantīti
“ettakā sotāpannā”ti-ādinā na vuccanti. **Evam pārāyane vatthu samuṭṭhitanti**
pārāyanavagge³ idam vatthu samuṭṭhitam.

Catutthavaggavaṇṇanā niṭṭhitā.

Therapālisamvaṇṇanā niṭṭhitā.

5. Pañcamavaggavaṇṇanā

Mahāpajāpatigotamītherīvatthu

235. Theripālisamvaṇṇanāya paṭhame **yadidam mahāgotamīti** ettha
“yadidam mahāpajāpati gotamī”ti ca paṭhanti. Tattha **gotamīti** gottam.

1. Khu 1. 433 piṭṭhe.

2. Khu 1. 447 piṭṭhe.

3. Khu 1. 448 piṭṭhe Suttanipāte.

Nāmakaraṇadivase panassā laddhasakkārā brāhmaṇā lakkhaṇasampattim disvā “sace ayaṁ dhītaram labhissati, cakkavattirañño mahesī bhavissati. Sace puttam labhissati, cakkavattirājā bhavissatī”ti ubhayathāpi “mahatīyevassā pajā bhavissatī”ti byākarīmsu, tasmā puttapajāya ceva dhītupajāya ca mahantatāya “mahāpajāpatī”ti vohariṁsu. Tadubhayam pana saṁsandetvā “**mahāpajāpatigotami**”ti vuttam. **Vārabhikkhanti** vārena dātabbam bhikkham. **Nāmarūm akarīnsūti** gottamyeva nāmarūm akarīmsu. **Mātucchanti** cūlamātaram. Mātubhaginī hi mātucchāti vuccati.

Kalahavivādasuttapariyosāneti “kutopahūtā kalahā vivādā”ti-ādinā suttanipāte āgatassa **kalahavivādasuttassa**¹ pariyosāne. Idañca aṅguttarabhāṇakānam kathāmaggānusārena vuttam. Apare pana “tasmiṁyeva suttanipāte ‘attadaṇḍābhayam jātan’ti-ādinā āgatassa **attadaṇḍasuttassa**² pariyosāne”ti vadanti. **Nikkhamitvā pabbajitānanti** ettha ehibhikkhupabbajjāya ete pabbajitāti vadanti. Teneva suttanipāte **attadaṇḍasuttasāṁvāṇṇāyā**³ vuttam “desanāpariyosāne pañcasatā sākiyakumārā koliyakumārā ca ehibhikkhupabbajjāya pabbajitā. Te gahetvā bhagavā mahāvanam pāvisī”ti. Sesamettha suviññeyyameva.

Khemātherīvatthu

236. Dutiye **parapariyāpannā sutvāti** paresam dāsim hutvā.
Suvaṇṇarasapiñjaro ahosīti suvaṇṇarasapiñjaro viya ahosi.

Makkaṭakova jālanti yathā nāma makkaṭako suttajālam katvā majjhāṭṭhāne nābhimaṇḍale nipanno pariyante patitam paṭaṅgam vā makkhikam vā vegena gantvā vijjhitvā tassa rasam pivitvā punāgantvā tasmimyeva ṭhāne nipajjati, evameva ye sattā rāgarattā dosapadutṭhā mohamūlhā sayamkataṁ taṭhāsotam anupatanti, te tam samatikkamitum na sakkonti, evam duratikkamam. **Etampi chetvāna vajanti dhīrāti** paṇḍitā etam bandhanam chinditvā **anapekkhino** nirālayā hutvā arahattamaggena sabbam dukkham pahāya vajanti gacchantīti attho.

1. Khu 1. 413 piṭṭhe Suttanipāte.

2. Khu 1. 424 piṭṭhe Suttanipāte.

3. Suttanipāta-Tīha 2. 285 piṭṭhe.

Uppalavaṇṇātherīvatthu

237. Tatiyam uttānatthameva.

Paṭācārātherīvatthu

238. Catutthe paṭihārasatenapīti dvārasatenapi. Paṭihārasaddo hi dvāre dovārike ca dissati. **Kulasabhāganti** attano gehasamīpam.

Tāṇayāti tāṇabhbhvāya patiṭṭhānatthāya. **Bandhavāti** putte ca pitaro ca ṛhapetvā avasesā nātisuhajjā. **Antakenā dhipannassāti** maraṇena abhibhbūtassa. Pavattiyam hi puttādayo annapānādidānena ceva uppannakiccanittharaṇena ca tāṇā hutvāpi maraṇakāle kenaci upāyena maraṇam paṭibhbhitum asamatthatāya tāṇatthāya leṇatthāya na santi nāma. Teneva vuttam “**natthi nātīsu tāṇatā**”ti.

Etamatthavasanti etam tesam aññamaññassa tāṇam bhavitum asamatthabbhvāsāñkhātam kāraṇam jānitvā **pañḍito** catupārisuddhisilena samvuto rakkhitagopito hutvā **nibbānagamanam** aṭṭhaṅgikam **maggam** sīgham sodheyyāti attho.

Dhammadinnātherīvatthu

239. Pañcame **parāyattaṭṭhāneti** paresam dāsiṭṭhāne. **Sujātattherassa adhikārakammam** katvāti sā kira attano kese vikkipitvā sujātattherassa nāma aggasāvakassa dānam datvā patthanam akāsi. Tam sandhāyetam vuttam. **Hatthe pasāriteti** tassa hatthāvalambanattham pubbāciṇṇavasena hatthe pasārite. So kira anāgāmī hutvā geham āgacchanto yathā aññesu divasesu ito cito ca olokento sitam kurumāno hasamāno āgacchati, evam anāgantvā santindriyo santamānaso hutvā agamāsi. Dhammadinnā sīhapañjaram ugghāṭetvā vīthim olokayamānā tassa āgamanākāram disvā “kim nu kho etan”ti cintetvā tassa paccuggamanam kurumānā sopānasīse ṛhatvā olambanattham hattham pasāresi. Upāsako attano hattham samiñjesi¹.

1. Samañcheti (Ka)

Sā “pātarāsabhojanakāle jānissāmī”ti cintesi. Upāsako pubbe tāya saddhim ekato bhuñjati. Tam divasam pana tam anapaloketvā yogāvacarabhikkhu viya ekakova bhuñji. Tenāha “**bhuñjamānopi imam detha, imam harathāti na byāhari**”ti. Tattha **imam dethāti** imam khādanīyam vā bhojanīyam vā detha. **Imam harathāti** imam khādanīyam vā bhojanīyam vā apaharatha. **Santhavavasenāti** kilesasanthavavasena. Cirakālaparibhāvitāya ghaṭadīpajālāya viya abbhantare dibbamānāya hetusampattiyā codiyamānā āha “**evam sante -pa- mayham pabbajjam anujānāthā**”ti.

Ayam tāva sethi gharamajjhē ṭhitova dukkhassantam akāsīti sā kira “dhammadinne tuyham doso natthi, aham pana ajja paṭṭhāya santhavavasena -pa- kulagharam gacchā”ti vutte evam cintesi “paketipuriso evam vattā nāma natthi, addhā etena lokuttaradhammo nāma paṭividdho”ti. Tenassā ayam saṅkappo ahosi “ayam tāva sethi gharamajjhē ṭhitova dukkhassantam akāsī”ti. **Majjhimanikāyaṭṭhakathāyam**¹ pana “atha kasmā mayā saddhim yathāpakatiyā ālāpasallāpamattampi na karothāti so cintesi ‘ayam lokuttaradhammo nāma garu bhāriyo na pakāsetabbo, sace kho panāham na kathessāmi, ayam hadayam phāletvā ettheva kālam kareyyā’ti tassā anuggahatthāya kathesi ‘dhammadinne aham satthu dhammadesanam sutvā lokuttaradhammam nāma adhigato, tam adhigatassa evarūpā lokiyyakiriyā na vaṭṭatī’ti” vuttaṁ.

Pañcakkhandhādivasena pañhe pucchīti “sakkāyo sakkāyoti ayye vuccati, katamo nu kho ayye sakkāyo vutto bhagavatā”ti-ādinā cūlavedallasutte² āgatanayena pucchi. **Pucchitam pucchitam vissajjesīti** “pañca kho ime āvuso visākha upādānakkhandhā sakkāyo vutto bhagavatā”ti² ādinā tattheva āgatanayena vissajjesi. **Sūrabhāvanti** tikkhabhāvam. Anadhigata-arahattamaggassa uggahena vinā tattha pañho na upaṭṭhātīti āha “**uggahavasena arahattamaggepi pucchi**”ti. Tam nivattentīti “vimuttiyā panāyye kim paṭibhāgo”ti³ pucchite “vimuttiyā kho āvuso visākha nibbānam paṭibhāgo”ti³ vutte “nibbānassa panāyye kim paṭibhāgo”ti³ puna pucchite tam nivattentī

1. Ma-Tṭha 2. 256 piṭṭhe.

2. Ma 1. 373 piṭṭhe.

3. Ma 1. 378 piṭṭhe.

“accasarāvuso visākhā”ti-ādimāha. Tattha accasarāti apucchitabbam pucchanto pañham atikkāmitā ahosīti attho. Nāsakkhi pañhānam pariyanam gahetunti pañhānam paricchedappamānam gahetum nāsakkhi. Pañhānam hi paricchedam gahetum yuttaṭṭhāne aṭṭhatvā tato param pucchanto nāsakkhi pañhānam pariyanam gahetum. Appaṭibhāgadhammassa ca paṭibhāgam pucchi. Nibbānam nāmetam appaṭibhāgam, na sakkā nīlam vā pītakam vāti kenaci dhammena saddhiṁ paṭibhāgam katvā dasseturū, tañca tvarī iminā adhippāyena pucchasīti attho. Nibbānogadhanti nibbānam ogāhetvā ṭhitam, nibbānantogadham nibbānam anuppavīṭhanti attho. Nibbānaparāyaṇanti nibbānam param ayanamassa parāgati, na tato param gacchatīti attho. Nibbānam pariyośānam avasānam assāti nibbānapariyośānam.

Pureti atītesu khandhesu. Pacchāti anāgatesu khandhesu. Majjheti paccuppannesu khandhesu. Akiñcananti yassa etesu tīsu taṇhāgāhasaṅkhātam kiñcanam natthi, tamaham rāgakiñcanādīhi akiñcanam kassaci gahaṇassa abhāvena anādānam brāhmaṇam vadāmīti attho.

Paṇḍitāti dhātu-āyatanādikusalatāsaṅkhātena paṇḍiccena samannāgatā. Vuttam hetam—

“Kittāvatā nu kho bhante paṇḍito hoti? Yato kho ānanda bhikkhu dhātukusalo ca hoti āyatanakusalo ca paṭiccasamuppādakusalo ca hānātṭhānakusalo ca, ettāvatā kho ānanda bhikkhu paṇḍito hotī”ti¹.

Mahāpaññāti mahante atthe mahante dhamme mahantā niruttiyo mahantāni paṭibhānāni pariggahaṇe samatthāya paññāya samannāgatā. Imissā hi theriyā asekkhappaṭisambhidāppattatāya paṭisambidāyo pūretvā ṭhitatāya paññāmahattam. Yathā tam dhammadinnāyāti yathā dhammadinnāya bhikkhuniyā byākataṁ, aham evameva byākareyyanti attho. Tanti nipātamattam.

1. Ma 3. 107 piṭṭhe.

Nandātherīvatthu

240. Chaṭṭhe aññam maggam apassantīti aññam upāyam apassantī. Vissatthāti nirāsaṅkā. Itthinimittanti itthiyā subhanimittam, subhākāranti vuttam hoti. **Dhammapade gātham vatvāti**—

“Aṭṭhīnam nagaram katham, maṁsalohitalepanam.
Yattha jarā ca maccu ca, māno makkho ca ohito”ti¹—

imam gātham vatvā. Tatrāyamadhippāyo—yatheva hi pubbaṇṇaparaṇṇādīnam odahanatthāya kaṭṭhāni ussāpetvā vallīhi bandhitvā mattikāya vilimpitvā nagarasāṅkhātam bahiddhā geham karonti, evamidam ajjhattikampi tīṇi aṭṭhisatāni ussāpetvā nhāruvinaddham maraṇalakkhaṇassa maccuno ārogyasampadādīni paṭicca uppajjanalakkhaṇassa mānassa sukatakāraṇavīnāsanalakkhaṇassa makkhassa ca odahanatthāya nagaram katham. Evarūpo eva hi ettha kāyikacetasiko ābādho ohito, ito uddham kiñci gayhūpagam natthīti.

Suttam abhāsīti—

“Caram vā yadi tiṭṭham, nisinno uda vā sayam.
Samiñjeti pasāreti, esā kāyassa iñjanā.
Aṭṭhinahārusamiyutto, tacamāṁsāvalepano.
Chaviyā kāyo paṭicchanno, yathābhūtam na dissahī”ti²—

ādinā suttamabhāsi.

Sonātherīvatthu

241. Sattame sabbepi visum visum gharāvāse patiṭṭhāpesīti ettha sabbepi visum visum gharāvāse patiṭṭhāpetvā “puttāva maraṇ paṭijaggissanti, kiṁ me visum kuṭumbenā”ti sabbam sāpateyyampi vibhajitvā adāsīti veditabbam. Teneva hi tato paṭṭhāya “ayaṁ amhākam kiṁ karissatī”ti attano santikam āgatam “mātā”ti saññampi na karim̄su. Tathā hi nam̄ katipāhaccayena jetṭhaputtassa bhariyā “aho amhākam ayam

1. Khu 1. 36 piṭṭhe Dhammapade.

2. Khu 1. 307 piṭṭhe Suttanipāte.

jetṭhaputto meti dve koṭṭhāse datvā viya imameva geham āgacchatī”ti āha. Sesaputtānam bhariyāyopi evamevam vadim̄su. Jetṭhadhītaram ādīm katvā tāsam geham gatakāle thāpi nam evameva vadim̄su. Sā avamānappattā hutvā “kim me imesam santike vutthena, bhikkhunī hutvā jīvissāmī”ti bhikkhunī- upassayaṁ gantvā pabbajam yāci, tā nam pabbājesum. Imameva vatthum dassento “bahuputtikasoṇā tesam attani agāravabhbāvam ñatvā ‘gharāvāsenā kim karissāmī”ti nikkhāmitvā pabbajī”ti āha.

Vihāram gacchantiyoti bhikkhuvihāram gacchantiyo.

Dhammaduttamanti navavidhalokuttaradhammaṁ. So hi uttamadhammo nāma yo hi tam na passati, tassa vassasatampi jīvanato tam dhammarūpa passantassa paṭivijjhantassa **ekāhampi** ekakkhaṇampi jīvitam seyyo.

Āgantukajanoti vihāragataṁ bhikkhunījanam sandhāya vadati.

Anupadhāretvāti asallakkhetvā.

Bakulātherīvatthu

242. Aṭṭhamam uttānatthameva.

Kuṇḍalakesātherīvatthu

243. Navame **catukketi** vīthicatukke. Catunnām samāhāro catukkaṁ. **Cārakatoti** bandhanāgārato. **Ubbatṭetvāti** uddharityā.

Muhuttamapi **cintayeti** muhuttaṁ tañkhaṇampi ṭhānuppattikapaññāya tañkhaṇānurūpam attham cintitum sakuṇeyya. **Sahassamapi ce gāthā, anathapadasaṁhitāti** ayam gāthā dārucīriyattherassa bhagavatā bhāsitā, idhāpi ca sāyeva gāthā dassitā. **Therīgāthāsaṁvāṇṇanāyam**¹ ācariyadhammapālattherenapi kuṇḍalakesittheriyā vatthumhi ayameva gāthā vuttā. **Dhammapadaṭṭhakathāyam**² pana kuṇḍalakesittheriyā vatthumhi—

“Yo ca gāthāsataṁ bhāse, anathapadasaṁhitā.

Ekaṁ dhammapadaṁ seyyo, yaṁ sutvā upasammaṭī”ti³—

ayam gāthā āgatā. Tarītāmbhāṇakānaṁ kathāmaggānusārena tattha tattha tathā vuttanti na idha ācariyassa pubbāparavirodho saṅkitabbo.

1. Therīgāthā-Tīha 105 piṭṭhe.

2. Dhammapada-Tīha 1. 417 piṭṭhe.

3. Khu 1. 28 piṭṭhe.

Bhaddākāpilānītherī-bhaddākaccānātherīvatthu

244-245. Dasamam ēkādasamañca uttānatthameva.

Kisāgotamītherīvatthu

246. Dvādasame **tīhi lūkhehīti** vatthalūkha¹

suttalūkharajanalūkhasaṅkhātehi tīhi lūkhehi. **Siddhatthakanti** sāsapabījam.

Tam puttāpasusammattanti tam rūpabalādisampanne putte ca pasū ca labhitvā “mama puttā abhirūpā balasampannā paññitā sabbakiccasamatthā, mama goṇo arogo abhirūpo mahābhāravaho, mama gāvī bahukhīrā”ti evam puttehi ca pasūhi ca sammattam naram. **Byāsattamanasanti** cakkhuviññeyyādīsu ārammañesu hiraññasuvanṇādīsu pattacīvarādīsu vā yam yam laddham hoti, tattha tattheva lagganāya sattamānasam². **Suttam** gāmanti niddam upagataṁ sattakāyam. **Mahoghvāti** yathā evarūpam gāmaṁ gambhīrato viithārato ca mahanto mahānadi-ogho antamaso sunakhampi asesetvā sabbam ādāya gacchati, evam vutappakāram naram maccu ādāya gacchatīti attho. **Amataṁ padanti** maraparahitam kōṭhāsam, amataṁ mahānibbānanti attho. Sesamettha uttānameva.

Singālakamātātherīvatthu

247. Terasamam uttānatthameva.

Theripālisamvannanā niṭṭhitā.

1. Satthalūkha (Sī)

2. Byāsattamanasanti hiraññasuvanṇādīsu vā pattacīvarādīsu vā kiñcideva labhitvā tato uttaritaram patthanāya āsattamānasam vā. Cakkhuviññeyyādīsu ārammañesu vutappakāresu vā parikkhāresu yam yam laddham hoti, tattha tattha lagananāya byāsattamānasam (Sī) Dhammapada-Tītha 2. 270 piṭṭhepi passitabbam.

6. Chatṭhavaggavaṇṇanā

Tapussa-bhallikavatthu

248. Upāsakapāliśamivanaṇṇanāya paṭhame sabbapaṭhamam saraṇam gacchantānanti sabbesam paṭhamam hutvā saraṇam gacchantānam. Ito paranti sattasattāhato param. **Gamanupacchedam akāsīti** gamanavicchedam akāsi. Yathā te goṇā dhuram chaddetvā pothiyamānāpi na gacchanti, tathā akāsīti attho. **Tesanti Tapussabhallikānam.** **Adhimuccityāti** āvisitvā. Yakkhassa āvaṭṭo **yakkhāvaṭṭo.** Evam sesesupi. **Atītabuddhānam āciṇṇam olokesīti** atītabuddhā kena bhājanena paṭiggaṇhiṁsūti buddhāciṇṇam olokesi. **Dvevācike saraṇe patiṭṭhāyāti** saṁghassa anuppannattā buddhadhammadavasena dvevācike saraṇe patiṭṭhahitvā. **Cetiyanti** pūjanīyavatthum. **Jīvakesadhātuyāti** jīvamānassa bhagavato kesadhātuyā.

Anāthapiṇḍikaseṭṭhivatthu

249. Dutiye **teneva guṇenāti** teneva dāyakabhāvasaṅkhātena guṇena. So hi sabbakāmasamiddhatāya vigatamaccheratāya karuṇādiguṇasamaṅgitāya ca niccakālam anāthānam piṇḍamadāsi. Tena sabbakālam upaṭṭhitō anāthānam piṇḍo etassa atthīti anāthapiṇḍikoti saṅkharāt gato.

Yojanikavihāre kāretvāti yojane yojane ekamekarāt vihāram kāretvā. “**Evarūparā dānam pavattesi**”ti vatvā tameva dānam vibhajitvā dassento “**devasikām pañca salākabhattāni hontī**”ti-ādimāha. Tattha salākāya gāhetabbam bhattam **salākabhattām.** Ekasmim pakkhe ekadivasam dātabbam bhattam **pakkhikabhattām.** Dhuragehe ṭhapetvā dātabbam bhattam **dhurabhattām.** Āgantukānam dātabbam bhattam **āgantukabhattām.** Evam sesesupi. **Pañca āsanasatāni gehe niccapaññattāneva hontīti** gehe nisīdāpetvā bhuñjantānam pañcannam bhikkhusatānam pañca āsanasatāni niccapaññattāni honti.

Cittagahapativatthu

250. Tatiye migā eva **migarūpāni.** **Bhikkham samādāpetvāti** “bhante mayham anuggahaṁ karotha, idha nisīditvā bhikkham gaṇhathā”ti bhikkhāgahaṇattham

samādāpetvā. Vivaṭṭam uddissa upacitam nibbedhabhāgiyakusalam upanissayo. **Salāyatanavibhattimeva desesīti** salāyatanavibhāgappaṭisamyuttameva dhammakatham kathesi. Therenāti tattha sannihitānam sabbesam jeṭṭhenā mahātherena. **Pañham vissajjetum asakkontenāti** cittena gahapatinā “yā imā bhante thera anekavihitā diṭṭhiyo loke uppajjanti, ‘sassato loko’ti vā, ‘assassato loko’ti vā, ‘antavā loko’ti vā, ‘anantavā loko’ti vā, ‘tam jīvam tam sarīran’ti vā, ‘aññam jīvam aññam sarīran’ti vā, ‘hoti tathāgato param maraṇā’ti vā, ‘na hoti tathāgato param maraṇā’ti vā, ‘hoti ca na hoti ca tathāgato param maraṇā’ti vā, ‘neva hoti na na hoti tathāgato param maraṇā’ti vā yāni cimāni dvāsaṭṭhi diṭṭhigatāni brahmajāle gaṇitāni, imā nu kho bhante diṭṭhiyo kismim sati honti, kismim asati na honti”ti evamādinā¹ pañhe puṭṭhe tam pañham vissajjetum asakkontena. Imām kira pañham yāvatatiyam puṭṭho mahāthero tuṇhī ahosi. Atha isidattathero cintesi “ayam thero neva attanā byākaroti, na aññam ajjheshati, upāsako ca bhikkhusamgham vihesati, ahametam byākaritvā phāsuvihāram katvā dassāmī”ti. Evam cintetvā ca āsanato vuṭṭhāya therassa santikam gantvā “byākaromaham bhante cittassa gahapatino etam pañhan”ti² āha. Evam vutte thero “byākarohi tvam āvuso isidatta cittassa gahapahino etam pañhan”ti isidattam ajjheshi. Tena vuttam “**pañham vissajjetum asakkontena ajhiṭṭho**”ti.

Pañham vissajjetvāti “yā imā gahapati anekavihitā diṭṭhiyo loke uppajjanti ‘sassato loko’ti vā, ‘assassato loko’ti vā -pa- yāni cimāni dvāsaṭṭhi diṭṭhigatāni Brahmajāle gaṇitāni, imā kho gahapati diṭṭhiyo sakkāyadiṭṭhiyā sati honti, sakkāyadiṭṭhiyā asati na honti”ti-ādinā² nayena pañham vissajjetvā. **Gihisahāyakabhāve** ñāteti therassa gihisahāyakabhāve cittena gahapatinā ñāte. Citto kira gahapati tassa pañhaveyyākaraṇe tuṭṭho “kuto bhante ayyo isidatto āgacchatī”ti vatvā “avantiyā kho aham gahapati āgacchāmī”ti vutto “atthi bhante

1. Sam 2. 477 piṭṭhe.

2. Sam 2. 478 piṭṭhe.

avantiyā isidatto nāma kulaputto amhākam adiṭhasahāyo pabbajito, diṭṭho so āyasmatā”ti pucchi. Thero ca “evam gahapatī”ti vatvā “kaham nu kho bhante so āyasmā etarahi viharatī”ti puna puṭṭho tuṇhī ahosi. Atha citto gahapati “ayyo no bhante isidatto”ti pucchitvā “evam gahapatī”ti vutte attano gihisahāyabhāvam aññāsi.

Tejosamāpattipāṭihāriyam dassetvāti ekasmim kira divase citto gahapati “sādhu me bhante ayyo uttarimanussadhammā iddhipāṭihāriyam dassetu”ti mahātheram yāci. Thero “tena hi tvam gahapati ālinde uttarāsaṅgam paññāpetvā tattha tiṇakalāpam okirā”ti vatvā tena ca tathā kate sayam vihāram pavisitvā ca ghaṭikam datvā tathārūpam iddhābhisaṅkhāram abhisāṅkhāresi, yathā tālacakchiggalena ca aggalañtarikāya ca acci nikhamitvā tiṇāni jhāpeti, uttarāsaṅgam na jhāpeti. Atha citto gahapati uttarāsaṅgam papphoṭetvā saṁviggo lomahaṭṭhajāto ekamantam ṭhito theram bahi nikhamantam disvā “abhiramatu bhante ayyo macchikāsanḍe, ramaṇiyam ambāṭakavanam, aham ayyassa ussukkam karissāmi cīvara piṇḍapāta senāsana gilānapaccayabhesajjaparikkhārānan”ti āha. Tato thero “na dāni idha vasitum sakkā”ti tamhā vihārā pakkāmi. Tam sandhāyetam vuttam “**tejosamāpattipāṭihāriyam dassetvā ‘idāni idha vasitum na yuttan’ti yathāsukham pakkāmi**”ti. **Dve aggasāvakāti-ādīsu** yam vattabbam, tam vitthārato **vinayapāliyam**¹ āgatameva.

Saddhoti lokiyalokuttarāya saddhāya samannāgato. **Silenāti** agāriyasilam anagāriyasilanti duvidham silam, tesu idha agāriyam silam adhippetam, tena samannāgatoti attho. **Yasobhogasamappitoti** yādiso anāthapiṇḍikādīnam pañca-upāsakasataparivārasāṅkhāto agāriyo yaso, tādiseneva yasena, yo ca dhanadhaññādiko ceva sattavidha-ariyadhanasāṅkhāto cāti duvidho bhogo, tena ca samannāgatoti attho. **Yam yam padesanti** puratthimādīsu disāsu evarūpo kulaputto yam yam padesam bhajati, tattha tattha evarūpena lābhasakkārena pūjitova hotīti attho.

1. Vi 3. 50 piṭṭhe.

2. Anagāriyam (Ka)

Hatthaka-ālavakavatthu

251. Catutthe **catubbidhena saṅgahavatthunāti** dānapiyavacana-
atthacariyāsamānattatāsaṅkhātena catubbidhena saṅgahavatthunā. “**Sve
bhattacātiyā saddhim Ālavakassa pesetabbo ahosī**”ti vuttamattham pākaṭam
katvā dassetuṁ “**tatrāyam anupubbikathā**”ti-ādimāha. **Migavatthāya
araññam gantvāti** ālavako rājā vividhanāṭakūpabhogam chaddetvā
corappaṭibāhanatthañca paṭirājanisedhanatthañca byāyāmakaraṇatthañca
sattame sattame divase migavām gacchanto ekadivasam balakāyena saddhim
“yassa passena migo palāyati, tasseva so bhāro”ti katakatikavatto
migavatthāya araññam gantvā. **Ekarūpa miganti** attano ṛhitāṭhānenā palātam
enimigam. **Anubandhitvāti** tiyojanamaggam ekakova anubandhitvā.
Javasampanno hi rājā dhanum gahetvā pattikova tiyojanam tam
migamanubandhi. **Ghātetvāti** yasmā enimigā tiyojanavegā eva honti, tasmā
parikkhīṇajavam tam migam udakam pavisitvā ṛhitam ghātetvā. **Dvidhā
chetvā dhanukotiyam lagetvā nivattetvā āgacchantoti** anatthikopi māmsena
“nāsakkhi migam gahetun”ti apavādamocanattham dvidhā chinnam
dhanukoṭiyam lagetvā āgacchanto. **Sandacchāyanti** ghanacchāyam
bahalapattapalāsam.

Rukkhe adhivatthā devatāti ālavakam yakkham sandhāya vadati. So hi
mahārājūnam santikā varam labhitvā majjhānhikasamaye tassa rukkhassa
chāyāya phuṭṭhokāsam paviṭṭhe pāṇino khādanto tattha paṭivasati.
Ālavakassa nisīdanapallaṅke nisīdīti yattha abhilakkhitesu
maṅgaladivasādīsu ālavako nisīditvā sirim anubhoti, tasmīmyeva
dibbaratanapallaṅke nisīdi. **Attano gamane asampajjamāne** “**kiṁ nu kho
kāraṇan**”ti āvajjentāti tadā kira sātāgirahemavatā bhagavantam jetavaneyeva
vanditvā “yakkhasamāgamaṁ gamissāmā”ti saparivārā nānāyānehi ākāsenā
gacchanti, ākāse ca yakkhānam na sabbattha maggo atthi, ākāsaṭṭhāni
vimānāni pariharitvā maggaṭṭhāneneva maggo hoti, ālavakassa pana
vimānam bhūmatṭham suguttam pākāraparikkhittam
susamvihitadvāraṭṭālakagopuram upari kamṣajālasañchannamañjūsāsadisam
tiyojanam ubbedhena, tassa upari maggo hoti, te tam padesamāgamma

gantumasamatthā ahesum. Buddhānam hi nisinnokāsassa uparibhāgena yāva bhavaggā koci gantumasamattho, tasmā attano gamane asampajjamāne “kim nu kho kāraṇan”ti āvajjesum. **Tesam kathām sutvā cintesīti yasmā assaddhassa saddhākathā dukkathā hoti dussilādīnam sīlakathādayo viya,** tasmā tesam yakkhānam santikā bhagavato pasāmsam sutvā eva aggimhi pakkhittaloṇasakkharā viya abbhantare uppannakopena paṭapaṭāyamānahadayo hutvā cintesi. **Pabbatakūṭanti kelāsapabbatakūṭam.**

Ito paṭṭhāya ālavakayuddham vitthāretabbanti so kira manosilātale vāmapādena ṭhatvā “passatha dāni tumhākam vā satthā mahānubhāvo, aham vā”ti dakkhiṇapādena saṭṭhiyojanamattam kelāsakūṭapabbatam akkami, tam ayokūṭappahato viya niddhanta-ayapiṇḍo papaṭikāyo muñci. So tatra ṭhatvā “aham ālavako”ti ugghosesi, sakalajambudīpam saddo phari.

Tiyojanasahassavitthatahimavāpi sampakampi yakkhassānubhāvena. So **vātamāṇḍalam** samuṭṭhāpesi “eteneva samaṇam palāpessāmī”ti. Te puratthimādibhedā vātā samuṭṭhahitvā addhayojanayojanadviyojanatiyojanappamāṇāni pabbatakūṭāni padāletvā vanagaccharukkhādīni ummūletvā ālavinagaram pakkhandā jinṇahatthisālādīni cuṇṇentā chadaniṭṭhakā ākāse bhamentā. Bhagavā “mā kassaci uparodho hotū”ti adhiṭṭhāsi. Te vātā dasabalaṁ patvā cīvarakaṇṇamattampi cāletum nāsakkhiṁsu. Tato **mahāvassam** samuṭṭhāpesi “udakena ajjhottaritvā samaṇam māressāmī”ti. Tassānubhāvena uparūpari satapaṭalasahassapaṭalādibhedā valāhakā uṭṭhahitvā pavassim̄su.

Vuṭṭhidhārāvegena pathavī chiddā ahosi. Vanarukkhādīnam upari mahogho āgantvā dasabalassa cīvare ussāvabindumattampi temetum nāsakkhi. Tato **pāsāṇavassam** samuṭṭhāpesi. Mahantāni mahantāni pabbatakūṭāni dhūmāyantāni pajjalantāni ākāsenāgantvā dasabalaṁ patvā dibbamālāguṇāni sampajjiṁsu. Tato **paharaṇavassam** samuṭṭhāpesi. Ekatodhārā ubhatodhārā asisattikhurappādayo dhūmāyantā pajjalantā ākāsenāgantvā dasabalassa pādamūle dibbapupphāni ahesum.

Tato **aṅgāravassam** samuṭṭhāpesi. Kimsukavaṇṇā aṅgārā ākāsenāgatvā dasabalassa pādamūle dibbapupphāni hutvā vikiriṁsu. Tato **kukkuṭavassam** samuṭṭhāpesi. Accuṇho kukkuṭo ākāsenāgantvā dasabalassa pādamūle candanacuṇṇam hutvā nipati. Tato **vālikavassam** samuṭṭhāpesi. Atisukhumā vālikā dhūmāyantā pajjalantā ākāsenāgantvā dasabalassa pādamūle dibbapupphāni hutvā nipatiṁsu. Tato **kalalavassam** samuṭṭhāpesi. Tam dhūmāyantam pajjalantam ākāsenāgantvā dasabalassa pādamūle dibbagandham hutvā nipati. Tato **andhakāram** samuṭṭhāpesi “bhirinsetvā samaṇam palāpessāmī”ti. Caturaṅgasamannāgataṁ andhakārasadisam hutvā dasabalam patvā sūryiappabhāvihatamivandhakāram antaradhāyi. Evam yakkho imāhi navahi
vātavassapāsāṇapaharaṇaṅgārakukkuṭavālikakalalandhakāravuṭṭihīhi
bhagvantam palāpetumasakkonto nānāvidhappaharaṇahattha-
anekappakārarūpabhūtagaṇasamākulāya caturaṅginiyā senāya sayameva
bhagvantam abhigato. Te bhūtagaṇā anekappakāravikāre katvā “gaṇhatha
hanathā”ti bhagavato upari āgacchantā viya ca honti. Apica kho
niddhantaloḥapiṇḍam viya makkhikā bhagvantam allīyitumasamatthā eva
ahesurī.

Evam sabbarattim anekappakāravibhimsākāradassanenapi¹
bhagvantam cāletumasakkonto ālavako cintesi “yamnūnāham kenaci
ajeyyam dussāvudham muñceyyan”ti. Sace hi so duṭṭho ākāse tam
dussāvudham muñceyya, dvādasa vassāni devo na vasseyya. Sace
pathaviyam muñceyya, sabbarukkhatiṇādīni sussitvā dvādasavassantaram na
puna ruheyyum. Sace samudde muñceyya, tattakapāle udakabindu viya
sabbam susseyya. Sace sinerupabbate muñceyya, khaṇḍākhaṇḍam hutvā
vikireyya. So evammahānubhāvam dussāvudham uttarisāṭakam muñcītvā
aggahesi. Yebhuyyena dasasahassilokadhātudevatā vegena sannipatiṁsu
“ajja bhagavā ālavakam damessati, tatha dhammadī sossāmā”ti.
Yuddhadassanakāmāpi devatā sannipatiṁsu. Evam sakalampi ākāsam
devatāhi paripuṇṇam ahosi. Athālavako bhagavato samīpe uparūpari
vicaritvā vatthāvudham

1. Anekappakāravihesākāradassanenapi (Ka)

muñci. Tam asanicakkam viya ākāse bheravasaddam karontam
dhūmāyantam pajjalantam bhagavantam patvā yakkhassa
mānamaddanattham pādапuñchanacołam hutvā pādamūle nipati. Ālavako
tam disvā chinnavisāṇo viya usabho, uddhaṭadātho viya sappo nittejo
nimmado nipātitamānaddhajo ahosi. Evamidaṁ ālavakayuddham
vitthāretabbam.

Aṭṭha pañhe pucchīti—

“Kim sūdha vittam purisassa setṭham,
Kim su sucinṇam sukhamāvahāti.
Kim su have sādutaram rasānam,
Katham jīvīm jīvitamāhu setṭhan”ti¹—

ādinā aṭṭha pañhe pucchi. Satthā vissajjesīti—

“Saddhīdha vittam purisassa setṭham,
Dhammo sucinṇo sukhamāvahāti.
Saccam have sādutaram rasānam,
Paññājīvīm jīvitamāhu setṭhan”ti¹—

ādinā vissajjesi. Vikkandamānāyāti accantam paridevamānāya.

Mahānāmasakkavatthu

252. Pañcame satthā tato param paṭiññam nādāsīti saṁvaccharato param sikkhāpadapaññattiyā paccayappavāraṇāsādiyanassa vāritattā “paṭiññam nādāsī”ti vuttam. Tathā hi bhagavā tatiyavārepi mahānāmena sakkena “icchāmahām bhante samgham yāvajīvam bhesajjena pavāretun”ti² vutte “sādhu sādhu mahānāma, tena hi tvam mahānāma samgham yāvajīvam bhesajjena pavārehī”ti² paṭiññam adāsiyeva. Evam paṭiññam datvā pacchā chabbaggiyehi bhikkhūhi mahānāmassa sakkassa viheṭhitabhāvam sutvā chabbaggiye bhikkhū vigarahitvā sikkhāpadam paññapesi “agilānena bhikkhunā cātumāsappaccayapavāraṇā sāditabbā aññatra punappavāraṇāya aññatra niccappavāraṇāya. Tato ce uttari sādiyeyya, pācittiyan”ti². Tasmā paṭhamam anujānitvāpi pacchā sikkhāpadabandhanena vāritattā “paṭiññam nādāsī”ti vuttam.

1. Saṁ 1. 216; Khu 1. 306 piṭṭhesu.

2. Vi 2. 136, 137 piṭṭhesu.

Uggagahapatyādivatthu

253-256. Chatthaṁsattamaṭṭhamanavamāni suviññeyyāneva.

Nakulapitugahapativatthu

257. Dasame **Susumāragirinagareti** evamnāmake nagare. Tassā kira nagarassa vatthupariggahadivase avidūre udakarahade susumāro saddamakāsi, girām nicchāresi. Atha nagare anantarāyena māpite tameva susumāragirakaraṇam subhanimittam katvā “susumāragirī”tvevassa nāmam akānsu. Keci pana “susumārasaṇṭhānattā susumāro nāma eko giri, so tassa nagarassa samīpe, tasmā tam susumāragiri etassa atthīti susumāragirīti vuccatī”ti vadanti. **Bhesakalāvaneti** bhesakalānāmake vane. “Bhesakalāvane”tipi pāṭho. Katham pana bhagavati nesam̄ puttasaññā patiṭṭhāsīti āha “**Ayam kirā**”ti-ādi. **Daharasseva daharā ānītāti** me daharasseva sato daharā ānītāti attho. **Aticaritāti** atikkamitvā caranto.

Upāsakapālisaṁvaṇṇanā niṭṭhitā.

7. Sattamavaggavaṇṇanā

Sujātāvatthu

258. Upāsikāpālisaṁvaṇṇanāya paṭhamam suviññeyyameva.

Visākhāvatthu

259. Dutiye **mahālatāpasādhanassāti** mahālatāpiṭṭalandhanassa. Tasmin ca piṭṭalandhane catasso vajiranāliyo upayogam̄ agamam̄su. Muttānam̄ ekādasa nāliyo, pavālassa dvāvīsatī nāliyo, padumarāgamaṇīnam̄ tettim̄sa nāliyo. Iti etehi ca aññehi ca indanīlādīhi
nīlapītalohitodātamañjīṭṭhasāmakabaravaṇṇavasena sattavaṇṇehi vararatanehi niṭṭhānam̄ agamāsi, tam sīse paṭimukkam̄ yāva pādapiṭṭhiyā bhassati,

pañcannam̄ hatthīnam̄ balam̄ dhārayamānāva nam̄ itthī dhāretum sakkoti.
Anto-aggi bahi na nīharitabboti-ādīnam̄ attho upari āvi bhavissati.
 Sesamettha suviññeyyameva.

Khujuttarā-sāmāvatīvatthu

260-261. Tatiyacatutthesu pāyāsassāti bahalatarassa pāyāsassa. **Tam** pāyāsam̄ bhuñjantesūti tam bahalataram̄ garusiniddham̄ pāyāsam̄ bhuñjantesu. **Jirāpetum** asakkontoti antarāmagge appāhāratāya mandagahanikattā jirāpetum asakkonto. **Vālamigatthāneti** vālamigehi adhitthitaṭṭhāne. **Anuvijjantoti** vicārento. **Sālāti** naṭakārasālā. **Mudhā na** karissatīti mūlyam̄ vinā na karissati. **Ālimpesīti** aggiṁ adāsi, aggiṁ jālesīti attho. **Pekkhāti** āgamehi. **Upadhisampadāti** sarīrasampatti. **Vaṭarukkham̄** patvāti nigrodharukkham̄ patvā. **Suvaṇṇakaṭaketi** suvaṇṇavalaye. **Abbhūm** meti me avaddhīti attho. **Anto asodhetvāti** paññasālāya anto kassaci atthibhāvam̄ vā natthibhāvam̄ vā anupadhāretvā. Sesam̄ suviññeyyameva.

Uttarānandamātāvatthu

262. Pañcame **upanissayam̄ disvāti** iminā yathā visesādhigamassa satipi paccuppannapaccayasamavāye avassam̄ upanissayasampadā icchitabbā, evam̄ diṭṭhadhammavedanīyabhāvena vipaccanakassa kammassapi paccuppannasamavāyo viya upanissayasampadāpi savisesā icchitabbāti dasseti. Tathā hi ukkam̄sagatasappurisūpanissayayonisomanasikāresu labbhamānesupi upanissayarahitassa visesādhigamo na sampajjatevāti. **Kappiyam̄ katvāti** yathā kappiyam̄ hoti, tathā katvā. **Patte patiṭṭhapeyyāti** āhāram̄ dānamukhe vissajjeyya. **Tīhi cetanāhīti** pubbabhāgamuñca-anumodanācetanāhi. Vuttam̄ hetam—

“Pubbeva dānā sumano, dadam̄ cittam̄ pasādaye.
 Datvā attamano hoti, esā puññassa sampadā”ti¹.

1. Am̄ 2. 296; Khu 2. 159 piṭṭhesu.

Tava manam sandhārehīti “ajja bhattam cirāyitan”ti kodhato tava cittam sandhārehi, mā kujjhīti attho. **Olokitolokitaṭṭhānam -pasamparikinṇam** viya ahosīti tena kasitaṭṭhānam sabbam suvaṇṇabhāvāpattiyā mahākosātakipupphehi sañchannam viya ahosi. **Tādiseti** tayā sadise. **Na kopemīti** na vināsemi, jātiyā na hīlemi. **Pūjam** karotīti sammāsambuddhassa pūjam karoti. **Antaravatthunti** gehaṅgaṇam. **Bhoti** sambodhane nipāto. **Jeti** avaññālapanam. Sayam ariyasāvikābhāvato satthuvasena “**sapitikā dhītā**”ti vatvā satthu sammukhā dhammassavanena tassā visesādhigamam paccāsīsantī “**dasabale khamanteyeva khamissāmī**”ti āha. **Kadariyanti** thaddhamaccharim.

Suppavāsāvatthu

263. Chatthe **pañītadāyikānanti** pañītarasavatthūnam dāyikānam. Āyuno ṭhitihetum bhojanam dentī **āyūm** deti nāma. Esa nayo **vaṇṇam** detīti-ādīsu. Tenāha “**pañca ṭhānāmī**”ti. Kammasarikkhakañcetam phalanti dassento “**āyūm** kho pana datvā”ti-ādimāha. Tattha **datvāti** dānahetu. **Bhāginīti** bhāgavatī laddhum bhabba.

Suppiyāvatthu

264. Sattame **ūrumanīsaṁ chinditvā dāsiyā adāsīti** āgataphalā viññātasāsanā ariyasāvikā attano sarīradukkham acintevā tassa bhikkhuno roga-vūpasamameva paccāsīsantī attano ūrumanīsaṁ chinditvā dāsiyā adāsi. Satthāpi tassā tathāpavattam ajjhāsayasampattiṁ disvā “mama sammukhībhāvūpagamanenevassā vaṇo ruhitvā sañchavi¹ jāyati, phāsubhāvo hoti”ti ca disvā “**pakkosatha nan**”ti āha. **Sā cintesīti** “sabbalokassa hitānukampako satthā na mām dukkhāpetum pakkosati, atthettha kāraṇan”ti cintesi. **Attanā katakāraṇam sabbam kathesi** buddhānubhāvavibhāvanatthām kathesi, na attano daļhajjhāsayatāya vibhāvanatthām. **Gilānupaṭṭhākīnam aggaṭṭhāne ṭhapesīti** agaṇitattadukkhā gilānānam bhikkhūnam gelaññavūpasamane yuttappayuttāti **gilānupaṭṭhākīnam aggaṭṭhāne ṭhapesīti**.

1. Sacchavī (Sī)

Kātiyānīvatthu

265. Aṭṭhame **aveccappasannānanti** ratanattayaguṇe yāthāvato nītvā pasannānam, so panassa pasādo maggenāgatattā kenaci akampanīyo. **Adhigatenāti** maggādhigameneva adhigatena. “Avigatenā”ti vā pāṭho, tassattho “kadāci avigacchantenā”ti. So appadhamsiyo ca hoti, tasmā vuttam “**adhigatena acalappasādenā**”ti. Tattha **kāyasakkhiṁ katvāti** pamukham katvā, vacanathato pana nāmakāyena desanāya sampaticchanavasena sakkhibhūtam katvāti attho. **Ummaggam khanitvāti** gharasandhicchedanena antopavisanamaggam khanitvā. **Dullabhassavananti** dullabhasaddhammassavanam. **Mahāpathavī pavisitabbā bhavyeyyāti** avīcippavesanam vadati.

Nakulamātāvatthu

266. Navame vissāsakathaneneva nakulamātā nakulapitā ca satthuvissāsikā nāma jātāti vuttam “**vissāsikānanti vissāsakathām kathentinam upāsikānan**”ti. **Gahapatānīti** gehasāminī. **Vuttamevāti** upāsakapāliyam nakulapitukathāyam vuttanayameva.

Kālīkuraraghārikāvatthu

267. Dasame **anussavenevāti** paccakkhato rūpadassanena satthu sammukhā dhammassavanena ca vinā kevalam anussavaneneva parassa vacanam anugatassavaneneva uppannena pasādena. **Anussavikappasādanti** anussavato āgatappasādam.

Upāsikāpālisamvāñjanā samattā.

Niṭṭhitā ca manorathapūraṇiyā aṅguttaranikāyaṭṭhakathāya
Etadaggavaggavañjanāya anuttānatthadīpanā.

15. Atṭhānapāli 1. Paṭhamavaggavaṇṇanā

268. Atṭhānapāli vanṇanāyam avijjamānam ṭhānam atṭhānam, natthi ṭhānanti vā atṭhānam. Anavakāsoti etthāpi eseva nayo.

Tadatthanigamanameva¹ hi “netam ṭhānam vijjati”ti vacananti. Tenāha “ubhayenapī”ti-ādi. Yanti kāraṇatthe paccattavacanam. Hetu-attho cettha kāraṇatthotī āha “yanti yena kāraṇena”ti. Ukkatṭhaniddeseneththa diṭṭhisampatti veditabbāti vuttam “maggadiṭṭhiyā sampanno”ti. Kuto panāyamattho labbhatī? Liṅgato, liṅgam cetassa niccato upagamanappaṭikkhepo. **Catubhūmakesūti** idam catutthabhūmakasaṅkhārānam ariyasāvakassa visayabhāvūpagamanato vuttam, na pana te ārabbha niccato upagamanasabbhāvato. Vakkhati hi “tadabhāve catutthabhūmakasaṅkhārā panā”ti-ādinā. Abhisāṅkhatasāṅkhāra-abhisāṅkharaṇakasaṅkhārānam sappadesattā nippadesasaṅkhāraggahaṇattham “saṅkhatasāṅkhāresū”ti vuttam, lokuttarasāṅkhārānam pana nivattane kāraṇam sayameva vakkhati. **Etam kāraṇam natthīti** tathā upagamane setughāto natthi. **Tejussadattāti** saṅkilesavidhamanatejassa adhikabhāvato. Tathā hi te gambhīrabhāvena duddasā akusalānam ārammanām na hontīti. Idam pana pakaraṇavasena vuttam. Appahīnavipallāsānam hi santānesu kusaladhammānampi te ārammaṇām na honti.

269. Asukhe sukhanti vipallāso ca idha sukhato upagamanassa ṭhānanti dassento “ekanta -pa- attadiṭṭhivasenā”ti padhānadiṭṭhimāha. **Gūthanti** gūthaṭṭhānam, diṭṭhiyā nibbānassa avisayabhāvo heṭṭhā vutto evāti kasinādipaññattisaṅghatthanti vuttam.

270. **paricchedoti** paricchandanam paricchijja tassa gahaṇam. Svāyam yesu niccādito upagamanam sambhavati, tesam̄ vasenayeva kātabboti dassento “sabbavāresu vā”ti-ādimāha. **Sabbavāresūti** “niccato upagaccheyyā”ti-ādinā āgatesu sabbesu suttapadesu. **Puthujjano hīti** hisaddo hetu-attho. Yasmā yam̄ yam̄ saṅkhāram puthujjano niccādivasena gaṇhāti, tam̄ tam̄ ariyasāvako aniccādivasena gaṇhanto

1. Tadatthanigamanatthameva (Sī)

yāthāvato jānanto tam gāham tam diṭṭhim gissajjeti, tasmā yattha gāho, tattha vissajjanāti catubhūmakasaṅkhārā idha saṅkhāraggahaṇena na gayhantīti attho.

271. Puttasambandhena mātupitusamaññā dattakittimādivasenapi puttavohāro loke dissati, so ca kho pariyāyenāti nippariyāyena siddham tam dassetum “**janikāva mātā, janakova pitā**”ti vuttam. Tathā ānantariyakammassa adhippetattā “**manussabhūtova kхиñāsavō arahāti adhippeto**”ti vuttam. “**Aṭṭhānametan**”ti-ādinā “mātu-ādīnamyeva jīvitā voropane ariyasāvakassa abhabbabhāvadassanato tadaññam ariyasāvako jīvitā voropetīti idam atthato āpannamevā”ti maññamāno vadati “**kim pana ariyasāvako aññam jīvitā voropeyyā**”ti. “**Aṭṭhānametam anavakāso, yam diṭṭhisampanno puggalo sañcicca pāṇam jīvitā voropeyya, netam thānam vijjati**”ti vacanato “**etampi aṭṭhānan**”ti vuttam. Tenevāha “**sace hī**”ti-ādi. Evam sante kasmā “mātaran”ti-ādinā visesetvā vuttanti āha “**puthujjanabhbhāvassa panā**”ti-ādi. Tattha **baladīpanatthanti** saddhādibalasamannāgamadīpanattham.

Ariyamaggenāgatasaddhādhībalavasena hi ariyasāvako tādisam sāvajjam na karoti.

275. **Pañcahi kāraṇehīti** idameththa nipphādakāni tesam pubbabhāgiyāni ca kāraṇāni kāraṇabhāvasāmaññena ekajjhām gahetvā vuttam, na pana sabbesam samānayogakkhamattā. **Ākārehīti** kāraṇehi. **Anussāvanenāti** anurūpam sāvanena. Bhedassa **anurūpam** yathā bhedo hoti, evam bhinditabbānam bhikkhūnam attano vacanassa **sāvanena** viññāpanena. Tenāha “**nanu tumhe**”ti-ādi. **Kaṇṇamūle vacībhedaṁ katvāti** etena pākaṭam katvā bhedakaravatthudīpanam vohāro, tattha attano nicchitamattham rahassavasena viññāpanam anussāvananti dasseti.

Kammameva uddeso vā pamāṇanti tehi samghabhedasiddhito vuttam, itare pana tesam sambhārabhūtā. Tenāha “**vohārā**”ti-ādi. **Tatthāti** vohāraṇe. Cuti-anantaram phalam anantaram nāma, tasmim anantare niyuttāni, tannibbattanena anantararakaraṇasīlāni, anantarappayojanāni cāti ānantariyāni, tāni eva kammānīti **ānantariyakammāni**.

Kammatoti “evam ānantariyakammam hoti, evam ānantariyakammasadisan”ti evam kammavibhāgato. **Dvāratoti** kāyadvārato. **Kappaṭhitiyatoti** “idam kappaṭhitiyavipākam, idam na kappaṭhitiyavipākan”ti evam kappaṭhitiyavibhāgato. **Pākasādhāraṇādīhīti** “idamettha vipaccati, idam na vipaccati”ti vipaccanavibhāgato, gahaṭhapabbajitānam sādhāraṇāsādhāraṇato, **ādi**-saddena vedanādivibhāgato ca.

Kammato tāva vinicchayo vuccatīti sambandho. Yasmā manussatthabhāve ṛhitasseva kusaladhammānam tikkhavisadabhāvāpatti, yathā tiṇṇam bodhisattānam bodhittayanibbattiyam, evam manussabhbāve ṛhitasseva edisānam akusaladhammānampi tikkhavisadabhāvāpattīti āha “**manussabhbūtassevā**”ti. Pākatikamanussānampi ca kusaladhammānam visesappatti vimānavatthu-āṭṭhakathāyam vuttanayeneva veditabbā. Yathāvutto ca attho samānajātiyassa vikopane garutaro, na tathā vijātiyassāti vuttam “**manussabhbūtam mātaram vā pitaram vā**”ti. Liṅgaparivatte ca so eva ekakammanibbatto bhavaṅgappabandho jīvitindriyapabandho ca, na aññoti āha “**api parivattalingan**”ti. Arahattam pattepi esevo nayo. **Tassa vipākanti-ādi** kammassa ānantariyabhāvasamaththanam. Catukkoṭiyam cettha sambhavati. Tattha paṭhamā koṭi dassitā, itarāsu visaṅketabhāvam dassetum “**yo panā**”ti-ādi vuttam. Yadipi tattha visaṅketo, kammaṁ pana garutaram ānantariyasadisam bhāyitabbanti āha “**bhāriyam -pa- tiṭṭhati**”ti. **Ayam pañhoti** ñāpanicchānibbattā kathā.

Abhisandhināti adhippāyena. **Ānantariyam phusatīti** maraṇādhippāyeneva ānantariyavatthuno vikopitattā vuttam. **Ānantariyam na phusatīti** ānantariyavatthu-abhāvato ānantariyam na hoti. Sabbattha hi purimam abhisandhicittam appamāṇam, vad hakacittam pana tadārammaṇam jīvitindriyañca ānantariyabhāve pamāṇanti datṭhabbam. Saṅgāmacatukkam sampattavasena yojetabbam. Yo hi parasenāya aññañca yodham pitarañca kammam karonte disvā yodhassa usum khipati “etam vijjhitvā mama pitaram vijjhissaṭī”ti, yathādhippāyam gate pitughātako hoti. “Yodhe viddhe mama pitā palāyissatī”ti khipati, usum ayathādhippāyam gantvā pitaram māreti, vohāravasena pitughātakoti vuccati, ānantariyam pana natthīti. Coracatukkam pana ho “coram

māressāmī”ti coravesena gacchantam pitaram māreti, ānantariyam phusatīti-ādinā yojetabbam. **Tenevāti** teneva payogena. **Arahantaghātako hotiyevāti** arahato māritattā vuttam. **Puthujjanasseva tam dinnam hotīti** etthāyamadhippāyo—yathā vad hakacetanā paccuppannārammaṇāpi pabandhavicchedanavasena jīvitindriyam ārammanām katvā pavattati, na evam cāgacetanā. Sā hi cajitabbavatthum ārammaṇām katvā cajanamattameva hoti, aññasantakabhāvakaraṇañca tassa cajanam, tasmā yassa tam santakam kataṁ, tasseva dinnam hotīti.

Lohitarūm samosaratīti abhighātena pakuppamānam sañcitaṁ hoti. **Mahantataranti** garutaram. **Sarīrappaṭijaggane viyāti** satthurūpakāyappaṭijaggane viya.

Asannipatiteti idam sāmaggyadīpanam. **Bhedo ca hotīti** samghassa bhedo ca hoti. **Vatṭatīti saññāyāti** “īdisam karaṇam samghabhedāya na hotī”ti saññāya. **Tathā navato ūnaparisāyāti** navato ūnaparisāya karontassa tathāti yojetabbam. **Tathāti** ca iminā “na ānantariyakamman”ti imam ākaḍḍhati, na pana “bhedova hotī”ti idam. Hetṭhimantena hi navannameva vasena samghabhedo. **Dhammavādino anavajjāti** yathādhammam anavaṭṭhānato. Samghabhedassa pubbabhāgo **saṅgharāji**.

Kāyadvārameva pürenti kāyakammabhbāveneva lakkhitabbato. **Sanṭhahantehi kappe -pa- muccatīti** idam **kappaṭṭhakathāya**¹ na sameti. Tattha hi **aṭṭhakathāya**² vuttam “āpāyikoti idam suttam yam so ekam kappaṁ asītibhāge katvā tato ekabhāgamattam kālam tiṭṭheyya, tam āyukappam sandhāya vuttan”ti. **Kappavināseyevāti** ca āyukappavināse evāti atthe sati natthi virodho. Ettha ca **sanṭhahanteti** idampi “sveva vinassissatī”ti viya abhūtaraparikappavasena vuttam. **Ekadivasameva niraye paccati**, tato param kappābhāve āyukappassapi abhāvatoti avirodhato atthayojanā daṭṭhabbā. **Sesānīti** samghabhedato aññāni ānantariyakammāni.

Yadi tāni ahosikammañkham gacchanti, evam sati katham nesam ānantariyatā cuti-anantaram vipākadānābhāvato. Atha sati phaladāne

1. Abhi 4. 345 piṭṭhe.

2. Abhi-Tīha 3. 234 piṭṭhe.

cuti-anantaro eva etesam phalakālo, na aññoti phalakālaniyamena niyatata
icchitā, na phaladānaniyamena. Evampi niyataphalakālānam aññesampi
upapajjavedanīyānam ditthadhammavedanīyānañca niyatata āpajjeyya,
tasmā vipākadhammadhammadānam paccayantaravikalatādīhi
avipaccamānānampi attano sabhāvena vipākadhammatā viya balavatā
ānantariyena vipāke dinne avipaccamānānampi ānantariyānam phaladāne
niyatashabhāvā ānantariyasabhāvā ca pavattīti attano sabhāvena
phaladānaniyameneva niyatā ānantariyatā ca veditabbā. Avassañca
ānantariyasabhāvā tato eva niyatashabhāvā ca tesam pavattīti
sampaṭicchitabbametam, aññassa balavato ānantariyassa abhāve sati cuti-
anantaram ekantena phaladānato.

Nanu evam aññesampi upapajjavedanīyānam aññasmim vipākadāyake
asati cuti-anantarameva ekantena phaladānato niyatashabhāvā
ānantariyasabhāvā ca pavatti āpajjatīti? Nāpajjati asamānajātikena
cetopaṇidhivasena upaghātakena ca nivattetabbavipākattā anantare
ekantaphaladāyakattābhāvā, na pana ānantariyānam paṭhamajjhānādīnam
dutiyajjhānādīni viya asamānajātikam phalanivattakam atthi
sabbānantariyānam avīciphalattā, na ca heṭṭhūpapattim icchato sīlavato
cetopaṇidhi viya uparūpapattijanakakammaphalam ānantariyaphalam
nivattetum samattho cetopaṇidhi atthi anicchantasseva avīcipātanato, na ca
ānantariyopaghātakam kiñci kammañ atthi, tasmā tesameva anantare
ekantavipākajanakasabhāvā pavattīti. Anekāni ca ānantariyāni katāni
ekantena vipāke niyatashabhāvattā uparatāvipaccanasabhāvāsaṅkattā
nicchitāni sabhāvato niyatāneva. Tesu pana samānasabhāvesu ekena vipāke
dinne itarāni attanā kattabbakiccassa teneva katattā na dutiyam tatiyampi ca
paṭisandhim karonti, na samatthatāvighātattāti natthi tesam
ānantariyakatānivatti, garugarutarabhāvo pana tesam labbhatevāti
samghabhedassa siyā garutarabhāvoti “yena -pa- vipaccatī”ti āha. Ekassa
pana aññāni upatthambhakāni hontīti daṭṭhabbāni. **Paṭisandhivasena**
vipaccatīti vacanena itaresam pavattivipākadāyitā anuññatā viya dissati. **No**
vā tathā sīlavatīti yathā pitā sīlavā, tathā

sīlavatī no vā hotīti yojanā. Sace mātā sīlavatī, mātugthāto paṭisandhivasena vipaccatīti yojanā.

Pakatattoti anukkhitto. **Samānasamvāsakoti** apārājiko. **Samānasimyanti** ekasimyam.

276. Satthu kiccam kātum asamatthoti yam satthārā kātabbakiccam anusāsanādi, nam kātum asamatthoti bhagavantam paccakkhāya. **Aññam titthakaranti** aññam satthāram. Vuttam hetam—

“Tittham jānitabbam, titthakaro jānitabbo, titthiyā jānitabbā, titthiyasāvakā jānitabbā. Tattha **tittham** nāma dvāsaṭhi diṭṭhiyo. Ettha hi sattā taranti uplavanti ummujjanujjam karonti, tasmā titthanti vuccanti. Tādisānam diṭṭhinām uppādetā **titthakaro** nāma pūraṇakassapādiko. Tassa laddhim gahetvā pabbajitā **titthiyā** nāma. Te hi tithe jātāti titthiyā. Yathāvuttam vā diṭṭhigahasaṅkhātam tittham etesam atthīti titthikā, titthikā eva titthiyā. Tesam paccayadāyakā **titthiyasāvakāti** veditabbā”ti¹.

277. Abhijāti-ādīsu pakampadevatūpasaṅkamanādinā jātacakavālena samānayogakkhamam dasasahassaparimāṇam cakkavālam **jātikhettam**. Saraseneva āṇāpavattanaṭṭhānam **āṇākhettam**. Visayabhūtam ṭhānam **visayakhettam**. Dasasahassī lokadhātūti imāya lokadhātuyā saddhim imam lokadhātumi parivāretvā ṭhitā dasasahassī lokadhātu. Tattakānariyeva jātikhettabhāvo dhammatāvasena veditabbo. “Pariggahavasena”ti keci, “sabbesamyeva buddhānam tattakamyeva jātikhettam tannivāsīnamyeva devatānam dharmābhīsamayo”ti ca vadanti. Mātukucchi-okkamanakālādīnam channam eva gahaṇam nidassanamattam mahābhīnhārādikālepi tassa pakampanassa labbhanato. **Āṇākhettam nāma** yam ekajjhām saṁvattati vivattati ca, **āṇā pavattati** āṇāya tannivāsidesvatānam sirasā sampaṭicchanena, tañca kho kevalam buddhānam ānubhāveneva, na adhippāyavasena.

1. Ma-Ṭṭha 1. 313 piṭṭhe.

Adhippāyavasena pana “yāvatā vā pana ākaṅkheyā”ti¹ vacanato tato parampi āṇā vatteyyeva.

Na uppajjantīti pana atthīti “na me ācariyo atthi, sadiso me na vijjati”ti-ādim² imissā lokadhātuyā ṭhatvā vadantena bhagavatā “kim panāvuso sāriputta atthetarahi aññe samaṇā vā brāhmaṇā vā bhagavatā samasamā sambodhiyanti, evam puṭho aham bhante ‘no’ti vadeyyan”ti³vatvā tassa kāraṇam dassetum “atṭhānametam anavakāso, yam ekissā lokadhātuyā dve arahanto sammāsambuddhā apubbaṁ acarimān uppajjeyyun”ti imam suttam⁴ āharantena dhammasenāpatinā ca buddhakkhettabhūtam imam lokadhātum ṭhapetvā aññattha anuppatti vuttā hotīti adhippāyo.

Ekatoti saha, ekasmiṁ kāleti attho, so pana kālo katham paricchinnoti carimabhave paṭisandhiggahanato paṭṭhāya yāva dhātuparinibbānāti dassento “tatthā”ti-ādimāha. **Anacchariyattāti** dvīsupi uppajjamānesu acchariyattābhāvatoti attho. Dvīsupi uppajjamānesu anacchariyatā, kimaṅgam pana bahūsūti dassento “yadi cā”ti-ādimāha. Buddhā nāma majjhe bhinnasuvanṇam viya ekasadisāti tesam desanāpi ekarasā ekadhāti āha “desanāya ca visesābhāvato”ti. Etenapi anacchariyattameva sādheti. **Vivādabhāvatoti** etena vivādābhāvattham dve buddhā ekato na uppajjantīti dasseti. **Etam kāraṇanti** etam anacchariyatādikāraṇam. **Tatthāti** milindapañhe.

Eksam eva buddham dhāretīti **ekabuddhadhāraṇī**. Etena evaṁsabhāvā ete buddhaguṇā, yena dutiyabuddhaguṇe dhāretum asamatthā ayam lokadhātūti dasseti. Paccayavisesanippahannānam hi guṇadhammānam bhāriyo viseso mahāpathaviyāpi dussahoti sakkā viññātum. Tathā hi abhisambodhisamaye upagatassa lokanāthassa guṇabhāram bodhirukkhassa tīsupi disāsu mahāpathavī sandhāretum nāsakkhi. Tasmā “na dhāreyyā”ti vatvā tameva adhāraṇam pariyāyatarehi pakāsento “caleyyā”ti-ādimāha. Tattha **caleyyāti** paripphandeyu. **Kampeyyāti**

1. Arī 1. 229 piṭṭhe.

2. Ma 1. 227; Vi 3. 12; Abhi 4. 218 piṭṭhesu.

3. Dī 3. 94 piṭṭhe.

4. Arī 1. 29; Abhi 2. 349; Ma 3. 110; Khu 11. 231 piṭṭhesu.

pavedheyya. **Nameyyāti** ekapassena nameyya. **Onameyyāti** osīdeyya. **Vinameyyāti** vividham ito cito ca nameyya. **Vikireyyāti** vātena thusamuṭṭhi viya vippakireyya. **Vidhameyyāti** vinasseyya. **Viddhamseyyāti** sabbaso viddhastā bhaveyya. Tathābhūtā ca na katthaci tiṭṭheyyāti āha “**na thānamupagaccheyyā**”ti.

Idāni tattha nidassanam dassento “**yathā mahārājā**”ti-ādimāha. Tattha **eke**¹ puriseti ekasminī purise. **Samupādikāti** samam uddham pajjati pavattatīti samupādikā, udakassa upari samam gāminīti attho.

“Samuppādikā”tipi paṭhanti, ayamevattho. **Vañnenāti** sañṭhānena. **Pamāṇenāti** ārohena. **Kisathūlenāti** kisathūlabhāvena, pariṇāhenāti attho. **Dvinnampīti** dvepi, **dvinnampi** vā sarīrabhāram.

Chādentanti rocentarī ruciṁ uppādentarī. **Tandikatoti** tena bhojanena tandibhūto. **Anonamitadaṇḍajātoti** yāvadattham bhojanena onamitum asakuṇeyyatāya anonamanadaṇḍo viya jāto. **Sakim bhutto vameyyāti**² ekampi ālopam ajjhoharitvā vameyyāti attho.

Atidhammabhārena pathavī calatīti dhamma nāma pathavī tiṭṭheyya. Sā kiṁ teneva calati vinassatīti adhippāyena pucchatī. Puna therō “ratanam nāma loke kuṭumbarī sandhārentarī abhimatañca lokena attano garusabhāvatāya sakāṭabhaṅgassa kāraṇam atibhārabhūtam diṭṭham. Evamdhammo ca hitasukhaviseshi tamśamaṅgīnam dhārente abhimato ca viññūnam gambhīrappameyyabhāvena garusabhāvattā atibhārabhūto pathavīcalanassa kāraṇam hotī”ti dassento “**idha mahārāja dve sakāṭā**”ti-ādimāha. Eteneva tathāgatassa mātukucchi-okkamanādikāle pathavīkampnakāraṇam samvaṇṇitanti daṭṭhabbam. **Ekassāti** ekasmā, **ekassa** vā sakāṭassa ratanam, tasmā sakāṭā gahetvāti attho.

Osāritanti uccāritaṁ, vuttanti attho. **Aggoti** sabbasattehi aggo. **Jetṭhoti** vuddhataro. **Setṭhoti** pasatthataro. **Visiṭṭhehi** sīlādīhi gunehi samannāgatattā **visiṭṭho**. Uggatamatoti **uttamo**.

1. Ekasmīm (Aṭṭhakathāyam)

2. Sakim bhuttova mareyyāti (Aṭṭhakathāyam)

Pavaroti tasseeva vevacanam. Natthi etassa samoti **asamo**. Asamā pubbabuddhā, tehi samoti **asamasamo**. Natthi etassa paṭisamo paṭipuggaloti **appaṭisamo**. Natthi etassa paṭibhāgoti **appaṭibhāgo**. Natthi etassa paṭipuggaloti **appaṭipuggalo**.

Sabhāvapakatikāti sabhāvabhūtā akittimā pakati. **Kāraṇamahantattāti** kāraṇānam mahantatāya, mahantehi buddhakaradhammehi pāramisaṅkhātehi kāraṇehi buddhaguṇānam nibbattitoti vuttam hoti. Pathavī-ādīni mahantāni vatthūni, mahantā cakkavālādayo attano attano visaye ekekāva, evam sammāsambuddhopi mahanto attano visaye eko eva. Ko ca tassa visayo? Buddhabhūmi, yāvatakanām vā ñeyyam. “Ākāso viya anantavisayo bhagavā eko eva hotī”ti vadanto paracakkavālesupi dutiyassa buddhassa abhāvarām dasseti.

Imināva padenāti “ekissā lokadhātuyā”ti iminā eva padena. **Dasa cakkavālasahassāni gahitānīti** jātikhettāpekkhāya gahitāni. **Ekacakkavālenevāti** iminā eva ekacakkavālena, na yena kenaci. Yathā “imasmimyeva cakkavāle uppajjantī”ti vutte imasmimpi cakkavāle jambudīpe eva, tatthāpi majjhimadese evāti paricchinditum vattati, evam “ekissā lokadhātuyā”ti jātikhette adhippetepi imināva cakkavālena paricchinditum vattati.

Paṭhamavaggavaṇṇanā niṭhitā.

15. Atṭhānapāli 2. Dutiyavaggavaṇṇanā

278. **Vivādupacchedatoti** vivādupacchedakāraṇā. Dvīsu uppannesu yo vivādo bhaveyya, tassa¹ anuppādoyevettha vivādupacchedo. **Ekasmīm dīpeti-ādinā dīpantarepi** ekajjhām na uppajjati, pageva ekadīpeti dasseti. **Sopi pariḥayethāti** cakkavālassa padese eva pavattitabbattā pariḥayeyya.

1. Tasmā (Sī)

279-280. **Manussattanti** manussabhāvo tasseva pabbajjādiguṇānam yoggabhbhāvato. **Liṅgasampattīti** purisabhāvo. **Hetūti** manovacīpaṇidhānapubbikā hetusampadā. **Satthāradassananti** satthusammukhībhāvo. **Pabbajjāti** kammakiriyavādīsu tāpasesu, bhikkhūsu vā pabbajjā. **Guṇasampattīti** abhiññādiguṇasampadā. **Adhikāroti** buddhe uddissa adhiko kāro, savisesā upakārakiriyā adhiko sakkāroti vuttam hoti. Chandova **chandatā**, sammāsambodhim uddissa sātisayo kattukamyatākusalacchando. **Aṭṭhadhammasamodhānāti** etesam aṭṭhannam dhammānam samāyogena. **Abhinīhāroti** kāyapaṇidhānam. **Samijjhātī** nippahjjati. Ayameththa saṅkhepo, vitthāro pana paramatthadīpaniyā **cariyāpiṭakavāṇṇanāya**¹ vuttanayena veditabbo. **Sabbākāraparipūramevāti** paripuṇḍalakkhaṇatāya sattuttamādīhi sabbākārena sampannameva. Na hi itthiyā kosohitavatthaguyhatādi sambhavati. Dutiyapakati ca nāma paṭhamapakatito nihinā eva. Tenevāha anantaravāre “**yasmā**”ti-ādi.

281. **Idha purisassa tattha nibbattanatoti** imasmiṁ manussaloke purisabhūtassa tattha brahmaloke brahmattabhāvena nibbattanato. Tena asatipi purisaliṅge purisākārā brahmāno hontīti dasseti. Tamyeva ca purisākāram sandhāya vuttam bhagavatā “yam puriso brahmattam kāreyyā”ti. Tenevāha “**samānepi**”ti-ādi. Yadi evam itthiyo brahmaloke na uppajjeyyunti āha “**brahmattan**”ti-ādi.

290-295. “Kāyaduccaritassā”ti-ādipāliyā kammaniyāmo nāma kathito. Samañjanam samaṅgo, samannāgamo, so etassa atthīti samaṅgī, samannāgato, samañjanasilo vā samaṅgī, pubbabhāge upakaraṇasamudāyato pabhubhi āyūhanavasena **āyūhanasamaṅgitā**, sannīṭhāpakacetanāvasena **cetanāsamaṅgitā**. Cetanāsantativasena vā **āyūhanasamaṅgitā**, tamtaṁcetanākkhaṇavasena **cetanāsamaṅgitā**. Katūpacitassa avipakkavipākassa kammassa vasena **kamasamaṅgitā**. Kamme pana vipaccitum āraddhe vipākappavattivasena **vipākasamaṅgitā**. Kammādīnam upaṭṭhānakālavasena **upaṭṭhānasamaṅgitā**. **Kusalākusalakammāyūhanakkhaṇeti** kusalakammassa

1. Cariyāpiṭaka-Tīṭha 274 piṭṭhe.

akusalakkammassa ca samīhanakkhaṇe. **Tathāti** iminā kusalākusalakkammadām ākaḍḍhati. Yathā kataṁ kammaṁ phaladānasamattham hoti, tathā kataṁ **upacitāṁ**. **Vipākārahanti** dutiyabhavādīsu vipaccanāraham. Uppajjamānānam upapattinimittam upaṭṭhātīti yojanā. Upapattiyā uppajjanassa nimittam kāraṇanti **upapattinimittāṁ**, kammaṁ kammanimittam gatinimittañca. Aṭṭhakathāyam pana gatinimittavaseneva yojanā dassitā. Kammakammanimittānampi upaṭṭhānam yathāraham daṭṭhabbaṁ. “Yānissa tāni pubbe katāni kammāni, tānissa tasmīm samaye olambanti ajjholaṁbanti abhilambantī”¹ vacanato sāyanhe mahantānam pabbatakūṭānam chāyā viya āsannamaraṇassa sattassa citte supine viya vipaccitum katokāsām kammaṁ, tassa nimittam gatinimittam upatiṭṭhateva. **Calatīti** parivattati. Ekena hi kammunā tajje nimitte upaṭṭhite paccayavisesavasena tato aññena kammunā tadaññassa nimittassa upaṭṭhānam parivattanam. **Sesā niccalā** avasesā² catubbidhāpi samaṅgitā niccalā aparivattanato.

Sunakhavājikoti sunakhehi migavājavasena³ vajanasilo, sunakhaluddakoti attho. **Talasanthaṇapūjanti** bhūmitalassa pupphehi santharaṇapūjam. **Āyūhanacetanā** kammaṁsamaṅgitāvasenāti kāyaduccaritassa aparāparam āyūhanena sanniṭṭhāpakacetanāya tasева pakappane kammakkhayakaraññena akhepitattā yathūpacitakammunā ca samaṅgibhāvassa vasena.

Kammanti akusalakkammam. **Tasmimyeva khaṇeti** āyūhanakkhaṇeyeva. **Tassāti** kammaṁsamaṅgino puggalassa saggo vārito, tañce kammaṁ vipākavāram labheyyāti adhippāyo. **Saggo vāritoti** ca nidassanamattam. Manussalokopissa vāritovāti. Apare pana purimehi vipākāvaraṇassa anuddhaṭattā “tasmimyeva khaṇe”ti ca avisesena vuttattā tam dosam pariharitum “āyūhitakammam nāmā”ti-ādimāha. **Yadā kammaṁ** **vipākavāram** labhatīti idam katokāsassa appaṭibāhiyattā vuttam. Tathā hi bhagavā **tatiyapārājikavatthusmim**⁴ paṭisallīyi, imasmiṁ sutte “kāyaduccaritasamaṅgi”ti āgatattā vipākūpaṭṭhānasamaṅgitā na labbhanti.

Aṭṭhānapālīvaṇṇanāyam anuttānatthadīpanā niṭṭhitā.

1. Ma 3. 203 piṭṭhe. 2. Catasso (Ka) 3. Migavavasena (Sī) 4. Vi 1. 86 piṭṭhe.

16. Ekadhammapāli 1. Pathamavaggavaṇṇanā

296. Ekadhammapāli vaṇṇanāyam idha dhamma-saddo sabhāvattho “kusalā dhammā”ti-ādīsu viyāti āha “ekasabhāvo”ti. **Ekantenāti** ekaṁsenā, avassanti attho. **Vatṭeti** samsāravatṭe. **Nibbindanatthāyāti** anabhiramanatthāya. **Virajjanatthāyāti** arajjanatthāya. **Virajjanāyāti** palujjanāya. Tenevāha “vigamāyā”ti. **Rāgādīnam** nirodhāyāti maggañāñena rāgādīnam nirodhanatthāya. Maggañāñena nirodhanam nāma accantam¹ appavattikaraṇanti āha “appavattikaraṇatthāyā”ti. Yathā khādanīyassa mukhe katvā khādanam nāma yāvadeva ajjhoharaṇattham, evam rāgādīnam nirodhanam vatṭanirodhanatthamevāti vuttam “vatṭasseva vā nirujjhānatthāyā”ti. Yasmā kilesesu khīnesu itaram vatṭadvayampi khīnameva hoti, tasmā mūlameva gaṇhanto “upasamāyāti kilesavūpasamanatthāyā”ti āha. Saṅkhatadhammānām abhijānanām nāma tattha lakkhaṇattayāropanamukhenevāti āha “aniccādi -pa-abhijānanatthāyā”ti. Sambujjhitabbāni nāma cattāri ariyasaccāni tabbinimuttassa ñeyyassa abhāvato. “Catunnam saccānam bujjhanatthāyā”ti vatvā tayidari bujjhanam yassa ñāṇassa vasena ijjhati, tassa ñāṇassa vasena dassetum “bodhi vuccati”ti-ādi vuttam. **Appaccayanibbānassāti** amatadhātuyā.

Ussāhajanānatthānti kammaṭṭhāne abhiruci-uppādanāya. **Visakaṇṭakoti** guļassa vāṇijasamaññā. “Kismiñci dese desabhāsā”ti keci. Ucchuraso samapākapakko cuṇṇādīhi missetvā piṇḍikato **guļo**, apiṇḍikato **phāṇitam**. Pākavisesena khaṇḍakhaṇḍasedito **khaṇḍo**, malābhāvam āpanno **sakkarā**.

Saratīti sati. Anu anu saratīti **anussati**, anu anurūpā satītipi **anussati**. **Duvidham** hotīti payojanavasena duvidham hoti. **Cittasampahāmsanatthānti** pasādanīyavatthusmīm pasāduppādanena bhāvanācittassa paritosanattham. **Vipasssanatthānti** vipassanāsukhattham. Upacārasamādhinā hi citte samāhite vipassanāsukhena ijjhati. **Cittuppādoti** bhāvanāvasena pavatto cittuppādo. **Upahaññāti** patihaññati paṭikūlattā ārammaṇassa.

1. Accantāya (Ka)

Tato eva **ukkanṭhati**, kammaṭṭhānam riñcati, **nirassādo hoti** bhāvanassādassa alabbhanato. **Pasīdati** buddhaguṇānam pasādanīyattā. Tathā ca kaṅkhādicetokhilābhāvena **vinīvaraṇo hoti**. **Dametvāti** nīvaraṇanirākaranena nibbisevanaṁ katvā. Evaṁ kammaṭṭhānantarānuyuñjanena cittaparidamanassa upamaṁ dassento “**kathan**”ti-ādimāha.

Ko ayam -pa- anussarīti ko ayam mama abbhantare ḥatvā anussari. **Pariggāṇhantoti** bāhirakaparikappitassa anussarakassa sabbaso abhāvadassanametam. Tenāha “**na añño kocī**”ti. **Disvāti** pariyesananayena vuttappakāram cittameva anussarīti disvā. **Sabbampetanti** etam hadayavatthu-ādippabhedam sabbampi. **Idañca rūpam purimañca arūpanti** idam ruppanasabhāvattā rūpam, purimam atamsabhāvattā arūpanti saṅkhepato rūpārūpam vavatthapetvā. Pañcakkhandhe vavatthapetvāt yojanā. **Sambhāvikāti**¹ samuṭṭhāpikā. **Tassāti** samudayasaccassa. **Nirodhoti** nirodhanimittam. **Appanāvāroti** yathāraddhāya desanāya nigamanavāro.

297. **Eseva nayoti iminā** yvāyam “tam panetan”ti-ādinā atthanayo buddhānussatiyam vibhāvitoti atidisati, svāyam atideso payojanavasena navasupi anussatīsu sādhāraṇavasena vuttopi ānāpānassati-ādīsu tīsu vipassanatthāneva hontīti iminā apavādena nivattitoti tāsam ekappayojanatāva daṭṭhabbā. Dhamme anussati dhammānussatīti samāsapadavibhāgadassanampi vacanatthadassanapakkhikamevāti āha “**ayam paneththa vacanattho**”ti. **Dhammaṁ ārabbhāti** hi dhammassa anussatiyā visayabhāvadassanametam. Esa nayo sesesupi. **Sīlam ārabbhāti** attano pārisuddhisīlam ārabbha. **Cāgam ārabbhāti** attano cāgaguṇam ārabbha. **Devatā ārabbhāti** ettha devatāguṇasadisatāya attano saddhāsīlasutacāgapaññāsu devatāsamaññā. Bhavati hi tamśadisepi tabbohāro yathā “tāni osadhāni, esa brahmadatto”ti ca. Tenāha “**devatā sakkhiṭhāne ṭhapetvā**”ti-ādi. Tattha **devatā sakkhiṭhāne ṭhapetvāti** “yathārūpāya saddhāya samannāgaṭā tā devatā ito cutā tattha upapannā, mayhampi tathārūpā saddhā samvijjati. Yathārūpena sīlena,

1. Pabhāvikāti (Aṭṭhakathāyānī)

yathārūpena sutena, yathārūpena cāgena, yathārūpāya paññāya samannāgatā tā devatā ito cutā tattha upapannā, mayhampi tathārūpā paññā samvijjati”ti evam devatā sakkhiṭhāne ṭhapetvā. **Assāsapassāsanimittam** nāma tattha laddhabbaṭibhāganimittam. **Gatāti** ārammaṇakaraṇavasena upagatā pavattā.

Upasammati ettha dukkhanti upasamo, nibbānam. Accantameva ettha upasammati vaṭṭattayanti **accantūpasamo**, nibbānameva. Khīṇoti khepeti kileseti khayo, ariyamaggo. Te eva upasametīti upasamo, ariyamaggo eva. Khayo ca so upasamo cāti **khayūpasamo**. Tatra cāyam upasamo dhammo evāti dhammānussatiyā upasamānussati-ekasaṅgahoti? Saccamekasaṅgaho dhammabhāvasāmaññe adhippete, saṅkhatadhammato pana asaṅkhatadhammo sātisayo uṭṭarata mapanīyatamabhbhāvatoti dīpetum visum nīharitvā vuttaṁ. Imameva hi visesam sandhāya bhagavā “dhammānussati”ti vatvāpi upasamānussatim avoca anussarantassa savisesam santapaṇītabhbhāvena upaṭṭhānato. Evañca katvā idha khayūpasamaggahaṇampi samatthitanti daṭṭhabbam. Yatheva hi samānepi lokuttaradhammabhāve “yāvatā bhikkhave dhammā saṅkhatā vā asaṅkhatā vā, virāgo tesam aggamakkhāyatī”ti¹ ādivacanato maggaphaladhammehi nibbānadhammo sātisayo, evam phaladhammato maggadhammo kilesappahānenā acchariyadhammabhāvato, tasmā accantūpasamena saddhiṁ khayūpasamopi gahitoti daṭṭhabbam. **Vipassanatthāneva hontīti** kasmā vuttanti? “Ekantanibbidāyāti-ādivacanato”ti keci, tam akāraṇam buddhānussati-ādīsupi tathā desanāya āgatattā. Yathā pana buddhānussati-ādīni kammaṭṭhānāni vipassanatthāni honti, nimittasampahāmsanatthānipi honti, na evametāni, etāni pana vipassanatthānevāti tathā vuttam.

Paṭhamavaggavaṇṇanā niṭṭhitā.

16. Ekadhammapāli 2. Dutiyavaggavaṇṇanā

298. Micchā passati tāya, sayam vā micchā passati, micchādassanameva vā tanti **micchādiṭṭhi**, yam kiñci viparītadassanam. Tenāha

1. Khu 1. 254 piṭhe.

“dvāsaṭṭhividhāyā”ti-ādi. Micchādiṭṭhi etassāti micchādiṭṭhiko. Tassa micchādiṭṭhikassa.

299. Sammā passati tāya, sayam vā sammā passati, sammādassanamattameva vā tanti **sammādiṭṭhi**. Pañcavidhāyāti kammassakatājhānavipassanāmaggaphalavasena pañcavidhāya. Tattha jhānacittuppādapariyāpannam nāṇam **jhānasammādiṭṭhi**, vipassanānāṇam **vipassanāsammādiṭṭhi**.

302. Pañcasu khandhesu “niccan”ti-ādinā pavatto **anupāyamanasikāro**.

303. “Aniccan”ti-ādinā pavatto **upāyamanasikāro. Yāva niyāmokkamanāti** yāva micchattaniyāmokkamanā. Micchattaniyāmokkamananaso pana sāmaññaphalasuttavaṇṇanāyam taṭṭikāya ca vuttanayeneva veditabbo.

304. **Ayam tividhā saggāvaraṇā ceva hotīti kammapathappattiya** mahāsāvajjabhāvato vuttam. Saggāvaraṇāya hontiyā maggavibandhakabhāvē vattabbameva natthīti vuttam “**maggāvaraṇā cā**”ti. “Sassato loko”ti-ādikā dasavatthukā **antaggāhikā micchādiṭṭhi**. Maggāvaraṇāva hoti viparītadassanabhbāvato, **na saggāvaraṇā** akammapathapattitoti adhippāyo. **Idam pana vidhānam paṭikkhipitvāti** viparītadassanañca na maggāvaraṇāñcāti viruddhametam uddhammbhbāvato. Tathā hi sati appahīnāya eva sakkāyadiṭṭhiyā maggādhigamena bhavitabbanti adhippāyena yathāvuttavidhānam paṭikkhipitvā. “Na saggāvaraṇā”ti saggūpapattiya avibandhakattam vadantehi diṭṭhiyā saggāvahatāpi nāma anuññātā hotīti tam vādam paṭikkhipantena “**diṭṭhi nāma¹ saggam upanetum smatthā nāma natthī**”ti vuttam. Kasmā? Ekantarutarasāvajjabhbāvato. Tenāha “**ekantaṁ nirayasmirīyeva² nimujjāpeti**”ti-ādi.

305. **Vatṭam viddhamsetīti** maggasmādiṭṭhi kilesavatṭam kammavaṭṭañca viddhamseti. Vipākavaṭṭam kā nu viddhamseti nāma. Evaṁ pana attano kāraṇena viddhastabhāvam³ phalasmādiṭṭhi paṭibāhatīti vuttam avasaradānato. **Iccetaṁ kusalanti** arahattam pāpetum sace sakkoti, evametam vipassanāya

1. Sakkāyadiṭṭhi (Aṭṭhakathāyam)

2. Apāyesuyeva (Aṭṭhakathāyam)

3. Viddhastabhāvam (Ka)

paṭisandhi-anākaḍḍhanam kusalam anavajjam. **Satta bhave detīti** sotāpattimaggassa paccayabhūtā vipassanā sammādiṭṭhi tassa puggalassa satta bhave deti. **Evamayati pañcavidhampi sammādiṭṭhim sandhāya vuttam.** Tenāha “**lokiyalokuttarā sammādiṭṭhi kathitā**”ti. **Imasmim panattheti** “nāham bhikkhave aññam ekadhammampi samanupassāmī”ti-ādinā vutte gatimaggasaṅkhāte atthe. “sugatim saggam lokam upapajjantī”ti vuttattā “**lokikā bhavanipphādikāva veditabbā**”ti vuttam.

306. Yathādiṭṭhīti atthabyāpanicchāyam **yathā**-saddo, tena uttarapadatthappadhāno samāsoti āha “**yā yā diṭṭhi**”ti. **Tassā tassā anurūpanti** tamtaṁdiṭṭhi-anurūpanti attho. **Samattanti** anavasesam. Tenāha “**paripuṇṇan**”ti. **Samādinnanti** ādimajjhapariyosānesu samam ekasadisam katvā ādinnam gahitam anissaṭṭham. **Tadetanti** yadetaṁ “yam ceva kāyakamman”ti-ādinā vuttam, tadetaṁ kāyakammam. **Yathādiṭṭhiyam ṛhitakāyakammanti** yā pana diṭṭhi “nathi tatonidānam pāpan”ti-ādinā pavattā, tassam diṭṭhiyam ṛhitakassa ṛhitamattassa anissaṭṭhassa tamdiṭṭhikassa kāyakammam. **Ditṭhisahajātam kāyakammanti** tassa yathādiṭṭhikassa paresam hatthamuddādinā viññāpanakāle tāya diṭṭhiyā sahajātam kāyakammam. Na cettha vacīkammāsaṅkhā uppādetabbā pāṇaghātādīnamyeva adhippetattā. **Ditṭhānulomikam kāyakammanti** yathā paresam pākaṭam hoti, evam diṭṭhiyā anulomikam katvā pavattitam kāyakammam. Tenāha “**samādinnam gahitam parāmaṭṭhan**”ti. Tatthāti-ādi suviññeyyameva. **Eseva nayoti iminā yathāvuttāya diṭṭhiyā** ṛhitavacīkammam, **Ditṭhisahajātam** vacīkammam, **Ditṭhānulomikam** vacīkammanti tividham hotīti evamādi atidisati. **Micchādiṭṭhikassāti** kammapathappattāya micchādiṭṭhiyā micchādiṭṭhikassa. “**Yāya kāyaci** micchādiṭṭhiyā micchādiṭṭhikassa sato”ti apare.

Ditṭhisahajātāti yathāvuttāya diṭṭhiyā sahajātā cetanā. Esa nayo sesapadesupi. **Patthanāti** “idam nāma kareyyan”ti taṇhāpatthanā. **Cetanāpatthanānam vasenāti** yathāvuttadiṭṭhigatanissitacetasikanikāmanānam vasena. **Cittatṭhapanāti** cittassa paṇidahanā. **Phassādayoti** cetanādiṭṭhitātaṇhādivinimuttā phassādidhammadā. Yasmā diṭṭhi pāpikā, tasmā tassa puggalassa sabbe te dhammadā aniṭṭhāya -pa- saṁvattantīti yojanā.

Purimassevāti tittakapadasseva. Tittakam kaṭukanti ca ubhayam idha aniṭṭhapariyāyam daṭṭhabbam “pacchā te kaṭukam bhvissati”ti-ādīsu viya.

Amboyanti ambo ayam. **Tameva pūjanti** tameva pubbe laddhparisiñcanadānādipūjam. **Nivesareti** pavisiṁsu. **Asātasannivāsenāti** amadhuranimbamūlasaṁsaggena.

Tam pana paṭikkhipitvā -pa- vuttanti sabbāpi micchādiṭṭhi ekantasāvajjattā aniṭṭhāya dukkhāya samvattatīti adhippāyena vuttam. **Anantarasutteti** dasamasutte. **Yojetvā veditabbānīti** navamasutte viya yojetvā veditabbāni. **Cittaṭṭhapanāva patthanātīti** ettha pañidhi cāti vattabbam.

Dutiyavaggavaṇṇanā niṭṭhitā.

3. Tatiyavaggavaṇṇanā

308. Tatiyassa paṭhame **ayāthāvadiṭṭhikoti** aniccādibhāvesu dhammesu niccāti-ādinā uppannadiṭṭhiko. Tenāha “**tāyeva micchādiṭṭhiyā viparītadassano**”ti. **Saddhammāti** ettha santo pasattho sundaro dhammo, yo manussadhammotipi vuccati. Tato hi micchādiṭṭhiko param vuṭṭhāpeyya, na ariyadhammadto. Tenāha “**dasakusalakammapathadhammato**”ti. **Evarūpāti** iminā pāthikaputtādike saṅgañhāti.

309. **Sabbaññubodhisattoti** sabbaññubhāgī bodhisatto. **Ādisaddena** pūritapāramikā paccekabodhisattā ekaccasāvakabodhisattā ca saṅgayhanti.

310. **Paramāti** mahāsāvajjabhāvena paramā, ukkamsagatāti attho. **Tesanti ānantariyakammānam.** **Paricchedoti** vipākavasena pariyośānam. **Vattassa mūlam,** tato tamasaṅgīpuggalo vatṭassa khāṇūti vuccti. Tenāha “**tāyā**”ti-ādi. Tañce gāham na vissajjeti, tassa punapi tabbhāvāvahattā vuttam “**bhavato vuṭṭhānam natthī**”ti, na pana sabbaso vuṭṭhānassa abhāvato. Yādise hi paccaye paṭicca ayam tam dassanam okkanto puna kadāci tappaṭipakkhe paccaye paṭicca tato sīsukkhipanamassa na hotīti

na vattabbam. Akusalam hi nāmetam abalam dubbalam, na kusalam viya mahābalam. Aññathā sammattaniyāmo viya micchattaniyāmopi accantiko siyā, na ca micchattaniyāmo accantiko. Teneva **papañcasūdaniyam**¹—

“Kim panesa ekasmiñyeva attabhāve niyato hoti, udāhu aññasmimpiṭī? Ekasmiñyeva niyato, āsevanavasena bhavantarepi tam diṭṭhim rocti evā”ti—

vuttaṁ. Tatoyeva ca **sumaṅgalavilāsiniyampi**² vuttaṁ—

“Ye vā pana tesam laddhim gahetvā rattiṭṭhāne divāṭṭhāne nisinnā sajjhāyanti vīmarinsanti, tesam ‘karoto na karīyatī pāparī, natthi hetu, natthi paccayo, mato ucchijjatī’ti tasmiṁ ārammaṇe micchāsatī antiṭṭhatī, cittam ekaggam hoti, javanāni javanti. Paṭhamajavane satekicchā honti, tathā dutiyādīsu. Sattame buddhānampi atekicchā anivattino riṭṭhakaṇṭakasadisā, tattha koci ekaṁ dassanam okkamati, koci dve, koci tīripi, ekasmiṁ okkantepi dvīsu tīsu okkantesupi niyatamicchādiṭṭhikova hoti. Patto saggamaggāvaraṇañceva mokkhamaggāvaraṇañca, abhabbo tessattabhāvassa anantaram saggampi gantum, pageva mokkham, aṭṭakhāṇu nāmesa satto pathavigopako, yebhuyyena evarūpassa bhavato vuṭṭhānam natthī”ti.

Piṭṭhicakkavāleti jhāyamānacakkaṇavālassa parato ekasmiṁ okāse. Yam jhāyamānānam ajjhāyamānānañca cakkavālānamantaram, yattha lokantarikanirayasamaññā, tādise ekasmiṁ okāse. **Paccatiyevāti** cakkavāle jhāyamāne ajjhāyamānepi attano kammabalena paccatiyeva.

311. Catutthe “mā khali”ti vacanam upādāya evam laddhanāmoti tam kira sakaddamāya bhūmiyā telaghaṭam gacchantam “tāta mā khali”ti sāmiko āha. So pamādena khalitvā patitvā sāmikassa bhayena palāyitum āraddho. Sāmiko upadhāvitvā sāṭakakaṇhe aggahesi. So sāṭakam chaḍdetvā acelako hutvā palāto paññena vā tiñena vā patīcchādetumpi ajānanto jātarūpeneva ekam

1. Ma-Tīha 3. 85 piṭṭhe.

2. Dī-Tīha 1. 150 piṭṭhe.

gāmam pāvisi. Manussā tam disvā “ayam samaṇo arahā appiccho, natthi iminā sadiso”ti pūvabhattādīni gahetvā upasāṅkamitvā “mayham sāṭakam anivatthabhāvena idam uppannan”ti tato paṭṭhāya sāṭakam labhitvāpi na nivāsesi, tadeva ca pabbajjam aggahesi. Tassa santike aññepi aññepīti pañcasatā manussā pabbajimśu. Tam sandhāyetam vuttam “mā khaliti vacanam upādāya evamladdhanāmo titthakaro”ti.

Samāgataṭṭhāneti dvinnam nadīnam udakappavāhassa sannipātaṭṭhāne. **Dvīnnam udakānanti** dvinnam udakappavāhānam. Yathāvuttaṭṭhāne macchaggahaṇattham khipitabbato khippam, kuminam, tadeva idha khippanti vuttam. Tenāha “**kuminan**”ti. **Ucchūhīti** udaka-ucchūhi. **Tucchapuriso** ariyadhammābhāvato. Jhānamattampi hi tassa nattheva, kuto ariyamaggo. **Manussakhippari maññeti** manussā patitvā byasanappatti- attham odditam kuminam viya. Tenāha “**mahājanassā**”ti-ādi.

312. Pañcamādīsu **bāhirakasāsananti** avisesena vuttam tassa sabbassapi aniyānikattā satthupaṭīññassapi asabbaññubhāvato. Tenāha “**tattha hī**”ti-ādi. **Gaṇoti** sāvakagaṇo. **Tathābhāvāyāti** ācariyena vuttākāratāya samaṅgibhāvattham. **Jāṅgasatanti** bahū aneke satte. **Samakameva akusalam pāpuṇātīti** tesam sabbesam ekajjhām samādapanepi tesam akusalena samakameva akusalam pāpuṇātīti ekajjhām bahūnam samādapanepi tathā ussahanassa balavabhbāvato. Visum visum samādapane vattabbameva natthi. Yathā hi dhammadariyāyam samakamevāti vattabbā kalyāṇamittatā, evam adhammacariyāyam akalyāṇamittatāti.

313. **Suṭṭhu akkhāteti** ekantato niyyānikabhāvena akkhāte. **Satthā ca sabbaññū hotīti** asabbaññuno niyyānikabhāvena kathetum asakkueyyattā. **Dhammo ca svākkhāto** sammāsambuddhappaveditattā. **Gaṇo ca suppaṭipanno** satthārā suvinītattā. **Samādapako hīti-ādi** suppaṭipattiyā nidassanam daṭṭhabbam.

314. **Pamāṇam jānitabbanti** “ayam ettakena yāpeti, imassa ettakam dātum yuttan”ti evam pamāṇam jānitabbam. **Atireke -pa- nibbānasampatti vā natthi** durakkhātattā dhammassa. **Tassāti** paṭiggāhakassa. **Appicchapaṭipadā nāma natthi** durakkhāte dhammavinayeti adhippāyo.

315. **Dāyakassa vaso** nāma uḷāruḷāratābhedo ajjhāsayo.

Deyyadhammassa pana thokabahutāva **deyyadhammassa vaso** nāma. Attano thāmoti yāpanappamāṇam. **Yadi hīti-ādi** “kathan”ti-ādinā saṅkhepato vuttassa athassa vivaraṇam. **Anuppannassāti** anuppanno assa puggalassa. **Cakkhubhūto hotīti** mahājanassa cakkhu viya hoti. **Sāsanam ciratthititām karotīti** anuppannalābhuppādanena mahājanassa pasāduppādanena ca ciratthitikam karoti.

Kuṭumbariyavihāreti kuṭumbariyagāmasannissitavihāre.

Bhuñjanatthāyātī tasmimyeva gehe niśiditvā bhuñjanatthāya. **Gahetvā gamanatthāyātī** gehato bahi gahetvā gamanatthāya. **Dhurabhattānīti** niccabhattānī. **Cūlupaṭṭhākanti** veyyāvaccakaram. **Vīmaṇsitvātī** yathā uddissa kataṁ na hoti, evam vīmaṇsitvā. **Mahājano appiccho bhavitum maññatīti** mahājano sayam appiccho bhavitum maññati diṭṭhānugatim āpajjanena. **Mahājanassāti** bahujanassa. **Avattharitvātī** vitthārikam katvā.

316. **Pañcātapatappanām** catūsu passesu aggisantāpassa upari sūriyasantāpassa ca tappanām, tañca kho gimhakāle.

Channappapātapatabbatasikhharato patanām **maruppapātapananām**.
Pubbaṇhādīsu ādiccābhimukhāvattanām **ādiccānuparivattanām**.

317. **Ayampīti** svākkhāte dhammadvinaye kusītopi. **Sāmaññanti** tapacaraṇam. **Dupparāmaṭṭhanti** micchācaritaṁ samkiliṭṭham.
Nirayāyupakadḍhatīti nirayadukkhāya nam kaḍḍhati.

318. **Vuttappakāreti** pañcātapatappanādike vuttappakāre.

319. **Evanti** vuttappakārāya cittappasādavhayasuppaṭipattiyā. Tena samaṇadhammadmakaraṇasukhañca saṅgaṇhāti.

320. **Navakanipāteti** imasmiṁyeva aṅguttaranikāye vakkhamānaṁ navakanipātam sandhāyāha. **Nava puggalāti** sattakkhattuparamakolamkolādayo nava puggalā. **Sabbatthāti** imasmiṁ sutte vuttāvasiṭṭhesu sabbesu suttesu.

Tatiyavaggavaṇṇanā niṭṭhitā.

4. Catutthavaggavaṇṇanā

322. Catutthassa paṭhame **saññāṇabhbūtāti** upalakkhaṇabhbūtā.

Pañcadasayojanāvatṭakkhandhāti pañcadasayojanakkhandhaparikkhepā. **Yathā cāti ca-saddena** kadambarukkhādīnam kappaṭṭhāyibhbāvam viya yojanasatubbedhbhbāvam samuccinoti, na pana jambuyā jambudīpassa viya tehi aparagoyānādīnam saññāṇabhbāvam. **Rāmaṇeyyakanti** ramaṇīyabhāvam. **Sesapadesūti** vanarāmaṇeyyakādipadesu. Uggataṁ kūlam ussitabhāvo etassāti **ukkanam**, vigatam apagatam kūlam etassāti **vikūlanti** āha “**unnataṭṭhānam ninnatṭhānan**”ti ca. **Nandiyāvatṭamacchapiṭṭhenevāti** kujjakakulisakamacchasaṅghātapiṭṭheneva.

323. Dutiyādīsu **Cattāro apāyā aññatra manussehīti adhippetā**, na devā aññatra manussehīti hīnāya jātiyā adhippetattā. **Upādāyupādāyāpi majjhimadeso labbhati**, yatha gati bhikkhūnam bhikkhunīnam upāsakānam upāsikānam aññesampi kammavādikiriyavādiviññujātikānam, yo patirūpadesoti vuccati. Tenāha “**sakalopihī**”ti-ādi.

324. **Elati** doso. Tenāha “**niddosamukhāti attho**”ti.

326. Tathāgatassa guṇe jānitvā cakkhunāpi dassanam dassanameva, ajānitvā pana dassanam tiracchānagatānampi hotiyevāti āha “**ye tathāgatassa guṇe jānitvā**”ti-ādi.

327. **Pakāsetvā kathitanti** saccāni pakāsetvā kathitam.

328. Sutānam dhammānam asammmoso dhāraṇanti āha “**dhārentīti na pammussantī**”ti.

329. **Atthānatthām upaparikkhantīti** “ayam imissā pāliyā attho, ayam na attho”ti atthānatthām upaparikkhanti. Anatthaparihārena hi atthaggahaṇam yathā adhammaparivajjanena dhammadappaṭipatti.

330. **Anulomapatipadanti** nibbānassa anulomikam paṭipadam.

331. Saṁvegajanakesu kāraṇesūti saṁvegajanakesu jāti-ādīsu kāraṇesu. Saṁvejanīyesu thānesu sahottappaññānam saṁvego.

332. Upāyenāti yena upāyena vattūpacchedo, tena upāyena. Padhānavīriyam karontīti sammappadhānasaṅkhātam vīriyam karonti uppādenti.

333. Vavassajīyanti vissajjīyanti ettha saṅkhārāti vavassaggo, asaṅkhatā dhātūti āha “vavassaggo vuccati nibbānan”ti.

334. Uttamannānanti uttamānam pañcannam bhojanānam. Uttamarasānanti uttamānam rasānam. Uñchācārenāti uñchācariyāya kassaci apariggahabhūtassa kiñci ayācitvā gahaṇam uñchācāro. Ettha cāti-ādinā annādīnam aggabhāvo nāma manāpaparamo icchitakkhaṇalābho, na tesam lābhītāmattanti dasseti. Paṭilabhbantīti¹ denti pañītabhāvena. Bhattassa ekapātīti ekapātipūram bhattam. Idam kim nāmāti “idam annagarassaggam nāma hoti, na hotī”ti pucchatī. Uñchena kapālābhatenāti missakabhattena. Yāpenteti yāpanasīsenā yāpanahetum bhattam vadati. Upādāya aggarasam nāmāti tam tam upādāyupādāya annagarasaggam daṭṭhabbanti dasseti. Cakkavatti-āhārato hi cātumahārājikānam āhāro aggoti evam yāva paranimmitavasavattidevā netabbam.

335. Attharaso nāma cattāri sāmaññaphalāni “ariyamaggānam phalabhūto raso”ti katvā. Dhammaraso nāma cattāro maggā “sāmaññaphalassa hetubhūto raso”ti katvā. Vimuttiraso nāma amatām nibbānam “sabbasaṅkhārasamatho”ti katvā.

Catutthavaggavaṇṇanā niṭṭhitā.

Jambudīpapeyyālo niṭṭhito.

17. Pasādakaradhammadvaggavaṇṇanā

366. Addhamidanti sandhivasena pāliyam rassam katvā vuttam, makāro padasandhikaroti āha “addhā idan”ti. Ekamso esāti ekaṁso

1. Paṭilabhbanti (Aṭṭhakathāyam)

hetu esa lābhānam. **Pāpakarī nāmāti** appakampi pāpam nāma byattam ekam̄senā na karoti. **Tathassāti¹** tathā sammāpaṭipajjamānassa assa. Araññikattam -pa- tecīvarikattanti imesam dhutadhammānam gahañeneva itaresampi tam̄sabhāgānam gahitabhāvo daṭṭhabbo. **Thāvarappattabhbāvoti** sāsane thirabhāvappatti therabhāvo. **Ākappassa sampattīti** “añño me ākappo karaṇīyo”ti evam vuttassa ākappassa sampatti. **Kolaputtīti** kolaputtiyanti āha “kulaputtabhbāvo”ti. **Sampannarūpatāti** upadhisampadā. **Vacanakiriyāyāti** vacanappayogassa madhurabhāvo mañjussaratā. **Tenassa lābho uppajjatīti** idam na lābhuppādanūpāyadassanaparam, atha kho evam sammāpaṭipajjamānassa anicchantasseva lābho uppajjatīti lābhassa abyabhicārahetudassanaparam daṭṭhabbam. Yathāha—

“Ākañkheyya ce bhikkhave bhikkhu lābhī assam cīvarapiṇḍapātasenāsanagilānappaccayabhesajjaparikkhārānanti, sīlesvevassa paripūrakāri”ti².

Pasādakaradhammadvaggavaṇṇanā niṭṭhitā.

18. Apara-accharāsaṅghātavaggavaṇṇanā

382. **Idampi** suttanti ettha **pi**-saddo heṭṭhā vuttacūlacakcharāsaṅghātasuttam sampañdeti. Cūlacakcharāsaṅghātasutte appanam appattāya mettāya tāvamahanto vipāko dassito, kimaṅgam pana imissā appanāppattāya mettāyāti dassetum “**appanāppattāya hī**”ti-ādimāha. **Vipākakathāyeva** natthīti vipāke kathāyeva natthi, ayameva vā pāṭho. **Gaṇanānupubbatāti** gaṇanānupubbatāya. Paṭhamam uppantantipi paṭhamam, paṭhamam samāpajjatīti idam pana na ekantalakkhaṇam. Ciṇṇavasībhāvo hi aṭṭhasamāpattilābhī ādito paṭṭhāya matthakam pāpentopi samāpajjituṁ sakkoti, matthakato paṭṭhāya ādīm pāpentopi, antarantarā okkantopi samāpajjituṁ sakkoti eva. Pubbuppattiyaṭṭhena pana paṭhamam nāma hoti. **Vibhaṅgeti** jhānavibhaṅge. Vipassanam kayiramānam lakkhaṇūpanijjhānakiccam maggena sijjhati

1. Athassāti (Ka)

2. Ma 1. 39 piṭṭhe.

taggatasammohammadiddhamisanato. Apica **vipassanāya lakkhaṇūpanijjhānari maggena uppannena sijjhati** itarathā parivattanato, tasmā **maggio lakkhaṇūpanijjhānari**, na aniccādilakkhaṇam ārammaṇakaraṇato. Yathā phalam nibbānassa asaṅkhatalakkhaṇam ārammaṇakaraṇavasena upanijjhāyati, evam maggopi. Evampissa lakkhaṇūpanijjhānataṁ veditabbam. **Vattabbameva natthi** arittajjhānatāya. **Sesam** visesam, arittajjhānā evāti attho.

386-387. **Hitapharaṇanti** sattesu hitānurūpam jhānassa pharitvā pavattanam. Cetopaṭipakkhato vimuccati etāyāti **cetovimutti**, appanāppattā mettā. Tenāha “**idhā**”ti-ādi. **Eseva nayoti iminā** karuṇādīnampi appanāppattatam atidisati. **Vatṭam honti** kammavaṭṭabhbhāvato. **Vatṭapādā hontī** vipākavaṭṭassa kāraṇam honti.

390. **Ajjhattaparikammavasenāti** attano kesādīsu karikammakaraṇavasena. **Atṭhārasavidheti** atṭharasappabhede. **Kāyeti** rūpakāye. Rūpakāyo hi idha aṅgapaccaṅgānam kesādīnañca dhammānam samūhaṭṭhenā hatthikāyarahathakāyādayo viya kāyoti adhippeto. Samūhavisyatāya cassa kāyasaddassa samudāyupādanatāya ca asubhākārassa “kāye”ti ekavacanam. Tathā ārammaṇādivibhāgena anekabhedabhinampi cittam cittabhāvasāmaññena ekajjhām gahetvā “citte”ti ekavacanam kātam. **Kāyānupassīti** imassa attham dassetum “**tameva kāyam paññāya anupassanto**”ti āha. **Tameva kāyanti** ca avadhāraṇena vedanādi-anupassanam nivatteti. Tena ca puna kāyaggahaṇassa payojanam sūcianti daṭṭhabbam. “Kāye”ti hi vatvāpi puna “kāyānupassī”ti dutiyam kāyaggahaṇam asammissato vavatthānaghanavinibbhogādidassanattham kātam. Tena vedanādayopi ettha sitā, ettha paṭibaddhāti kāyavedanādi-anupassanappasaṅgepi āpanne na kāye vedanānupassī cittānupassī dhammānupassī vā, atha kho kāyānupassīyevāti kāyasāṅkhātavatthusmiṁ kāyānupassanākārasseva dassanena asammissato vavatthānam dassitam hoti. Tathā na kāye aṅgapaccaṅgavinimutta-ekadhammānupassī, nāpi kesalomādivinimutta-itthipurisānupassī. Yopi cettha kesalomādiko bhūtupādāyasamūhasaṅkhāto kāyo, tathapi na bhūtupādāyavinimutta-ekadhammānupassī, atha kho rathasambhārānupassako viya

aṅgapaccaṅgasamūhānupassī, nāgarāvayavānupassako viya
 kesalomādisamūhānupassī, kadalikkhandhapattavaṭṭivinibbhujjako
 rittamuṭṭhiviniveṭhako viya ca bhūtupādāyasamūhānupassīyevāti
 nānappakārato samūhavaseneva kāyasaṅkhātassa vatthuno dassanena
 ghanavinibbhogo dassito hoti. Na hettha yathāvuttasamūhavinimutto kāyo
 vā itthī vā puriso vā añño vā koci dhammo dissati,
 yathāvuttadhammasamūhamatteyeva pana tathā tathā sattā
 micchābhinivesam karonti.

Aṭṭhārasavidhenāti aṭṭhārasavidhā. **Satipaṭṭhānabhāvakassāti**
 satipaṭṭhānabhāvanaṁ bhāventassa. Tīsu bhavesu kilese ātapetīti **ātāpo**,
 vīriyassetam nāmarā. Yadipi hi kilesānam pahānam ātāpananti, tam
 sammādiṭṭhi-ādīnampi attheva. Ātāpasaddo viya pana ātāpasaddopi vīriyeva
 niruļho. Atha vā paṭipakkhappahāne sampayuttadhammānam
 abbhussahanavasena pavattamānassa vīriyassa sātisayam tadātāpananti
 vīriyameva tathā vuccati, na aññadhammā, tasmā ātāpoti vīriyassa nāmam,
 so assa atthīti **ātāpī**. Ayañca īkāro pasamīsāya atisayassa vā dīpakoti
 ātāpiggahaṇena sammappadhānasamaṅgitam dasseti. Tenevāha “**ātāpīti -pa-**
vīriyena vīriyavā”ti. **Sampajānoti** sampajañña-saṅkhātena ñāñena
 samannāgato. Tenāha “**aṭṭhārasavidhena -pa- sammāpajānanto**”ti. Ayam
 paneththa vacanattho—sammā samantato sāmañca pajānanto **sampajāno**,
 asammissato vavatthāne aññadhammānupassitābhāvena sammā aviparītam
 sabbākārappajānena samantato uparūparivisesāvahabhāvena pavattiyā
 sammā pajānantoti attho.

Kāyo ca idha lujjanappalujjanaṭṭhena lokoti adhippetoti āha
 “**tasmiṃyeva kāyasaṅkhāte loke**”ti. **Pañcakāmaguṇikataṇhanti** rūpādīsu
 pañcasu kāmaguṇesu pavattamānam taṇham. Yasmā paneththa
 abhijjhāgahaṇena kāmacchando, domanassaggahaṇena byāpādo saṅgaham
 gacchati, tasmā nīvaraṇapariyāpannalabalavadhammadvayadassanena
 nīvaraṇappahānam vuttam hotīti veditabbam. Visesena cettha
 abhijjhāvinayena kāyasampattimūlakassa anurodhassa, domanassavinayena
 kāyavipattimūlakassa virodhassa, abhijjhāvinayena ca kāye abhiratiyā,
 domanassavinayena kāyabhāvanāya anabhiratiyā, abhijjhāvinayena kāye

abhūtānam subhasukhabhāvādīnam pakkhepassa, domanassavinayena kāye bhūtānam asubhāsukhabhāvādīnam apanayanassa ca pahānam vuttam. Tena yogāvacarassa yogānubhāvo yogasamatthatā ca dīpitā hoti. Yogānubhāvo hi esa, yadidaṁ anurodhavirodhavippamutto aratiratisaho abhūtapakkhepabhbhūtāpanayanavirahito ca hoti. Anurodhavirodhavippamutto cesa aratiratisaho abhūtam apakkhipanto bhūtañca anapanento yogasamattho hotīti. **Suddharūpasammasanameva kathitanti** kevalam kāyānupassanābhāvato vuttam.

Sukhādibhedāsu vedanāsūti sukhadukkha-adukkhamasukhasāmisa-nirāmisabhedāsu vedanāsu. Tattha sukhayatīti **sukhā**, sampayuttadhamme kāyañca laddhassāde karotīti attho. Suṭṭhu vā khādati, khanati vā kāyikam cetasikañca ābādhanti **sukhā**, sukaram okāsadānam etissāti vā **sukhā**. Dukkhayatīti **dukkhā**, sampayuttadhamme kāyañca pīleti vibādhatīti attho. Duṭṭhu vā khādati, khanati vā kāyikam cetasikañca sātanti **dukkhā**, dukkaram okāsadānam etissāti vā **dukkhā**. Dukkhasukhappaṭikkhepena **adukkhamasukhāti** upekkhā vuttā. Vedyati ārammaṇarasām anubhavatīti **vedanā**. Vedyamānoti anubhavamāno. **Sukham vedanām vediyāmīti pajānātīti** kāyikam vā cetasikam vā sukham vedanām vediyamāno “ahaṁ sukham vedanām vediyām”ti pajānātīti attho. Tattha kāmam uttānaseyyakāpi dārakā thaññapivanādikāle sukham vedanām vediyamānā “sukham vedanām vediyām”ti pajānanti, na panetam evarūpam pajānanam sandhāya vuttam. Evarūpam hi jānanām sattupaladdhiṁ na jahati, attasaññam na ugghāteti, kammatṭhānam vā satipaṭṭhānabhāvanā vā na hoti. Imassa pana bhikkhuno jānanām sattupaladdhiṁ jahati, attasaññam ugghāteti, kammatṭhānañceva satipaṭṭhānabhāvanā ca hoti. Idam hi “ko vediyati, kassa vedanā, kiṁkāraṇā vedanā”ti evam sampajānantassa vediyamān sandhāya vuttam.

Tattha ko vediyatī? Na koci satto vā puggalo vā vediyati. Kassa vedanāti? Na kassaci sattassa vā puggalassa vā vedanā. Kiṁkāraṇā vedanāti? Vatthu-ārammaṇā ca panassa vedanāti. Tasmā esa evam pajānāti “tam tam sukhādīnam vatthubhūtam rūpādim ārammaṇam katvā

vedanāva vediyati, tam pana vedanāpavattim upādāya ‘aham vediyāmī’ti vohāramattam hotī”ti. Evam “sukhādīnam vatthubhūtam rūpādīm ārammaṇam katvā vedanāva vediyatī”ti sallakkhento esa “sukham vedanam vediyāmī”ti pajānātīti veditabbo.

Atha vā **sukham vedanam vediyāmīti pajānātīti** sukhavedanākkhaṇe dukkhāya vedanāya abhāvato sukham vedanam vediyamāno “sukham vedanāniyeva vediyāmī”ti pajānāti. Tena yā pubbe bhūtapubbā dukkhā vedanā, tassā idāni abhāvato imissā ca sukhāya vedanāya ito param paṭhamam abhāvato “vedanā nāma aniccā addhuvā vipariṇāmadhammā”ti itiha tattha sampajāno hoti. **Dukkham vedanam vediyāmīti pajānātīti-ādīsupi eseva nayo.**

Sāmisām vā sukhanti-ādīsu yasmā kilesehi āmasitabbato āmisā nāma pañca kāmaguṇā. Ārammaṇakaraṇavasena saha āmischīti sāmisā, tasmā **sāmisā sukhā** nāma pañcakāmaguṇāmisanissitā chasu dvāresu uppannā chagehassitā somanassavedanā. **Sāmisā dukkhā** nāma chagehassitā domanassavedanā. Sā ca chasu dvāresu “iṭṭhārammaṇam nānubhavissāmi nānubhavāmī”ti vitakkayato uppannā kāmaguṇanissitā domanassavedanā veditabbā. **Nirāmisā sukhā** nāma chanekkhammassitā somanassavedanā. Sā ca chasu dvāresu iṭṭhārammaṇe āpāthagate anuttaravimokkhasaṅkhāta-ariyaphaladhammesu piham paṭṭhapetvā tadadhigamāya aniccādivasena vipassanam paṭṭhapetvā ussukkāpetum sakkontassa “ussakkitā me vipassanā”ti somanassajātassa uppannā somanassavedanā daṭṭhabbā.

Nirāmisā dukkhā nāma chanekkhammassitā domanassavedanā. Sā pana chasu dvāresu iṭṭhārammaṇe āpāthagate anuttaravimokkhasaṅkhāta-ariyaphaladhammesu piham paṭṭhapetvā tadadhigamāya aniccādivasena vipassanam paṭṭhapetvā ussukkāpetum asakkontassa “imampi pakkham imampi māsam imampi samvaccharam vipassanam ussukkāpetvā ariyabhūmim pāpuṇitum nāsakkhin”ti anusocato uppannā domanassavedanā.

Sāmisā adukkhamasukhā nāma chagehassitā upekkhāvedanā. Sā ca chasu dvāresu iṭṭhārammaṇe āpāthagate guṇapiṇḍake nilīnamakkhikā viya rūpādīni anuvattamānā tattheva laggā laggitā hutvā uppannā

kāmaguṇanissitā upekkhāvedanā. **Nirāmisā adukkhamasukhā** nāma chanekkhammassitā upekkhāvedanā. Sā pana chasu dvāresu iṭṭhādi-ārammaṇe āpāthagate iṭṭhe arajjantassa, aniṭṭhe adussantassa, asamapekhanena amuyhantassa uppannā vipassanāñāṇasampayuttā upekkhāvedanā. **Evaṁ vuttanti** mahāsatipatṭhānasutte vuttam. **Sāva vedanā veditabbāti** lujjanappalujjanatīthena sā vedanā “loko”ti veditabbā.

Evaṁ vitthāriteti “sarāgam vā cittam sarāgam cittanti pajānāti, vītarāgam vā cittam -pa- sadosam vā cittam, vītadosam vā cittam. Samoham vā cittam, vītamoham vā cittam. Samkhittam vā cittam, vikkhittam vā cittam. Mahaggatam vā cittam, amahaggatam vā cittam. Sa-uttaram vā cittam, anuttaram vā cittam. Samāhitam vā cittam, asamāhitam vā cittam. Vimuttam vā cittam, avimuttam vā cittanti pajānātī”ti evam satipatṭhānasutte¹ vitthāretvā dassite soḷasavidhe citte.

Tattha **sarāganti** atṭhavidham lobhasahagataṁ. **Vītarāganti** lokiyalakusalābyākataṁ. Idam pana yasmā sammasanam na dhammasamomānam, tasmā idha ekapadepi lokuttaram na labbhati. Sesāni cattāri akusalacittāni neva purimapadam, na pacchimapadam bhajanti. **Sadosanti** duvidham domanassasahagataṁ. **Vītadosanti** lokiyalakusalābyākataṁ. Sesāni dasa akusalacittāni neva purimapadam, na pacchimapadam bhajanti. **Samohanti** vicikicchāsaṅghatañceva uddhaccasahagatañcāti duvidham. Yasmā pana moho sabbākusalesu uppajjati, tasmā sesānipi idha vattantiyeva. Imasmiñneva hi duke dvādasākusalacittāni pariyādinnānīti. **Vītamohanti** lokiyalakusalābyākataṁ.

Samkhittanti thinamiddhānupatitam. Etam hi saṅkucitacittam nāma ārammaṇe saṅkocavasena pavattanato. **Vikkhittanti** uddhaccasahagataṁ. Etam hi pasaṭacittam nāma ārammaṇe savisesam vikkhepavasena visaṭabhāvena pavattanato. **Mahaggatanti** rūpāvacaram arūpāvacarañca. **Amahaggatanti** kāmāvacaram. **Sa-uttaranti** kāmāvacaram. **Anuttaranti** rūpāvacaram arūpāvacarañca. Tatrāpi sa-uttaram rūpāvacaram, anuttaram arūpāvacarameva. **Samāhitanti** yassa appanāsamādhi vā upacārasamādhi vā atthi. **Asamāhitanti** ubhayasamādhivirahitam.

1. Dī 2. 237; Ma 1. 76 piṭṭhesu.

Vimuttanti tadaṅgavikkhambhanavimuttīhi vimuttam. **Avimuttanti** ubhayavimuttirahitam. Samucchedappaṭippassaddhinissaraṇavimuttinam pana idha okāsova natthi, okāsābhāvo ca sammasanacārassa adhippetattā veditabbo.

Upādānassa kandhā **upādānakkhandhā**, upādānassa paccayabhūtā dhammapuñjā dhammarāsayoti attho. Upādānehi ārammaṇakaraṇādivasena upādātabbā vā kandhā **upādānakkhandhā**. **Cha ajjhattikabāhirāyatanānīti** cakkhu sotam ghānam jivhā kāyo manoti imāni cha ajjhattikāyatanāni ceva, rūpam saddo gandho raso phoṭṭhabbo dhammāti imāni cha bāhirāyatanāni ca. Ettha pana lokuttaradhammā na gahetabbā sammasanacārassa adhippetattā. **Satta sambojjhaṅgāti** satisambojjhaṅgādayo satta sambojjhaṅgā. Sati-ādayo hi sambodhissa, sambodhiyā vā aṅgāti **sambojjhaṅgā**. Tathā hi sambujjhati āraddhavipassakato paṭṭhāya yogāvacaroti sambodhi, yāya vā so sati-ādikāya sattadhammasāmaggiyā sambujjhati, kilesaniddāto uṭṭhāti, saccāni vā paṭivijjhati, sā dhammasāmaggi sambodhi, tassa sambodhissa, tassā vā sambodhiyā aṅgāti **sambojjhaṅgā**.

Cattāri ariyasaccānīti “dukkham dukkhasamudayo dukkhanirodho dukkhanirodhagāminipaṭipadā”ti¹ evam vuttāni cattāri ariyasaccāni. Tattha purimāni dve saccāni vaṭṭam pavattihetubhāvato. Pacchimāni vivaṭṭam nivatṭatadadhigamūpāyabhāvato. Tesu bhikkhuno vaṭṭe kammatṭhānābhiniveso hoti sarūpato pariggahasambhavato. Vivaṭṭe natthi abhiniveso avisayattā avisayatte ca payojanābhāvato. **Pañcadhā vuttesūti** satipaṭṭhānasutte vuttesu. **Suddha-arūpasammasanamevāti** rūpena amissitattā kevalam arūpasammasanameva. Khandhāyatanasaccakoṭṭhāsānam pañcakkhandhāsaṅgahato “**rūparūpasammasanan**”ti vuttam. Pubbabhāgīyānampi satipaṭṭhānānam saṅgahitattā “**lokiyalokuttaramissakāneva kathitānī**”ti āha.

394. Anibbattānanti ajātānam. **Payogam parakkamanti** ettha bhusam yogo payogo, payogova parakkamo, payogasaṅkhātam parakkamanti attho. **Cittam ukkhipatīti** kosajjapakkhe patitum apadānavasena ukkhipati.

1. Sam 3. 363 piṭṭhādīsu.

Padhānavīriyanti sammappadhānalakkhaṇappattavīriyam. **Lokiyāti** lokiyasammappadhānakathā. **Sabbapubbabhāgeti** sabbamaggānam pubbabhāge. **Kassapasamīyuttpariyāyenāti** kassapasamīyutte āgatasuttena “uppannā me pāpakā akusalā dhammā appahīyamānā anatthāya saṁvatteyyūn”ti¹ āgatattā. Sā lokiyāti veditabbā.

Samathavipassanāvāti avadhāraṇena maggam nivattetvā tassa nivattane kāraṇam dassento “**maggio panā**”ti-ādimāha. **Sakim uppajjītvāti** idam bhūtakathanamattam. Niruddhassa puna anuppajjanato “na koci guṇo”ti āsañkeyyāti āha “**so hī**”ti-ādi. Anantarameva yathā phalam uppajjati, tathā pavattiyevassa paccayadānam. **Purimasimpiṭī** “anuppannā me kusalā dhammā uppajjamānā anatthāya saṁvatteyyun”ti etthapi. **Vuttanti** porāṇaṭṭhakathāyam. **Tam pana** tathāvuttavacanam **na yuttam** dutiyasmim viya purimasim maggassa aggahaṇe kāraṇābhāvato. Purimasim aggahite magge anuppajjamāno maggo anatthāya² saṁvatteyyāti āpajjeyya, na cetam yuttam āpajjamāne tasmin padhānatthasambhavato³.

Catukiccasādhanavasenāti
anuppannākusalānuppādanādicatukiccasādhanavasena.

Vuttanayenāti “asamudācāravasena vā ananubhūtārammaṇavasena vā”ti-ādinā vuttanayena. **Vijjamānāti** dharamānasabhāvā. Khaṇattayapariyāpannattā uppādādisamañgino vattamānabhāvena uppannam **vattamānuppannam**. Tā hi uppādato paṭṭhāya yāva bhaṅgā uddham pannam pattanti nippariyāyato “**uppannā**”ti vuccati. Anubhavitvā bhavitvā ca vigataṁ bhutvāvigataṁ. Anubhavanabhavanāni hi bhavanasāmaññena bhutvā-saddena vuttāni. Sāmaññameva hi upasaggena visesīyati. Idha vipākānubhavanavasena tadārammaṇam avipakkavipākassa sabbathā avigatattā bhavitvāvigatamattavasena kammañca “**bhutvāvigatuppannā**”ti vuttam. Na aṭṭhasāliniyam viya rajjanādivasena anubhūtāpagataṁ javanam uppajjītvā niruddhatāvasena bhūtāpagatañca saṅkhataṁ **bhūtāpagatuppannanti**. Tasmā idha **okāsakatuppannam** vipākameva vadati, na tattha viya kammampi. Aṭṭhasāliniyam hi bhūtāvigatuppannam okāsakatuppannañca aññathā dassitam. Vuttam hi tattha⁴—

1. Sam 1. 400 piṭṭhe.

2. Atthāya (Sī)

3. Padhānatthāsambhavato (Sī)

4. Abhi-Tṭha 1. 108, 109 piṭṭhesu.

“Ārammaṇarasam anubhavitvā niruddham
 anubhūtāpagatasāñkhātam kusalākusalam, upādādittayam anuppatvā
 niruddham bhūtāpagatasāñkhātam sesasañkhatañca
 bhūtāpagatuppannam nāma. ‘Yānissa tāni pubbekatāni kammānī’ti
 evamādinā nayena vuttaiñ kammarātītampi samānañ aññāñ vipākām
 paṭibāhitvā attano ipākassokāsam katvā ṭhitattā, tathākatokāsañca
 vipākām anuppannampi samānam evam kate okāse ekantena
 uppajjanato okāsakatuppannam nāmā”ti.

Idha pana sammohavinodaniyam vuttanayeneva bhutvāvigatuppannam
 okāsakatuppannañca dassitam. Vuttam hi **sammohavinodaniyam**¹—

“Kamme pana jahite ārammaṇarasam anubhavitvā niruddho vipāko
 bhutvāvigatañ nāma. Kammam uppajjivitvā niruddham hutvāvigatañ
 nāma. Tadubhayampi bhutvāvigatuppananti sañkhyam gacchati.
 Kusalākusalam kammarātīñakammassa vipākām paṭibāhitvā attano
 vipākassa okāsañ karoti. Evarāt kate okāse vipāko uppajjamāno
 okāsakarañato paṭhāya uppannoti vuccati. Idam okāsakatuppannam
 nāmā”ti.

Tattha aṭṭhasāliniyā ayamadhippāyo—satipi sabbesampi cittuppādānam
 saṁvedayitasabhāvā ārammaṇānubhavane savipallāse pana santāne
 cittābhisañkhāravasena pavattito abyākatehi visiṭho kusalākusalānam
 satisayo visayānubhavanākāro. Yathā² vikappaggāhavasena rāgādīhi
 tabbipakkhehi ca akusalam kusalañca nippariyāyato ārammaṇarasam
 anubhavati, na tathā vipāko kammavegakkhittattā, nāpi kiriyā ahetukānam
 atidubbalatāya, sahetukānañca khīṇakilesassa chaṭaṅgupcekkhāvato
 uppajjamānānam atisantavuttittā, tasmā rajjanādivasena
 ārammaṇarasānubhavanañ satisayanti akusalam kusalañca uppajjivitvā
 niruddhatāsāmaññena sesasañkhatañca bhūtāpagatanti vuttam.
 Sammohavinodaniyā pana vipākānubhavanavasena tadārammaṇam
 avipakkapākassa sabbathā avigatattā bhavitvāvigatamattavasena kammañca

1. Abhi-Ṭṭha 2. 285 piṭṭhe.

2. Tathā (Ka)

bhutvāpagatanti vuttam. Teneva tattha okāsakatuppannanti vipākamevāha, na kammampi, tasmā imāpi sammohavinodaniyam vuttanayeneva bhutvāpagatuppannam okāsakatuppannañca vibhattanti daṭṭhabbam.

Pañcakkhandhā pana vipassanāya bhūmi nāmāti sammasanassa ṭhānabhāvato vuttañ. **Tesūti** atītādibhedesu. **Anusayitakilesāti** appahīnā maggena pahātabbā adhippetā. Tenāha “**atītā vā -pa- na vattabbā**”ti. Hontu tāva “atītā”ti vā “paccuppannā”ti vā na vattabbā, “anāgatā”ti pana kasmā na vattabbā, nanu kāraṇalābhe uppajjanārahā appahīnaṭṭhena thāmagatā kilesā anusayāti vuccantī? Saccametam, anāgatabhāvopi nesam na paricchinno itarānāgatakkhandhānam viyāti “anāgatā vāti na vattabbā”ti vuttañ. Yadi hi nesam paricchinno anāgatabhāvo siyā, tato “paccuppannā, atītā”ti ca vattabbā siyam, paccayasamavāye pana uppajjanārahatañ upādāya anāgatavohāro tattha veditabbo.

Idam bhūmiladdhuppannam nāmāti idam yathāvuttañ kilesajātam appahīnaṭṭhena bhūmiladdhuppannam nāma kāraṇalābhe sati vijjamānakiccakaraṇato. **Tāsu tāsu bhūmīsūti** manussadevādi-attabhāvasaṅkhātesu upādānakkhandhesu. Ārammaṇakaraṇavasena hi bhavanti ettha kilesāti **bhūmiyo**, upādānakkhandhā. **Asamugghātagatāti** tasmim tasmim santāne anuppattidhammatam anāpāditatāya samugghātam samucchedañ na gatāti **asamugghātagatā**. **Bhūmiladdhuppannam nāmāti** ettha laddhabhūmikam bhūmiladdhanti vuttañ aggi-āhito viya. Okāsakatuppannasaddepi ca **atṭhasaliniyam**¹ āgatanayena okāso kato etena kusalākusalakamma, okāso kato etassa vipākassāti ca duvidhatthepi evameva katasadassa paranipāto veditabbo, idha pana okāsakatuppannasaddena vipākasseva gahitattā “okāso kato etassa vipākassā”ti evam viggaho daṭṭhabbo.

Khaṇattayasamaṇgitāya samudācārappattam **samudācāruppannam**. Tenāha “**sampati vattamānamyevā**”ti. Ārammaṇam adhiggayha dalham gahetvā pavattam **ārammaṇādhiggahituppannam**. Vikkhambhanappahānavasena appahīnā **avikkhambhitā**. Samucchedappahānavasena appahīnā **asamugghātitā**. Nimittaggāhavasena ārammaṇassa

1. Abhi-Tṭha 1. 109 piṭṭhe.

adhiggahitattā tam ārammaṇam anussaritānussaritakkhaṇe kilesuppattihetubhāvena upatiṭṭhanato adhiggahitameva nāmam hotīti āha “**ārammaṇassa adhiggahitattā**”ti. Ettha ca āhaṭakhīrarukkho viya nimittaggāhavasena adhiggahitam ārammaṇam, anāhaṭakhīrarukkho viya avikkhambhitatāya antogatakilesa-ārammaṇam datṭhabbam. Nimittaggāhikā avikkhambhitakilesā vā puggalā vā āhaṭānāhaṭakhīrarukkhasadisā. **Purimanayenevāti** avikkhambhituppanne vuttanayeneva. **Vitthāretabbanti** “imasmim nāma thāne nuppajjissanti”ti na vattabbā. Kasmā? Asamugghātitattā. Yathā kim? Yathā sace khīrarukkham kuṭhāriyā āhaneyyūm, imasmim nāma thāne khīram na nikkhameyyāti na vattabbam, evam. Idam asamugghātituppannam nāmāti evam yojetvā vitthāretabbam.

Imesu uppannesūti yathāvuttesu atṭhasu uppannesu. Idam **na maggavajjhām** appahātabbavatthuttā. **Maggavajjhām** maggena paheyyavatthuttā. **Rattoti** rāgena samannāgato. Esa nayo **duṭṭho mūlhoti** etthāpi. **Vinibaddhoti** mānasāmyojanena virūpam nibandhito. **Parāmatṭhoti** diṭṭhiparāmāsenā khammasabhāvam atikkamma parato āmaṭṭho. **Aniṭṭhaṅgatoti** niṭṭham agato, saṁsayāpannoti attho. **Thāmagatoti** anusayavasena daļhataṁ upagato. **Yuganaddhāti** pahātabbappahāyakayuge naddhā viya vattanakā ekakālikattā. **Saṁkilesikāti** saṁkilesadhammasahitā.

Pāliyanti paṭisambhidāpāliyam¹. Tikālikesupi kilesesu vāyāmābhāvadassanattham ajātaphalataruṇarukkho pāliyam nidassito, atṭhakathāyam pana jāto satto asamudāhaṭakileso nāma natthīti “**jātaphalarukkhena dīpetabban**”ti vatvā tamattham vivaritum “**yathā hī**”ti-ādi vuttam. Atha vā maggena pahīnakilesānameva atītādibhedena tidhā navattabbatām pākaṭam kātum ajātaphalarukkho upamāvasena pāliyam ābhato, atītādīnam appahīnatādassanathampi “**jātaphalarukkhena dīpetabban**”ti atṭhakathāyam vuttam. Tattha yathā acchinne rukkhe nibbattanārahāni phalāni chinne anuppajjamānāni kadāci sasabhāvāni ahesum, honti, bhavissanti vāti atītādibhāvena na vattabbāni, evam maggena pahīnakilesā ca datṭhabbā magge anuppanne uppattirahānam uppanne sabbena sabbam

1. Khu 9. 394 piṭṭhe.

abhāvato. Yathā ca chede asati phalāni uppajjissantīti chedanassa sātthakatā, evam maggabhāvanāya ca sātthakatā yojetabbā. **Nāpi na pajahatīti** uppajjanārahānam pajahanato vuttam. **Uppajjītvāti** lakkhaṇe tvā-saddo. Maggassa uppajjanakiriyāya hi samudayappahānanibbānasacchikaraṇakiriyā viya kandhānam parijānanakiriyā lakkhīyati.

Tepi pajahatiyevāti ye tehi kilesehi janetabbā upādinnakkhandhā, tepi pajahatiyeva tannimittassa abhisāñkhāravīññāṇassa nirodhanato. Tenāha “**vuttampi cetan**”ti-ādi. **Abhisāñkhāravīññāṇassa nirodhenāti** kammaviññāṇassa anuppattidhammatāpādanena. **Etthāti etasmim** sotāpattimagañāṇe hetubhūte. **Eteti nāmarūpasāññitā** sañkhārā. **Sabbabhavehi vuṭṭhātiyevātipi vadantīti** arahattamaggo sabbabhavehi vuṭṭhātiyevāti vadanti taduppattito uddhami bhavūpapattiyā kilesassapi abhāvato.

Ekacittakkhaṇikattā maggassāti adhippāyena “**katham anuppannānam -pa- ṣṭhiyā bhāvanā hotī**”ti pucchati. Maggappavattiyāyeva ubhayakiccasiddhito āha “**maggappavattiyāyevā**”ti. **Maggio hīti-ādinā** tamathārā vivarati. Anuppanno nāma vuccati, tasmā tassa bhāvanā anuppannānam uppādāya bhāvanā vuttāti yojetabbā. **Vattum vatṭatīti** yāvatā maggassa pavattiyeva ḍhiti, tattakāneva nibbattitalokuttarāni.

398-401. Kattukamyatāchandam adhipatim karitvā paṭiladdhasamādhi chandasamādhīti āha “**chandam nissāya pavatto samādhi chandasamādhī**”ti. **Padhānasāñkhārāti** catukiccasādhakassa sammappadhānavīriyassetam adhivacanam. Tenāha “**padhānabhūtā sañkhārā padhānasāñkhārā**”ti. Tattha **padhānabhūtāti** vīriyahūtā. Sañkhatasañkhārādinivattanattham padhānaggahaṇanti. Atha vā tam tam visesam sañkharotīti **sañkhāro**, sabbam vīriyam. Tattha catukiccasādhakato sesanivattanattham padhānaggahaṇanti, padhānabhūtā setṭhabhūtāti attho. Catubbidhassa pana vīriyassa adhippetattā bahuvacananiddeso kato. **Tehi dhammehīti** chandasamādhinā padhānasāñkhārehi ca. **Iddhipādanti** ettha ijjhātīti iddhi, samijjhāti nippajjatīti attho. Ijjhāti vā etāya sattā iddhā vuddhā ukkaṁsagatā hontītipi iddhi. Paṭhamenatthena iddhi eva

pādo **iddhipādo**, iddhikoṭṭhāsoti attho. Dutiyenatthena iddhiyāpādoti **iddhipādo**, pādoti patiṭṭhā, adhigamūpāyoti attho. Tena hi yasmā uparūparivisesasaṅkhātam iddhiṁ pajjanti pāpuṇanti, tasmā pādoti vuccati. Tenāha “**iddhiyā pādaṁ, iddhibhūtam vā pādaṁ iddhipādan**”ti.

Atha vā **iddhipādanti** nipphattipariyāyena ijjhanaṭṭhena ijjhanti etāya sattā iddhā vuddhā ukkaṁsagatā hontīti iminā vā pariyāyena iddhīti saṅkham gatānam upacārājjhānādikusalacittasampayuttānam chandasamādhipadhhānasaṅkhārānam adhiṭṭhānaṭṭhena pādabhūtam sesacittacetasikarāsinti attho. Teneva **iddhipādavibhaṅge**¹ “iddhipādoti tathābhūtassa vedanākkhandho -pa- viññāṇakkhandho”ti vuttam. Sā eva ca tathāvuttā iddhi yasmā heṭṭhimā heṭṭhimā uparimāya uparimāya tayo chandasamādhippadhhānasaṅkhārā pādabhūtā adhiṭṭhānabhūtā, tasmā vuttam “iddhibhūtam vā pādan”ti. Tathā heṭṭhā dhammā iddhipi honti iddhipādāpi, sesā pana sampayuttakā cattāro kandhā iddhipādāyeva.

Vīriyacittavīmaṁsāsamādhippadhhānasaṅkhārasaṅkhātāpi tayo tayo dhammā iddhipi honti iddhipādāpi, sesā pana sampayuttakā cattāro kandhā iddhipādāyeva.

Apica pubbabhāgo pubbabhāgo iddhipādo nāma, paṭilābho paṭilābho iddhi nāmāti veditabbā. Ayamattho upacārena vā vipassanāya vā dīpetabbo. Paṭhamajjhānaparikammām hi iddhipādo nāma, paṭhamajjhānam iddhi nāma. Dutiya, tatiya, catuttha, ākāsa, viññāṇa, ākiñcaññāyatana, nevasaññānāsaññāyatana-parikammām iddhipādo nāma, nevasaññānāsaññāyatanaṁ iddhi nāma. Sotāpattimaggassa vipassanā iddhipādo nāma, sotāpattimaggo iddhi nāma. Sakadāgāmi, anāgāmi-arahattamaggassa vipassanā iddhipādo nāma, arahattamaggo iddhi nāma. Paṭilābhenapi dīpetum vaṭṭatiyeva. Paṭhamajjhānam hi iddhipādo nāma, dutiyajjhānam iddhi nāma. Dutiyajjhānam iddhipādo nāma, tatiyajjhānam iddhi nāma -pa- anāgāmimaggo iddhipādo nāma, arahattamaggo iddhi nāma.

Sesesupīti vīriyasamādhi-ādīsupi. Tattha hi vīriyam, cittam, vīmaṁsam adhipatim karitvā paṭiladdhasamādhi vīriyasamādhi, cittasamādhi,

1. Abhi 2. 226 piṭṭhe.

vīmaṁsāsamādhīti attho veditabbo. **Chandādīsu ekanti** chandādīsu catūsu ādito vuttattā ādibhūtam ekaṁ padhānam chandanti adhippāyo. Tenevāha “**tadāssa paṭhamiddhipādo**”ti. **Evarī sesāpīti** etena vīriyam cittam vīmaṁsām nissāya vipassanām vaḍḍhetvā arahattam pāpuṇantānam vasena dutiyavīriyiddhipādayo yojetabbāti dasseti. Iminā hi suttantena catunnām bhikkhūnam matthakappattam kammaṭṭhānam dassisat. Eko hi bhikkhu chandaṁ avassayati, kattukamyatākusaladhammadchandena atthanipphattiyam sati “aham lokuttaradhammam nibbattessāmi, natthi mayham etassa nibbattane bhāro”ti chandaṁ jetṭhakam chandaṁ dhuram chandaṁ pubbaṅgamam katvā lokuttaradhammam nibbatteti. Eko vīriyam avassayati, eko cittam, eko paññam avassayati, paññāya atthanipphattiyam sati “aham lokuttaradhammam nibbattessāmi, natthi mayham etassa nibbattane bhāro”ti paññam jetṭhakam paññam dhuram paññam pubbaṅgamam katvā lokuttaradhammam nibbatteti.

Kathaṁ? Yathā hi catūsu amaccaputtesu ṭhānantaram patthetvā vicarantesu eko upaṭṭhānam avassayati, eko sūrabhāvam, eko jātim, eko mantam. Kathaṁ? Tesu hi paṭhamo upaṭṭhāne appamādakāritāya atthanippattiyā sati labbhamānam “lacchāmetam ṭhānantaran”ti upaṭṭhānam avassayati. Dutiyo upaṭṭhāne appamatto “ekacco saṅgāme paccupatṭhite sañṭhātum na sakkoti, avassam pana rañño paccanto kuppiissati, tasmim kuppite rathassa purato kammaṁ katvā rājānam ārādhettvā āharāpessāmetam ṭhānantaran”ti sūrabhāvam avassayati. Tatiyo “sūrabhāvepi sati ekacco hīnajātiko hoti, jātim sodhetvā ṭhānantaram dento mayham dassatī”ti jātim avassayati. Catuttho “jātimāpi eko amantanīyo hoti, mantena kattabbakicce uppanne āharāpessāmetam ṭhānantaran”ti mantam avassayati. Te sabbepi attano attano avassayablena ṭhānantarāni pāpuṇim̄su.

Tattha upaṭṭhāne appamatto hutvā ṭhānantaram patto viya chandaṁ avassāya kattukamyatākusaladhammadchandena “atthanippattiyam sati aham lokuttaradhammam nibbattessāmi, natthi mayham etassa nibbattane bhāro”ti chandaṁ jetṭhakam chandaṁ dhuram chandaṁ pubbaṅgamam katvā lokuttaradhammanibbattako

daṭṭhabbo **ratṭhapālatthero**¹ viya. So hi āyasmā “chande sati katham nānujānissantī”ti sattāhampi bhattāni abhuñjitvā mātāpitaro anujānāpetvā pabbajitvā chandameva avassāya lokuttaradhammam nibbattesi. Sūrabhāvena rājānam ārādhettvā ṛhānantaram patto viya vīriyam jeṭṭhakam vīriyam dhuram vīriyam pubbaṅgamam katvā lokuttaradhammanibbattako daṭṭhabbo **sonatthero**² viya. So hi āyasmā vīriyam dhuram katvā lokuttaradhammam nibbattesi.

Jātisampatti�ā ṛhānantaram pattoviya cittam jeṭṭhakam cittam dhuram cittam pubbaṅgamam katvā lokuttaradhammanibbattako daṭṭhabbo **sambhūtatthero**³ viya. So hi āyasmā cittam jeṭṭhakam cittam dhuram cittam pubbaṅgamam katvā lokuttaradhammam nibbattesi. Mantam avassāya ṛhānantaram patto viya vīmaṁsam jeṭṭhakam vīmaṁsam dhuram vīmaṁsam pubbaṅgamam katvā lokuttaradhammanibbattako daṭṭhabbo **thero mogharājā**⁴ viya. So hi āyasmā vīmaṁsam jeṭṭhakam vīmaṁsam dhuram vīmaṁsam pubbaṅgamam katvā lokuttaradhammam nibbattesi. Tassa hi bhagavā “suññato lokam avekkhassū”ti⁵ suññatākatham kathesi. Paññānissitatānaniggahatthañca dvikkhattum pucchito pañham na kathesi. Ettha ca punappunam chanduppādanam tosanam viya hotīti chandassa upaṭṭhānasadisatā vuttā, thāmabhāvato vīriyassa sūrattasadisatā, “chadvārādhipati rājā”ti⁶ vacanato pubbaṅgamatā cittassa visiṭṭhajātisadisatā.

402-406. Attano saddhādhureti attano saddhākicce saddahanakiriyāya. **Indaṭṭhamkāretī** anuvattanavasena sampayuttadhammesu indaṭṭham kāreti, tasmā ādhipateyyaṭṭhena saddhā eva indiyanti **saddhindriyam**. Tathā vīriyādīnam sakasakakiccesūti āha “vīriyindriyādīsupi eseva nayo”ti.

Visodhentoti

vipakkhavivajjanasapakkhanisevanasarikkhūpanissayasaṅgaṇhanalakkhaṇehi tīhi kāraṇehi visodhanavasena sodhento.

Assaddhe puggale parivajjayatoti buddhādīsu pasādasinehābhāvena saddhārahite lūkhapuggale sabbaso vajjayato. **Saddhe puggale**

1. Ma 2. 244 piṭṭhe.

2. Vi 3. 267 piṭṭhe.

3. Theragāthā-Tīha 2. 18 piṭṭhe.

4. Khu 1. 447; Khu 8. 172 piṭṭhesu.

5. Khu 1. 448; Khu 8. 180, 188 piṭṭhesu.

6. Dhammapada-Tīha 2. 150 piṭṭhe.

Sevatoti buddhādīsu saddhādhimutte vakkalittherasadise sevato.

Pasādanīyeti pasādāvahe sampasādanīyasuttādike¹. **Paccavekkhatoti** pālito
atthato ca pati pati avekkhantassa cintentassa. **Visujjhati**
paṭipakkhamalavigamato paccayavasena sabhāvasaṁsuddhito
visuddhaphalanibbattito ca saddhindriyam visujjhati. Esa nayo sesesupi.
Sammappadhāneti sammappadhānappaṭisamyutte² suttante. Esa nayo
sesesupi. **Jhānavimokkheti** paṭhamajjhānādijjhānāni ceva
paṭhamavimokkhādivimokkhe ca. Kāmaṁ cettha jhānāniyeva vimokkhā,
pavatti-ākāravasena pana visum gahaṇam.

Gambhīrañāṇacariyanti gambhīrānam nāṇānam pavattiṭṭhānam. Tenāha
“sañhasukhū”ti-ādi. **Khandhantaranti** sabhāvajātibhūmi-ādivasena
kandhānam nānattām. Esa nayo sesesupi. **Akatābhinivesoti** pubbe
akatabhāvanābhiniveso. **Saddhādhurādīsūti** saddhādhure paññādhure ca.
Avasāneti bhāvanāpariyosāne. **Vivatṭetvāti** saṅkhārārammaṇato vivatṭetvā
nibbānam ārammaṇam katvā. **Arahattam gaṇhātīti** maggaparamparāya
arahattam gaṇhāti. **Akampiyatthenāti** paṭipakkhehi akampiyabhāvena.
Etenevassa sampayuttadhammesu thirabhāvopi vibhāvito daṭṭhabbo. Na hi
sampayuttadhammesu thirabhāvena vinā paṭipakkhehi akampiyatā
sambhavati. Sampayuttadhammesu thirabhāveneva hi akusalānam
abyākatānañca nesam balavabhāvūpapatti. **Assaddhiyeti** assaddhiyahetu.
Nimittatthe hetam bhummavacanam. Esa nayo sesesupi.

418. **Ādipadānanti** sati-ādipadānam. **Saraṇatthenāti**
cirakatacirabhāsitānam anussaraṇatthena. **Upatīhanalakkhaṇāti** kāyādīsu
asubhākārādisallakkhaṇamukhena tattha upatiṭṭhanasabhāvā. Upatiṭṭhanañca
ārammaṇam upagantvā Ṭhānam, avissajjanam vā ārammaṇassa.
Apilāpanalakkhaṇāti asammussanasabhāvā, udake alābu viya ārammaṇe
plavitvā gantum appadānam, pāsāṇassa viya niccalassa ārammaṇassa
ṭhapanam sāraṇam asammuṭṭhakarāṇam apilāpanam. **Sāpateyyanti** santakam.
Apilāpanam asammuṭṭham katori **apilāpeti**, sāyam pātañca rājānam
issariyasampattim sallakkhāpeti sāretīti attho. **Kaṇhasukkasappaṭibhāge**
dhammeti kaṇhasukkasaṅkhāte sappaṭibhāge dhamme. Kaṇho hi dhammo
sukkena,

1. Dī 3. 82 piṭṭhe.

2. Saṁ 3. 214 piṭṭhe.

sukko ca kañhena sappaṭibhāgo. **Vitthāra**-saddo ādisaddattho. Tena “ime cattāro dhammā sammappaddhānā, ime cattāro iddhipādā, imāni pañcicindriyāni, imāni pañca balāni, ime satta bojjhaṅgā, ayam ariyo atṭhaṅgiko maggo, ayam samatho, ayam vipassanā, ayam vijjā, ayam vimutti, (ime lokuttaradhammā)ti¹ evam kho mahārāja apilāpanalakkhaṇā satī”ti² imam pālisesam saṅgaṇhāti. **Therenāti** nāgasenattherena. So hi dhammānam kiccam lakkhaṇam katvā dasseti “apilāpanalakkhaṇā sati, ākoṭanalakkhaṇo vitakko”ti-ādinā. Evarū hi dhammā subodhā hontīti. Sammosapaccanikam kiccam asammoso, na sammosābhāvamattanti āha “asammosarasā vā”ti. Yassa dhammassa balena sampayuttadhammā ārammaṇābhimukhā bhavanti, sā sati. Tasmā sā tesam ārammaṇābhimukhabhāvam paccupaṭṭhāpesi, sayam vā ārammaṇābhimukhabhāvena paccupatiṭṭhatīti vuttam “gocarābhimukhībhāvapaccupaṭṭhānā”ti. Sammā pasattho bojjhaṅgoti sambojjhaṅgo. Bodhiyā vakkhamānāya³ dhammasāmaggyā, bodhissa vā ariyasāvakassa aṅgoti bojjhaṅgo. **Yā hīti**-ādinā tameva saṅkhepato vuttamatthanī vivarati. “Yā hi ayam dhammasāmaggyī”ti etassa “bodhīti vuccatī”ti iminā sambandho. **Dhammasāmaggyāti** dhammasamūhena, yāya dhammasāmaggyāti sambandho. **Pariṭṭhānāyūhanā oghatarañasuttavaṇṇanāyam**⁴ “kilesavasena patiṭṭhānam, abhisāṅkhāravasena āyūhanā. Taṇhāvasena patiṭṭhānam, diṭṭhivasena āyūhanā. Sassatadiṭṭhiyā patiṭṭhānam, ucchedadiṭṭhiyā āyūhanā. Līnavasena patiṭṭhānam, uddhaccavasena āyūhanā. Kāmasukhāllikānuyogavasena patiṭṭhānam, attakilamathānuyogavasena āyūhanā.

Sabbākusalaṁbhisaṅkhāravasena patiṭṭhānam,
sabbalokiyakusalābhisaṅkhāravasena āyūhanā”ti evam vuttesu sattasu pakāresu idha avuttānam vasena veditabbā. **Paṭipakkhabhūtāyāti** ettha līnappatiṭṭhānakāmasukhāllikānuyoga-ucchedābhinivesānam dhammadvivayavīriyapītippadhānā dhammasāmaggyī paṭipakkho, uddhaccāyūhana-attakilamathānuyogasassatābhinivesānam passaddhisamādhi-upekkhāpadhānā dhammasāmaggyī paṭipakkho. Sati pana ubhayatthāpi icchitabbā. Tathā hi sā “sabbatthikā”ti vuttā.

1. () Pāliyam na dissati.

2. Khu 11. 36 piṭṭhe.

3. Vattamānāya (Sī)

4. Saṁ-Tīha 1. 18 piṭṭhe.

Kilesasantānaniddāya uṭṭhahatī etena sikhāppattavipassanāya sahagatānampi sati-ādīnam bojjhaṅgabhbāvam dasseti.

Vuṭṭhānagāminivipassanā hi kilese nirodhentī eva pavattatīti. **Cattāri vāti-ādīnā** pana maggaphalasahagatānām bojjhaṅgabhbāvam dasseti. Sattahi bojjhaṅgehi bhāvitehi saccappaṭivedho hotīti kathamidam jānitabbanti codanām sandhāyāha “yathāhā”ti-ādi. **Jhānaṅgapaggaṅgādayo viyāti** etena bodhibojjhaṅga-saddānām samudāyāvayavavisayatām dasseti.

Senaṅgarathaṅgādayo viyāti etena puggalapaññattiyā avijjamānapaññattibhbāvam dasseti.

Bodhāya saṁvattantīti bojjhaṅgāti kāraṇatho aṅgasaddoti katvā vuttam. Bujjhantīti bodhiyo, bodhiyo eva aṅgāni bojjhaṅgānīti vuttam “**bujjhantīti bojjhaṅgā**”ti. Vipassanādīnam kāraṇādīnam bujjhitabbānañca saccānām anurūpam paccakkhabhbāvena paṭimukham aviparītatāya sammā ca bujjhantīti evam athavisesadīpakehi upasaggehi “**anubujjhantī**”ti-ādi vuttam. Bodhisaddo hi sabbavisesayuttabujjhānam sāmaññena saṅgañhāti. Sam-saddo pasamsāyam sundarabhāve ca dissatīti āha “**pasattho sundaro ca bojjhaṅgo sambojjhaṅgo**”ti.

Dhamme vicinatīti **dhammavicayo**. Tattha **dhammeti** catusaccadhamme tabbinimuttassa sabhbāvadhammassa abhbāvato. Tato eva so **pavicayalakkhaṇo**. **Obhāsanarasoti** visayobhbāsanaraso. Asammuyhanākārena paccupatiṭṭhatīti **asammohapaccupatṭhāno**.

Vīrassa bhāvo, kammarām vāti **vīriyām**. **Īrayitabbatoti** pavattetabbato. **Paggahalakkhaṇanti** kosajjapakkhe patitum adatvā sampayuttadhammānam paggahalakkhaṇām. Tato eva sampayuttadhamme **upatthambhanarasam**. **Anosīdanām** asaṁsīdanām.

Pīṇayatīti tappeti. Pīṇanakiccena sampayuttadhammānam viya tamśamuṭṭhānapaṇītarūpehi kāyassābyapanām. Pharaṇapītivasena hetam lakkhaṇām vuttam, tathā **rasoti**. Udaggabhāvo odagyām, tam paccupatṭhetīti **odagyapaccupatṭhānā**. ubbegapītivasena cetam vuttam.

Kāyacittadarathappassambhanatoti kāyadarathassa cittadarathassa ca passambhanato vūpasamanato. Tenāha “**upasamalakkhaṇā**”ti,

kāyacittadarathānam vūpasamanalakkhaṇāti attho. **Kāyoti** cettha vedanādayo tayo khandhā. **Daratho** sārambho, dukkhadomanassapaccayānam uddhaccādikānam kilesānam, tathāpavattānam vā catunnām khandhānametam adhivacanām. Darathanimmaddanena pariļāhaparipphananavirahito sītibhāvo **aparipphandanasītibhāvo**.

Sammā cittassa ṛapanām **samādhānam**. **Avikkhepo** sampayuttānam avikkhittatā. Yena sampayuttā avikkhittā honti, so dhammo **avikkhepo**. **Avisāro** attano eva avisaraṇabhāvo. Atha vā vikkhepappaṭipakkhatāya **avikkhepalakkhaṇo**. Nhānīyacuṇṇassa udakam viya sampayuttadhammānam sampiṇḍanakiccatāya avisārabhāvena lakkhitabbo **avisāralakkhaṇo**. Nivāte dīpacciṭṭhiti viya cetaso ṛhitibhāvena paccupatiṭṭhatīti **ittaṭṭhipaccupaṭṭhāno**.

Ajjupekkhanatoti samappavattesu assesu sārathi viya sampayuttadhammānam ajjupekkhanato. **Paṭisaṅkhānalakkhaṇāti** majjhattabhāve ṛhatvā vīmaṁsanasaṅkhātappaṭisaṅkhānalakkhaṇā. **Samavāhitālakkhaṇāti** samām avisamām yathāsakakiccesu sampayuttadhammānam pavattanalakkhaṇā. Udāsīnabhāvena pavattamānāpi sesasampayuttadhamme yathāsakakiccesu pavatteti, yathā rājā tuṇhī nisinnopi atthakaraṇe dhammatṭhe yathāsakam kiccesu appamatto pavatteti. Alīnānuddhatappavattipaccayattā **ūnādhikānivāraṇarasā**¹.

Pakkhapātupacchedanarasāti “idam nihinakiccam hotu, idam atirekatarakiccan”ti evam pakkhapātanavasena viya pavatti pakkhapāto, tam upacchindantī viya hotīti **pakkhapātupacchedanarasā**. Sampayuttadhammānam sakasakakicce majjhattabhāvena paccupatiṭṭhatīti **majjhattabhāvapaccupaṭṭhāno**. Bojhaṅgānam uparūpari uppādanameva brūhanaṁ vaḍḍhanañcāti āha “**uppādetī**”ti.

Sati ca sampajaññañca **satisampajaññam**, satipadhānam vā sampajaññam **satisampajaññam**. Tam sabbatha satokāribhāvāvahattā satisambojjhaṅgassa uppādaya hoti. Yathā paccanikadhammappahānam anurūpadhammadasevanā ca anuppannānam kusalānam dharmmānam uppādāya hoti, evam satirahitapuggalavivajjanā, satokāripuggalasevanā, tattha ca yuttatā satisambojjhaṅgassa

1. Ūnādhikānivāraṇarasā (Sī, Ka)

uppādāya hotīti imamattham dasseti “**satisampajaññan**”ti-ādinā. **Sattasu** ṭhānesūti “abikkante paṭikkante sampajānakārī hoti, ālokite vilokite sampajānakārī hoti, samiñjite pasārite sampajānakārī hoti, samghāṭipattacīvaradadhāraṇe sampajānakārī hoti, asite pīte khāyite sāyite sampajānakārī hoti, uccārapassāvakamme sampajānakārī hoti, gate ṭhite nisinne sutte jāgarite bhāsite tuṇhībhāve sampajānakārī hotī”ti¹ evam vuttesu abhikkantādīsu sattasu ṭhānesu. **Tissadattatthero** nāma yo bodhimançde suvaṇṇasalākam gahetvā “atṭhārasasu bhāsāsu katarabhāsāya dhammam kathemī”ti parisam padhāresi. **Abhayattheroti** dattābhayattheramāha. **Abhinivesanti** vipassanābhinivesam.

Paripucchakatāti pariyogāhetvā pucchakabhāvo. Ācariye payirupāsitvā pañcapi nikāye saha aṭṭhakathāya pariyogāhetvā yam yam tattha gaṇṭhiṭṭhānabhūtam, tam tam “idam bhante kathaṁ, imassa ko attho”ti khandhāyatanādi-attham pucchantassa hi dhammadhicayasambojjhaṅgo uppajjati. Tenāha “**khandhadhātu -pa- bahulatā**”ti.

Vatthuvisadakiriyāti ettha cittacetasi kānam pavattiṭṭhānabhāvato sarīram tappaṭibaddhāni cīvarādīni ca vatthūnīti adhippetāni. Tāni yathā cittassa sukhāvahāni honti, tathā karaṇam tesam visadakiriyā. Tenāha “**ajjhattikabāhirānan**”ti-ādi. **Ussannadosanti** vātapittādivasena upacitadosam. **Sedamalamakkhitanti** sedena ceva jallikāsaṅkhātena sarīramalena ca makkhitam. **Ca-saddena** aññampi sarīrassa pīlāvaham accāsanādim saṅgaṇhāti. **Senāsanam** vāti vā-saddena malaggahitapattādīnam² saṅgato datṭhabbo. **Paribhaṇḍakaraṇādīhīti** ādi-saddena pattapacanādīnam saṅgaho datṭhabbo. **Avisadeti** vatthumhi avisade sati, visayabhūte vā. Katham bhāvanamanuyuttassa tāni ajjhattikabāhiravatthūni visayo? Antarantarā pavattanakacittuppādavaseneva vuttam. Te hi cittuppādā cittekaggatāya aparisuddhabhāvāya saṁvattanti. **Cittacetasi** kesūti nissayādipaccayabhūtesu cittacetasi kesu. **Ñāṇampīti** api-saddo sampiṇḍanattho. Tena “na kevalam vatthuyeva, atha kho tasmim aparisuddhe ñāṇampi

1. Dī 2. 233; Ma 1. 72 piṭṭhesu.

2. Malaggahitavatthādīnam (Sī)

aparisuddham hotī”ti nissayāparisuddhiyā tamnissitāparisuddhi viya visayassa aparisuddhatāya visayino aparisuddhim dasseti.

Samabhāvakaṇanti kiccato anunādhikabhbhāvakaṇam. **Saddhindriyam balavam hoti**, saddheyyavatthusmim paccayavasena adhimokkhakiccassa paṭutarabhāvena paññāya avisadatāya vīryādīnañca sīhilatādinā saddhindriyam balavam hoti. Tenāha “**itarāni mandānī**”ti. **Tatoti tasmā**, saddhindriyassa balavabhāvato itaresañca mandattāti attho. Kosajjapakkhe patitum adatvā sampayuttadhammānam paggañhanam anubalappadānam paggaho. Paggahova kiccam **paggahakiccam**. Kātum na sakkotīti ānetvā sambandhitabbam. Ārammaṇam ugantvā thānam, anissajjanam vā **upaṭṭhānam**. Vikkhepappaṭipakkho, yena vā sampayuttā avikkhittā honti, so **avikkhepo**. Rūpagatam viya cakkhunā yena yāthāvato visayasabhāvam passati, tam **dassanakiccam kātum na sakkoti** balavatā saddhindriyena adhibhūtattā. Sahajātadhammesu hi indaṭṭham kārentānam sahapavattamānānam dhammānam ekadesatāvaseneva¹ atthasiddhi, na aññathā. **Tasmāti** vuttamevattham kāraṇabhāvena paccāmasati. **Tanti** saddhindriyam. **Dhammasabhāvapaccavekkhaṇenāti** yassa saddheyyassa vatthuno uṭṭaratādiguṇe adhimuccanassa satisayappavattiyā saddhindriyam balavam jātam, tassa paccayapaccayuppannatādivibhāgato yāthāvato vīmaṇsanena. Evam hi evamdhhammatānayena yāthāvasarasato pariggayhamāne savipphāro adhimokkho na hoti “ayam imesam dhammānam sabhāvo”ti parijānanavasena paññābyāpārassa satisayattā. Dhuriyatadhammesu hi yathā saddhāya balavabhāve paññāya mandabhāvo hoti, evam paññāya balavabhāve saddhāya mandabhāvo hoti. Tena vuttam “**tam dhammasabhāvapaccavekkhaṇena hāpetabban**”ti.

Tathā amanasikārenāti yenākārena bhāvanamanuyuñjantassa saddhindriyam balavam jātam, tenākārena bhāvanāya ananuyuñjanatoti vuttam hoti. Idha duvidhena saddhindriyassa balavabhāvo attano vā paccayavisesena kiccuttariyato vīryādīnam vā mandakiccatāya. Tattha paṭhamavikappe hāpanavidhi dassito, dutiyavikappe pana yathā manasikaroto vīryādīnam mandakiccatāya saddhindriyam balavam jātam, tathā amanasikārena

1. Ekarasatāvaseneva (Ka)

vīriyādīnam paṭukiccabhbāvāvahena manasikārena saddhindriyam tehi samarasam karontena hāpetabbam. Iminā nayena sesindriyesupi hāpanavidhi veditabbo.

Vakkalittheravatthūti so hi āyasmā saddhādhimuttatāya katādhikāro satthu rūpadassanappasuto eva hutvā viharanto satthārā “kim te vakkali iminā pūtikāyena dīṭṭhena, yo kho vakkali dhammam passati, so mām passatī”ti-ādinā¹ nayena ovaditvā kammaṭṭhāne niyojитопи tam ananuyuñjanto pañāmito attānam vinipātetum papātaṭṭhānam abhiruhi. Atha nam satthā yathānisinnova obhāsavissajjanena attānam dassetvā—

“Pāmojjabahulo bhikkhu, pasanno buddhasāsane.

Adhigacche padam santam, saṅkhārūpasamam sukhan”ti²—

gātham vatvā “ehi vakkalī”ti āha. So teneva amatena abhisitto haṭṭhatutṭho hutvā vipassanam paṭhapesi, saddhāya pana balavabhāvena vipassanāvīthim na otari. Tam ñatvā bhagavā tassa indriyasamattappaṭipādanāya kammaṭṭhānam sodhetvā adāsi. So satthārā dinnanaye ṭhatvā vipassanam ussukkāpetvā maggappaṭipātiyā arahattam pāpuṇi. Tena vuttam “vakkalittheravatthu cettha nidassanan”ti. Etthāti saddhindriyassa adhimattabhāve sesindriyānam sakiccākaraṇe. **Itarakiccabhedanti** upaṭṭhānādikiccavisesari. **Passaddhādīti** ādi-saddena samādhi-upekkhāsambojjhaṅgānam saṅgaho. **Hāpetabbanti** yathā saddhindriyassa balavabhāvo dhammasabhāvapaccavekkhaṇena hāyati, evam vīriyindriyassa adhimattatā passaddhi-ādibhāvanāya hāyati samādhipakkhiyattā tassā. Tathā hi samādhindriyassa adhimattataṁ kosajjapātato rakkhantī vīriyādibhāvanā viya vīriyindriyassa adhimattataṁ uddhaccapātato rakkhantī passaddhādibhāvanā ekamsato hāpeti. Tena vuttam “**passaddhādibhāvanāya hāpetabban**”ti.

Sonattherassa vatthūti sukhumālasoṇattherassa vatthu. So hi āyasmā satthu santike kammaṭṭhānam gahetvā sītavane viharanto “mama sarīram sukhumālam, na ca sakkā sukheneva sukhā adhigantum, kilametvāpi

1. Sam 2. 98 piṭṭhe.

2. Khu 1. 68 piṭṭhe.

samaṇadhammo kātabbo”ti ṭhānacaṅkamameva adhiṭṭhāya padhānamanuyuñjanto pādatalesu phoṭesu uṭṭhitesupi vedanāṁ ajjhupekkhitvā daļhavīriyam karonto accāraddhavīriyatāya visesām nibbattetum nāsakkhi. Satthā tattha gantvā vīñūpamovādena ovaditvā vīriyasamatāyojanavidhim dassento kammaṭṭhānaṁ visodhetvā gijjhakūṭaṁ gato. Theropi satthārā dinnanayena vīriyasamatām yojetvā bhāvento vipassanampi ussukkāpetvā arahatte patiṭṭhāsi. Tena vuttam “**sonattherassa vatthu dassetabban**”ti. Sesesupīti satisamādhipaññindriyesupi.

Samatanti saddhāpaññānaṁ aññamaññānaṁ anūnādhikabhāvaṁ, tathā samādhivīriyānaṁ. Yathā hi saddhāpaññānaṁ visum dhuriyadhammadbhūtānaṁ kiccato aññamaññānativattanānaṁ visesato icchitabbam, yato nesam samadhuratāya appanā sampajjati, evam samādhivīriyānaṁ kosajjuddhaccapakkhikānaṁ samarasatāya sati aññamaññūpatthambhanato sampayuttadhammānaṁ antadvayapātābhāvena sammadeva appanā ijhati. **Balavasaddhoti**-ādi byatirekamukhena vuttassevatthassa samatthanānaṁ. Tassatto—yo balavatiyā saddhāya samannāgato avisadañāṇo, so mudhappasanno hoti, na aveccappasanno. Tathā hi avathusmiṁ pasīdati seyyathāpi titthiyasāvakā. **Kerāṭakapakkhanti** sāṭheyayapakkham bhajati. Saddhāhīnāya paññāya atidhāvanto “deyyavatthupariccāgena vinā cittuppādamattenapi dānamayaṁ puññānaṁ hotī”ti-ādīni parikappeti hetuppaṭirūpakehi vañcito, evam bhūto sukkhatakkaviluttacitto paṇḍitānaṁ vacanānaṁ nādiyati, saññattim¹ na gacchatī. Tenāha “**bhesajjasamuṭṭhito viya rogo atekiccho hotī**”ti. Yathā cettha saddhāpaññānaṁ aññamaññānaṁ samabhāvo atthāvaho, anatthāvaho visamabhāvo, evam samādhivīriyānaṁ aññamaññānaṁ avikkhepāvaho samabhāvo, itaro vikkhepāvaho cāti **kosajjam abhibhavati**, tena appanānaṁ na pāpuṇātīti adhippāyo. **Uddhaccam abhibhavatīti** etthāpi eseva nayo. **Tam ubhayanti** saddhāpaññādvayaṁ samādhivīriyadvayañca. **Samānaṁ kattabbanti** samarasānaṁ kātabbam.

Samādhikammikassāti samathakammaṭṭhānikassa. **Evanti** evam sante, saddhāya thokam balavabhāve satīti attho. **Saddahantoti** “pathavī pathavīti

1. Paññattim (Ka)

manasikaraṇamattena katham jhānuppattī”ti acintetvā “addhā sammāsambuddhena vuttavidhi ijjhissatī”ti saddahanto saddham janento. **Okappentoti** ārammaṇam anuppavisitvā viya adhimuccanavasena avakappento pakkhandanto. **Ekaggatā balavatī vatṭati** samādhippadhbānattā jhānassa. **Ubhinnanti** samādhipaññānam. Samādhikammikassa samādhino adhimattatā viya paññāya adhimattatāpi icchitabbāti āha “samatāyapī”ti, samabhāvenapīti attho. **Appanāti** lokiya-appanā. Tathā hi “hotiyevā”ti sāsaṅkam vadati. Lokuttarappanā pana tesam samabhāveneva icchitā. Yathāha “samathavipassanam yuganaddham bhāvetī”ti¹.

Yadi visesato saddhāpaññānam samādhivīryānañca samatāva icchitā, katham satīti āha “**sati pana sabbattha balavatī vatṭati**”ti. **Sabbathāti** līnuddhaccapakkhikesu pañcasu indriyesu. Uddhaccapakkhike gaṇhanto “saddhāvīryapāññānan”ti āha. Aññathāpīti ca gahetabbā siyā. Tathā hi **kosajjapakkhikena ca samādhinā**-icceva vuttam, na “passaddhisamādhi-upekkhāhī”ti. **Sāti** sati. Sabbesu rājakammesu niyutto **sabbakammiko**. Tenāti tena sabbattha icchitabbatthena kāraṇena. **Āha** aṭṭhakathāyam. Sabbattha niyuttā **sabbatthikā** sabbattha līne uddhate ca citte icchitabbattā, sabbena vā līnuddhaccapakkhiyena bojjhaṅgagaṇena athetabbāti sabbatthā, sāva **sabbatthikā**. Cittanti kusalacittam. Tassa hi **satipaṭisaraṇam** parāyaṇam appattassa pattiyā anadhigatassa adhigamāya. Tenāha “**ārakkhapaccupatṭhānā**”ti-ādi.

Kandhādibhedesu anogālhapapaññānanti pariyattibāhusaccavasenapi kandhāyatanañdīsu appatiṭhitabuddhīnam. Bahussutasevanā hi sutamayañāvahā. Taruṇavipassanāsamaṅgīpi bhāvanāmayañāne ṭhitattā ekāṁsato paññāvā eva nāma hotīti āha “**samapaññāsa -pa-puggalasevanā**”ti. Ņeyyadhammassa gambhīrabhāvavasena tapparicchedakañānassa gambhīrabhāvaggahaṇanti āha “**gambhīresu kandhādīsu pavattāya gambhīrapaññāya**”ti. Tam hi ūeyyam tādisāya paññāya caritabbato gambhīrañāṇacariyam. Tassā vā paññāya tattha pabhedato pavatti gambhīrañāṇacariyā, tassā paccavekkhaṇāti āha “**gambhīrapaññāya pabhedapaccavekkhaṇā**”ti.

1. Ma 2. 127; Aṁ 1. 475; Khu 9. 288 piṭṭhesu.

Pañcavidhabandhanakammakāraṇam niraye nibbattasattassa yebhuyyena sabbapaṭhamam karontīti devadūtasuttādīsu ādito vuttattā ca āha “pañcavidhabandhanakammakāraṇato paṭṭhāyā”ti. **Sakaṭavahanādikāleti** ādi-saddena tadaññam manussehi tiracchānehi ca vibādhitabbakālam saṅganhāti. **Ekaṁ buddhantaranti** idam aparāparesu petesuyeva uppajjanakasattavasena vuttam, ekaccānam vā petānam ekaccatiracchānānam viya dīghāyukatā siyāti tathā vuttam. Tathā hi kālo nāgarājā catunnam buddhānam sammukhībhāvam labhitvā ṭhitopi metteyyassapi bhagavato sammukhībhāvam labhissatīti vadanti, yatassa kappāyukatā vuttā.

Evaṁ ānisamsadassāvinoti vīriyāyatto eva sabbo lokiyo lokuttaro ca visesādhigamoti evam vīriye ānisamsadassanasillassa. **Gamanavīthinti** sapubbabhāgam nibbānagāmini paṭipadam, saha vipassanāya ariyamaggappaṭipāṭi, sattavisuddhiparamparā vā. Sā hi “bhikkhuno vatṭaniyyānāya gantabbā paṭipajjitabbā paṭipadā”ti katvā gamanavīthi nāma.

Kāyadalhībahuloti yathā tathā kāyassa dalhīkammappasuto. **Piṇḍapātanti** raṭṭhapiṇḍam. Paccayadāyakānam attani kārassa attano sammāpaṭipatti�ā mahapphalabhbāvassa karaṇena piṇḍassa bhikkhāya paṭipūjanā **piṇḍapātāpacāyanam**.

Nīharantoti pattatthavikato nīharanto. **Tam saddam sutvāti** tam upāsikāya vacanam paññasālādvāre ṭhitova pañcabhiññatāya dibbasotena sutvā. Manussasampatti dibbasampatti nibbānasampattīti imā **tisso sampattiyo**. **Dātum sakkhissasīti** tayi katena dānamayena veyyāvaccamayena ca puññakammena khettavisesabhāvūpagamanena aparāparam devamanussānam sampattiyo ante nibbānasampattiñca dātum sakkhissasīti therō attānam pucchatī. **Sitam karontoti** “akiccheneva mayā vatṭadukkham samatikkantan”ti paccavekkhaṇāvasāne sañjātapāmojjavasena sitam karonto.

Nipparissayakāloti nirupaddavakālo, tadā bhikkhusaṅghassa sulabhbā paccayā hontīti paccayahetukā cittapīṭā natthīti adhippāyo.

Passantānamyevāti anādare sāmivacanam. **Khīradhenunti** khīradāyikam

dhenum. **Kiñcideva katvāti** kiñcideva bhatikammam ātmaṁ katvā.
Ucchuyantakammanti ucchuyantasālāya kātabbam kiccam. **Tameva**
magganti upāsakena paṭipannamaggam. **Upakaṭṭhāyāti** āsannāya.
Vippaṭipannanti jātidhammadkuladhammādilaṅghanena asammāpaṭipannam.
Evanti yathā asammāpaṭipanno putto tāya eva asammāpaṭipattiya
kulasantānato bāhiro hutvā pitu santikā dāyajjassa na bhāgī, evam **kusītopi**
teneva kusītabhāvena na sammāpaṭipanno satthu santikā laddhabba-
ariyadhanadāyajjassa na bhāgī. **Āraddhavīriyova labhati**
sammāpaṭipajjanato. Uppajjati vīriyasambojjhaṅgoti yojanā, evam sabbattha.

Mahāti sīlādiguṇehi mahanto vipulo anaññasādhāraṇo. Tam panassa
guṇamahattam dasasahassilokadhātukampanena loke pākaṭanti dassento
“**satthuno hi**”ti-ādimāha.

Yasmā satthusāsane pabbajitassa pabbajjūpagamanena
sakyaputtiyabhāvo sañjāyati, tasmā buddhaputtabhāvam dassento
“**asambhinnāyā**”ti-ādimāha.

Alasānam bhāvanāya nāmamattampi ajānantānam kāyadaļhībahulānam
yāvadattham bhuñjitvā seyyasukhādi-anuyuñjanakānam tiracchānagatikānam
puggalānam dūrato vajjanā **kusītapuggalaparivajjanāti** āha “**kucchiṁpūretvā**
ṭhita-ajagarasadise”ti-ādi. “Divasam caṅkamena nisajjāya āvaraṇyehi
dhammehi cittam parisodhessāmā”ti-ādinā bhāvanārambhavasena
āraddhavīryānam daļhaparakkamānam kālena kālam upasaṅkamanā
āraddhavīriyapuggalasevanāti āha “**āraddhavīriye**”ti-ādi. **Visuddhimagge**¹
pana jātimahattapaccavekkhaṇā sabrahmacārimahattapaccavekkhaṇāti idam
dvayam na gahitam, thinamiddhavinodanatā
sammappadhānapaccavekkhaṇāti idam dvayam gahitam. Tattha
ānisamsadassāvitāya eva sammappadhānapaccavekkhaṇā gahitā hoti
lokiyalokuttaravisesādhigamassa vīriyāyattatādassanabhāvato,
thinamiddhavinodanām pana tadadhimuttatāya eva gahitam hoti.
Vīriyuppādane yuttappayuttassa thinamiddhavinodanām atthasiddhamevāti.

1. Visuddhi 1. 129 piṭṭhe.

Tattha thinamiddhavinodana kusītapuggalaparivajjana
 āraddhavīriyapuggalasevana
 tadadhimuttatāpaṭipakkhavidhamanapaccayūpasamīhāravasena
 apāyabhaya paccavekkhaṇādayo samuttejanavasena vīriyasambojjhaṅgassa
 uppādakā daṭṭhabbā.

Buddhānussatiyā upacārasamādhiniṭṭhattā vuttam “yāva upacārā”ti.
Sakalasarīram pharamānoti pītisamuṭṭhānehi pañṭtarūpehi sakalasarīram
 pharamāno, dhammasaṅghaguṇe anussarantassapi yāva upacārā
 sakalasarīram pharamāno pītisambojjhaṅgo uppajjatīti evam sesa-anussatīsu,
 pasādanīyasuttantapaccavekkhaṇāya ca yojetabbam tassāpi
 vimuttāyatānabhāvena taggatikattā. **Evarūpe kāleti** “dubbhikkhabhayādīsū”ti
 vuttakāle. **Samāpatti -pa- na samudācarantīti** idam upasamānussatiyā vasena
 vuttam. Saṅkhārānam hi vasena sappadesavūpasamepi nippadesavūpasame
 viya tathā saññāya¹ pavattito bhāvanāmanasikāro
 kilesavikkhambhanasamattho hutvā upacārasamādhim āvahanto
 tathārūpapītisomanassasamannāgato pītisambojjhaṅgassa uppādāya hotīti.
 Tattha “vikkhambhitā kilesā”ti pāṭho. **Na samudācarantīti iti-saddo**
 kāraṇattho. Yasmā na samudācaranti, tasmā taṁ nesam asamudācāram
 paccavekkhantassāti yojanā. Na hi kilese paccavekkhantassa bojjhaṅguppatti
 yuttā, pasādanīyesu ṫhānesu pasādasinehābhāvena lūkhahadayatāya lūkhata. Sā tattha ādaragāravākaraṇena viññāyatīti āha “**asakkaccakiriyāya**
samśūcītalūkhabhāve”ti.

Pañṭtabhojanasevanatāti pañṭitasappāyabhojanasevanatā. **Utu-**
iriyāpathasukhaggahaṇena sappāya-utu-iriyāpathaggahaṇam daṭṭhabbam.
 Tam hi tividhampi sappāyam seviyamānam kāyassa kalyatāpādanavasena
 cittassa kalyatam āvahantam duvidhāyapi passaddhiyā kāraṇam hoti.
 Ahetukasattesu labbhamānam² sukhadukkhanti ayameko anto,
 issarādivisamahetukanti pana ayam dutiyo. Ete ubho ante anupagamma
 yathāsakam kammunā hotīti ayam majjhimā paṭipatti. Majjhatto payogo
 yassa so majjhattapayogo, tassa bhāvo **majjhattapayogatā**. Ayam hi
 sabhāvāsāraddhatāya tampassaddhakāyatāya³ kāraṇam hoti,

1. Paññāya (Ka)

2. Labhamānam (Sī, Ka)

3. Pahānasāraddhakāyatāsaṅkhātāpāsaddhakāyatāya (Sam-Tī 2. 438 piṭṭhe)

passaddhidvayam āvahati. Eteneva sāraddhakāyapuggalaparivajjana passaddhakāyapuggalasevanānam tadāvahanatā samvāṇitāti daṭṭhabbam.

Vatthuvisadakiriyā indriyasamattappaṭipādanā ca paññāvahā vuttā, samādhānāvahāpi tā honti. Samādhānāvahabhāveneva paññāvahabhāvatoti vuttam “**vatthuvisada -pa- veditabbā**”ti.

Kāraṇakosallabhbhāvanākosallānam nānantariyabhāvato rakkhanākosallassa ca tammūlakattā “**nimittakusalatā nāma kasiṇanimittassa uggahakusalatā**” icceva vuttam. **Kasiṇanimittassāti** ca nidassanamattam datṭhabbam. Asubhanimittādikassapi hi yassa kassaci jhānuppattinimittassa uggahakosallam nimittakusalatā evāti. **Atisithilavīriyatādīhīti** ādi-saddena paññāpayogamadatam payogavekallañca saṅgañhāti. **Tassa pagganhananti** tassa līnassa cittassa dhammavicasambojjhaṅgādisamuṭṭhāpanena layāpattito samuddharaṇam. Vuttam hetam bhagavatā—

“Yasmiṁ ca kho bhikkhave samaye līnam cittam hoti, kālo tasmīm samaye dhammavicasambojjhaṅgassa bhāvanāya, kālo īriyasambojjhaṅgassa bhāvanāya, kālo pītisambojjhaṅgassa bhāvanāya. Tam kissa hetu? Līnam bhikkhave cittam, tam etehi dhammehi usamuṭṭhāpayam hoti. Seyyathāpi bhikkhave puriso parittam aggim ujjāletukāmo assa, so tattha sukkhāni ceva tiṇāni pakkhipeyya, sukkhāni ca gomayāni pakkhipeyya, sukkhāni ca kaṭṭhāni pakkhipeyya, ukhavātañca dadeyya, na ca paṁsukena okireyya, bhabbo nu kho so puriso parittam aggim ujjāletunti. Evam bhante”ti¹.

Ettha ca yathāsakam āhāravasena dhammavicasambojjhaṅgādīnam bhāvanā samuṭṭhāpanāti veditabbā, sā anantaram vibhāvitā eva.

Accāraddhavīriyatādīhīti ādi-saddena paññāpayogabalavatam pamoduppilāpanañca saṅgañhāti. **Tassa niggaṇhananti** tassa uddhatassa cittassa samādhisambojjhaṅgādisamuṭṭhāpanena uddhatāpattito nisedhanam. Vuttampi cetam bhagavatā—

1. Saṁ 3. 99 piṭṭhe.

“Yasmin ca kho bhikkhave samaye uddhatam cittam hoti, kālo tasmim samaye passaddhisambojjhaṅgassa bhāvanāya, kālo samādhisambojjhaṅgassa bhāvanāya, kālo upekkhāsambojjhaṅgassa bhāvanāya. Tam kissa hetu? Uddhatam bhikkhave cittam, tam etehi dhammehi suvūpasamam hoti. Seyyathāpi bhikkhave puriso mahantam aggikkhandham nibbāpetukāmo assa, so tattha allāni ceva tiṇāni pakkhipeyya, allāni ca gomayāni nikkhipeyya, allāni ca kaṭṭhāni pakkhipeyya, mukhavātañca na dadeyya, paṁsukena ca okireyya, bhabbo nu kho so puriso mahantam aggikkhandham nibbāpetunti. Evaṁ bhante”ti¹.

Etthāpi yathāsakam āhāravasena passaddhisambojjhaṅgādīnam bhāvanā samuṭṭhāpanāti veditabbā. Tattha passaddhisambojjhaṅgassa bhāvanā vuttā eva, samādhisambojjhaṅgassa vuccamānā, itarassa anantaram vakkhati.

Paññāpayogamandatāyāti paññābyāpārassa appakabhāvena. Yathā hi dānam alobhappadhānam, sīlam adosappadhānam, evam bhāvanā amohappadhānā. Tattha yadā paññā na balavatī hoti, tadā bhāvanā pubbenāparam visesāvahā na hoti. Anabhisaṅkhato viya āhāro purisassa, yogino cittassa abhirucim na janeti, tena tam nirassādam hoti. Tathā bhāvanāya sammadeva avīthipatiptiyā upasamasukham na vindati, tenapi cittam nirassādam hoti. Tena vuttam “**paññāpayoga -pa- nirassādam hotū**”ti. Tassa samveguppādanam pasāduppādanañca tikicchananti tam dassento “**aṭṭha samvegavatthūnī**”ti-ādimāha. Tattha jātijarābyādhimaraṇāni yathāraham sugatiyam duggatiyañca hontīti tadaññameva pañcavidhabandhanādikhuppi pāsādi-aññamaññaviheṭhanādihetukam apāyadukkham daṭṭhabbam. Tayidam sabbam tesam tesam sattānam paccuppannabhavanissitam gahitanti atīte anāgate ca kāle vaṭṭamūlakadukkhāni visum gahitāni. Ye pana sattā āhārūpajīvino, tattha ca uṭṭhānaphalūpajīvino, tesam aññehi asādhāraṇajīvitadukkkham aṭṭhamam samvegavatthu gahitanti daṭṭhabbam. **Ayam vuccati samaye sampahāṁsanatāti** ayam bhāvanācittassa sampahāṁsitabbasamaye vuttanayeneva

1. Saṁ 3. 100 piṭṭhe.

samvegajananavasena ceva pasāduppādanavasena ca sammadeva pahāṁsanā, samvegajananapubbakapasāduppādanena tosanāti atho.

Sammāpaṭipattim āgammāti līnuddhaccavirahena
 samathavīthipaṭipattiyā ca sammā avisamām sammadeva bhāvanāpaṭipattim āgamma. **Alīnanti-**ādīsu kosajjapakkhiyānam dhammānam anadhimattatāya **alīnam**, uddhaccapakkhikānam anadhimattatāya **anuddhatām**, paññāpayogasampatti� upasamasukhādhigamena ca **anirassādam**, tato eva ārammaṇe **samappavattam samathavīthipaṭipannam**. Alīnānuddhatāhi vā ārammaṇe **samappavattam**, anirassādatāya **samathavīthipaṭipannam**.
Samappavattiyā vā alīnam anuddhatām, samathavīthipaṭipattiyā **anirassādanti** daṭṭhabbam. Tattha alīnatāya **paggahē**, anuddhatatāya **niggahe**, anirassādatāya **sampahāṁsane** na byāpāram āpajjati. **Ayam vuccati samaye ajjhupekkhanatāti** ayam ajjhupekkhitabbasamaye bhāvanācittassa paggahaniggahasampaḥāṁsanesu byāvaṭatāsaṅkhātam paṭipakkham abhibhuyya ajjhupekkhanā vuccati. Paṭipakkhavikkhambhanato vipassanāya adhiṭṭhānabhāvūpagamanato ca upacārajjhānampi samādhānakiccanipphattiyā puggalassa samāhitabhāvasādhanamevāti tattha samadhurabhbāvenāha “**upacāram vā appanam vā**”ti. **Esa uppajjatīti esa samādhisambojjhaṅgo** anuppanno uppajjati.

Anurodhavirodhappahānavasena majjhattabhbāvo
 upekkhāsambojjhaṅgassa kāraṇam tasmin sati sijjhānato, asati ca
 asijjhānato, so ca majjhattabhbāvo visayavasena duvidhoti āha
 “**sattamajjhattatā saṅkhāramajjhattatā**”ti. Tadubhayena ca virujjhānam passaddhisambojjhaṅgabhbāvanāya eva dūrīkatanti anurujjhānasseva pahānavidhim dassetum “**sattamajjhattatā**”ti-ādi vuttam. Tenāha “**sattasaṅkhārakelāyanapuggalaparivajjanatā**”ti. Upekkhāya hi visesato rāgo paṭipakkho. Tathā cāha “upekkhā rāgabahulassa visuddhimaggo”ti¹.
Dvīhākārehīti kammassakatāpaccavekkhaṇam attasuññatāpaccavekkhaṇanti imehi dvīhi kāraṇehi. **Dvīhevāti** avadhāraṇam saṅkhyāsamānatādassanatthām. Saṅkhyā eva hettha samānā, na saṅkhyeyyam sabbathā samānanti. **Assāmikabhbāvo** anattaniyatā. Sati hi attani tassa kiñcanabhbāvena cīvaraṁ aññam vā kiñci attaniyam nāma siyā,

1. Visuddhi 1. 314 piṭṭhe.

so pana koci natthevāti adhippāyo. **Anaddhaniyanti** na addhānakhamam, na ciraṭṭhāyī ittaram aniccanti attho. **Tāvakālikanti** tasveva vevacanam.

Mamāyatīti mamattam karoti, mamāti tañhāya pariggayha tiṭṭhati.
Dhanāyantāti dhanam dabbam¹ karontā.

419. Sammādassanalakkhaṇāti sammā aviparītam
 aniccādivasenadassanasabhāvā. **Sammā-abhiniropanalakkhaṇoti** sammadeva
 ārammaṇe cittassa abhiniropanasabhāvo. Caturaṅgasamannāgatā vācā janam
 saṅgaṇhātīti tabbipakkhaviratisabhāvā sammāvācā
 bhedakaramicchāvācāpahānena jane sampayutte ca pariggaṇhana kiccatā
 hotīti “**pariggahalakkhaṇā**”ti vuttā. Visamvādanādikiccatāya hi lūkhānam
 apariggāhakānam musāvādādīnam paṭipakkhabhūtā siniddhabhāvena
 pariggaṇhasabhāvā sammājappanakicca sammāvācā
 tappaccayasubhāsitasampaṭiggāhake jane sampayuttadhamme ca
 pariggaṇhantī pavattatīti **pariggahalakkhaṇā**. Yathā
 cīvarakammādippayogasaṅkhāto kammanto kātabbam cīvararajanādikam
 samuṭṭhāpeti nipphādeti, tamtamkiryānipphādako vā cetanāsaṅkhāto
 kammanto hatthacalanādikam kiryam samuṭṭhāpeti, evam
 sāvajjakattabbakiryāsamuṭṭhāpakamicchākammantappahānena
 sammākammanto niravajjassa kattabbassa niravajjākārena
 samuṭṭhāpanakicca vā hotīti āha “**sammāsamuṭṭhāpanalakkhaṇo**”ti.
 Sampayuttadhammānam vā ukkhipanam **samuṭṭhāpanam** kāyikakiryāya
 bhārukkipanam viya. **Sammāvodāpanalakkhaṇoti** jīvamānassa puggalassa,
 sampayuttadhammānam vā jīvitindriyavuttiyā, ājīvasseva vā sammadeva
 sodhanam vodāpanam lakkhaṇam etassāti sammāvodāpanalakkhaṇo. Atha
 vā kāyavācānam khandhasantānassa ca samkilesabhūtamicchā-
 ājīvappahānena sammā-ājīvo “**vodāpanalakkhaṇo**”ti vutto.
 Sammāvāyāmasatisamādhīsu vattabbam heṭṭhā vuttameva.

Paññāya kusalānam dhammānam pubbaṅgamabhāvato sabbepi akusalā
 dhammā tassā paṭipakkhāvāti vuttam “**aññehipi attano paccanīkakilesehi
 saddhin**”ti. Atha vā **attano paccanīkakilesā** diṭṭhekaṭṭhā avijjādāyo paññāya
 ujupaccanīkabhbāvato. **Passatīti**

1. Drabyam (Ka)

passantī viya hoti vibandhābhāvato. Tenāha “**tappaṭicchādaka -pa-asammohato**”ti. Sammāsaṅkappādīnam micchāsaṅkappādayo ujuvipaccanīkāti āha “**sammāsaṅkappādayo -pa- pajahanti**”ti. Tathevāti iminā attano paccanīkakilesehi saddhīnti imamattham anukaḍḍhati. **Visesatoti** sammādiṭṭhiyā vuttakiccato visesena. **Ethāti** etesu sammāsaṅkappādīsu.

Esā sammādiṭṭhi nāmāti lokiyam lokuttarañca ekajjhām katvā vadati missakatābhāvato. Tenāha “**pubbabhāge**”ti-ādi. **Ekārammaṇā** nibbānārammaṇattā. **Kiccatoti** pubbabhāge¹ dukkhādīhi ñāṇehi² kātabbakiccassa idha nipphattito, imasseva vā ñāṇassa dukkhādippakāsanakiccato. **Cattāri nāmāni labhati** dukkhapariññādicatukiccasādhanato. **Tīṇi nāmāni labhati** kāmasaṅkappādippahānakiccanipphattito. **Sikkhāpadavibhaṅge**³ “viraticetanā tam sampayuttāca dhammā sikkhāpadānī”ti vuttāni, tattha padhānānam viraticetanānam vasena “viratiyopi honti cetanādayopī”ti āha. “sammāvadati etāyā”ti-ādinā atthasambhavato **sammāvācādayo tayo viratiyopi honti cetanādayopī**. Musāvādādīhi viramaṇakāle viratiyo, subhāsitādivācābhāsanādikāle cetanādayo yojetabbā. **Maggakkhaṇe pana viratiyova** maggakkhaṇappattito. Na hi cetanā niyyānasabhāvā. Atha vā ekassa ñāṇassa dukkhādiññātā viya ekāya viratiyā musāvādādiviratibhāvo viya ca ekāya cetanāya sammāvācādikiccatayasādhanasabhāvā sammāvācādibhāvāsiddhito “**maggakkhaṇe viratiyovā**”ti vuttam.

Cattāri nāmāni labhatī catusammappadhānacatusatipaṭṭhānavasena labhati. Maggakkhaṇeti ānetvā sambandho. **Pubbabhāgepi maggakkhaṇepi sammāsamādhi evāti** yadipi samādhi-upakārakānam abhiniropanānumajjanasampiyāyanabrūhanasantasukhānam vitakkādīnam vasena catūhi jhānehi sammāsamādhi vibhatto, tathāpi vāyāmo viya anuppannākusalānuppādanādicatuvāyāmakiccam, sati viya ca asubhāsukhāniccānattesu kāyādīsu subhādisaññāpahānalakkhaṇam catusatikiccam, eko samādhi catujjhānasamādhikiccam na sādhetīti pubbabhāgepi paṭhamajjhānasamādhi,

1. Pubbabhāgehi (Mūlaṭī 2. 71 piṭṭhe.)

2. Ñātehi (Ka)

3. Abhi 2. 299 piṭṭhe.

paṭhamajjhānasamādhi eva maggakkhaṇepi, tathā pubbabhāgepi
catutthajjhānasamādhi, catutthajjhānasamādhi eva maggakkhaṇepīti attho.

“Kim panāyam maggadhammānam desanānukkamo, kevalam vācāya kamavattinibhāvato, udāhu kañci visesam upādāyā”ti vicāraṇāyam kañci visesam upādāyāti dassento āha “imesū”ti-ādi. Tattha bhāvanānubhāvā hitaphalāya satisayam tikkhavisadabhāvappattiya acchariyabbhutasamatthatāyogena sabbaso patipakkhavidhamanena yāthāvato dhammasabhāvabodhanena ca sammādiṭṭhiyā bahukāratā veditabbā. Tenāha “ayam hī”ti-ādi.

Tassāti sammādiṭṭhiyā. **Bahukāroti** dhammasampaṭivedhe bahūpakāro. Idāni tamattham upamāhi vibhāvetum “yathā hī”ti-ādi vuttam.

Vacībhedassa kārako vitakko
sāvajjānavajjavacībhedenivattanappavattanākārāya sammāvācāyapi
upakārako evāti āha “svāyam -pa- sammāvācāyapi upakārako”ti.
Sammāsaṅkappo hi saccavācāya¹ virativācāyapi visesapaccayo
micchāsaṅkappatadekaṭṭhakilesappahānato.

Saṁvidahitvāti-ādīsu sammā vidahanam kammantappayojanañca ekantānavajjavacīkāyakammavasena icchitabbanti virativācāvasena saṁvidahanam viratikammantasseva payojanañca nidassitanti daṭṭhabbam. Evam hissa sammāvācāya sammākammantassāpi bahukāratā jotitā siyā. Vacībhedaniyāmikā hi vacīduccaritavirati kāyikakiriyaniyāmikāya kāyaduccaritaviratiyā upakārikā. Tathā hi visamvādanādimicchāvācato avirato micchākammantatopi na viramateva. Yathāha “ekam dhammam atītassa -pa- natthi pāpam akāriyan”ti². Tasmā avisamvādanādisammāvācāya ṭhito sammākammantampi pūretiyevāti vacīduccaritavirati kāyaduccaritaviratiyā upakārikā.

Yasmā ājīvapārisuddhi nāma dussīlyappahānapubbikā, tasmā sammāvācākammantānantaram sammā-ājīvo desitoti dassetum
“catubbidham”

1. Saddavācāya (Ka)

2. Khu 1. 207 piṭṭhe Itivuttake.

panā”ti-ādi vuttam. **Ettāvatāti** parisuddhasilājīvikāmattena. **Idam vīriyanti** catusammappadhānavīriyam.

Vīriyārambhopi sammāsatipariggahito eva nibbānāvaho, na kevaloti dassetum “**tato**”ti-ādi vuttam. **Sūpaṭhitāti** bahiddhāvikkhepam pahāya suṭṭhu upaṭhitā kātabbā. **Samādhissa upakāradhammā** nāma yathāvuttavatthuvisadakiriyādayo. Tappaṭipakkhato **anupakāradhammā** veditabbā. **Gatiyoti** nipphattiyo. **Samanvesitvāti** sammā pariyesitvā.

427. Yathā itthīsu kathā pavattā adhitthīti vuccati, evam attānam adhikicca pavattā **ajjhattam**. “Evaṁ pavattamāna mayam ‘attā’ti gahaṇam gamissāmā”ti iminā viya adhippāyena attānam adhikicca uddissa pavattā sattasantatipariyāpannā ajjhattam. Tasmiṁ **ajjhattarūpe**, attano kesādivatthuke kasiṇarūpeti attho. **Parikammavasena ajjhattam rūpasaññīti** parikammakaraṇavasena ajjhattam rūpasaññī, na appanāvasena. Na hi paṭibhāganimittārammaṇā appanā ajjhattavisayā sambhavati. Tam pana ajjhattam parikammavasena laddham kasiṇanimittam avisuddhameva hoti, na bahiddhā parikammavasena laddham viya visuddhaṁ. Tenāha “**taṁ panā”ti-ādi**.

Yassevam parikammam ajjhattam uppannanti yassa puggalassa evam vuttappakārena ajjhattam parikammam jātam. **Nimittam pana bahiddhāti** paṭibhāganimittam sasantatipariyāpannām na hotīti bahiddhā. **Parittānīti** yathāladdhāni suppasarāvamattāni. Tenāha “**avaddhitānī**”ti.

Parittavasenevāti vaṇṇavasena ābhoge vijjamānepi parittavaseneva idam abhibhāyatanam vuttam. Parittatā hettha abhitavanassa kāraṇam. Vaṇṇābhoge satipi asatipi abhibhavatīti abhibhu, parikammam, nānam vā. Abhibhu āyatanaṁ etassāti **abhibhāyatanam**, jhānam. Abhibhavitabbam vā ārammaṇasaṅkhātam āyatanaṁ etassāti **abhibhāyatanam**. Atha vā ārammaṇābhībhavanato abhibhu ca tam āyatanañca yogino sukhavisesānam adhiṭṭhānabhāvato manāyatanañcādhammāyatanañcābhāvato cāti sasampayuttajjhānam **abhibhāyatanam**. Abhibhāyatanabhāvanā nāma tikkhapaññasseva sambhavati, na itarassāti āha “**nānuttariko puggalo**”ti. **Abhibhavitvā samāpajjahīti** eththa

abhibhavanam samāpajjanañca upacārajjhānādhigamanasamanantaram eva appanājhānuppādananti āha “**saha nimittuppādenevettha appanam pāpetī**”ti. **Saha nimittuppādenāti** ca appanāparivāsābhāvassa lakkhaṇavacanametam. Yo khippābhiññoti vuccati, tatopi nānūttarasasseva abhibhāyatanabhāvanā. Etthāti etasmim nimitte. **Appanam pāpetīti bhāvanā-appanam neti.**

Ettha ca keci “uppanne upacārajjhāne tam ārabbha ye hetṭhimantena dve tayo javanavārā pavattanti, te upacārajjhānapakkhikā eva, tadanantaram bhavaṅgaparivāsenā upacārasevanāya ca vinā appanā hoti, saha nimittuppādeneva appanam pāpetī”ti vadanti, tam tesam matimattam. Na hi pārivāsikaparikkamma appanāvāro icchito, nāpi mahaggatappamāṇajjhānesu viya upacārajjhāne ekantato paccavekkhaṇā icchitabbā. Tasmā upacārajjhānādhigamato param kati payabhaṅgacittāvasāne appanam pāpuṇanto “**saha nimittuppādenevettha appanam pāpetī**”ti vutto. **Saha nimittuppādenāti** ca adhippālikamidam vacanam, na nītattham, tattha adhippāyo vuttanayeneva veditabbo. **Na antosamāpattiyaṁ** tadā tathārūpassa ābhogassa asambhavato. **Samāpattito vuṭṭhitassa ābhogo** pubbabhāgabhāvanāvasena jhānakkhaṇe pavattam abhibhavanākāram gahetvā pavattoti datṭhabbam. Abhidhammatṭhakathāyam pana “imināssa pubbābhogo kathito”ti vuttam. Antosamāpattiyaṁ tadā tathā ābhogābhāve kasmā jhānasaññāyapīti vuttanti āha “**abhibhavasaññā hissa antosamāpattiyaṁpi atthī**”ti.

Vaḍḍhitappamāṇānīti vipulappamāṇānīti attho, na ekaṅguladvaṅgulādivaḍḍhim pāpitāni tathā vaḍḍhanassevettha asambhavato. Tenāha “**māhantānī**”ti. **Bhattavaḍḍhitakanti** bhuñjanabhājane vaḍḍhetvā dinnam bhattam, ekāsane purisena bhuñjitabbabhattato upaḍḍhabhātanti attho.

Rūpe saññā rūpasaññā, sā assa atthīti rūpasaññī, na rūpasaññī arūpasaññī. Saññāsīsena jhānam vadati. Rūpasaññāya anuppādanamevettha alābhītā. **Bahiddhāva uppannanti** bahiddhāvatthusmīmyeva uppannam. Ettha ca—

“Ajjhattam rūpasaññī bahiddhā rūpāni passati parittāni suvaṇṇadubbaṇṇāni. Ajjhattam rūpasaññī bahiddhā rūpāni passati appamāṇāni

suvaṇṇadubbaṇṇāni. Ajjhattam arūpasaññī bahiddhā rūpāni passati parittāni suvaṇṇadubbaṇṇāni. Ajjhattam arūpasaññī bahiddhā rūpāni passati appamāṇāni suvaṇṇadubbaṇṇāni”ti¹—

evamidha cattāri abhibhāyatanāni āgatāni, **abhidhamme**² pana “ajjhattam arūpasaññī bahiddhā rūpāni passati parittāni suvaṇṇadubbaṇṇāni, appamāṇāni suvaṇṇadubbaṇṇāni”ti evamāgatāni. Tattha ca kāraṇam abhidhammatṭhakathāyam vuttameva. Tathā hi vuttam atṭhasāliniyam³—

“Kasmā pana yathā suttante ‘ajjhattam rūpasaññī eko bahiddhā rūpāni passati parittāni’ti-ādi vuttam, evam avatvā idha catūsupi abhibhāyatenesu ajjhattam arūpasaññitāva vuttāti. Ajjhattarūpānam anabhibhavanīyato. Tattha vā hi idha vā bahiddhā rūpāneva abhibhavitabbāni, tasmā tāni niyamato vattabbāni”ti.

Tatrāpi idhapi vuttāni “ajjhattam rūpasaññī ajjhattam arūpasaññīti idam pana satthu desanāvilāsamattamevā”ti. Ayam panettha adhippāyo—idha vaṇṇābhogarahitāni sahitāni ca sabbāni parittāni suvaṇṇadubbaṇṇāni abhibhuyyāti. Pariyāyakathā hi suttantadesanāti. Abhidhamme pana nippariyāyadesanattā vaṇṇābhogarahitāni visum vuttāni, tathā sahitāni. Atthi hi ubhayattha abhibhavanavisesoti. Tathā idha pariyāyadesanattā vimokkhānampi abhibhavanapariyāyo atthīti “ajjhattam rūpasaññī”ti-ādinā paṭhamadutiya-abhibhāyatenesu paṭhamavimokkho, tatiyacatuttha-abhibhāyatenesu dutiyavimokkho, vaṇṇābhībhāyatenesu tatiyavimokkho ca abhibhavanapattito saṅgahito. Abhidhamme pana nippariyāyadesanattā vimokkhābhībhāyatanāni asaṅkarato desetum vimokkhe vajjetvā abhibhāyatanāni kathitāni. Sabbāni ca vimokkhakiccāni jhānāni vimokkhadesanāyam vuttāni. Tadetam “ajjhattam rūpasaññī”ti āgatassa abhibhāyatanadvayassa abhidhamme abhibhāyatenesu avacanato “rūpi rūpāni passatī”ti-ādīnañca sabbavimokkhakiccādhāraṇavacanabhāvato vavatthānam katanti viññāyati.

1. Dī 3. 215, 250; Aṁ 3. 125, 305 piṭṭhesu.

2. Abhi 1. 64 piṭṭhe.

3. Abhi-Tṭha 1. 234 piṭṭhe.

Ajjhattarūpānam anabhibhavaniyatoti idam abhidhamme katthacipi “ajjhattarūpāni passatī”ti avatvā sabbattha yam vuttam “bahiddhā rūpāni passatī”ti, tassa kāraṇavacanam. Tena yam aññahetukam suttante “bahiddhā rūpāni passatī”ti vacanam, tam tena hetunā vuttaṁ. Yam pana desanāvilāsahetukam ajjhattam arūpasaññitāya eva abhidhamme vacanam, na tassa aññam kāraṇam maggitabbanti dasseti. Ajjhattarūpānam anabhibhavaniyatā ca tesam bahiddhārūpānam viya avibhūtattā. Desanāvilāso ca yathāvuttavavatthānavasena veditabbo veneyyajjhāsayavasena vijjamānapariyāyakathanabhāvato. Desanāvilāso hi nāma veneyyajjhāsayānurūpam vijjamānassa ca pariyāyassa vibhāvanam, na yassa cassaci, tasmā “idha pariyāyadesanattā”ti-ādinā vuttappakāram vavatthānam desanāvilāsanibandhananti datthabbam.

Suvaṇṇadubbaṇṇānīti eteneva siddhattā na nīlādi-abhibhāyatanāni vattabbānīti ce? Na nīlādīsu katādhikārānam nīlādibhāvasseva abhibhavanakāraṇattā. Na hi tesam parisuddhāparisuddhavaṇṇānam parittatā appamāṇatā vā abhibhavanakāraṇam, atha kho nīlādibhāvo evāti. Etesu ca parittādikasiṇarūpesu yamyamcaritassa imāni abhibhāyatanāni ijjhanti, tam dassetum “imesu pāna”ti-ādi vuttam.

Sabbasaṅgāhikavasenāti nīlavaṇṇanīlanidassananīlanibhāsānam sādhāraṇavasena. **Vanṇavasenāti** sabhāvavaṇṇavasena. **Nidassanavasenāti** passitabbatāvasena, cakkhuviññāṇavīthiyā gahetabbatāvasena. **Obhāsavasenāti** sappabhāsatāya avabhāsanavasena. **Vanṇadhātuyā** vāti añjanarajatavatthādivaṇṇadhātuyā. **Lokiyāneva** rūpāvacarajjhānabhāvato.

435. **Rūpīti** ettha yenāyam sasantatipariyāpannena rūpena samannāgato, tam yassa jhānassa hetubhāvena visiṭṭharūpam hoti. Yena visiṭṭhenā rūpīti vucceyya, tadeva sasantatipariyāpannarūpanimittam jhānam. Idha pana paramatthato rūpibhāvasādhakanti āha “**ajjhattam kesādīsū**”ti-ādi. **Rūpajjhānam rūpanti** uttarapadalopena vuttam “rūpūpapattiya”ti-ādīsu¹ viya.

1. Abhi 1. 44, 52, 53, 64; Abhi 2. 276 piṭhesu.

Subhantveva adhimutto hotīti ayam tatiyavimokkho idha suparisuddhanilādivaṇṇakasiṇajjhānavasena vuttoti dassetvā idāni paṭisambhidāpāliyam tassa brahmavihārajjhānavasena āgatabhāvam dassetum “**paṭisambhidāmagge panā**”ti-ādi āraddham. Idha pana uparipāliyameva brahmavihārānam āgatattā tam nayam paṭikkhipitvā parisuddhanilādivaṇṇakasiṇavaseneva subhavimokkho anuññāto.

443. Parikammapathaviyāpīti akatāya vā katāya vā daḷhamanḍalādisaṅkhātāparikammapathaviyāpi. Uggahanimittādīnām pathavīkasiṇanti nāmām nissite nissayavohāravasena vuttanti daṭṭhabbam yathā “mañcā ukkuṭṭhim karonti”ti.

Sīlānīti pātimokkhasamvarādīni cattāri sīlāni. **Sodhetvāti** anāpajjanena āpannavuṭṭhāpanena kilesehi appaṭipūlanena ca visodhetvā. Tividham hi sīlassa visodhanām nāma anāpajjanām āpannavuṭṭhāpanām kilesehi ca appaṭipūlananti. Kammaṭṭhānabhāvanām paribundheti uparodheti pavattitum na detīti **palibodho** rakārassa lakāram katvā, paribandhoti attho. **Upacchinditvāti** samāpannenā saṅgāhaṇena vā uparundhitvā, apalibodham katvāti attho. **Kalyāṇamittām upasaṅkamitvāti**—

“Piyo garu bhāvanīyo, vattā ca vacanakkhamo.
Gambhīrañca katham kattā, no caṭṭhāne niyojako”ti¹—

evamādiguṇasamannāgataṁ ekantahitesim vuddhipakkhe ṛhitam kalyāṇamittam upasaṅkamitvā.

Ananurūpaṁ vihāranti aṭṭhārasannām dosānām aññatarena samannāgataṁ. Vuttam hetam aṭṭhakathāsu—

“Mahāvāsam navāvāsam, jarāvāsañca panthanim.
Soṇḍim paṇṇañca pupphañca, phalam patthitameva ca.
Nagaram dārunā khettam, visabhāgena paṭṭanam.
Paccantasimā sappāyam, yatthā mitto na labbhati.
Aṭṭhārasetāni ṭhānāni, iti viññāya paṇḍito.
Ārakā parivajjeyya, maggam sappaṭibhayam yathā”ti².

1. Arī 2. 422 piṭṭhe.

2. Visuddhi 1. 118 piṭṭhe.

Anurūpeti gocaragāmato nātidūranaccāsannatādīhi pañcahi aṅgehi samannāgate. Vuttam hetam bhagavatā—

“Kathañca bhikkhave senāsanam pañcaṅgasamannāgatam hoti? Idha bhikkhave senāsanam nātidūram hoti naccāsannam amanāgamanasampannaṁ divā appākiṇṇam rattim appasaddam appanigghosam appaḍam̄samakasavātātapasarīsapasamphassam, tasmim kho pana senāsane viharantassa appakasirena uppajjanti cīvarapinḍapātasenāsanagilānapaccayabhesajjaparikkhārā, tasmim kho pana senāsane therā bhikkhū viharanti bahussutā āgatāgamā dhammadharā vinayadharā mātikādharā, te kālena kālam upasaṅkamitvā paripucchati paripañhati ‘idam bhante katham imassa ko attho’ti. Tassa te āyasmanto avivañcēva vivaranti, anuttānīkatañca uttānim karonti, anekavihitesu ca kañkhāṭhāniyesu dhammesu kañkham paṭivinodenti. Evam kho hikkhave senāsanam pañcaṅgasamannāgatam hotī”ti¹.

Ettha ca nātidūram naccāsannaṁ gamanāgamanasampannanti ekaṁ aṅgam, divā appākiṇṇam rattim appasaddam appanigghosanti ekaṁ, appaḍam̄samakasavātātapasarīsapasamphassanti ekaṁ, tasmim kho pana senāsane viharantassa -pa- parikkhārāti ekaṁ, tasmim kho pana senāsane therā -pa- kañkham paṭivinodentīti ekanti evam pañcaṅgāni veditabbāni.

Khuddakalibodham upacchindityāti dīghakesanakhalomānam chedanena cīvarakammacīvararajanapattapanamañcapīṭhādisodhanavasena khuddakalibodham upacchindityā.

453. Uddhumātakādīsūti ettha **ādi**-saddena
vinīlakavipubbakavicchiddakavikkhāyitakahatavikkhittakalohitakapuṭavaka-
atṭhikānam saṅgaho daṭṭhabbo. Tattha bhastā viya vāyunā uddham
jīvitapariyādānā yathānukkamam samuggatena sūnabhāvena dhūmatattā
uddhumātam, uddhumātameva **uddhumātakam**, paṭikūlattā vā kucchitam
uddhumātanti **uddhumātakam**, tathārūpassa chavasarīrassetam adhivacanam.
Vinīlam vuccati viparibhinnanīlavaṇṇam, vinīlameva **vinīlakam**, paṭikūlattā
vā kucchitam vinīlanti **vinīlakam**, māṁsussadaṭṭhānesu

1. Aṁ 3. 268 piṭṭhe.

rattavaṇṇassa, pubbasannicayaṭṭhānesu setavaṇṇassa, yebhuyyena ca nīlavaṇṇassa nīlaṭṭhāne nīlasāṭakapārutasseva chavasarīrassetam adhivacanam. Paribhinnaṭṭhānesu vissandamānapubbarūpam vipubbam, vipubbameva **vipubbakam**, paṭikūlattā vā kucchitam vipubbanti **vipubbakam**, tathārūpassa chavasarīrassetam adhivacanam. Vicchiddam vuccati dvidhā chindanena apadhāritam, vicchiddameva **vicchiddakam**, paṭikūlattā vā kucchitam vicchiddanti **vicchiddakam**, vemajhe chinnassa chavasarīrassetam adhivacanam. Ito ca etto ca vividhākārena soṇasingālādīhi khāyitam vikkhāyitam, vikkhāyitameva **vikkhāyitakam**, paṭikūlattā vā kucchitam vikkhāyitanti **vikkhāyitakam**, tathārūpassa chavasarīrassetam adhivacanam.

Vividhā khittam vikkhittam, vikkhittameva **vikkhittakam**, paṭikūlattā vā kucchitam vikkhittanti **vikkhittakam**, aññena hattham, aññena pādam, aññena sīsanti evam tato tato vikkhittassa chavasarīrassetam adhivacanam. Hatañca tam purimanayeneva vikkhittakañcāti **hatavikkhittakam**, kāyapadākārena aṅgapaccaṅgesu satthena hanitvā vuttanayeneva vikkhittassa chavasarīrassetam adhivacanam. Lohitam kirati vikkhipati ito cito ca paggharatīti **lohitakam**, paggharitalohitamakkhitassa chavasarīrassetam adhivacanam. Puṭavā vuccanti kimayo, puṭave kiratīti **puṭavakam**, kimiparipuṇṇassa chavasarīrassetam adhivacanam. Aṭṭhiyeva **aṭṭhikam**, paṭikūlattā vā kucchitam aṭṭhīti **aṭṭhikam**, aṭṭhisāṅkhaliṅkāyapi ekaṭṭhikassapi etam adhivacanam. Imesu dasasu asubhesu paṭhamajjhānameva uppajjati, na dutiyādīni. Tenāha idha “**paṭhamajjhānasahagatā saññā**”ti. Tathā hi aparisaṇṭhitajalāya sīghasotāya nadīyā arittabaleneva nāvā tiṭṭhati, vinā arittenā na sakkā ṛhapetum. Evamevam dubbalattā ārammaṇassa vitakkabaleneva cittam ekaggam hutvā tiṭṭhati, vinā vitakkena na sakkā ṛhapetum. Tasmā paṭhamajjhānamevettha hoti, na dutiyādīni. Ārammaṇassa dubbalatā cettha paṭikūlabhāvena cittam ṛhapetum asamatthatā.

“Rukkho mato, loham matan”ti-ādīsu yam khandhappabandham upādāya rukkhādisamaññā, tasmim anupacchinnepi allatādivigamanam nissāya matavohāro **sammutimaraṇam**. Saṅkhārānam khaṇabhaṅgasāṅkhātam **khaṇikamarāṇam**. Samucchedamarāṇanti arahato santānassa sabbaso ucchedabhūtam maraṇam. Vipassanābhāvanāvasena cetam vuttam. Marañānussatibhāvanāyam pana tividhampetam

nādhippetam asamvegavatthuto anupaṭṭhahanato abāhullato ca.
 Maraṇānussatiyam hi ekena bhavena paricchinnassa
 jīvitindriyappabandhassa vicchedo maraṇanti adhippeto samvegavatthuto
 upaṭṭhahanato bāhullato ca. Idāni imameva maraṇam sandhāya
 vikappantaram dassento “**heṭṭhā vuttalakkhaṇā vā**”ti-ādimāha.

Asitapīṭādibhedeti asitapīṭakhāyitasāyitappabhede,
 asitabbakhāditabbasāyitabbavibhāgeti attho kālabhedavacanicchāya
 abhāvato yathā “duddhan”ti. Kabaḷam karīyatīti kabaļīkāro, āharīyatīti
 āhāro, kabaļīkāro ca so āhāro cāti **kabaļīkārāhāro**. Vatthuvasena cetam
 vuttaṁ. Savatthuko eva hi āhāro idha kammaṭṭhānabhāvena adhippeto.
 Ojālakkhaṇo pana āhāro ojaṭṭhamakam rūpam āharatīti āhāroti vuccati. So
 idha nādhippeto paṭikūlākāraggahaṇassa asambhavato. **Nava paṭikūlānīti**
 gamanapariyesanaparibhogāsayanidāna-
 aparipakkaparipakkaphalanissandappaṭikūlavasena nava paṭikūlāni.
 Samakkhanappaṭikūlam pana paribhogādīsu labbhamānattā idha visum na
 gahitaṁ, aññathā tena saddhiṁ “dasa paṭikūlānī”ti vattabbaṁ.
Visuddhimagge¹ pana samakkhanam paribhogādīsu labbhamānampi
 nissandavasena visesato paṭikūlanti visum gahetvā dasahākārehi paṭikūlatā
 vuttā.

Uppajjanakasaññanti paṭikūlākāraggahaṇavasena uppajjanakasaññam.
 Saññā-saddo cāyam “rūpasaññā saddasaññā”ti-ādīsu² sañjānanalakkhaṇe
 dhamme āgato, “aniccasaññā dukkhasaññā”ti-ādīsu³vipassanāya āgato,
 “uddhumātakasaññāti vā sopāka rūpasaññāti vā ime dhammā ekaṭṭhā, udāhu
 nānaṭṭhā”ti-ādīsu samathe āgato. Idha pana samathassa parikamme
 daṭṭhabbo. Āhārehi paṭikūlākāraggahaṇam, tappabhāvitam vā
 upacārajjhānam idha “āhāre paṭikūlasaññā”ti ādhippetam.

Ukkaṇṭhitasaññanti nibbindanākārena uppajjanakasaññam.
Aniccasāññanti ettha aniccam khandhapañcakam
 uppādavayaññathattabhāvato, hutvā abhāvato vā, tasmiṁ anicce
 khandhapañcakē aniccanti uppajjamānā aniccalakkhaṇapariggāhikā saññā
 aniccasāññā. Tenāha “**pañcannam upādānakkhandhānan**”ti-ādi. Tattha

1. Visuddhi 1. 341 piṭṭhe.

2. Sam 2. 52 piṭṭhe.

3. Am 3. 75, 294 piṭṭhesu.

udayo nibbattilakkhaṇam, vayo vipariṇāmalakkhaṇam, aññathattam jarā. Udayabbayaññathattaggahañena aniccalakkhaṇam dasseti. Uppādavayaññathattabhāvato hi khandhapañcakam aniccanti vuccati. Yassa ca sabhāvena khandhapañcakam aniccanti vuccati, tam **aniccalakkhaṇam**. Tena hi tam aniccanti lakkhīyati, aniccalakkhaṇañca udayabbayānam amanasikārā santatiyā paṭicchannattā na upaṭṭhāti, udayabbayam pana pariggahetvā santatiyā vikopitāya aniccalakkhaṇam yāthāvasarasato upaṭṭhāti. Na hi sammadēva udayabbayam sallakkhentassa pubbāpariyena pavattamānānam dhammānam aññoññabhāvam sallakkhañena santatiyā ugghāṭitāya dhammā sambandhabhāvena upaṭṭhahanti, atha kho ayosalākā viya asambandhabhāvenāti suṭṭhutaram aniccalakkhaṇam pākaṭam hoti.

“Yadaniccam, tam dukkhan”ti¹ vacanato tadeva khandhapañcakam abhiñhappaṭipīlanato dukkham, abhiñhappaṭipīlanākāro pana dukkhalakkhaṇam. Tenevāha “**anicce khandhapañcake -pa- saññam bhāveti**”ti. Tattha paṭipīlanam nāma yathāpariggahitam udayavayavasena saṅkhārānam nirantaram paṭipīliyamānatā vibādhiyamānatā. Dukkhalakkhaṇañca abhiñhasampaṭipīlanassa amanasikārā iriyāpathehi paṭicchannattā na upaṭṭhāti, abhiñhasampaṭipīlanam pana manasi karitvā iriyāpathe labbhamānadukkhappaṭicchādakabhāve ugghāṭite dukkhalakkhaṇam yāthāvasarasato upaṭṭhāti. Tathā hi iriyāpathehi paṭicchannattā dukkhalakkhaṇam na upaṭṭhāti, te ca iriyāpathā abhiñhasampaṭipīlanāmanasikārena paṭicchādakā jātā. Ekasmim hi iriyāpathe uppannassa dukkhassa vinodakam iriyāpathantaram tassa paṭicchādakam viya hoti, evam sesāpi. Iriyāpathānam pana tamtamdukkhapatitākārabhāve yāthāvato ñāte tesam dukkhappaṭicchādakabhāvo ugghāṭito nāma hoti saṅkhārānam nirantaram dukkhābhītunnatāya pākaṭabhāvato. Tasmā abhiñhasampaṭipīlanam manasi karitvā iriyāpathe labbhamānadukkhappaṭicchādakabhāve ugghāṭite dukkhalakkhaṇam yāthāvasarasato upaṭṭhāti.

“Yam dukkham, tadanattā”ti vacanato tadeva khandhapañcakam avasavattanato anattā, avasavattanākāro pana anattalakkhaṇam. Tenāha

1. Sam 2. 19, 37, 68, 69, 92, 236, 237; Khu 9. 295 piṭṭhesu.

“paṭipīlanatthenā”ti-ādi. Anattalakkhaṇañca nānādhātuvinibbhogassa amanasikārā ghanena paṭicchannattā na upaṭṭhāti, nānādhātuyo pana vinibbhujitvā “aññā pathavīdhātu, aññā āpodhātū”ti-ādinā, “añño phasso, aññā vedanā”ti-ādinā ca visum visum katvā ghanavinibbhoge kate samūhaghane kiccārammaṇaghane ca bhedite anattalakkhaṇam yāthāvasarasato upaṭṭhāti. Yā hesā aññamaññūpatthambhesu samuditesu rūpārūpadhammesu ekattābhinivesavasena aparimadditasāṅkhārehi mamāyamānā samūhaghanatā, tathā tesam tesam dhammānam kiccabhedassa satipi paṭiniyatabhāve ekato gayhamānā kiccaghanatā, tathā sārammaṇadhammānam satipi ārammaṇakaraṇabhede ekato gayhamānā ārammaṇaghanatā. Sā catūsu dhātūsu nāṇena vinibbhujitvā dissamānāsu hatthena parimaddiyamāno pheṇapiṇḍo viya vilīnam¹ āgacchati, yathāpaccaayaṁ pavattamānā suññā ete dhammadattāti avasavattanākārasāṅkhātam anattalakkhaṇam pākaṭataram hoti.

Apara-accharāsaṅghātavaggavaṇṇanā niṭṭhitā.

19. Kāyagatāsativaggavaṇṇanā

563. **Cetasā phuṭoti** cittena pharito. Cittena pharaṇañca samuddassa dvidhā sambhavatīti āha “duvidhām pharaṇān”ti-ādi. **Purimena atthenāti** “sampayogavasena vijjām bhajantī”ti vuttena atthena. **Pacchimenāti** “vijjābhāge vijjākoṭṭhāse vattantī”ti vuttena.

564. **Mahato saṁvegāya saṁvattatīti-ādīsu** ayaṁ pana aparo nayo. Yāthāvato kāyasabhāvappavedanato mahato saṁvegāya saṁvattati. **Atthāyāti** diṭṭhadhammikādi-atthāya. **Yogakkhemāyāti** catūhi yogehi khemabhāvāya. **Satisampajaññāyāti** sabbattha sati-avippavāsāya sattaṭṭhāniyasampajaññāya ca. **Ñāṇadassanappaṭilābhāyāti** vipassanāñāṇādhigamāya. **Vijāvimuttiphalasacchikiriyāyāti** tisso vijjā cittassa adhimutti nibbānam cattāri sāmaññāphalānīti etesam paccakkhakaraṇāya.

1. Vilīyam (Ka)

584. Paññāpaṭilābhāyāti-ādīsu solasasu padesu paññāpaṭilābhāya paññāvuddhiyā paññāvepullāya paññābhullāyāti imāni cattāri paññāvasena bhāvavacanāni, sesāni dvādasa puggalavasena bhāvavacanāni.

Sappurisasaṁsevoti sappurisānam bhajanam. **Saddhammassavananti** tesam sappurisānam santike sīlādippaṭipattidīpakassa saddhammavacanassa savanam. **Yoniso manasikāroti** sutānam dhammānam atthūpaparikkhāvasena upāyena manasikāro. **Dhammānudhammappaṭipatti** lokuttaradhamme anugatassa sīlādippaṭipadādhammassa paṭipajjanam.

Channam abhiññāñāṇānanti

iddhividhadibbasotacetopariyapubbenivāsadibbacakkhu-āsavakkhayañāṇānam. **Tesattatīnam ñāṇānanti paṭisambhidāpāliyam**¹ “sotāvadhāne paññā sutamaye ñāṇam, sutvāna saṁvare paññā sīlamaye ñāṇan”ti-ādinā ñāṇakathāya niddiṭṭhānam sāvakasādhāraṇāsādhāraṇānam ñāṇānam. Imesam hi tesattatiñāṇānam sutamayañāṇādīni sattasatiñāṇāni sāvakassa sādhāraṇāni, “indriyaparopariyatte ñāṇam, sattānam āsayānusaye ñāṇam, yamakapāṭihire ñāṇam, mahākaruṇāsamāpattiyā ñāṇam, Sabbaññutañāṇam, anāvaraṇañāṇan”ti² imāni cha asādhāraṇañāṇāni sāvakehi.

Sattsasattatīnam ñāṇānanti ettha—

“Jātipaccayā jarāmaraṇanti ñāṇam, asati jātiyā natthi jarāmaraṇanti ñāṇam. Atītampi addhānam jātipaccayā jarāmaraṇanti ñāṇam, asati jātiyā natthi jarāmaraṇanti ñāṇam. Anāgatampi addhānam jātipaccayā jarāmaraṇanti ñāṇam, asati jātiyā natthi jarāmaraṇanti ñāṇam. Yampissa tam dhammaṭṭhitīñāṇam, tampi khayadhammarām vayadhammarām virāgadhammarām nirodhadhammantī ñāṇam. Bhavapaccayā jātīti ñāṇam -pa-. Upādānapaccayā bhavoti ñāṇam, taṇhāpaccayā upādānanti ñāṇam, vedanāpaccayā taṇhāti ñāṇam, phassapaccayā vedanāti ñāṇam, saḷāyatana-paccayā phassoti ñāṇam, nāmarūpapaccayā saḷāyatana-nanti ñāṇam, viññāṇapaccayā nāmarūpanti ñāṇam, saṅkhārapaccayā viññāṇanti ñāṇam, avijjāpaccayā saṅkhārāti ñāṇam,

1. Khu 9. 1 piṭhe.

2. Khu 9. 4 piṭhe Paṭisambhidāmagge.

asati avijjāya natthi saṅkhārāti ñāṇam, atītampi addhānam avijjāpaccayā saṅkhārāti ñāṇam, asati avijjāya natthi saṅkhārāti ñāṇam, anāgatampi addhānam avijjāpaccayā saṅkhārāti ñāṇam, asati avijjāya natthi saṅkhārāti ñāṇam, yampissa tam dhammaṭhitināṇam, tampi khayadhammadmām ayadhammadmām virāgadhammadmām nirodhadhammadanti ñāṇan”ti—

bhagavatā **nidānavagge**¹ jarāmaraṇādīsu ekādasasu paṭiccasamuppādaṅgesu paccekam satta satta katvā vuttāni sattasattatiñāṇāni.

Tattha **dhammaṭhitināṇanti** paccayākārañāṇam. Paccayākāro hi dhammānam pavattisaṅkhātāya ṛthityā kāraṇattā “dhammaṭhitī”ti vuccati, tattha ñāṇam dhammaṭhitināṇam, “jātipaccayā jarāmaraṇan”ti-ādinā vuttasseva chabbidhassa ñāṇassetam adhivacanam. **Khayadhammadanti** khayagamanasabhāvam. **Yavadhammadanti** vayagamanasabhāvam. **Virāgadhammadanti** virajjanasabhāvam. **Nirodhadhammadanti** nirujjanasabhāvanti attho.

Lābhoti-ādīsu lābhoyeva upasaggena visesetvā “**paṭilābho**”ti vutto. Puna tasseva athavivaraṇavasena “**patti sampattī**”ti vuttaṁ. **Phusanāti** adhigamanavasena phusanā. **Sacchikiriyāti** paṭilābhasacchikiriyā. **Upasampadāti** nipphādanā.

Sattannam ca sekkhānanti tisso sikkhā sikkhantīti sekkhasaññitānam sotāpattimaggāṭīhādīnam sattannam. **Puthujjanakalyāṇakassa cāti** nibbānagāminiyā paṭipadāya yuttattā sundaraṭīhena kalyāṇasaññitassa puthujjanassa. Vaḍḍhitam vaḍḍhanam etāyāti **vaḍḍhitavaḍḍhanā**. Yathāvuttānam aṭṭhannampi paññānam vasena visesatova arahato paññāvasena **paññāvuddhiyā**. Tathā **paññāvepullāya**.

Yassa cassacipi visesato anurūpadhammadmassa mahantam nāma kiccasiddhiyā veditabbanti tadassa kiccasiddhiyā dassento “**mahante atthe pariggaṇhātī**”ti-ādimāha. Tattha atthādīnam mahantabhbāvo mahāvisayatāya veditabbo, mahāvisayatā ca tesam paṭisambhidāmagge āgatanayena veditabbā. Sīlakkhandhassa pana hetumahantatāya paccayamahantatāya

1. Saṃ 1. 291 piṭṭhe.

nissayamahantatāya pabhedamahantatāya kiccamahantatāya
 phalamahantatāya ānisamsamahantatāya ca mahantabhāvo veditabbo. Tattha
hetu alobhādayo. **Paccayo** hirottappasaddhāsativīriyādayo. **Nissayo**
 sāvakabodhipaccekabodhiniyatata tamśamañgino ca purisavisesā. **Pabhedo**
 cārittavārittādivibhāgo. **Kiccam** tadaṅgādivasena paṭipakkhavidhamanam.
Phalaṁ saggasampadā nibbānasampadā ca. **Ānisamso** piyamanāpatādi.
 Ayameththa saṅkhepo, vitthāro pana **visuddhimagge**¹ **ākaṅkheyyasuttādīsu**²
 ca āgatanayena veditabbo. Iminā nayena samādhikkhandhādīnampi
 mahantatā yathārahām niddhāretvā vattabbā. Ṭhānātīṭhānādīnam
 mahantabhāvo pana mahāvisayatāya veditabbo. Tattha ṭhānātīṭhānānam
 mahāvisayatā bahudhātukasuttādīsu āgatanayena veditabbā.

Vihārasamāpattīnam mahāvisayatā samādhikkhandhe
 mahāvisayatāniddhāraṇanayena veditabbā, ariyasaccānam
 sakalayānasāṅgāhakato **saccavibhaṅge**³ **taṁsaṁvaṇṇanāsu**⁴ ca āgatanayena,
 satipaṭṭhānādīnam **satipaṭṭhānavibhaṅgādīsu**⁵ **taṁsaṁvaṇṇanādīsu**⁶ ca
 āgatanayena, sāmaññaphalānam mahato hitassa mahato sukhassa mahato
 atthassa mahato yogakkhemassa nipphattibhāvato santapaṇīta-
 atakkāvacarapaṇḍitavedanīyabhāvato, abhiññāya mahāsambhārato
 mahāvisayato mahākiccato mahānubhāvato mahānipphattito, nibbānassa
 madanimmadanādimahatthasiddhito ca mahantabhāvo veditabbo.
Pariggaṇhātīti sabhāvādito paricchijja gaṇhāti, paṭivijjhātīti attho.

Puthupaññāti etthāpi vuttanayānusārena attho veditabbo. Ayaṁ pana
 viseso—**puthu nānākkhandhesu** **ñāṇam** **pavattatīti** “ayaṁ rūpakkhandho
 nāma -pa- ayaṁ viññāṇakkhandho nāmā”ti evam pañcannam khandhānam
 nānākaraṇam paṭicca ñāṇam pavattati. Tesupi ekavidhena rūpakkhandho
 -pa- ekādasavidhena rūpakkhandho. Ekavidhena vedanākkhandho -pa-
 bahuvidhena vedanākkhandho. Ekavidhena saññākkhandho -pa-
 bahuvidhena saññākkhandho. Ekavidhena saṅkhārakkhandho -pa-
 bahuvidhena saṅkhārakkhandho. Ekavidhena viññāṇakkhandho -pa-

1. Visuddhi 1. 9 piṭṭhe.

2. Ma 1. 39 piṭṭhe.

3. Abhi 2. 104 piṭṭhe.

4. Abhi-Ṭṭha 2. 78 piṭṭhe.

5. Abhi 2. 200 piṭṭhe.

6. Abhi-Ṭṭha 2. 204 piṭṭhe.

bahuvidhena viññāṇakkhandhoti evam ekekassa khandhassa
ekavidhādivasena atītādivasenapi nānākaraṇam paṭicca nāṇam pavattati.

Puthu nānādhātūsūti “ayam cakkhudhātu nāma -pa- ayam manoviññāṇadhātu nāma. Tattha soḷasa dhātuyo kāmāvacarā, dve cātubhūmikā”ti evam dhātūsu nānākaraṇam paṭicca nāṇam pavattati. Tayidam upādinnadhātuvasena vuttam. Paccekabuddhānam hi dvinnañca aggasāvakānam upādinnadhātūsu eva nānākaraṇam paṭicca nāṇam pavattati, tañca kho ekadesatova, na nippadesato. Bahiddhā anupādinnadhātūnam nānākaraṇam tesam avisayova, sbbaññubuddhānamyeva pana “imāya dhātuyā ussannattā imassa rukkhassa khandho seto hoti, imassa kālo, imassa maṭṭho, imassa kharo, imassa bahalataco, imassa sukkhataco. Imassa pattam vaṇṇasaṇṭhānādivasena evarūpam. Imassa puppham nīlam, pītam, lohitam, odātam, sugandham, duggandham, missakagandham. Phalarā khuddakam, mahantam, dīgham, vat̄tam, suvaṇṇam, dubbaṇṇam, maṭṭham, pharusam, sugandham, duggandham, madhuram, tittakam, ambilam, kaṭukam, kasāvam. Kaṇṭako tikhīṇo, atikhīṇo, ujuko, kuṭilo, tambo, nīlo, lohito, odāto”ti-ādinā dhātunānattam paṭicca nāṇam pavattati.

Puthu nānā-āyatanesūti “idaṁ cakkhāyatanaṁ nāma -pa- idam dhammāyatanaṁ nāma. Tattha dasāyatanaṁ kāmāvacarā, dve cātubhūmakā”ti evam āyatananānattam paṭicca nāṇam pavattati.

Phuthu nānāpaṭiccasamuppādesūti aijhattabahiddhābhedato santānabhedato ca nānappabhedesu paṭiccasamuppādaṅgesu. Avijjādi-aṅgāni hi paccekaṁ paṭiccasamuppādasaññitāni. Tenāha saṅkhārapitake “dvādasa paccayā dvādassa paṭiccasamuppādā”ti¹.

Puthu nānāsuññatamanupalabbhesūti nānāsabhāvesu niccasārādivirahitesu suññasabhāvesu, tato eva itthipurisa-attattaniyādivasena anupalabbhamānasabhāvesu. Ma-kāro hettha padasandhikaro.

Puthu nānā-atthesūti atthapaṭisambhidāvisyesu paccayuppannādinānā-atthesu. **Dhammesūti** dhammapaṭisambhidāvisyesu paccayādinānādhammesu.

1. Saṁ-Tī 1. 163 piṭṭhepi.

Niruttīsūti tesamyeva atthadhammānam niddhāraṇavacanasaṅkhātesu nānāniruttīsu. **Puthu nānāpaṭibhānesūti** atthapaṭisambhidādivisayesu imāni nāñāni idamatthajotakānīti tathā tathā paṭibhānato upatiṭṭhanato paṭibhānānīti laddhanāmesu nānāñānesu.

Puthu nānāsīlakkhandhesūti-ādīsu sīlassa puthuttam nānattañca vuttameva, itaresām pana vuttanayānusārena suviññeyyattā pākaṭameva. Yaṁ pana abhinnam ekameva nibbānam, tattha upacāravasena puthuttam gahetabbanti āha “**puthu nānājanasādhāraṇe dhamme samatikkamma**”ti. Tenassa madanimmadanādipariyāyena puthuttam paridīpitam hoti.

Vipule attheti mahante atthe. Mahantapariyāyo hi vipulasaddo. **Gambhīresūti** sasādihi viya mahāsamuddo anupacitaññānasambhārehi alabbhaneyyappatiṭṭhesu khandhesu nāñānam pavattatīti visayassa gambhīratāya nāñāssa gambhīratā vibhāvitā.

Tikkhavisadabhāvādiguṇehi asādhāraṇattā paresām paññāya na sāmantā, atha kho suvidūravidūreti **asamantapaññā** ākārassa rassattam katvā. Keci “asamatthapaññā”ti paṭhanti, tesām yathāvuttaguṇehi aññehi asādhāraṇattā natthi etissā kāyaci samatthanti asamatthā paññāti yojanā. **Atthavavatthānatoti** atthappabhedassa yāthāvato sanniṭṭhānato. **Na añño koci sakkoti abhisambhavitunti** nāñagatiyā sampāpuṇitum na añño kocipi sakkoti, tasmā ayam suvidūravidūreti asamantapaññā. Idāni puggalantaravasena asamantapaññām vibhāvetum “**puthujjanakalyāṇakassā**”ti-ādi āraddham.

“Paññāpabhedakusalo abhinnañāṇo adhigatappaṭisambhido catuvesārajjappatto dasabaladhārī purisāsabho purisāsiho purisanāgo purisājañño purisadhorayho anantañāṇo anantatejo anantayaso aḍḍho mahaddhano balavā netā vinetā anunetā paññāpetā vinijjhāpetā pekkhetā pasādetā. So hi bhagavā anuppannassa maggassa uppādetā, asañjātassa maggassa sañjanetā, anakkhātassa maggassa akkhātā, maggaññū maggavidū maggakovidō. Maggānugāmī ca pana etarahi sāvakā viharanti pacchā samannāgatā.

So hi bhagavā jānam jānāti, passam passati, cakkhubhūto
 nāṇabhūto dhammabhūto brahmabhūto vattā pavattā athassa ninnetā
 amatassa dātā dhammassāmī tathāgato, natthi tassa bhagavato aññātam
 adiṭṭham aviditam asacchikatam aphassitam paññāya. Atītam anāgatam
 paccuppannam upādāya sabbe dhammā sabbākārena buddhassa
 bhagavato nāṇamukhe āpātham āgacchanti, yam kiñci neyyam nāma
 atthi tam sabbam jānitabbam, attattho vā parattho vā ubhayattho vā
 diṭṭhadhammiko vā attho samparāyiko vā attho uttāno vā attho
 gambhīro vā attho gūlho vā attho paṭicchanno vā attho neyyo vā attho
 nīto vā attho anavajjo vā attho nikkleso vā attho vodāno vā attho
 paramattho vā attho, sabbam tam antobuddhañāne parivattati.

Sabbam kāyakammam buddhassa bhagavato nāṇānuparivatti,
 sabbam vacīkammam buddhassa bhagavato nāṇānuparivatti, sabbam
 manokammam buddhassa bhagavato nāṇānuparivatti. Atīte buddhassa
 bhagavato appaṭihatam nāṇam, anāgate buddhassa bhagavato
 appaṭihatam nāṇam, paccuppanne buddhassa bhagavato appaṭihatam
 nāṇam, yāvatakam neyyam, tāvatakam nāṇam. Yāvatakam nāṇam,
 tāvatakam neyyam. Neyyapariyantikam nāṇam, nāṇapariyantikam
 neyyam, neyyam atikkamitvā nāṇam nappavattati, nāṇam atikkamitvā
 neyyapatho natthi, aññamaññapariyantaṭṭhāyino te dhammā, yathā
 dvinnam samuggapaṭalānam sammā phusitānam heṭṭhimam
 samuggapaṭilam uparimam nātivattati, uparimam samuggapaṭalam
 heṭṭhimam nātivattati, aññamaññapariyantaṭṭhāyino, evamevam
 buddhassa bhagavato neyyañca nāṇañca aññamaññapariyantaṭṭhāyino.
 Yāvatakam neyyam, tāvatakam nāṇam. Yāvatakam nāṇam, tāvatakam
 neyyam, neyyapariyantikam nāṇam, nāṇapariyantikam neyyam, neyyam
 atikkamitvā nāṇam nappavattati, nāṇam atikkamitvā neyyapatho natthi.
 Aññamaññapariyantaṭṭhāyino te dhammā. Sabbadhammesu buddhassa
 bhagavato nāṇam pavattati.

Sabbe dhammā buddhassa bhagavato āvajjanappaṭibaddhā
 ākañkhappaṭibaddhā manasikārappaṭibaddhā cittuppādappaṭibaddhā,
 sabbasattesu buddhassa bhagavato ñāṇam pavattati. Sabbesam sattānam
 buddho āsayam jānāti, anusayam jānāti, caritam jānāti, adhimuttim
 jānāti, apparajakkhe mahārajakkhe tikkhindriye mudindriye svākāre
 dvākāre suviññāpaye duviññāpaye bhabbābhabbe satte pajānāti,
 sadevako loko samārako sabrahmako sassamaṇabrahmaṇī pajā
 sadevamanussā antobuddhañāne parivattati.

Yathā ye keci macchakacchapā antamaso timitimiñgalam upādāya
 antomahāsamudde parivattanti, evameva sadevako loko samārako
 sabrahmako sassamaṇabrahmaṇī pajā sadevamanussā antobuddhañāne
 parivattati. Yathā ye keci pakkhino antamaso garuḷam venateyyam
 upādāya ākāsassa padese parivattanti, evameva yepi te sāriputtasamā
 paññāya, tepi buddhañāṇassa padese parivattanti, buddhañāṇam
 devamanussānam paññām pharitvā atighaṁsitvā tiṭhati. Yepi te
 khattiyanapaṇḍitā brāhmaṇapaṇḍitā gahapatipaṇḍitā samaṇapaṇḍitā nipiṇā
 kataparappavādā vālavedhirūpā, vohhindantā maññe caranti
 paññāgatena diṭṭhigatāni, te te pañham abhisāñkharitvā
 abhisāñkharitvā”ti¹—

ādinā niddiṭṭhapāliṁ peyyālamukhena saṁkhipitvā dassento
**“paññāpabhedakusalo pabhinnañāṇo -pa- te pañham abhisāñkharitvā
 abhisāñkharitvā”ti-ādimāha.**

Tattha pabhinnañāṇoti atthādīsu pabhedagatañāṇo. “Pabherañāṇo”tipi
 paṭhanti, soyeva attho. **Te pañhanti te te attanā adhippetam pañham.**
Niddiṭṭhakāraṇāti vissajjitakāraṇā. **Upakkhittakāti** bhagavato
 paññāveyyattiyena samipe khittakā antevāsikā sampajjanti.

1. Khu 9. 375 piṭhe Paṭisambhidāmagge.

Bhavati abhibhavatītī bhūri, kim? Rāgādim. Upasagge satipi tadeva padam tamaththam vadaṭītī upasaggena vināpi so attho viññeyyo anekatthattā dhātūnanti vuttam “abhibhuyyatī”ti. Kārakabyattayena cetam vuttam, tasmā **rāgam abhibhuyyatītī** sā sā maggapaññā attanā attanā vajjhām rāgam abhibhuyyati abhibhavati, maddatītī attho. Abhibhavatītī sā sā phalapaññā tam tam rāgam bhavi abhibhavi madditī **bhūripaññā**. “Abhibhavitā”ti vā pāṭho, “abhibhavitvā”tipi paṭhanti. Abhibhavitvātī ca kiriyāya siddhabhāvadassanam. Paññā ce siddhā, rāgābhībhavo ca siddho evāti. Sesesupi eseva nayo.

Rāgādīsu pana rajjanalakkhaṇo **rāgo**. Dussanalakkhaṇo **doso**. Muyhanalakkhaṇo **moho**. Kujjhanalakkhaṇo **kodho**, upanandhanalakkhaṇo **upanāho**. Pubbakālām **kodho**, aparakālām **upanāho**. Paraguṇamakkhanalakkhaṇo **makkho**, yugaggāhalakkhaṇo **palāso**. Parasampattikhīyanalakkhaṇā **issā**, attano sampattiniggūhanalakkhaṇam **macchariyām**. Attanā¹ katapāpappaṭicchādanalakkhaṇā **māyā**, attano avijjamānaguṇappakāsanalakkhaṇam **sāṭheyyarā**. Cittassa uddhumātabhāvalakkhaṇo **thambho**, karaṇuttariyalakkhaṇo **sārambho**. Unnatilakkhaṇo **māno**, abbhunnatilakkhaṇo **atimāno**. Mattabhāvalakkhaṇo **mado**, pañcakāmaguṇesu cittavossaggalakkhaṇo **pamādo**. Bhavati abhibhavati arinti **bhūri** asarūpato parassa akārassa lopam katvā. Tenāha “arim maddanipaññātī bhūripaññā”ti. Bhavati ettha thāvarajaṅgamanti **bhūri** vuccati pathavī yathā “bhūmī”ti bhūri viyāti **bhūripaññā** vitthatavipulaṭṭhena sabbam sahatāya ca. Tenāha “tāyā”ti-ādi. Tattha pathavisamāyātī vitthatavipulaṭṭheneva pathavisamāyā. **Vitthatāyātī** pajānitabbe visaye vitthatāya, na ekadese vattamānāya. **Vipulāyātī** uṭṭarabhūtāya. **Samannāgatoti** puggalo. **Iti-saddo** kāraṇatthe, iminā kāraṇena puggalassa bhūripaññāya samannāgatattā tassa paññā bhūripaññā nāmāti attho. “Bhūripaññāssa paññā bhūripaññāpaññā”ti vattabbe ekassa paññāsaddassa lopam katvā “bhūripaññā”ti vuttam.

1. Attano (Ka)

Apicāti paññāpariyāyadassanattham vuttam. **Paññāyat** metanti paññāya etam. **Adhivacananti** adhikam vacanam. **Bhūrīti** bhūte atthe khandhādike ramati saccasabhāvena, diṭṭhi viya na abhūteti bhūri. **Medhāti** asani viya siluccaye kilese medhati himsatī medhā, khippam gahaṇadhāraṇaṭṭhena vā medhā. **Parināyikāti** yassuppajjati, tam sattam attahitappaṭipattiyaṁ sampayuttadhamme ca yāthāvalakkhaṇappaṭivedhe pariṇetīti pariṇāyikā. Imeheva aññānipi paññāpariyāyavacanāni honti.

Paññābāhullanti paññā bahulā assāti paññābahulo, tassa bhāvo paññābāhullam. Tañca paññāya bāhullam pavatti evāti tamattham paññāgarukassa puggalassa vasena dassento “**idhekacco paññāgaruko hotī**”ti-ādimāha. Tattha **idhekaccoti** puthujjanakalyāṇako, ariyo vā. Paññā garu etassāti **paññāgaruko**. Paññāya carito pavattito **paññācarito**, paññāya caritam pavattam assāti vā **paññācarito**. Anulomikakhanti-ādivibhāgā paññā āsayo etassāti **paññāsayo**. Paññāya adhimutto tanninnoti **paññādhimutto**. Samussitaṭṭhena paññā dhajo etassāti **paññādhajo**. **Paññāketūti** tasева vevacanam. Paññānimittam ādhipateyyam etassāti **paññādhipateyyo**. Paññāsaṅkhāto vicayo, dhammasabhāvavicianam vā bahulam etassāti **vicayabahulo**. Nānappakārena dhammasabhāvavicianam bahulam assāti **pavicayabahulo**. Okkhāyanam yāthāvato dhammānam upaṭṭhānam bahulam etassāti **okkhāyanabahulo**. Paññāya tassa tassa dhammassa sammāpekkhanā sampekkhā, sampekkhāya ayanam pavattanam sampekkhāyanam, sampekkhāyanam dhammo pakati assāti **sampekkhāyanadhammo**. Sampekkhāyanam vā yāthāvato dassanadhammo sabhāvo etassāti **sampekkhāyanadhammo**. Sabbam dhammadjātam vibhūtam vibhāvitam katvā viharanāsīloti **vibhūtavihārī**.

Taccaritoti-ādīsu tam-saddena paññā paccāmaṭṭhā, tasmā tattha “paññācarito”ti-ādinā attho veditabbo. Sā paññā caritā garukā bahulā assāti **taccarito taggaruko tabbahulo**. Tassam paññāyam ninno poṇo pabbhāro adhimuttoti **tanninno tappoṇo tappabbhāro tadadhimutto**. Sā paññā adhipati tadadhipati, tadadhipatito

āgato **tadādhipateyyo**. **Paññāgarukoti**-ādīni “kāmam sevantamyeva jānāti, ayam puggalo nekkhammagaruko”ti-ādīsu¹ viya purimajātito pabhuti vuttāni. **Taccaritoti**-ādīni imissā jātiyā vuttāni. Idāni vuttamevatham nidassanavasenapi dassetum “yathā”ti-ādi vuttam. **Evamevanti**-ādīni dassitabbanigamanam.

Sīghapaññāti attano visaye sīghappavattikā paññā, yā samāraddhā attano paññākiccam adandhāyantī avitthāyantī khippameva sampāpeti. Tenāha “sīgham sīgham sīlāni paripūreti”ti-ādi. Tattha sīgham sīghanti bahūnam sīlādīnam saṅgahattham dvikkhattum vuttam. **Sīlānīti** cārittavārittavasena paññattāni pātimokkhasamvarasīlāni, ṭhapetvā vā indriyasamvaram tassa visum gahitattā itarāni tividhasīlāni.

Indriyasamvaranti cakkhādīnam channam indriyānam rāgapappātighappavesam akatvā satikavāṭena nivāraṇam thakanam. **Bhojane mattaññutanti** paccavekkhitaparibhogavasena bhojane pamāṇaññubhāvam. **Jāgariyānuyoganti** divasassa tīsu koṭṭhāsesu rattiyā paṭhamamajjhimakoṭṭhāsesu ca jāgarati na niddāyati, samaṇadhammadmameva karotīti jāgaro, jāgarassa bhāvo, kammaṁ vā jāgariyam, jāgariyassa anuyogo jāgariyānuyogo, tam jāgariyānuyogam. **Sīlakkhandhanti** sekkhām vā asekkham vā sīlakkhandham. Evamitarepi khandhā veditabbā.

Paññākkhandhanti maggapaññā ca sekkhāsekkhānam lokiyapaññā ca. **Vimuttikkhandhanti** phalavimutti. **Vimuttiñāṇadassanakkhandhanti** paccavekkhaṇāññam. Sīghapaññāniddesasadi soyeva lahupaññāniddeso, tathā hāsapaññāniddeso. Javanapaññāniddeso pana kalāpasammasananayena pavatto. Tikkhapaññāniddeso vīriyassa ussukkāpanavasena, nibbedhikapaññāniddeso sabbaloke anabhiratasāññāvasena pavatto. Tattha turitakiriyā **sīghatā**. Adandhatā **lahutā**. Vegāyatattam **khippatā**.

Hāsabahuloti pītabahulo. Sesapadāni tasseeva vevacanāni. Atha vā **hāsabahuloti** mūlapadam. **Vedabahuloti** tassā eva pītiyā sampayuttasomanassavedanāvasena niddesapadam. **Tuṭṭhibahuloti** nātibalavapītiyā tuṭṭhākāravasena. **Pāmojjabahuloti** balavapītiyā pamuditabhāvavasena. **Sīlāni paripūretī** haṭṭhappahaṭṭho

1. Khu 9. 118 piṭṭhe Paṭisambhidāmagge.

udaggūdaggo sampiyāyamāno sīlāni sampādeti. Pītisomanassasahagatā hi paññā abhirativasena ārammaṇe phullitā vikasitā viya pavattati, na evam upekkhāsahagatāti.

Aniccato khippam javatīti “khandhapañcakam aniccan”ti vegāyitena pavattati, paṭipakkhadūrīhāvena pubbābhisaṅkhārassa sātisayattā indena vissatthavajiram viya lakkhaṇam avirajjhantī adandhāyantī aniccalakkhaṇam vegasā paṭivijjhati, tasmā sā javanapaññā nāmāti attho. Sesapadesupi eseva nayo. Evam lakkhaṇārammaṇikavipassanāvasena javanapaññam dassetvā balavavipassanāvasena dassetum “**rūpan**”ti-ādi vuttam. Tattha **khayatthenāti** yattha yattha uppajjati, tattha tattheva bhijjanato khayasabhāvattā.

Bhayatthenāti bhayānakabhāvato. **Asārakaṭṭhenāti** attasāravirahato niccasārādivirahato ca. **Tulayitvāti** tulābhūtāya vipassanāpaññāya tuletvā. **Tīrayitvāti** tāya eva tīraṇabhūtāya tīretvā. **Vibhāvayitvāti** yāthāvato pakāsetvā pākaṭam katvā. Atha vā **tulayitvāti** kalāpasammasanavasena tulayitvā. **Tīrayitvāti** udayabbayānupassanāvasena tīretvā. **Vibhāvayitvāti** bhaṅgānupassanādivasena pākaṭam katvā. **Vibhūtarām katvāti** saṅkhārupekkhānulomavasena phuṭam katvā. **Rūpanirodheti** rūpakkhandhassa nirodhabhūte nibbāne. **Khippam javatīti** ninnapoṇapabbhāravasena javati pavattati. Idāni sikhāppattavipassanāvasena javanapaññam dassetum puna “**rūpan**”ti-ādi vuttam.

Ñāṇassa tikkhabhāvo nāma savisesam paṭipakkhasamucchindanena veditabboti “**khippam kilese chindatīti tikkhapaññā**”ti vatvā te pana kilese vibhāgena dassento “**uppannam kāmavitakkan**”ti-ādimāha.

Samathavipassanāhi vikkhambhanatadaṅgavasena pahīnampi ariyamaggena asamūhatattā uppattidhammatam anatītatāya asamūhatuppannanti vuccati, tam idha “**uppannan**”ti adhippetam. **Nādhivāsetīti** santānam āropetvā na vāseti. **Pajahatīti** samucchchedavasena pajahati. **Vinodetīti** khipati. **Byantim karotīti** vigatantam karoti. **Anabhāvam gametīti** anu abhāvam gameti, vipassanākkamena ariyamaggam patvā samucchchedavaseneva abhāvam gamayatīti attho. Ettha ca kāmappaṭisamyutto vitakko **kāmavitakko**. “Ime

sattā marantū”ti paresam marañappaṭisamyyutto vitakko **byāpādavitakko**. “Ime sattā vihimsiyantū”ti paresam vihimsāpaṭisamyyutto vitakko **vihimsāvitakko**. Pāpaketi lāmake. **Akusale dhammeti** akosallasambhūte dhamme. Tikkhapañño nāma khippābhiñño hoti, paṭipadā cassa na calatīti āha “ekamhi āsane cattāro ariyamaggā”ti-ādi.

“Sabbe saṅkhārā aniccā dukkhā vipariṇāmadhammā saṅkhatā paṭiccasamuppannā khayadhammā vayadhammā virāgadhammā nirodhadhammā”ti yāthāvato dassanena saccappaṭivedho ijjhati, na aññathāti kāraṇamukhena nibbedhikapaññam dassetum “**sabbasaṅkhāresu ubbegabahulo hotī**”ti-ādi vuttaṁ. Tattha **ubbegabahuloti** “sabbe saṅkhārā aniccā”ti-ādinā¹ nayena sabbasaṅkhāresu abhiñhappavattasamivego. **Uttasabahuloti** ñāṇabhayavasena sabbasaṅkhāresu bahuso utrastamānaso. Tena ādīnavānupassanamāha. **Ukkaṇthanabahuloti** saṅkhārato uddham visaṅkhārābhimukhatāya ukkaṇthanabahulo. Iminā nibbidānupassanamāha. **Aratibahuloti**-ādinā tassā eva aparāparūpapattiṁ. **Bahimukhoti** sabbasaṅkhārato bahibhūtam nibbānam uddissa pavattañāṇamukho. Tathā pavattitavimokkhamukho. Nibbijjhānam paṭivijjhānam nibbedho, so etissā atthīti nibbedhikā, nibbijjhātīti vā nibbedhikā, sā eva paññā **nibbedhikapaññā**. **Anibbiddhapubbanti** anamatagge samsāre antam pāpetvā anividdhapubbam. **Appadālitapubbanti** tasseva atthavacanam, antakaraṇeneva appadālitapubbanti attho. **Lobhakkhandhanti** lobharāsim, lobhakoṭṭhāsam vā.

Kāyagatāsativaggavaṇṇanā niṭṭhitā.

20. Amatavaggavaṇṇanā

600-611. Natthi ettha matam marañam vināsoti **amatam**, nibbānanti āha “marañavirahitam nibbānam paribhuñjantī”ti. Amatassa vā nibbānassa

1. Khu 1. 53 piṭṭhe Dhammapade.

adhigamahetutāya amatasadisa-atappakasukhapatitatāya ca kāyagatāsati “**amatān**”ti vuttā. **Paribhuñjantī** jhānasamāpajjanena vaļañjanti. **Viraddhanti** anadhigamena virajjhitam. Tenāha “**virādhitam nādhigatan**”ti. **Āradvanti** sādhitam nipphāditam. Tañca paripuṇṇam nāma hotīti āha “**āraddhanti paripuṇṇan**”ti. **Pamādiṁśūti** kālabyattayenedam vuttanti āha “**pamajjantī**”ti.

Iti manorathapūraṇiyā aṅguttaranikāyaṭṭhakathāya
Ekakanipātavaṇṇanāya anuttānatthadīpanā samattā.

Paṭhamo bhāgo niṭṭhito.

Aṅguttaraṭīkāya paṭhamabhāge

Saṃvaṇṇitapadānam anukkamanikā

Padānukkamo [A]	Pitṭhaṇko	Padānukkamo [A]	Pitṭhaṇko
Akakkasam	180	Aṭṭhakkuram	170
Akathitapubbo	82	Aṭṭhānam	211
Akalyako	76	Aṭṭhikam	272
Akiñcanam	196	Aṭṭhikalyāṇatā	187
Akusalapakkhikā	110	Aṭṭhittaco	68
Akusalabhbāgiyā	110	Adḍhacūlam	99
Aggadvārena	160	Aṇum	162
Aggipapaṭikam	79	Aṇusahagate	131
Aggo	127	Ati-añchitum	167
Aṅgasamkhitte	160	Aticaritā	207
Aṅgārapakkam	78	Atilīnatā	85
Aṅguttarāgamavaro	18	Atilūkhabhbāvam	113
Aṅgulaggena	142	Atīritam	125
Aṅguliyā	178	Atucchajjhāno	107
Acintitampi	147	Atulitam	125
Accantūpasamo	224	Attajjhāsayo	48
Accasarā	196	Atthāya	275
Accho	98	Atricchatā	112
Ajāto	72	Adantam	90
Ajjatagge	142	Adiṭṭham	125
Ajjhattam	266	Adiṭṭhajotanā	124
Ajjhattikam	117	Adhigamo	102
Ajjhāsayam	49	Adhipannassa	194
Ajjhesi	167	Adhimuccitvā	200
Ajjhopannā	102	Adhivahati	89
Aññatam	125	Anatikkamanto	72

Padānukkamo	Pitṭhaṇko	Padānukkamo	Pitṭhaṇko
[A]		[A]	
Anatthapadasaṁhitā	181	Antaraghare	181
Anadhiκam	134	Antaravatthum	209
Ananucchavikam	153	Apattāni	82
Ananuyogo	111	Apanetvā	19
Anapekkhino	193	Apāyo	97
Anabhāvaṁ	286	Apilāpeti	248
Anabhirati	77	Apeti	70
Anāvilo	98	Appakenapi	161
Aniccasaññam	273	Appagabbho	154
Aniṭṭhaṅgato	243	Appaṭipuggalo	138, 219
Anivattakena	137	Appaṭibhāgo	219
Anucchavikam	148	Appaṭisamo	219
Anujīvasi	147	Appamādo	111
Anutāpakarā	137	Abbokiṇṇam	113
Anuttaram	13	Abbhūm	208
Anudhāriyamāne	127	Abhinivesam	130
Anuddhatam	262	Abhinīhāram	49
Anupatanti	151	Abhinīhāro	220
Anupadhāretvā	198	Abhibhāyatanaṁ	266
Anupavajjaṁ	134	Abhisamayaṭṭho	33
Anubhosī	167	Abhisamayo	34
Anumatipucchā	125	Amatam	287
Anuvicinitvā	180	Ambilaggam	142
Anusari	147	Ayogo	116
Anussati	139	Ayyadhiṭṭā	152
Anūnam	134	Arati	77
Anejo	168	Arahantam	176
Anvāvajjanā	75	Arittajjhāno	107
Antam	80	Ariyavihāro	38
Antakena	194	Ariyasamgham	16

Padānukkamo	Pitṭhaṇko	Padānukkamo	Pitṭhaṇko
[A]		[Ā]	
Arūpasaññī	267	Ānantariyakammāni	212
Alābūneva	82	Ānantariyāni	122
Alīnam	262	Ānamanā	77
Alīnacittam	147	Ābhata	19
Avañjhām	183	Ābhidosikam	174
Avibhūtam	125	Ābhogo	75
Asam̄saṭṭhā	153	Āyatacakkhunetto	68
Asattam	176	Āyūhanasamaṅgītā	220
Asantuṭṭhitā	114	Āyūhanto	78
Asamasamo	219	Āraddhavīriyo	85
Asamugghātagatā	242	Ārambhatha	79
Asamo	219	Ārāmo	39
Asampajaññam	115	Ārogyasālam	184
Asammosena	30	Ālasyam	77
Asammohena	30	Ālimpesi	208
Asātaccakiriyatā	111	Āvāhamāngalam	187
Asītihatthā	153	Āvilo	98
Asubhanimittam	83	Āvutā	103
Asekhabhāgiyam	67	Āsabhīm	127
Assagandhīnī	70	Āsayavasena	68
Assāsaṭṭhānam	106	Āsīsetheva	145
Assutavā	101		
[Ā]		[I]	
Āgantukabhattam	200	Īngitam	167
Āgamo	102	Īcchāgatā	112
Ācikkhi	184	Īṇaparibhogo	108
Āṇākhettam	216	Itthākaro	152
Ātāpi	235	Itthijane	174
Ātāpo	235	Itthinimittam	197
Ādānam	130	Itthiyā	50, 70

Padānukkamo	Pitṭhaṇko	Padānukkamo	Pitṭhaṇko	
[I - Ī]				
Idamaṭṭhitā	151	Upapattinimittām	221	
Iddhipādām	244, 245	Upayogena	184	
Iddhiyā	79	Upavijaññā	177	
Iriyām	143	Upasamharitvā	104	
Iriyati	107	Upahaññati	222	
Iriyāpathavihāro	107	Upādānakkhandhā	239	
Iriyāpatho	38	Upāyena	232	
Īrayitabbato	250	Uppathamanasikāro	75	
[U]				
Ukkadḍhanti	167	Ubbaṭṭetvā	198	
Ukkaṇṭhitasaññām	273	Ummujji	113	
Ukkaṇṭhitā	77	Ussannadosām	252	
Ukkūlam	231	[E]		
Uggaho	102	Ekaṁso	232	
Ucchuyantakammām	258	Ekabuddhadhāraṇī	217	
Ucchūhi	229	Ekarājā	69	
Uñchācārena	232	[O]		
Uttamannānam	232	Okappento	256	
Uttamo	218	Okkhāyanabahulo	284	
Udakadaho	98	Oṭṭhaṭṭhivanaṇṇām	119	
Udakarahado	98	Oṭṭhamāṁsasammakkhano	71	
Udeti	69	Odhisopharaṇā	85	
Uddhaccām	78	Onameyya	218	
Uddhumātakām	271	Onayhati	76	
Upakappati	51	Onāho	76	
Upakkhittakā	282	Olambakā	152	
Upagato	13	Olīnavuttitā	111	
Upacitām	221	Olīyanā	76	
Upanāho	283	Olokentopi	49	

Padānukkamo	Pitṭhaṇko	Padānukkamo	Pitṭhaṇko
[O]		[Ka]	
Ovutā	103	Kāyūpapanno	68
Osāritam	218	Kālakiriyā	137
Osāretvā	153	Kāsāvakāṇṭhā	119
Oḷārike	131	Kilāsubhāvo	105
[Ka]		Kilitthadhātukāni	161
Kakkhaļattam	131	Kilesadhunano	150
Kaṅkhā	33	Kisathūlena	218
Katakāyo	159	Kukkuccam	78
Kadariyam	209	Kuñjaro	68
Kaddamībhūto	98	Kuṭam	79
Kampeyya	217	Kummāsam	174
Kammato	213	Kulagharam	182
Kammanto	153	Kulagharikā	164
Kamasamaṅgitā	220	Kerātikapakkham	255
Kammassakatā	84, 122	Kesavissajjanam	187
Karuṇasītalahadayam	5	Kokanadam	161
Kalāpaggam	149	Koṭi	127
Kalyāṇamittatā	84	Koṭibhūtā	142
Kasiṇanimitte	50	Koṭṭhaggam	149
Kāpotakāni	82	Kolāhalam	151
Kāpotikā	189	Kosajjam	111
Kāmacchando	73	[Kha]	
Kāmanandī	73	Khaṇḍo	222
Kāmaparilāho	73	Khayūpasamo	224
Kāmamucchā	73	Khalaggam	149
Kāmarāgo	73	Khalabhaṇḍaggam	149
Kāmasneho	73	Khippatā	285
Kāyadalhībahulo	257	Khīṇasavam	176
Kāyikam	85	Khīradhenum	257
		Khepetvā	50

Padānukkamo	Pitṭhaṇko	Padānukkamo	Pitṭhaṇko
[Ga]		[Ca]	
Gaṇhantassa	74	Catudosāpagatam	85
Gaṇhi	164	Candābhām	145
Gatiyo	266	Caleyya	217
Gativimuttam	9	Cārakato	198
Gadduhanamattampi	184	Cārim	161
Gadhitā	102	Ciraṭṭhitatthām	20
Ganthakammaṁ	81	Cūlupaṭṭhākam	230
Gandhadāmaṁ	148	Cetanāsamaṅgitā	220
Gandhamāṇḍalamāle	105	Cetiyam	200
Gamanākappam	184	Cetovimutti	234
Gameti	71	Codenti	119
Gahapatānī	210	[Cha]	
Gāravayutto	36	Chattamaṅgalam	187
Gāravena	159	Chavikalyāṇatā	187
Giddhā	102	Chasarīradosarahitā	187
Gītasaddo	68	Chādentam	218
Guṇasampatti	220	[Ja - Jha]	
Guttā	69	Janapadakalyāṇī	187
Guļadadhīm	167	Jambhanā	77
Guļo	222	Jalapathakammikena	161
Gotamī	192	Jāgariyānuyogam	285
Gotrabhuno	119	Jātikhettam	216
[Gha]		Jātisamsāram	80
Ghaṭentasseva	82	Jīvakesadhātuyā	200
Ghanabahalam	97	Jetṭhakam	68
Gharamaṅgalam	187	Jetṭho	218
Ghātetvā	203	Jhānaṅgehi	160
[Ca]		Jhāyī	168
Cakkhumā	69	Jhāyeyyuṁ	144
Caṇḍikatam	180		

Padānukkamo	Pitṭhaṇko	Padānukkamo	Pitṭhaṇko		
[Ŋa - Ṭha]			[Da]		
Ñātatthacariyā	126	Ditṭhasaṁsandanā	124		
Ñāpane	43	Ditṭhekaṭṭhe	131		
Thānantare	150	Dibbavihāro	38		
[Ta]			[Da]		
Tathameva	133	Dibbāni	165		
Tathāgato	134, 135	Divasaṁ	69		
Tadaṅgappahānaṁ	82	Dīpakamigapakkhino	79		
Tandikato	218	Dīparukkhānaṁ	155		
Tandī	77	Dīpavāsīnaṁ	19		
Tapacāraṁ	191	Dukkhā	236		
Tāñaya	194	Dukkhūpanisā	79		
Tipallatthām	170	Dukkhena	89		
Tumbo	99	Duggati	97		
Tejussadattā	211	Duggandho	70		
Tejena	184	Duṭṭhullām	77		
[Tha]			[Da]		
Thambho	283	Duppesanato	89		
Thāmagato	243	Dullabhassavanām	210		
Thinām	76	Dussantappayo	112		
Therām	79	Desentassa	74		
Theravāmaśadīpānaṁ	19	[Dha]			
[Da]			[Dha]		
Daratho	251	Dhanāyantā	263		
Dassanānuttariyām	139	Dhammaṁ	13		
Dāyajjaparibhogo	108	Dhammadhikapuṅgavā	18		
Dāsikagāmā	153	Dhammakkhānaṁ	126		
Ditṭhadhammiko	98	Dhammatṭhitīñāṇām	277		
		Dhammanetti	33		
		Dhammapīti	188		
		Dhammadhicca	250		
		Dhutaṅga-appiccho	113		

Padānukkamo	Pitṭhaṇko	Padānukkamo	Pitṭhaṇko
[Dha]		[Na]	
Dhutadhammā	21, 150	Nimujjanummujjanavasena	184
Dhuto	150	Nirābādhānam	184
Dhurapattāni	148	Nirāmagandhā	169
Dhurabhattam	200	Nirodhadhammam	277
[Na]		[Pa]	
Nakkhattam	152	Pakāsentassa	74
Nandim	130	Pakkhikabhattam	200
Nameyya	218	Paggharaṇam	131
Navutihatthāni	148	Pacalāyikabhāvo	76
Naṭāgāram	80	Paccaya-appiccho	113
Nānattasaññāyo	129	Paccavekkhanto	106
Nikkamatha	79	Paccekabuddhā	103
Nikkesī	159	Pañcakalyāṇasammannāgatā	187
Nikkhamm	152	Paññāgaruko	284
Nikkhittadhuratā	111	Paññācarito	284
Nikkhittassa	47	Paññādhajo	284
Niggayhvādīm	190	Paññādhipateyyo	284
Niccasaññām	130	Paññādhimutto	284
Nidānam	23	Paññāpubbaṅgamāya	30
Nidhīnam	190	Paññāvuddhiyā	277
Nippatti	138	Paññāsaṅkalananicchayo	21
Nibbānaparāyaṇam	196	Paññāsayo	284
Nibbānapariyosānam	196	Paṭikkhepavatthūsu	151
Nibbānogadham	196	Paṭighanimittam	76
Nibbidānupassanāya	130		
Nibbindeyya	145		
Nibbedhabhāgiyam	67		
Nibbedhikapaññā	287		
Nimantetvā	159		

Padānukkamo	Pitṭhaṇko	Padānukkamo	Pitṭhaṇko
[Pa]		[Pa]	
Paṭighasaññā	129	Paramattho	121
Paṭicchannā	103	Paramasantuṭṭhova	115
Paṭinissaggānupassanā	130	Paravambhanavasena	180
Paṭippassaddhippahānam	83	Parāmaṭṭho	243
Paṭibalassa	79	Pariggaṇhāti	278
Paṭimā	138	Parigahalakkhaṇā	131
Paṭiyādetvā	152	Paricchedo	211
Paṭisaṅkhānam	84	Paritassitā	77
Paṭisamo	138	Paribhuñjanti	288
Paṭihārakassa	188	Pariyatti-appiccho	113
Paṭtabandho	187	Pariyesanto	124
Paṇakam	98	Parissāvetvā	163
Paṇamanā	77	Parihīnajjhānassa	74
Paṇiyam	159	Parosahassam	144
Patikīṭham	117	Palāyi	184
Pattadāmam	148	Palālavaraṇakam	79
Pathabyā	68	Palāso	283
Pathavippabhāso	69	Palibuddhā	103
Padavibhāgo	23	Palibodho	270
Padumuttaro	148	Pavattāram	190
Padhānakammikā	82	Pavivekatā	151
Panūdanāya	85	Pāpamittatā	116
Pantesu	77	Pāpicchatā	112
Pabbajā	220	Pābhatena	161
Pabbatagahanaṁ	69	Pāyāsassa	208
Pabhassaram	99	Pāyāsirañño	182
Pamāṇena	218	Pāricariyā	139
Payogo	116	Pārijuññam	175
Parajjhāsayo	48	Pārupanakaṇṭam	152
Parapariyāpannā	193	Pāleti	107

Padānukkamo	Pitṭhaṇko	Padānukkamo	Pitṭhaṇko
[Pa]		[Ba]	
Piṇḍāpacitīm	81	Buddhabhāvam	13
Piyānam	179	Buddhicariyā	126
Pihitā	103	Bodhiyā	116
Pīṇayati	250	Byantīm	286
Pīḷanam	34	Byādhiyakam	77
Puññam	17	Byāpādo	76
Puññaniyāmena	152	Byāsattamanasam	199
Puttapasusammattam	199	Brahmavihārā	38
Puthujjanā	102	Brāhmaṇā	69
Pupphadāmam	152	Brūhetvā	127
Pubbacariyā	126	[Bha]	
Pubbayogo	126	Bhaginīnam	162
Puḷavakam	272	Bhajeyya	190
Pekkha	208	Bhattakilamatho	77
Posenti	163	Bhattapariṭṭāho	77
[Pha]		Bhattabyāpatti	76
Phāṇitam	222	Bhattamucchā	77
Phālenti	184	Bhattavaḍḍhitakam	267
Phāsukakāle	184	Bhāgini	209
Phuṭo	275	Bhātā	160
Phussaratham	152	Bhāvetvā	13
[Ba]		Bhikkhanadhammatā	44
Bandhavā	194	Bhikkhanasīlatā	44
Balam	115	Bhiyyobhāvāya	72
Bahimukho	287	Bhuttāvissa	77
Bāhiram	117	Bhutvāvigatuppannam	240
Bāhullāya	74	Bhūtakāraṇā	121
Bujjhakanakasattassa	116	Bhūtāpagatuppannam	240
		Bhūmiyo	242

Padānukkamo	Pitṭhaṇko	Padānukkamo	Pitṭhaṇko	
[Ma]				
Maṁsakalyāṇatā	187	Muttaharītakam	115	
Makkho	283	Mettā	84	
Maṇivāṇe	82	Metti	176	
Manāpānaṁ	179	Medhāvīṁ	190	
Manomayena	155	Moghapurisa	177	
Mamāyati	263	Morakukkuṭikāya	70	
Maranti	184	[Ya]		
Marū	128	Yakkhāvatṭo	200	
Mahaṭṭhiyam	109	Yathālābhasantoso	115	
Mahapphalam	109	Yantabaddhāni	153	
Mahallakatarā	163	Yuganaddhā	243	
Mahā-avijjam	97	Yogakkhemāya	275	
Mahājutikam	109	Yogo	116	
Mahābodhimando	136	[Ra]		
Mahābhūti	81	Rajjateva	70	
Mahāvippaharam	109	Rañā	162	
Mahāsamayo	33	Ratanam	17	
Mahāhatthī	68	Rattā	102	
Mahicchatā	112	Rahogato	177	
Mahoghova	199	Rāgaṭṭhāniyam	75	
Mātuccham	193	Rājakakudhabhaṇḍam	152	
Māpako	169	Rāmaṇeyyakam	231	
Māyā	283	Rittako	156	
Mārasenamathanā	16	Ruppati	50	
Mālādāmam	148	Rūpagarukānam	49	
Migarūpāni	200	Rūpasaññā	129	
Migo	68	Rūpūpapattiyā	50	
Middham	76	Rodantiyā	69	
Muṇḍapīṭhakam	142			

Padānukkamo	Pitṭhaṇko	Padānukkamo	Pitṭhaṇko
[La]		[Va]	
Laggā	102	Vavassaggo	232
Laggitā	103	Vasino	19
Laddhamaggam	82	Vasikatā	166
Lahutā	285	Vācentassa	74
Lābhītāya	160	Vārabhikkham	193
Lābho	139	Vārijo	68
Liṅgasampatti	220	Vāsanābhāgiyam	66
Līnam	77	Vāhetvā	167
Luṭito	98	Vālamigaṭṭhāne	208
Lūkhehi	199	Vikireyya	218
Lokāmisena	153	Vikūlam	231
Lokiyam	67	Vikkantam	147
Lobhakkhandham	287	Vikkami	128
Lomāni	161	Vikkhambhanappahānam	82
Lohitakam	272	Vikkhāyatakam	272
[Va]		Vikkhittakam	272
Vaṅgapatṭe	148	Vikkhittacittā	45
Vacanakiriyāya	233	Vigatadosam	19
Vajjadassinam	190	Vicayabahulo	284
Vaṭarukkham	208	Vicikicchā	78
Vatṭapaṭilābhāya	88	Vicchiddakam	272
Vatte	222	Vijambhanā	77
Vaḍḍhitavaḍḍhanā	277	Viññāpanim	180
Vaḍḍhitappamāṇāni	267	Vitthambhanam	131
Vattamānuppannam	240	Viddhamseyya	218
Vanasabhāgam	162	Vidhameyya	218
Vandanāmayaṁ	17	Vidhāvanikanam	163
Vayakalyāṇatā	187	Vinamanā	77
Vayadhammam	277	Vinameyya	218

Padānukkamo	Pitṭhaṇko	Padānukkamo	Pitṭhaṇko
[Va]		[Sa]	
Vinipāto	97	Samgharāji	214
Vinibaddho	243	Samyogābhinivesam	130
Vinīlakam	271	Sakkarā	222
Vinodeti	286	Saṅkham	98
Vipākārahām	221	Saṅgītā	19
Vipubbakam	272	Saccakārena	188
Vippaṭisāro	78	Saccakāro	151
Vippasanno	98	Saccavippatikūlena	75
Vibhūtavihārī	284	Sacchikatvā	13
Vimati	33	Sajjhāyantassa	74
Vimaticchedanā	125	Satasākho	153
Viraddham	288	Sativossaggam	74
Virāgānupassanāya	130	Satisampajañnam	251
Visaṅkharitvā	79	Sattādhiṭṭhānam	67
Visakaṇṭako	222	Satthāradassanām	220
Visikādassanām	51	Saddahanto	255
Visiṭṭho	218	Saddhammā	227
Visuddhipavāraṇām	82	Saddhādhure	247
Vissaṭṭhajjhānassa	74	Sanarāmaralokagarum	7
Vissatthā	197	Santāpo	34
Vissāsiko	151	Sandacchāyam	203
Vihassati	80	Sabbakilese	131
Vīriyam	250	Sabhāgasabhāgānam	178
Vusitam	157	Samaṇakapabbajjam	152
Vedagū	69	Samanupassanā	49
Vepullāya	72	Samannāhāro	75
Vossaggānuppadānam	111	Samayappavādake	33
[Sa]		Samayo	34
Samkilesabhāgiyam	66	Samā	128
Samkilesikā	243	Samādhikammikassa	255

Padānukkamo	Pitṭhaṇko	Padānukkamo	Pitṭhaṇko
[Sa]		[Sa]	
Samādhigālho	160	Sārade	82
Samānapaṇṇam	152	Sāruppaṁ	115
Samijjhati	220	Sālā	208
Samucchedappahānam	83	Sālisūkam	96
Samuddhari	147	Siṅgī	68
Samupādikā	218	Siddhatthakam	199
Samodhānam	132	Sīghatā	285
Samosaraṇam	132	Sīlakathā	21
Sampajāno	235	Sīlāni	270
Sampatijāto	127	Sīsānulokiko	158
Samparāyo	98	Sīhanādikānam	156
Samparikiṇṇam	209	Sukkhavipassakā	118
Sampekkhāyanadhammo	284	Sukhā	236
Sambojjhaṅgo	249	Sugatam	9, 176
Sammasitvā	158	Sutavā	103
Sammādiṭṭhi	225	Sutavittako	188
Sammuti	121	Suttanikkhepo	48
Saraṇaṭṭhena	248	Sunakhavājiko	221
Salākagāhakā	175	Sunipuṇavinicchayā	20
Salākabhattam	200	Supanihitō	166
Sallekhatā	151	Suppiyo	68
Sallekhitaṁ	106	Subhanimittam	72
Savanam	139	Suvaṇṇakaṭake	208
Sahapamukīlitā	149	Suvaṇṇapūjām	160
Sākacchitvā	167	Suvihatantarāyo	17
Sāṭheyyam	283	Sūpaṭṭhitā	266
Sādhukāritā	44	Sūrabhāvam	195
Sādhukīlitam	152	Sūriyābhām	145
Sāpateyyam	248	Seṭṭho	218
Sāram	132	Sevalam	98

Padānukkamo	Pitṭhaṅko	Padānukkamo	Pitṭhaṅko
[Sa]		[Ha]	
Son̄itagandhinī	70	Harissavaṇṇo	69
Sodhetvā	270	Hāpetabbam	254
[Ha]		Hāretvā	72
Hatavikkhittakam	272	Hāsabahulo	285
Harati	107	Hitatthāya	124
Haritūpalittāya	163	Hitapharaṇam	106, 234
		Hīnādhikajanasevitam	44